

Suttantapiṭake Majjhimanikāye
Mūlapaṇṇāsapāliyā saṁvaṇṇanābhūtā
Bhadantamahābuddhaghosattherena katā

Papañcasūdanī nāma

MŪLAPAṆṆĀSATṬHAKATHĀ

(Dutiyo bhāgo)



Buddhavasse 2552

Marammavasse 1370

AD. 2008

Romanized from Myanmar version published in 1957

© Buddhasāsana Society

Aṭṭhakathā Series 11

First published in 2008 by Ministry of Religious Affairs

Yangon, Myanmar

THE PĀLI ALPHABET
IN BURMESE AND ROMAN CHARACTERS

VOWELS

အ a အာ ā ဣ i ဤ ī ဥ u ဦ ū ဧ e ဩ o

CONSONANTS WITH VOWEL "A"

က ka	ခ kha	ဂ ga	ဃ gha	င ṅa
စ ca	ဆ cha	ဇ ja	ဈ jha	ည ṇa
ဋ ta	ဌ tha	ဍ ḍa	ဎ ḍha	ဏ ṇa
တ ta	ထ tha	ဒ da	ဓ dha	န na
ပ pa	ဖ pha	ဗ ba	ဘ bha	မ ma

ယ ya ရ ra လ la ဝ va သ sa တ ha ဠ ḷa ၵ ṁ

VOWELS IN COMBINATION

-၁ ၵ = ā ၵ = i ၵ = ī ၵ - ၵ = u ၵ - ၵ = ū - = e -၁ ၵ = o

က ka	ကာ kā	ကိ ki	ကီ kī	ကု ku	ကူ kū	ကေ ke	ကော ko
ခ kha	ခါ khā	ခိ khi	ခီ khī	ခု khu	ခု khū	ခေ khe	ခေါ kho ...

CONJUNCT-CONSONANTS

ကက kka	ဃ န္ဂha	ဏ န္ဓha	ဈ သ္ဃa	ဠ ပာ	ဣ လာ
ကွ kka	ဣ င္ဂa	ဣ န္ဓa	ဣ သ္ဃa	ဣ ပာ	ဣ လာ
ကျ kya	ဣ င္ဂha	ဣ န္ဓa	ဣ န္ဓa	ဣ ဗ္ဃa	ဣ လာ
ကြိ kri	ဣ ဣa	ဣ န္ဓa	ဣ န္ဓa	ဣ ဗ္ဃa	ဣ ဖာ
ကလ kla	ဣ ဣာ	ဣ တာ	ဣ န္ဓha	ဣ ဗာ	ဣ တာ
ကွ kva	ဣ ဣာ	ဣ တာ	ဣ န္ဓa	ဣ မာ	ဣ တာ
ချ khya	ဣ ဣာ	ဣ တာ	ဣ န္ဓa	ဣ မာ	ဣ တာ
ခွ khva	ဣ ဣာ	ဣ တာ	ဣ န္ဓa	ဣ မာ	ဣ တာ
ဂွ gga	ဣ ဣာ	ဣ တာ	ဣ န္ဓa	ဣ မာ	ဣ တာ
ဣွ ggha	ဣ ဣာ	ဣ တာ	ဣ န္ဓa	ဣ မာ	ဣ တာ
ဂျ gya	ဣ ဣာ	ဣ တာ	ဣ န္ဓa	ဣ မာ	ဣ တာ
ဂြ gra	ဣ တာ	ဣ သာ	ဣ ပာ	ဣ မာ	ဣ တာ
ကံ ṅka	ဣ တာ	ဣ သာ	ဣ ပာ	ဣ မာ	ဣ တာ
ခံ ṅkha	ဣ တာ	ဣ သာ	ဣ ပာ	ဣ မာ	ဣ တာ
ဝံ ṅga					

၁	၂	၃	၄	၅	၆	၇	၈	၉	၀
1	2	3	4	5	6	7	8	9	0

Mūlapaṇṇāsattakathā

Dutiyabhāga

Mātikā

Piṭṭhāṅka

3. Opammavagga

1. Kakacūpamasuttavaṇṇanā	1
2. Alagaddūpamasuttavaṇṇanā	9
3. Vammikasuttavaṇṇanā	26
4. Rathavinītasuttavaṇṇanā	40
Dhammagarubhāvavaṇṇanā	41
Appicchātādivaṇṇanā	44
Dvādasavidhasantosavaṇṇanā	47
Tividhapavivekavaṇṇanā	49
Pañcavidhasaṃsaggavaṇṇanā	50
Gāhagāhakādivaṇṇanā	52
Pañcalābhavaṇṇanā	54
Cārikādivaṇṇanā	54
Sattavisuddhipañhavaṇṇanā	60
Sattarathavinītavaṇṇanā	63
5. Nivāpasuttavaṇṇanā	65
6. Pāsārāsīsuttavaṇṇanā	69
7. Cūḷahatthipadopamasuttavaṇṇanā	98
8. Mahāhatthipadopamasuttavaṇṇanā	121
9. Mahāsāropamasuttavaṇṇanā	134
10. Cūḷasāropamasuttavaṇṇanā	135

Mātikā		Piṭṭhaṅka
4. Mahāyamakavagga		
1. Cūḷagosiṅgasuttavaṇṇanā	...	138
2. Mahāgosiṅgasuttavaṇṇanā	...	147
3. Mahāgopālakasuttavaṇṇanā	...	159
4. Cūḷagopālakasuttavaṇṇanā	...	167
5. Cūḷasaccakasuttavaṇṇanā	...	169
6. Mahāsaccakasuttavaṇṇanā	...	185
7. Cūḷataṇhāsāṅkhasuttavaṇṇanā	...	196
8. Mahātaṇhāsāṅkhasuttavaṇṇanā	...	205
9. Mahā-assapurasuttavaṇṇanā	...	212
10. Cūḷa-assapurasuttavaṇṇanā	...	225
5. Cūḷayamakavagga		
1. Sāleyyakasuttavaṇṇanā	...	227
2. Verañjakasuttavaṇṇanā	...	234
3. Mahāvedallasuttavaṇṇanā	...	234
4. Cūḷavedallasuttavaṇṇanā	...	255
5. Cūḷadhammasamādānasuttavaṇṇanā	...	269
6. Mahādhammasamādānasuttavaṇṇanā	...	273
7. Vīmaṅsakasuttavaṇṇanā	...	277
8. Kosambiyasuttavaṇṇanā	...	287
9. Brahmanimantanikasuttavaṇṇanā	...	302
10. Māratajjanīyasuttavaṇṇanā	...	312

Mūlapaṇṇāsattḥakathāya dutiyabhāge mātikā niṭṭhitā.

Majjhimanikāya

Mūlapaṇṇāsattakathā

Namo tassa Bhagavato Arahato Sammāsambuddhassa.

3. Opammavagga

1. Kakacūpamasuttavaṇṇanā

222. **Evaṃ me sutanti** Kakacūpamasuttaṃ. Tattha **Moḷiyaphaggunoti** **moḷīti** cūḷā vuccati. Yathāha—

“Chetvāna moḷim varagandhavāsitaṃ,
Vehāyaṃ ukkhipi Sakyapuṅgavo.
Ratanacaṅkoṭavarena vāsavo,
Sahassanetto siraṣā paṭiggahī”ti.

Sā tassa gihikāle mahatī ahosi, tenassa **Moḷiyaphaggunoti** saṅkhā udapādi. Pabbajitampi naṃ teneva nāmena sañjānanti. **Ativelanti** velaṃ atikkamivā. Tattha kālavelā, sīmavelā, sīlavelāti tividhā velā. “Tāyaṃ velāyaṃ imaṃ udānaṃ udānesī”ti¹ ayaṃ kālavelā nāma. “Ṭhitadhammo velaṃ nātivattati”ti² ayaṃ sīmavelā nāma. “Velā-anatikkamo setughāto”ti³ ca “velā cesā avitikkamanaṭṭhenā”ti ca ayaṃ sīlavelā nāma. Taṃ tividhampi so atikkamiyeva. Bhikkhuniyo hi ovaditum kālo nāma atthi, so atthaṅgatepi

1. Vi 3. 2; Khu 1. 75 piṭṭhe.

2. Vi 4. 419; Khu 1. 140; Am 3. 39 piṭṭhesu.

3. Abhi 1. 76 piṭṭhe.

sūriye ovadanto taṃ kālavelampi atikkami. Bhikkhunīnaṃ ovāde paṃāṇaṃ nāma atthi sīmā mariyādā, so uttarichappañcavācāhi ovadanto taṃ sīmavelampi atikkami. Kathento pana davasahagataṃ katvā duṭṭhullāpattipahonakaṃ katheti, evaṃ sīlavelampi atikkami.

Saṃsaṭṭhoti missībhūto samānasukhadukkho hutvā. **Sammukhāti** purato. **Avaṇṇaṃ bhāsatīti** tā pana pacanakoṭṭanādīni karontiyo disvā natthi imāsaṃ anāpatti nāma, imā bhikkhuniyo anācārā dubbacā¹ pagabbhāti aguṇaṃ katheti. **Adhikaraṇampi karotīti** imesaṃ bhikkhūnaṃ imā bhikkhuniyo diṭṭhakālato paṭṭhāya akkhīni dayhanti, imasmim vihāre pupphapūjā vā āsanadhovanaparibhaṇḍakaraṇādīni vā imāsaṃ vasena vattanti. Kuladhītarō etā lajjiniyo, tumhe imā² idaṅcīdaṅca vadatha, ayaṃ nāma tumhākaṃ āpatti hoti, vinayadharānaṃ santikaṃ āgantvā vinicchayaṃ me dethāti adhikaraṇaṃ ākaḍḍhati.

Moḷiyaphaggunassa avaṇṇaṃ bhāsatīti natthi imassa bhikkhuno anāpatti nāma. Niccakālaṃ imassa pariveṇadvāraṃ³ asuññaṃ bhikkhunīhīti aguṇaṃ katheti. **Adhikaraṇampi karontīti** imesaṃ bhikkhūnaṃ Moḷiyaphaggunattherassa diṭṭhakālato paṭṭhāya akkhīni dayhanti. Imasmim vihāre aññesaṃ vasanaṭṭhānaṃ oloketumpi na sakkā. Vihāraṃ āgatabhikkhuniyo ovādaṃ vā paṭisaṅghāraṃ vā uddesapadaṃ vā therameva nissāya labhanti, kulaputtako lajji kukkuccako, evarūpaṃ nāma tumhe idaṅcīdaṅca vadatha, etha vinayadharānaṃ santike vinicchayaṃ dethāti adhikaraṇaṃ ākaḍḍhanti.

So bhikkhu Bhagavantaṃ etadavocāti neva piyakamyatāya na bhedādhīppāyena, atthakāmatāya avoca. Evaṃ kirassa ahoṣi “imassa bhikkhussa evaṃ saṃsaṭṭhassa viharato ayaso uppajjissati. So sāsanassāpi avaṇṇoyeva. Aññena pana kathito ayaṃ na oramissati, Bhagavatā dhammaṃ desetvā ovadito oramissati”ti tassa atthakāmatāya Bhagavantaṃ etaṃ “āyasmā bhante”ti-ādivacanaṃ avoca.

223. **Āmantehīti** jānāpehi. **Āmantetīti** pakkosati.

1. Dubbatā (Sī)

2. Imāsaṃ (Syā)

3. Pariveṇaṭṭhānaṃ (Syā, Ka)

224. **Saddhā**ti saddhāya. **Tasmā**ti yasmā tvaṃ kulaputto ceva saddhāpabbajito ca, yasmā vā te etāhi saddhim saṃsaṭṭhassa viharato ye tā akkosissanti vā, paharissanti vā, tesu domanassam uppajjissati, saṃsagge pahīne nuppajjissati, tasmā. **Tatrā**ti tasmim̄ avaṇṇabhāsane. **Gehasitā**ti pañcakāmaguṇanissitā. **Chandā**ti taṇhāchandāpi paṭighachandāpi. **Vipariṇatanti** rattampi cittaṃ vipariṇataṃ. Duṭṭhampi, mūḷhampi cittaṃ vipariṇataṃ. Idha pana taṇhāchandavasena rattampi vaṭṭati, paṭighachandavasena duṭṭhampi vaṭṭati. **Hitānukampī**ti hitena anukampamāno hitena pharamāno. **Na dosantaroti** na dosacitto bhavissāmi.

225. **Atha kho Bhagavā**ti kasmā ārabhi? Phaggunassa kira ettakam ovādaṃ sutvāpi¹ “bhikkhunisaṃsaggato oramissāmi viramissāmī”ti cittampi na uppannam, Bhagavatā pana saddhim paṭāṇi viya paṭiviruddho aṭṭhāsi, athassa Bhagavato yathā nāma jighacchitassa bhojane, pipāsitassa pāniye, sītena phuṭṭhassa uṇhe dukkhitassa sukhe patthanā uppajjati, evameva imam dubbacāṃ bhikkhum̄ disvā paṭhamabodhiyaṃ subbacā² bhikkhū āpātham̄ āgamimsu. Atha tesam̄ vaṇṇam̄ kathetukāmo hutvā imam̄ desanam̄ ārabhi.

Tattha **ārādhayimsū**ti gaṇhimsu pūrayimsu. **Ekam̄ samayanti** ekasmim̄ samaye. **Ekāsanabhojananti** ekam̄ purebhattabhojanam̄. Sūriyuggamanato hi yāva majjhanhikā sattakkhattum̄³ bhuttabhojanampi idha ekāsanabhojananteva adhippetam̄. **Appābādhatanti** nirābādhatam̄. **Appātaṅkatanti** niddukkhatam̄. **Lahuṭṭhānanti** sarīrassa sallahukam̄ uṭṭhānam̄. **Balanti** kāyabalam̄. **Phāsuvihāranti** kāyassa sukhavihāram̄. Iminā kim̄ kathitam̄? Divā vikālabhojanam̄ pajahāpitakālo kathito. Bhaddālisutte pana rattim̄ vikālabhojanam̄ pajahāpitakālo kathito. Imāni hi dve bhojanāni Bhagavā na ekappahārena pajahāpesi. Kasmā? Imāneva hi dve bhojanāni vaṭṭe sattānam̄ āciṇṇāni. Santi kulaputtā sukhumāla, te ekato dvepi bhojanāni pajahantā kilamanti. Tasmā ekato apajahāpetvā ekasmim̄ kāle divā vikālabhojanam̄, ekasmim̄ rattim̄ vikālabhojananti visum̄ pajahāpesi. Tesu idha divā vikālabhojanam̄ pajahāpitakālo

1. Katvāpi (Syā, Ka)

2. Subbacāpi (Sī, Syā)

3. Satakkhattum̄ (Sī), dasakkhattum̄ (Syā)

kathito. Tattha yasmā Buddhā na bhayaṃ dassetvā tajjetvā pajahāpentī, ānisaṃsaṃ pana dassetvā pajahāpentī, evaṃ hi sattā sukhena pajahanti. Tasmā ānisaṃsaṃ dassento ime pañca guṇe dassesi. **Anusāsani karaṇīyāti** punappunam sāsane kattabbaṃ nāhosi. “Idaṃ karoṭha idaṃ mā karoṭhā”ti satuppādakaraṇīyamattameva ahosi. Tāvattakeneva te kattabbaṃ akaṃsu, pahātabbaṃ pajahiṃsu, paṭhamabodhiyaṃ bhikkhave subbacā bhikkhū ahesuṃ assavā ovādapāṭikarāti.

Idāni nesaṃ subbacabhāvadīpikaṃ upamaṃ āharanto **seyyathāpīti**-ādimāha. Tattha **subhūmiyanti** samabhūmiyaṃ. “Subhūmyaṃ sukhette vihatakhāṇuke bījāni paṭiṭṭhapeyyā”ti¹ ettha pana maṇḍabhūmi subhūmīti ātatā. **Catumahāpatheti** dvinnaṃ mahāmaggānaṃ vinivijjhivā gataṭṭhāne. **Ājaññarathoti** vinīta-assaratho. **Odhastapatodoti** yathā rathaṃ abhiruhitvā ṭhitena sakkā hoti gaṇhituṃ, evaṃ ālambanaṃ nissāya tiriyato ṭhapitapatodo. **Yoggācariyoti** assācariyo. Sveva assadamme sāretīti **assadammasārathi**. **Yenicchakanti** yena yena maggena icchati. **Yadicchakanti** yaṃ yaṃ gatiṃ icchati. **Sāreyyāti** ujukaṃ purato peseyya. **Paccāsāreyyāti** paṭinivatteyya.

Evameva khoti yathā hi so yoggācariyo yena yena maggena gamaṇaṃ icchati, taṃ taṃ assā āruḥhāva honti. Yāya yāya ca gatiyā icchati, sā sā gati gahitāva hoti. Rathaṃ pesetvā assā neva vāretabbā na vijjhatabbā honti. Kevalaṃ tesāṃ same bhūmibhāge khuresu nimittaṃ ṭhapetvā gamaṇameva passitabbaṃ hoti. Evaṃ mayhampi tesu bhikkhūsu punappunam vattabbaṃ nāhosi. Idaṃ karoṭha idaṃ mā karoṭhāti satuppādanamattameva kattabbaṃ hoti. Tehipi tāvadeva kattabbaṃ katameva hoti, akattabbaṃ jahitameva. **Tasmāti** yasmā subbacā yuttayānapaṭibhāgā hutvā satuppādanamatteneva pajahiṃsu, tasmā tumhepi pajahathāti attho. **Elaṇḍehīti** elaṇḍā kira sālādūsanā honti, tasmā evamāha. **Visodheyāti** elaṇḍe ceva aññā ca valliyo chinditvā bahi nīharaṇena sodheyya. **Sujātāti** susaṇṭhitā. **Sammā parihareyyāti** mariyādaṃ bandhitvā udakāsīñcanenapi kālenakālaṃ

1. Dī 2. 280 piṭṭhe.

mūlamūle khaṇanēnapi¹ valligumbādicchedanēnapi kipillapūṭakaharaṇēnapi makkatākajālasukkhadaṇḍakaharaṇēnapi sammā vadḍhetvā poseyya.

Vuddhi-ādīni vuttatthāneva.

226. Idāni akkhanṭiyā dosam dassento **bhūtapubbanti**-ādīmāha. Tattha **Vedehikā**ti Videharaṭṭhavāsikassa dhītā. Atha vā **vedoti** paññā vuccati, vedena ṭhati iriyatīti **vedehikā**, paṇḍitāti attho. **Gahapatānī**ti gharasāminī. **Kittisaddoti** kittighoso. **Soratā**ti soraccena samannāgatā. **Nivātā**ti nivātavutti. **Upasantā**ti nibbutā. **Dakkhā**ti bhattapacanasayanattharaṇadīpujjalanādikammesu chekā. **Analasā**ti uṭṭhāhikā. **Susamvhitakammantā**ti suṭṭhu samvhitakammantā². Ekā analasā hoti, yaṃ yaṃ pana bhājanam gaṇhāti, taṃ taṃ bhindati vā chiddam vā karoti, ayaṃ na tādisāti dasseti.

Divā uṭṭhāsīti pātova kattabbāni dhenuduhanādikammāni akatvā ussūre uṭṭhitā. **He je kālī**ti are kālī. **Kim je divā uṭṭhāsī**ti kim te kiñci aphāsukam atthi, kim divā uṭṭhāsīti. **No vata re kiñcī**ti are yadi te na kiñci aphāsukam atthi, neva sīsam rujjhati, na piṭṭhi, atha kasmā pāpi dāsī³ divā uṭṭhāsīti kupitā anattamanā bhākuṭim akāsi. **Divātaram uṭṭhāsī**ti punadivase ussūrataram uṭṭhāsī. **Anattamanavācanti** are pāpi dāsī attano pamānam na jānāsi, kim aggim sītoti maññasi⁴, idāni tam sikkhāpessāmīti-ādīni vadamānā kupitavacanam nicchāresi.

Paṭivisakānanti sāmantagehavāsīnam. **Ujjhāpesī**ti avajānāpesi. **Caṇḍī**ti asoratā kibbisā. Iti yattakā guṇā, tato diguṇā dosā uppajjimsu. Guṇā nāma saṇikam saṇikam āgacchanti, dosā ekadivaseneva patthaṭā honti. **Soratasoratoti** ativiya sorato, sotāpanno nu kho, sakadāgāmī anāgāmī arahā nu khoti vattabbatam āpajjati. **Phusantī**ti phusantā ghaṭṭentā āpātham āgacchanti.

1. Mūlapalikhaṇanēnapi (Sī)

2. Suṭṭhapitakammantā (Sī), suṭṭhu ṭhapitakammantā (Syā)

3. Pāpadāsī (Syā)

4. Sītoti maññati (Sī), atīsītoti maññasi (Syā)

Atha bhikkhu soratoti veditabboti atha adhivāsanakkhantiyaṃ ʘhito bhikkhu soratoti veditabbo. **Yo cīvara -pa- parikkhārahetūti** yo etāni cīvarādīni paṇītapāṇītāni labhanto pādaparikkammapiṭṭhiparikkammādīni ekavacaneneva karoti. **Alabhamānoti** yathā pubbe labhati, evaṃ alabhanto. **Dhammaññeva sakkarontoti** dhammaṃyeva sakkāraṃ sukatakāraṃ karonto. **Garuṃ karontoti** garubhāriyaṃ karonto. **Mānentoti** manena piyaṃ karonto. **Pūjentoti** paccayapūjāya pūjento. **Apacāyamānoti** dhammaṃyeva apacāyamāno apacitīṃ nīcavuttīṃ dassento.

227. Evaṃ akkhantiyā dosaṃ dassetvā idāni ye adhivāseṃti, te evaṃ adhivāseṃtīni pañca vacanapathe dassento **pañcime bhikkhaveti**-ādimāha. Tattha **kālenāti** yuttapattakālena. **Bhūtenāti** satā vijjamānena. **Sanḥenāti** sammaṭṭhena¹. **Atthasaññihitenāti** atthanissitena kāraṇanissitena. **Akālenāti**-ādīni tesameva paṭipakkhavasena veditabbāni. **Mettacittāti** uppannamettacittā hutvā. **Dosantarāti** duṭṭhacittā, abbhantare uppannadosa hutvā. **Tatrāti** tesu vacanapathesu. **Pharitvāti** adhimuccitvā. **Tadārammaṇañcāti** kathaṃ tadārammaṇaṃ sabbāvantaṃ lokaṃ karoti? Pañca vacanapathe gahetvā āgataṃ puggalaṃ mettacittassa ārammaṇaṃ katvā puna tasseva mettacittassa avasesasatte ārammaṇaṃ karonto sabbāvantaṃ lokaṃ tadārammaṇaṃ karoti nāma. Tatrāyaṃ vacanatto. **Tadārammaṇañcāti** tasseva mettacittassa ārammaṇaṃ katvā. **Sabbāvantanti** sabbasattavantaṃ. **Lokanti** sattalokaṃ. **Vipulenāti** anekasattārammaṇena. **Mahaggatenāti** mahaggatabhūmikena. **Appamāṇenāti** subhāvitena. **Averenāti** niddosena. **Abyābajjhenāti**² niddukkheṇa. **Pharitvā viharissāmāti** evarūpena mettāsahagatena cetasā tañca puggalaṃ sabbāṃ ca lokaṃ tassa cittassa ārammaṇaṃ katvā adhimuccitvā viharissāma.

228. Idāni tadatthadīpikaṃ upamaṃ āharanto **seyyathāpīti**-ādimāha. Tattha **apathavinti** nippathaviṃ karissāmīti attho. **Tatra**

1. Maṭṭhena (Sī, Syā)

2. Abyāpajjhenāti (Sī, Syā)

tatrāti tasmim̄ tasmim̄ ṭhāne. **Vikireyyā**ti pacchiyā paṇsum̄ uddharitvā bījāni viya vikireyya. **Oṭṭhubheyyā**ti kheḷam̄ pāteyya. **Apathaviṃ kareyyā**ti evaṃ kāyena ca vācāya ca payogaṃ katvāpi sakkuṇeyya apathaviṃ kātunti? **Gambhīrā**ti bahalattena dviyojanasatasahassāni cattāri ca nahutāni gambhīrā. **Appameyyā**ti tiriyaṃ pana aparicchinnā. **Evameva khoti** ettha idaṃ opammaśamsandanam̄—pathavī viya hi mettacittam̄ daṭṭhabbam̄. Kudālapīṭakam̄ gahetvā āgatapuriso viya pañca vacanapathe gahetvā āgatapuggalo. Yathā so kudālapīṭakena mahāpathaviṃ apathaviṃ kātum̄ na sakkoti, evaṃ vo¹ pañca vacanapathe gahetvā āgatapuggalo mettacittassa aññathattam̄ kātum̄ na sakkhissatīti.

229. Dutiya-upamāyaṃ **haliddinti** yaṃkiñci pītakavaṇṇam̄. **Nīlanti** kaṃsanīlam̄ vā palāsanīlam̄ vā. **Arūpī**ti arūpo. Nanu ca dvinnam̄ kaṭṭhānam̄ vā dvinnam̄ rukkhānam̄ vā dvinnam̄ seyyānam̄ vā dvinnam̄ selānam̄ vā antaram̄ paricchinnākāsarūpanti āgataṃ, kasmā idha **arūpī**ti vuttoti. Sanidassanabhāvapaṭikkhepato. Tenevāha “anidassano”ti. Tasmim̄ hi rūpaṃ likhitum̄, rūpapātubhāvaṃ dassetum̄ na sakkā, tasmā “arūpī”ti vutto. **Anidassanoti** dassanassa cakkhuvīññāṇassa anāpātho. Upamāśamsandane panettha ākāso viya mettacittam̄, tulikapañcamā cattāro raṅgajātā viya pañca vacanapathā, tulikapañcame raṅge gahetvā āgatapuriso viya pañca vacanapathe gahetvā āgatapuggalo. Yathā so tulikapañcamehi raṅgehi ākāse rūpapātubhāvaṃ kātum̄ na sakkoti, evaṃ vo pañca vacanapathe gahetvā āgatapuggalo mettacittassa aññathattam̄ katvā dosuppattim̄ dassetum̄ na sakkhissatīti.

230. Tatiya-upamāyaṃ **ādittanti** pajjalitam̄. **Gambhīrā appameyyā**ti imissā Gaṅgāya gambhīraṭṭhānam̄ gāvutampi atthi, aḍḍhajojanampi, yojanampi. Puthulaṃ panassā evarūpaṃyeva, dīghato pana pañcayojanasatāni, sā katham̄ gambhīrā appameyyāti. Etena payogena parivattetvā uddhane udakam̄ viya tāpetum̄ asakkuṇeyyato. Ṭhitodakam̄ pana kenaci upāyena aṅgulamattam̄² vā aḍḍhaṅgulamattam̄³ vā evaṃ tāpetum̄ sakkā bhaveyya, ayam̄ pana

1. Te (Ka)

2. Aṅgulimattam̄ (Ka)

3. Aṭṭhaṅgulamattam̄ (Syā), aḍḍhaṅgulimattam̄ (Ka)

na sakkā, tasmā evaṃ vuttaṃ. Upamāsaṃsandane panettha Gaṅgā viya mettacittaṃ, tiṇukkaṃ ādāya āgatapuriso viya pañca vacanapathe gahetvā āgatapuggalo. Yathā so ādittāya tiṇukkāya Gaṅgaṃ tāpetuṃ na sakkoti, evaṃ vo pañca vacanapathe gahetvā āgatapuggalo mettacittassa aññathattaṃ kātuṃ na sakkhissatīti.

231. Catuttha-upamāyaṃ **biḷārabhastā**ti biḷāracammaapasibbakā. **Sumadditā**ti suṭṭhu madditā. **Suparimadditā**ti anto ca bahi ca samantato suparimadditā. **Tūlinī**ti simbalitūlalatātūlasamānā. **Chinnasassarā**ti chinnasassarasaddā. **Chinnabhabbharā**ti chinnabhabbharasaddā. Upamāsaṃsandane panettha biḷārabhastā viya mettacittaṃ, kaṭṭhakaṭṭhalam¹ ādāya āgatapuriso viya pañca vacanapathe gahetvā āgatapuggalo. Yathā so kaṭṭhena vā kaṭṭhalena vā biḷārabhastāṃ sarasaraṃ bharabharaṃ saddaṃ kātuṃ na sakkoti, evaṃ vo pañca vacanapathe gahetvā āgatapuggalo mettacittassa aññathattaṃ katvā dosānugatabhāvaṃ kātuṃ na sakkhissatīti.

232. **Ocarakā**ti avacarakā heṭṭhācarakā, nīcakammakārakāti attho. **Yo mano padūseyyā**ti yo bhikkhu vā bhikkhunī vā mano padūseyya, taṃ kakacena okantaṃ nādhivāseyya. **Na me so tena sāsana**karoti so tena anadhivāsanena mayhaṃ ovādakaro na hoti. Āpatti panettha natthi.

233. **Aṇuṃ vā thūlaṃ vā**ti appasāvajjaṃ vā mahāsāvajjaṃ vā. **Yaṃ tumhe nādhivāseyyā**thāti yo tumhehi adhivāsetabbo na bhavyeyyāti attho. **No hetarā bhante**ti bhante anadhivāsetabbaṃ nāma vacanapathaṃ na passāmāti adhippāyo. **Dīgharattaṃ hitāya sukhāyā**ti iti Bhagavā arahattena kūṭaṃ gaṇhanto yathānusandhinā desanaṃ niṭṭhapesīti.

Papañcasūdanīyā Majjhimanikāyaṭṭhakathāya

Kakacūpamasuttavaṇṇanā niṭṭhitā.

1. Kaṭṭhakathalam (Syā, Ka)

2. Alagaddūpamasuttavaṇṇanā

234. **Evam me sutanti** Alagaddūpamasūtaṃ. Tattha gaddhe bādhayimsūti gaddhabādhino, gaddhabādhino pubbapurisā assāti gaddhabādhipubbo, tassa **gaddhabādhipubbassa**, gijjhaghātakakulappasutassāti attho. Saggamokkhānaṃ antarāyaṃ karontīti **antarāyikā**. Te kammakilesavipāka-upavāda-āṇāvītikkamavasena pañcavidhā. Tattha pañcānantariyadhammā kammantarāyikā nāma. Tathā bhikkhunīdūsakakammaṃ, taṃ pana mokkhasseva antarāyaṃ karoti, na saggassa. Niyatamicchādiṭṭhidhammā kilesantarāyikā nāma. Paṇḍakatiracchānagata-ubhatobyañjanakānaṃ paṭisandhidhammā vipākantarāyikā nāma. Ariyūpavādadhammā upavādantarāyikā nāma, te pana yāva ariye na khamāpenti, tāvadeva, na tato paraṃ. Sañcicca vītikantā satta āpattikkhandhā āṇāvītikkamantarāyikā nāma, tepi yāva bhikkhubhāvaṃ vā paṭijānāti na vuṭṭhāti vā na deseti vā, tāvadeva, na tato paraṃ.

Tatrāyaṃ bhikkhu bahussuto dhammakathiko sesantarāyike jānāti, vinaye pana akovidattā paṇṇattivītikkamantarāyike na jānāti, tasmā rahogato evaṃ cintesi—ime āgārikā pañca kāmaguṇe paribhuñjantā sotāpannāpi sakadāgāminopi anāgāminopi honti¹, bhikkhūpi manāpikāni cakkhuviññeyyāni rūpāni passanti -pa- kāyaviññeyye phoṭṭhabbe phusanti, mudukāni attharaṇapāvuraṇādīni paribhuñjanti, etaṃ sabbaṃ vaṭṭati. Kasmā itthīnaṃyeva rūpasaddagandharasaphoṭṭhabbā na vaṭṭanti, etepi vaṭṭantīti. Evaṃ rasena rasaṃ saṃsandetvā sacchandarāgaparibhogañca nicchandarāgaparibhogañca ekaṃ katvā thūlavākehi saddhiṃ atisukhumasuttaṃ upanento² viya, sāsapena saddhiṃ Sineruṃ upasaṃharanto viya, pāpakāni diṭṭhigataṃ uppādetvā “kiṃ Bhagavatā mahāsamuddaṃ bandhantena viya mahatā ussāhena paṭhamapārājikāni paññattaṃ, natthi ettha doso”ti sabbaññutaññāṇena saddhiṃ paṭivirujjhanto vesārajjāñāṇaṃ paṭibāhanto ariyamagge khāṇukaṇṭakādīni pakkhipanto methunadhamme doso natthīti Jinassa āṇācikke pahāraṃ adāsī. Tenāha “tathāhaṃ Bhagavatā dhammaṃ desitaṃ ājānāmī”ti-ādi.

1. Sakadāgāminopi honti (Si)

2. Ghaṭento (Si, Syā)

Evam byā khoti evam viya kho. **Samanuyuñjantī**-ādīsu kiṃladdhiko tvaṃ, laddhiṃ vadehīti pucchamānā samanuyuñjanti nāma. Diṭṭhiṃ paṭiṭṭhāpentā samanuggāhanti nāma. Kena kāraṇena evaṃ vadasīti kāraṇaṃ pucchantā samanubhāsanti nāma. **Aṭṭhikaṅkalūpamā**ti-ādīsu¹ **aṭṭhikaṅkalūpamā** appassādatṭhena. **Māmsapesūpamā** bahusādhāraṇatṭhena. **Tiṇukkūpamā** anudahanatṭhena. **Aṅgārakāsūpamā** mahābhitāpanatṭhena. **Supinakūpamā** ittarapaccupaṭṭhānatṭhena. **Yācitakūpamā** tāvakālikatṭhena. **Rukkhaphalūpamā** sabbaṅgapaccaṅgapalibhañjanatṭhena¹. **Asisūnūpamā** adhikuṭṭanatṭhena². **Sattisūlūpamā** vinivijjanatṭhena. **Sappasirūpamā** sāsāṅkasappaṭibhayaṭṭhena³. **Thāmasāti** diṭṭhithāmena. **Parāmāsāti** diṭṭhiparāmāsena. **Abhinivissa voharatī** adhiṭṭhahitvā voharati dīpeti vā.

235. **Yato kho te bhikkhūti** yadā te bhikkhū. **Evam byā kho ahaṃ bhante Bhagavatāti** idaṃ esa attano ajjhāsayena natthīti vattukāmopi Bhagavato ānubhāvena sampaṭicchati, Buddhānaṃ kira sammukhā dve kathā kathetuṃ samattho nāma natthi.

236. **Kassa kho nāma tvaṃ moghapurisāti** tvaṃ moghapurisa kassa khattiyassa vā brāhmaṇassa vā vessassa vā suddassa vā gahaṭṭhassa vā pabbajitassa vā devassa vā manussassa vā mayā evaṃ dhammaṃ desitaṃ ājānāsi. **Atha kho Bhagavā bhikkhū āmantesīti** ayaṃ paṭiyekko anusandhi. Ariṭṭho kira cintesi “Bhagavā maṃ moghapurisosoti vadati, na kho pana moghapurisāti vuttamattakena maggaphalānaṃ upanissayo na hoti. Upasenampi hi Vaṅgantaputtaṃ ‘atilahuṃ kho tvaṃ moghapurisa bāhullāya āvatto’⁴ Bhagavā moghapurisa vādena ovadi, thero aparabhāge ghaṭento vāyamanto cha abhiññā sacchākāsi. Ahampi tathārūpaṃ vīriyaṃ paggaṇhitvā maggaphalāni nibbattessāmī”^{ti}. Athassa Bhagavā bandhanā pavuttassa paṇḍupalāsassa viya avirūḥhibhāvaṃ dassento imaṃ desanaṃ ārabhi.

1-1. Ma 2. 27, 30 piṭṭhesu vitthāro.

3. Khu 7. 5, 6 Mahāniddesepī.

2. Ma 1. 198 piṭṭhe.

4. Vi 3. 74 piṭṭhe.

Usmīkatopīti bhikkhave tumhe kinti maññatha, ayaṃ Ariṭṭho evaṃladdhiko sabbaññutaññāṇena paṭivirujjhivā vesārajjañāṇaṃ paṭibāhitvā Tathāgatassa āṇācacke pahāraṃ dadamāno api nu imasmim dhammavinaye usmīkatopi. Yathā nibbutepi mahante aggikkhandhe khajjupanakamattāpi aggipapaṭikā hotiyeva, yaṃ nissāya puna mahā-aggikkhandho bhaveyya, kiṃ nu kho evaṃ imassa appamattikāpi ñāṇusmā atthi, yaṃ nissāya vāyamanto maggaphalāni nibbatteyyāti. **No hetarū bhanteti** bhante evaṃladdhikassa kuto evarūpā ñāṇusmāti maggaphalānaṃ paccayasamatthāya ñāṇusmāya usmīkatabhāvaṃ paṭikkhipantā vadanti. **Maṅkubhūtoti** nittejabhūto. **Pattakkhandhoti** patitakkhandho. **Appaṭibhānoti** kiñci paṭibhānaṃ apassanto bhinnapaṭibhāno¹ evarūpampi nāma niyyānikasāsaṇaṃ labhitvā avirūḥhidhammo kiramhi samugghātitaṃ paccayo jātoti attano abhabbatarū paccavekkhanto pādaṅguṭṭhakena bhūmim khaṇamāno nisīdi.

Paññāyissasi khoti ayampi pāṭiyekko anusandhi. Ariṭṭho kira cintesi “Bhagavā mayhaṃ maggaphalānaṃ upanissayo pacchinnoti vadati, na kho pana Buddhā sa-upanissayānaṃyeva dhammaṃ desenti, anupanissayānampi desenti, ahaṃ Satthu santikā Sugatovādaṃ labhitvā attano sampattūpagaṃ kusalaṃ karissāmi”ti. Athassa Bhagavā ovādaṃ² paṭipassambhento “paññāyissasi”ti-ādimāha. Tassattho, tvaṃyeva moghapurisa iminā pāpakena diṭṭhigatena nirayādīsu paññāyissasi, mama santikā tuyhaṃ Sugatovādo nāma natthi, na me tayā attho, idhāhaṃ bhikkhū paṭipucchissāmīti.

237. **Atha kho Bhagavāti** ayampi pāṭiyekko anusandhi. Imasmim hi ṭhāne Bhagavā parisam sodheti, Ariṭṭhaṃ gaṇato nissāreti. Sace hi parisagatānaṃ kassaci evaṃ bhaveyya “ayaṃ Ariṭṭho Bhagavatā akathitaṃ kathetaṃ kiṃ sakkhissati, kacci nu kho parisamajjhe Bhagavatā kathāya samāradhāya sahasā kathitaṃ”ti. Evaṃ kathitaṃ pana na Ariṭṭhova suṇāti, aññenapi sutam bhavissati. Athāpissa siyā “yathā Satthā Ariṭṭhaṃ niggaṇhāti, mampi evaṃ niggaṇheyyāti sutvāpi tuṅhībhāvaṃ āpajjeyyā”ti.

1. Chinnapaṭibhāno (Sī, Syā)

2. Satthā ovādaṃ (Sī), Bhagavā etaṃ vādaṃ (Ka)

Taṃ sabbaṃ na karissanti”ti. Mayāpi na kathitaṃ, aññena sutampi natthīti “tumhepime bhikkhave”ti-ādinā parisāya laddhiṃ sodheti. Parisāya pana laddhisodhaneneva Ariṭṭho gaṇato¹ nissārito nāma hoti.

Idāni Ariṭṭhassa laddhiṃ pakāseto **so vata bhikkhave**ti-ādimāha. Tattha **aññatreva kāmehī**ti-ādīsu yo so bhikkhave bhikkhu “te paṭisevato nālaṃ antarāyāyā”ti evaṃladdhiko, so vata kilesakāmehi ceva kilesakāmasampayuttehi saññāvitakkehi ca aññatra, ete dhamme pahāya, vinā etehi dhammehi, vatthukāme paṭisevissati, methunasamācāraṃ samācarissatīti netaṃ ṭhānaṃ vijjati, idaṃ kāraṇaṃ nāma natthi, aṭṭhānametaṃ anavakāsoti.

238. Evaṃ Bhagavā ayaṃ Ariṭṭho yathā nāma rajako sugandhānipi duggandhānipi jiṇṇānipi navānipi suddhānipi asuddhānipi vatthāni ekato bhaṇḍikaṃ karoti, evameva bhikkhūnaṃ nicchandarāgapaṇītacīvarādīparibhogaṅca anibaddhasīlānaṃ gahaṭṭhānaṃ antarāyakaraṃ sacchandarāgaparibhogaṅca nibaddhasīlānaṃ bhikkhūnaṃ āvaraṇakaraṃ sacchandarāgaparibhogaṅca sabbaṃ ekasadisāṃ karotīti Ariṭṭhassa laddhiṃ pakāsetvā idāni duggahitāya pariyattiyā dosaṃ dassento **idha bhikkhave ekaceti**-ādimāha. Tattha **pariyāpuṇanti**ti uggaṇhanti. **Suttanti**-ādīsu Ubhatovibhaṅganiddesakhandhakaparivārā, Suttanipāte Maṅgalasuttaratanasuttanālakasuttatuvattakasuttāni, aññampi ca suttanāmakaṃ Tathāgatavacanaṃ **Suttanti** veditabbaṃ. Sabbampi sagāthakaṃ suttaṃ **Geyyanti** veditabbaṃ, visesena Saṃyuttake sakalopi sagāthāvaggo. Sakalaṃ Abhidhammapiṭakaṃ, niggāthakaṃ suttaṃ, yaṃ ca aññampi aṭṭhahi aṅgehi asaṅgahitaṃ Buddhavacanaṃ, taṃ **Veyyākaraṇanti** veditabbaṃ. Dhammapadaṃ, Theragāthā, Therīgāthā, Suttanipāte nosuttanāmikā suddhikagāthā ca **Gāthā**ti veditabbā. Somanassañāṇamayikagāthāpaṭisaṃyuttā dve-asītisuttantā **Udānanti** veditabbā. “Vuttañhetam² Bhagavatā”ti-ādinayappavattā³ Dasuttarasatasuttantā **Itivuttakanti** veditabbā. Apaṇṇakajātakādīni paṇṇāsādhikāni pañcajātakasatāni **Jātakanti** veditabbāni. “Cattārome bhikkhave acchariyā abbhutā dhammā Ānande”ti-ādinayappavattā⁴ sabbepi

1. Bhagavatā (Ka)

3. Khu 1. 195 piṭṭhe.

2. Vuttamidaṃ (Sī, Syā, Ka)

4. Am 1. 448 piṭṭhe.

acchariya-abbhutadhammappaṭisaṃyuttā suttantā **Abbhutadhammanti** veditabbā. Cūḷavedalla Mahāvedalla sammādiṭṭhi sakkapañha saṅkhārabhājanīyamahāpuṇṇamasuttādayo sabbepi vedañca tuṭṭhiñca laddhā laddhā pucchitasuttantā **Vedallanti** veditabbā.

Atthaṃ na upaparikkhantīti atthatthaṃ¹ kāraṇatthaṃ na passanti² na pariḅgaṇhanti. **Anupaparikkhatanti** anupaparikkhantānaṃ. **Na nijjhānaṃ khamantī**ti na upaṭṭhahanti na āpāthaṃ āgacchanti, imasmim̄ ṭhāne sīlaṃ samādhī vissanā maggo phalaṃ vaṭṭaṃ vivaṭṭaṃ kathitanti evaṃ jānituṃ na sakkā hontīti attho. **Te upārambhānisāmsā cevāti** te paresaṃ vāde dosāropanānisāmsā hutvā pariyaṇṇantīti attho. **Itivādappamokkhānisāmsā cāti** evaṃ vādapamokkhānisāmsā, parehi sakavāde dose āropite taṃ dosaṃ evaṃ³ mocessāmaṭi imināva kāraṇena pariyaṇṇantīti attho. **Taṃ cassa atthaṃ nānubhontīti** yassa ca maggassa vā phalassa vā atthāya kulaputtā dhammaṃ pariyaṇṇanti, tañcassa dhammassa atthaṃ ete duggahitaggāhino nānubhontī. Apica parassa vāde upārambhaṃ āropetuṃ attano vādaṃ mocetuṃ asakkontāpi tañca atthaṃ nānubhontīyeva.

239. **Alagaddatthikoti** āsivisa-atthiko. **Gadoti** hi visassa nāmaṃ, taṃ tassa alaṃ pariṇṇaṃ atthīti **alagaddo**. **Bhogeti** sarīre. **Idha pana bhikkhave ekacce kulaputtā dhammaṃ pariyaṇṇantīti** nittharaṇapariyattivasena uggaṇhanti. Tisso hi pariyaṭṭiyo alagaddapariyaṭṭi nittharaṇapariyaṭṭi bhaṇḍāgārikapariyaṭṭi.

Tattha yo Buddhavacanaṃ uggaṇhetvā evaṃ cīvarādīni vā labhissāmi, catuparisamajjhe vā maṃ jānissantīti lābhasakkārahetu pariyaṇṇantīti, tassa sā pariyaṭṭi **alagaddapariyaṭṭi** nāma. Evaṃ pariyaṇṇato hi Buddhavacanaṃ apariyaṇṇitvā niddokkamaṃ varataraṃ.

Yo pana Buddhavacanaṃ uggaṇhitvā sīlassa āgataṭṭhāne sīlaṃ pūretvā samādhissa āgataṭṭhāne samādhigabbhaṃ gaṇhāpetvā vipassanāya āgataṭṭhāne vipassanaṃ paṭṭhapetvā maggaphalānaṃ āgataṭṭhāne maggaṃ bhāvessāmi

1. Suttatthaṃ (Syā)

2. Na tulayanti (Sī)

3. Evañca evañca (Sī)

phalaṃ sacchikarissāmīti uggaṇhāti, tassa sā pariyatti **nittharaṇapariyatti** nāma hoti.

Khīṇāsavassa pana pariyatti **bhaṇḍāgārikapariyatti** nāma. Tassa hi apariññātāṃ appahīnaṃ abhāvitāṃ asacchikataṃ vā natthi, so hi pariññātakkhandho pahīnakilesa bhāvitamaṅgo sacchikataphalo, tasmā Buddhavacanaṃ pariyāpuṇanto tantidhāraṇaṃ pavēṇipālako vaṃsānurakkhako hutvā uggaṇhāti, itissa sā pariyatti bhaṇḍāgārikapariyatti nāma hoti.

Yo pana puthujjano chātabhayādīsu ganthadharesu ekasmiṃ ṭhāne vasitūṃ asakkontesu sayāṃ bhikkhācārena akilamamāno atimadhuraṃ Buddhavacanaṃ mā nassatu, tantim dhāressāmi, vaṃsaṃ ṭhapessāmi, pavēṇim pālessāmīti pariyāpuṇāti, tassa pariyatti bhaṇḍāgārikapariyatti hoti, na hotīti. Na hoti. Kasmā? Na attano ṭhāne ṭhatvā pariyāputatā. Puthujjanassa hi pariyatti nāma alagaddā vā hoti nittharaṇā vā, sattannaṃ sekkhānaṃ nittharaṇāva, khīṇāsavassa bhaṇḍāgārikapariyattiyeva. Imasmiṃ pana ṭhāne nittharaṇapariyatti adhippetā.

Nijjhānaṃ khamantīti sīlādīnaṃ āgataṭṭhānesu idha sīlaṃ kathitaṃ, idha samādhi, idha vipassanā, idha maggo, idha phalaṃ, idha vaṭṭaṃ, idha vivaṭṭanti āpāthaṃ āgacchanti. **Tañcassa atthaṃ anubhontīti** yesaṃ maggaphalaṇaṃ atthāya pariyāpuṇanti. Suggahitapariyattim nissāya maggaṃ bhāvetvā phalaṃ sacchikarontā tañcassa dhammassa atthaṃ anubhavanti. Paravāde upārambhaṃ āropetūṃ sakkontāpi¹ sakavāde āropitaṃ dosaṃ icchitichitaṭṭhānaṃ gahetvā mocetūṃ sakkontāpi¹ anubhontiyeva. **Dīgharattaṃ hitāya sukhāya saṃvattantīti** sīlādīnaṃ āgataṭṭhāne sīlādīni pūrentānampi, pasesaṃ vāde sahadhammena upārambhaṃ āropentānampi, sakavādato dosaṃ harantānampi, arahattaṃ patvā parisamajjhe dhammaṃ desetvā dhammadesanāya pasannehi upanīte cattāro paccaye paribhuñcantānampi dīgharattaṃ hitāya sukhāya saṃvattanti.

1. Asakkontāpi (Syā)

Evam suggahite Buddhavacane ānisaṃsaṃ dassetvā idāni tattheva niyojento **tasmātiha bhikkhaveli**-ādimāha. Tattha **tasmāti** yasmā duggahitapariyatti duggahita-alagaddo viya dīgharattaṃ ahitāya dukkhāya saṃvattati, suggahitapariyatti suggahita-alagaddo viya dīgharattaṃ hitāya sukhāya saṃvattati, tasmāti attho. **Tathā nam dhāreyyāthā**ti tattheva nam dhāreyyātha, teneva atthena gaṇheyyātha. **Ye vā paṇāssu viyattā bhikkhūti** ye vā pana aññe Sāriputtamoggallānamahākassapamahākaccānādikā byattā paṇḍitā bhikkhū assu, te pucchitabbā. Ariṭṭhena viya pana mama sāsane na kalalaṃ vā kacavaraṃ vā pakkhipitabbaṃ.

240. **Kullūpamanti** kullasadisaṃ. **Nittharaṇatthāyāti** caturoghanittharaṇatthāya. **Udakaṇṇavanti** yañhi udakaṃ gambhīraṃ, na puthulaṃ. Puthulaṃ vā pana na gambhīraṃ, na taṃ aṇṇavoti vuccati. Yaṃ pana gambhīraṃ ceva puthulaṃ ca, taṃ aṇṇavoti vuccati. Tasmā **mahantaṃ udakaṇṇavanti** mahantaṃ puthulaṃ gambhīraṃ udakanti ayamettha attho. **Sāsaṅkaṃ** nāma yattha corānaṃ nivutthokāso dissati. Ṭhitokāso, nisinnokāso, nipannokāso dissati. **Sappaṭibhayaṃ** nāma yattha corehi manussā hatā dissanti, viluttā dissanti, ākoṭitā dissanti. **Uttarasetūti** udakaṇṇavassa upari baddho setu. **Kullaṃ bandhitvāti kullo** nāma taraṇatthāya kalāpaṃ katvā baddho. Pattharivā baddhā pana padaracāṭi-ādayo¹ uḷumpoti vuccanti. **Uccāretvāti** ṭhapetvā. **Kiccakārīti** pattakārī² yuttakārī, patirūpakārīti attho. **Dhammāpi vo pahātabbāti** ettha **dhammāti** samathavipassanā. Bhagavā hi samathepi chandarāgaṃ pajahāpesi, vipassanāyapi. Samathe chandarāgaṃ kattha pajahāpesi? “Iti kho Udāyi nevasaññānāsaññāyatanassapi pahānaṃ vadāmi, passasi no tvaṃ Udāyi taṃ saṃyojanaṃ aṇuṃ vā thūlaṃ vā, yassāhaṃ no pahānaṃ vadāmi”³ ettha samathe chandarāgaṃ pajahāpesi. “Imaṃ ce tumhe bhikkhave diṭṭhiṃ evaṃ parisuddhaṃ evaṃ pariyaḍātaṃ na alliyetha na kelāyetha na dhanāyethā”⁴ ettha vipassanāya chandarāgaṃ

1. Dārucāṭi-ādayo (Syā)

3. Ma 2. 119 piṭṭhe.

2. Kattabbakārī (Sī)

4. Ma 1. 327 piṭṭhe.

pajahāpesi. Idha pana ubhayattha pajahāpento “dhammāpi vo pahātabbā, pageva adhammā”ti āha.

Tatrāyaṃ adhippāyo—bhikkhave ahaṃ evarūpesu santappaṇītesu dhammesu chandarāgappahānaṃ vadāmi, kiṃ pana imasmim̐ asaddhamme gāmadhamme vasaladhamme duṭṭhulle odakantike, yattha ayaṃ Ariṭṭho moghapuriso niddosasaññi pañcasu kāmagaṇesesu chandarāgaṃ nālaṃ antarāyāyāti vadati, Ariṭṭhena viya na tumhehi mayhaṃ sāsane kalalaṃ vā kacavaraṃ vā pakkhipitabbanti evaṃ Bhagavā imināpi ovādena Ariṭṭhaṃyeva niggaṇhāti.

241. Idāni yo pañcasu khandhesu tividhaggāhasena ahaṃ mamanti gaṇhāti, so mayhaṃ sāsane ayaṃ Ariṭṭho viya kalalaṃ kacavaraṃ pakkhipatīti dassento **chayimāni bhikkhaveli-ādimaḥa**. Tattha **diṭṭhiṭṭhānāni**ti diṭṭhipi diṭṭhiṭṭhānaṃ, diṭṭhiyā ārammaṇampi diṭṭhiṭṭhānaṃ, diṭṭhiyā paccayopi. **Rūpaṃ etaṃ mamāti-ādīsu etaṃ mamāti** taṇhāggāho. **Esohamasmīti mānaggāho. Eso me attāti diṭṭhiggāho**. Evaṃ rūpārammaṇā taṇhāmānadiṭṭhiyo kathitā honti. Rūpaṃ pana attāti na vattabbaṃ. Vedanādīsupi eseva nayo. **Diṭṭhaṃ** rūpāyatanāṃ, **sutaṃ** saddāyatanāṃ, **mutaṃ** gandhāyatanāṃ rasāyatanāṃ phoṭṭhabbāyatanāṃ, tañhi patvā gahetabbato **mutanti** vuttaṃ. Avasesāni sattāyatanāni **viññātaṃ** nāma. **Pattanti** pariyesitvā vā apariyesitvā vā pattam̐. **Pariyesitanti** pattam̐ vā appattam̐ vā pariyesitam̐. **Anuvicaritam̐ manasāti** cittena anusamcaritam̐. Lokasmim̐ hi pariyesitvā pattampi atthi, pariyesitvā nopattampi. Apariyesitvā pattampi atthi, apariyesitvā nopattampi. Tattha pariyesitvā pattam̐ pattam̐ nāma. Pariyesitvā nopattam̐ pariyesitam̐ nāma. Apariyesitvā pattañca, apariyesitvā nopattañca manasānuvicaritam̐ nāma.

Atha vā pariyesitvā pattampi apariyesitvā pattampi pattaṭṭhena pattam̐ nāma. Pariyesitvā nopattam̐ pariyesitam̐ nāma. Apariyesitvā nopattam̐ manasānuvicaritam̐ nāma. Sabbaṃ vā etaṃ manasā anuvicaritattā manasānuvicaritam̐ nāma. Iminā viññāṇārammaṇā taṇhāmānadiṭṭhiyo kathitā, desanāvīlāsena heṭṭhā diṭṭhādi-ārammaṇavasena viññānaṃ

dassitaṃ. **Yampi taṃ diṭṭhiṭṭhānanti** yampi etaṃ so lokoti-ādinā nayena pavattaṃ diṭṭhiṭṭhānaṃ.

So loko so attāti yā esā¹ “rūpaṃ attato samanupassatī”ti-ādinā nayena pavattā diṭṭhi loko ca attā cāti gaṇhāti, taṃ sandhāya vuttaṃ. **So pecca bhavissāmīti** so ahaṃ paralokaṃ gantvā nicco bhavissāmi, dhuvo sassato avipariṇāmadhammo bhavissāmi, Sinerumahāpathavīmahāsamuddāṭṭhi sassatīhi samaṃ tatheva ṭhassāmi. **Tampi etaṃ mamāti** tampi dassanaṃ etaṃ mama, esohamasmi, eso me attāti samanupassati. Iminā diṭṭhārammaṇā taṇhāmānadiṭṭhiyo kathitā. Vipassanāya paṭivipassanākāle viya pacchimadiṭṭhiyā purimadiṭṭhiggahaṇakāle evaṃ hoti.

Sukkapakkhe **rūpaṃ netaṃ mamāti** rūpe taṇhāmānadiṭṭhiggāhā paṭikkhittā. Vedanādīsupi eseva nayo. **Samanupassatīti** imassa pana padassa taṇhāsamanupassanā mānasamanupassanā diṭṭhisamanupassanā ñāṇasamanupassanāti catasso samanupassanāti attho. Tā kaṇhapakkhe tissannaṃ samanupassanānaṃ, sukkapakkhe ñāṇasamanupassanāya vasena veditabbā. **Asati na paritassatīti** avijjamāne bhayaparitassanāya taṇhāparitassanāya vā na paritassati. Iminā Bhagavā ajjhatakkhandhavināse aparitassamānaṃ khīṇāsavaṃ dassento desanaṃ matthakaṃ pāpesi.

242. **Evaṃ vutte aññataro bhikkhūti** evaṃ Bhagavatā vutte aññataro anusandhikusalo bhikkhu “Bhagavatā ajjhatakkhandhavināse aparitassantaṃ khīṇāsavaṃ dassetvā desanā niṭṭhāpitā, ajjhataṃ aparitassante kho pana sati ajjhataṃ paritassakena bahiddhā parikkhāraṇāse paritassakena aparitassakena cāpi bhavitabbaṃ, iti imehi catūhi kāraṇehi ayaṃ pañho pucchitabbo”ti cintetvā ekaṃsaṃ cīvaram katvā añjaliṃ paggayha Bhagavantaṃ etadavoca. **Bahiddhā asatīti** bahiddhā parikkhāraṇāse. **Ahu vata meti** ahosi vata me bhaddakaṃ yānaṃ vāhanaṃ hiraññaṃ suvaṇṇanti attho. **Taṃ vata me natthīti** taṃ vata idāni mayhaṃ natthi, rājūhi vā corehi vā haṭam², agginā vā daḍḍhaṃ, udakena vā vulhaṃ,

1. Yam eso (Syā)

2. Hatam (Syā, Ka)

paribhogena vā jinṇaṃ. **Siyā vata meti** bhaveyya vata mayhaṃ yānaṃ vāhanaṃ hiraññaṃ suvaṇṇaṃ sāli vihi yavo godhumo. **Taṃ vatāhaṃ na labhāmī**ti tamahaṃ alabhamāno tadanucchavikaṃ kammaṃ akatvā nisinnattā idāni na labhāmīti socati, ayaṃ agāriyasocanā, anagāriyassa pattacīvarādīnaṃ vasena veditabbā.

Aparitassanāvāre **na evaṃ hotī**ti yehi kilesehi evaṃ bhaveyya, tesāṃ pahīnattā na evaṃ hoti.

Diṭṭhiṭṭhānādhiṭṭhānapariyutṭhānābhinivesānusayānanti diṭṭhīnaṃca diṭṭhiṭṭhānānaṃca diṭṭhādhiṭṭhānānaṃca diṭṭhipariyutṭhānānaṃca abhinivesānusayānaṃca. **Sabbasaṅkhārasamathāyāti** nibbānatthāya. Nibbānaṃ hi āgamma sabbasaṅkhāra-iñjitāni sabbasaṅkhāracalanāni sabbasaṅkhāravipphanditāni sammanti vūpasammanti, tasmā taṃ “sabbasaṅkhārasamatho”ti vuccati. Tadeva ca āgamma khandhūpadhi kilesūpadhi abhisāṅkhārūpadhi pañcakāmaguṇūpadhīti ime upadhayo paṭinissajjiyanti, taṇhā khīyati virajjati nirujjhati, tasmā taṃ “sabbūpadhipaṭinissaggo taṇhākkhayo virāgo nirodho”ti vuccati. **Nibbānāyāti** ayaṃ panassa sarūpaniddeso, iti sabbeheva imehi padehi nibbānassa sacchikiriyatthāya dhammaṃ desentassāti ayamatto dīpito. **Tassevaṃ hotī**ti tassa diṭṭhigatikassa **ucchijjissāmi nāmassu, vinassissāmi nāmassu, nāssu nāma bhavissāmī**ti evaṃ hoti. Diṭṭhigatikassa hi tilakkhaṇaṃ āropetvā suññatāpaṭisaṃyuttaṃ katvā desiyaṃānaṃ dhammaṃ suṇantassa tāso uppajjati. Vuttaṃ hetam¹ “tāso heso bhikkhave asutavato puthujjanassa no cassaṃ, no ca me siyā”ti².

243. Ettāvatā bahiddhāparikkhāravīnāse tassanakassa ca notassanakassa ca ajjhatakkhandhavināse tassanakassa ca notassanakassa cāti imesaṃ vasena catukkoṭikā suññatā kathitā. Idāni bahiddhā parikkhāraṃ pariggahaṃ nāma katvā, vīsativatthukaṃ sakkāyadiṭṭhiṃ attavādupādānaṃ nāma katvā, sakkāyadiṭṭhipamukhā dvāsattḥi diṭṭhiyo diṭṭhinissayaṃ nāma katvā tikoṭikaṃ suññataṃ dassetuṃ **taṃ bhikkhave pariggahanti**-ādimāha. Tattha **pariggahanti** bahiddhā parikkhāraṃ. **Pariggaṇheyyāthāti** yathā viññū manusso

1. Vuttampi hetam (Sī), vuttampi cetam (Syā)

2. Saṃ 2. 47 piṭṭhe.

pariggaṇheyya. **Ahampi kho taṃ bhikkhaveli** bhikkhave tumhepi na passatha, ahampi na passāmi, iti evarūpo pariggaho natthīti dasseti. Evaṃ sabbattha attho veditabbo.

244. Evaṃ tikoṭikaṃ suññataṃ dassetvā idāni ajjhatakkhandhe attāti bahiddhā parikkhāre attaniyanti katvā dvikoṭikaṃ dassento **attani vā bhikkhave satīti**-ādimāha. Tattha ayaṃ saṅkhepattho, bhikkhave attani vā sati idaṃ me parikkhārajātaṃ attaniyanti assa, attaniyeva vā parikkhāre sati ayaṃ me attā imassa parikkhārassa sāmīti, evaṃ ahanti. Sati mamāti, mamāti sati ahanti yuttaṃ bhaveyya. **Saccatoti bhūtato thetatoti** tathato thirato vā.

Idāni ime pañcakkhandhe aniccaṃ dukkhaṃ anattāti evaṃ tiparivaṭṭavasena aggaṇhanto ayaṃ Ariṭṭho viya mayhaṃ sāsane kalalaṃ kacavaraṃ pakkhipatīti dassento **taṃ kiṃ maññatha bhikkhave rūpaṃ niccaṃ vāti**-ādimāha. Tattha **aniccaṃ bhanteti** bhante yasmā hutvā na hoti, tasmā aniccaṃ, uppādavayavattito vipariṇāmatāvakaḷikaniccapaṭikkhepaṭṭhena vāti catūhi kāraṇehi aniccaṃ. **Dukkhaṃ bhanteti** bhante paṭipīḷanākārena dukkhaṃ, santāpadukkhamaḍakkhavattukasukhapaṭikkhepaṭṭhena vāti catūhi kāraṇehi dukkhaṃ. **Vipariṇāmadhammanti** bhavaśaṅkanti-upagamanasabhāvaṃ pakatibhāvavijahanasabhāvaṃ. **Kallaṃ nu taṃ samanupassituṃ etaṃ mama, esohamasmi, eso me attāti** yuttaṃ nu kho taṃ imesaṃ tiṇṇaṃ taṇhāmānadiṭṭhiggāhānaṃ vasena ahaṃ mamāti evaṃ gahetuṃ. **No hetam bhanteti** iminā te bhikkhū avasavattanākārena rūpaṃ bhante anattāti paṭijānanti. Suñña-assāmika-anissara-attapaṭikkhepaṭṭhena vāti catūhi kāraṇehi anattā.

Bhagavā hi katthaci aniccavasena anattataṃ dasseti, katthaci dukkhavasena, katthaci ubhayavasena. “Cakkhu attāti yo vadeyya, taṃ na upapajjati, cakkhussa uppādopi vayopi paññāyati. Yassa kho pana uppādopi vayopi paññāyati, attā me upapajjati ca veti cāti iccassa evamāgataṃ hoti, tasmā taṃ na upapajjati, cakkhu attāti yo vadeyya, iti cakkhu anattā”¹ imasmim hi **Chachakkasutte** aniccavasena anattataṃ dasseti. “Rūpaṅca hidam

1. Ma 3. 329 piṭṭhe.

bhikkhave attā abhavissa, na yidaṃ rūpaṃ ābādhāya saṃvatteyya, labbhettha ca rūpe ‘evaṃ me rūpaṃ hotu, evaṃ me rūpaṃ mā ahoṣī’ti. Yasmā ca kho bhikkhave rūpaṃ anattā, tasmā rūpaṃ ābādhāya saṃvattati, na ca labbhati rūpe ‘evaṃ me rūpaṃ hotu, evaṃ me rūpaṃ mā ahoṣī’ti”¹ imsmiṃ **Anattalakkhaṇasutte** dukkhasena anattataṃ dasseti. “Rūpaṃ bhikkhave aniccaṃ, yadaniccaṃ taṃ dukkhaṃ, yaṃ dukkhaṃ tadanattā, yadanattā, taṃ ‘netaṃ mama, nesohamasmi, na meso attā’ti evametam yathābhūtaṃ sammappaññāya daṭṭhabban”ti² imasmim **Arahattasutte** ubhayavasena anattataṃ dasseti. Kasmā? Aniccaṃ dukkhañca pākaṭaṃ. Anattāti na pākaṭaṃ.

Paribhogabhājanādīsu hi bhinnesu aho aniccanti vadanti, aho anattāti vattā nāma natthi. Sarīre gaṇḍapīlakādīsu vā uṭṭhitāsu kaṇṭakena vā viddhā aho dukkhanti vadanti, aho anattāti pana vattā nāma natthi. Kasmā? Idaṃ hi anattalakkhaṇaṃ nāma avibhūtaṃ duddasaṃ duppaññāpanaṃ. Tena taṃ Bhagavā aniccavasena vā dukkhasena vā ubhayavasena vā dasseti. Tayidaṃ imasmimpi teparivaṭṭe aniccadukkhaseneva dassitaṃ. Vedanādīsupi eseva nayo.

Tasmātiha bhikkhaveli bhikkhave yasmā etarahi aññadāpi rūpaṃ aniccaṃ dukkhaṃ anattā, tasmāti attho. **Yamkiñcirūpanti-ādīni** Visuddhimagge Khandhaniddese vitthāritāneva.

245. **Nibbindatīti** ukkaṇṭhati. Ettha ca **nibbidāti** vuṭṭhānagāminīvipassanā adhippetā. Vuṭṭhānagāminīvipassanāya hi bahūni nāmāni. Esā hi katthaci saññagganti vuttā. Katthaci dhammaṭṭhitiñāṇanti. Katthaci pārisuddhipadhāniyaṅganti. Katthaci paṭipadāññadassanavisuddhīti. Katthaci tammayatāpariyādānanti³. Katthaci tīhi nāmehi. Katthaci dvīhīti.

Tattha **Poṭṭhapādasutte** tāva “saññā kho Poṭṭhapāda paṭhamaṃ uppajjati, pacchā ñāṇaṃ”ti⁴ evaṃ **saññagganti** vuttā. **Susimasutte** “pubbe kho Susima

1. Vi 3. 18; Saṃ 2. 55 piṭṭhesu.

2. Saṃ 2. 68 piṭṭhe.

3. Tammayapariyādānanti (Si), tammayaṃ pariyādānanti (Syā)

4. Dī 1. 172 piṭṭhe.

dhammaṭṭhitiñāṇaṃ, pacchā nibbāne ñāṇaṃ”¹ evaṃ **dhammaṭṭhitiñāṇanti** vuttā. **Dasuttarasutte** “paṭipadāñāṇadassanavisuddhipadhāniyaṅgaṃ”² evaṃ **pārisuddhipadāniyaṅgati** vuttā. **Rathavinīte** “kiṃ nu kho āvuso paṭipadāñāṇadassanavisuddhatthaṃ Bhagavati brahmacariyaṃ vussatī”³ evaṃ **paṭipadāñāṇadassanavisuddhīti** vuttā. **Salāyatana vibhaṅge** “atammayataṃ bhikkhave nissāya atammayataṃ āgamma yāyaṃ upekkhā nānattā nānattasitā, taṃ abhinivajjetvā yāyaṃ upekkhā ekattā ekattasitā, taṃ nissāya taṃ āgamma evametissā pahānaṃ hoti, evametissā samatikkamo hoti”⁴ evaṃ **tammayatāpariyādānanti** vuttā. **Paṭisambhidāmagge** “yā ca muñcitukamyatā, yā ca paṭisaṅkhānupassanā, yā ca saṅkhārupekkhā, ime dhammā ekatthā byañjanaṃeva nānaṃ”⁵ evaṃ tīhi nāmehi vuttā. **Paṭṭhāne** “anulomaṃ gotrabhussa anantarapaccayena paccayo, anulomaṃ vodānassa anantarapaccayena paccayo”⁶ evaṃ dvīhi nāmehi vuttā. Imasmim̐ pana Alagaddasutte nibbindatīti nibbidānāmena āgatā.

Nibbidā virajjatīti ettha **virāgoti** maggo. **Virāgā vimuccatīti** ettha virāgena maggena vimuccatīti phalaṃ kathitaṃ. **Vimuttasmim̐ vimuttamiti ñāṇaṃ hotīti** idha paccavekkhaṇā kathitā.

Evaṃ vimuttacittaṃ mahākhīṇāsavaṃ dassetvā idāni tassa yathābhūtehi pañcahi kāraṇehi nāmaṃ gaṇhanto **ayaṃ vuccati bhikkhaveli-ādīmāha**. **Avijjāti** vaṭṭamūlikā avijjā. Ayaṃ hi durukkipanattihena **palighoti** vuccati. Tenesa tassa ukkhittattā **ukkhittapalighoti** vutto. **Tālāvattukātāti** sīsacchinnatālo viya katā, samūlaṃ vā tālaṃ uddharitvā tālassa vatthu viya katā, yathā tasmim̐ vatthusmim̐ puna so tālo na paññāyati, evaṃ puna apaññattibhāvaṃ nītāti attho. **Ponobbhavikoti** punabbhavadāyako. **Jātiśāraṇīti** ādīsū jāyanavasena ceva śāraṇavasena ca evaṃ laddhanāmānaṃ punabbhavaḥkhandhānaṃ paccayo kammābhisaṅkhāro. So hi punappunaṃ uppattikaraṇavasena parikkhipitvā ṭhitattā **parikkhāti** vuccati, tenesa tassā samkiṇṇattā vikiṇṇattā **samkiṇṇa-**

1. Saṃ 1. 344 piṭṭhe. 2. Dī 3. 252 piṭṭhe. 3. Ma 1. 201 piṭṭhe.

4. Ma 3. 263 piṭṭhe, thokaṃ visadisam̐.

5. Khu 9. 58 piṭṭhe, atthato samānaṃ.

6. Abhi 8. 138. 139 piṭṭhādīsū.

parikkhoti vutto. **Taṇhāti** vaṭṭamūlikā taṇhā. Ayaṃ hi gambhīrānugataṭṭhena **esikāti** vuccati. Tenesa tassā abbūḷhattā luñcivā chaḍḍitattā **abbūḷhesikoti** vutto. **Orambhāgiyānīti** oraṃ bhajanakāni kāmabhava upapattipaccayāni. Etāni hi kavāṭaṃ viya nagaradvāraṃ cittaṃ pidahitvā ṭhitattā **aggaḷāti** vuccanti. Tenesa tesāṃ nirākatattā bhinnattā **niraggaḷoti** vutto. **Ariyoti** nikkilesa parisuddho. **Pannaddhajoti** patitamānaddhajo. **Pannabhāroti** khandhabhāra-kilesabhāra-abhisāṅkhārabhārapañcakāmaguṇabhāra pannā orohitā assāti **pannabhāro**. Apica idha mānabhārasseva oropitattā pannabhāroti adhippeto. **Visaṃyuttoti** catūhi yogehi sabbakilesehi ca visaṃyutto. Idha pana mānasāmyogeneva visaṃyuttattā visaṃyuttoti adhippeto. **Asmimānoti** rūpe asmīti māno, vedanāya, saññāya, saṅkhāresu, viññāṇe asmīti māno.

Ettāvataṃ Bhagavatā maggena kilese khepetvā nirodhasayanavaragatassa nibbānārammaṇaṃ phalasaṃpattim appetvā viharato khīṇāsavassa kālo dassito. Yathā hi dve nagarāni ekaṃ coranagaraṃ, ekaṃ khemanagaraṃ. Atha ekassa mahāyodhassa evaṃ bhavyeṃ “yāvimaṃ coranagaraṃ tiṭṭhati, tāva khemanagaraṃ bhayato na muccati, coranagaraṃ anagaraṃ karissāmi”ti sannāhaṃ katvā khaggaṃ gahetvā coranagaraṃ upasaṅkamitvā nagaradvāre ussāpīte esikatthambhe khaggena chinditvā sadvārabāhakaṃ kavāṭaṃ chinditvā palighaṃ ukkhipitvā pākāraṃ bhindanto parikkhaṃ saṅkiritvā nagarasobhanatthāya ussite dhaje pātetvā nagaraṃ agginā jhāpetvā khemanagaraṃ pavisitvā pāsādaṃ abhiruyha nātigaṇaparivuto surasabhojanaṃ bhuñjeyya, evaṃ coranagaraṃ viya sakkāyo, khemanagaraṃ viya nibbānaṃ, mahāyodho viya yogāvācaro. Tassevaṃ hoti “yāva sakkāyavaṭṭaṃ vattati, tāva dvattim sakammakāraṇa-aṭṭhanavutirogapañcaviśatimahābhayehi parimuccanaṃ natthi”ti. So mahāyodho viya sannāhaṃ sīlasannāhaṃ katvā, paññākhaṅgaṃ gahetvā khaggena esikatthambhe viya arahattamaggena taṇhesikaṃ luñcivā, so yodho sadvārabāhakaṃ nagarakavāṭaṃ viya pañcorambhāgiyasāmyojanaggaḷaṃ ugghāṭetvā, so yodho palighaṃ viya avijjāpalighaṃ ukkhipitvā, so yodho pākāraṃ bhindanto parikkhaṃ viya

kammābhisaṅkhāraṃ bhindanto jātisaṃsāraparikkhaṃ saṃkiritvā, so yodho nagarasobhanatthāya ussāpīte dhaje viya mānaddhaje pātetvā sakkāyanagaraṃ jhāpetvā, so yodho khemanagare uparipāsāde surasabhojanaṃ viya kilesanibbānaṃ nagaraṃ pavisitvā amatanirodhārammaṇaṃ phalasaṃpattisukhaṃ anubhavamāno kālaṃ vītīnāmeti.

246. Idāni evaṃ vimuttacittassa khīṇāsavassa parehi anadhigamanīyaviññāṇataṃ dassento **evaṃ vimuttacittaṃ khoti**-ādimāha. Tattha **anvesanti** anvesantā gavesantā. **Idaṃ nissitanti** idaṃ nāma nissitaṃ. **Tathāgatassāti** ettha sattopi **Tathāgatoti** adhippeto, uttamapuggalo khīṇāsavopi. **Ananuvijjoti** asaṃvijjamāno vā avindeyyo vā. Tathāgatoti hi satte gahite asaṃvijjamānoti attho vaṭṭati, khīṇāsave gahite avindeyyoti attho vaṭṭati.

Tattha purimanaye ayamadhippāyo—bhikkhave ahaṃ diṭṭheva dhamme dharamānakāmyeva khīṇāsavaṃ Tathāgato satto puggaloti na paññapemi. Appaṭisaṇḍhikāṃ pana parinibbutaṃ khīṇāsavaṃ sattoti vā puggaloti vā kiṃ paññapessāmi. Ananuvijjo Tathāgato, na hi paramatthato satto nāma koci atthi, tassa avijjamānassa idaṃ nissitaṃ viññāṇanti anvesantāpi kiṃ adhigacchissanti, kathaṃ paṭilabhissantīti attho. Dutīyanaye ayamadhippāyo—bhikkhave ahaṃ diṭṭheva dhamme dharamānakāmyeva khīṇāsavaṃ viññāṇavasena indādīhi avindiyāṃ vadāmi, na hi sa-indā devā sabrahmakā sapajāpatikā anvesantāpi khīṇāsavassa vipassanācittaṃ vā maggacittaṃ vā phalacittaṃ vā idaṃ nāma ārammaṇaṃ nissāya vattatīti jānituṃ sakkonti, te appaṭisaṇḍhikassa parinibbutassa kiṃ jānissantīti.

Asatāti asantena. **Tucchāti** tucchakena. **Musāti** musāvādena. **Abhūtenāti** yaṃ natthi, tena. **Abbhācikkhantīti** abhi-ācikkhanti, abhibhavitvā vadanti. **Venayikoti** vinayati vināsetīti **vinayo**, so eva **venayiko**, sattavināsakoti adhippāyo. **Yathā cāhaṃ na bhikkhave**¹ bhikkhave yena vākārena² ahaṃ na sattavināsako. **Yathā cāhaṃ na vadāmīti** yena vā kāraṇena ahaṃ sattavināsaṃ na

1. Yathā vāhaṃ bhikkhave nāti (Sī)

2. Yena kāraṇena (Syā, Ka)

paññapemi. Idam vuttam hoti—yathāham na sattavināsako, yathā ca na sattavināsam paññapemi, tathā maṃ te bhonto samaṇabrāhmaṇā “venayiko samaṇo Gotamo”ti vadantā sattavināsako samaṇo Gotamoti ca, “sato sattassa ucchedam vināsam vibhavam paññapetī”ti vadantā sattavināsam paññapetīti ca asatā tucchā musā abhūtena abbhācikkhantīti.

Pubbe cāti pubbe Mahābodhimaṇḍamhiyeva ca. **Etarahi cāti** etarahi dhammadesanāyam ca. **Dukkham ceva paññapemi, dukkhassa ca nirodhanti** dhammacakkaṃ appavattetvā Bodhimaṇḍe viharantopi dhammacakkappavattanato paṭṭhāya dhammaṃ desentopi catusaccameva paññapemīti attho. Ettha hi dukkhaggahaṇena tassa mūlabhūto samudayo, nirodhaggahaṇena taṃsampāpako maggo gahitova hotīti veditabbo. **Tatra ceti** tasmim catusaccappakāsane. **Pareti** saccāni ājānitum paṭivijjhitum asamatthapuggalā. **Akkosantīti** dasahi akkosavatthūhi akkosanti. **Paribhāsantīti** vācāya paribhāsanti. **Rosenti vihesentīti** rosessāma vihesessāmāti adhippāyena ghaṭṭenti dukkhāpenti. **Tatrāti** tesu akkosādīsu, tesu vā parapuggalesu. **Āghātoti** kopo. **Appaccayoti** domanassam. **Anabhiraddhīti** atuṭṭhi.

Tatra ceti catusaccappakāsaneyeva. **Pareti** catusaccappakāsanam ājānitum paṭivijjhitum samatthapuggalā. **Ānandoti** Ānandapīti. **Uppilāvitattanti** uppilāpanapīti¹. **Tatra ceti** catusaccappakāsanamhiyeva. **Tatrāti** sakkārādīsu. **Yam kho idam pubbe pariññātanti** idam khandhapañcakam pubbe Bodhimaṇḍe tīhi pariññāhi pariññātam. **Tatthameti** tasmim khandhapañcake ime. Kim vuttam hoti? Tatrāpi Tathāgatassa ime sakkārā mayi karīyantīti vā aham ete anubhavāmīti vā na hoti. Pubbe pariññātakkhandhapanācakamyeva ete sakkāre anubhotīti ettakameva hotīti. **Tasmāti** yasmā saccāni paṭivijjhitum asamatthā Tathāgatampi akkosanti, tasmā. Sesam vuttanayeneva veditabbam.

1. Ubbilāvitattanti ubbilāpanapīti (Sī, Syā)

247. **Tasmātiha bhikkhave yaṃ na tumhākanti** yasmā attaniyepi chandarāgappahānaṃ dīgharattaṃ hitāya sukhāya saṃvattati, tasmā yaṃ na tumhākaṃ, taṃ pajahathāti attho. **Yathāpaccayaṃ vā kareyyāti** yathā yathā iccheyya, tathā tathā kareyya. **Na hi no etaṃ bhante attā vāti** bhante etaṃ tiṇakaṭṭhasākhāpalāsaṃ amhākaṃ neva attā na amhākaṃ rūpaṃ na viññāṇanti vadanti. **Attaniyaṃ vāti** amhākaṃ cīvarādiparikkhāropi na hotīti attho. **Evameva kho bhikkhave yaṃ na tumhākaṃ taṃ pajahathāti** Bhagavā khandhapañcakaṃyeva na tumhākanti dassetvā pajahāpeti, tañca kho na uppāṭetvā luñcitvā vā, chandarāgavinayena panetaṃ pajahāpeti.

248. **Evaṃ svākkhātoti** ettha tiparivaṭṭato paṭṭhāya yāva imaṃ ṭhānaṃ āharitumpi vaṭṭati, paṭilomena pemamattakena saggaparāyaṇato paṭṭhāya yāva imaṃ ṭhānaṃ āharitumpi vaṭṭati. **Svākkhātoti** sukathito. Sukathitattā eva uttāno vivaṭo pakāsito. **Chinnapilotikoti** pilotikā vuccati chinnaṃ bhinnaṃ tattha tattha sibbitaṃ gaṇṭhikataṃ jiṇṇaṃ vatthaṃ, taṃ yassa natthi, aṭṭahatthaṃ vā navahatthaṃ vā ahasāṭakaṃ nivattho, so chinnapilotiko nāma. Ayampi dhammo tādiso, na hettha kohaññādivasena chinnabhinnasibbitagaṇṭhikatabhāvo atthi. Apica kacavaro pilotikoti vuccati. Imasmiṃ ca sāsane samaṇakacavaraṃ nāma paṭiṭṭhātuṃ na labhati. Tenevāha—

“Kāraṇḍavaṃ niddhamatha, kasambuñcāpakassatha.

Tato palāpe vāhetha, assamaṇe samaṇamānine.

Niddhamitvāna pāpicche, pāpa-ācāragocare.

Suddhā suddhehi saṃvāsaṃ, kappayavho patissatā.

Tato samaggā nipakā, dukkhassantaṃ karissathā”¹.

Iti samaṇakacavarassa chinnattāpi ayaṃ dhammo **chinnapilotiko nāma** hoti. **Vaṭṭaṃ tesaṃ natthi paññāpanāyāti** tesaṃ vaṭṭaṃ apaññātibhāvaṃ gataṃ nippaññattikaṃ jātaṃ. Evarūpo mahākhīṇāsavo evaṃ svākkhāte sāsaneveva uppajjati. Yathā ca khīṇāsavo, evaṃ anāgāmi-ādayopi.

1. Khu 1. 322 piṭṭhe.

Tattha **dhammānusārino saddhānusārinoti** ime dve sotāpattimaggaṭṭhā honti. Yathāha “katamo ca puggalo dhammānusārī. Yassa puggalassa sotāpattiphalasacchikiriyāya paṭipannassa paññindriyaṃ adhimattaṃ hoti, paññāvāhiṃ paññāpubbaṅgamaṃ ariyamaggaṃ bhāveti. Ayaṃ vuccati puggalo dhammānusārī. Sotāpattiphalasacchikiriyāya paṭipanno puggalo dhammānusārī, phale ṭhito diṭṭhippatto. Katamo ca puggalo saddhānusārī. Yassa puggalassa sotāpattiphalasacchikiriyāya paṭipannassa saddhindriyaṃ adhimattaṃ hoti, saddhāvāhiṃ saddhāpubbaṅgamaṃ ariyamaggaṃ bhāveti. Ayaṃ vuccati puggalo saddhānusārī. Sotāpattiphalasacchikiriyāya paṭipanno puggalo saddhānusārī, phale ṭhito saddhāvimutto”¹. **Yesaṃ mayi saddhāmattaṃ pemamattanti** iminā yesaṃ añño ariyadhammo natthi, Tathāgate pana saddhāmattaṃ pemamattameva hoti. Te vipassakapuggalā adhippetā. Vipassakabhikkhūnañhi evaṃ vipassanaṃ paṭṭhapetvā nisinnānaṃ Dasabale ekā saddhā ekaṃ pemaṃ uppajjati. Tāya saddhāya tena pemena hatthe gahetvā sagge ṭhapitā viya honti, niyatagatikā kira etc. Porāṇakattherā pana evarūpaṃ bhikkhuṃ cūlasotāpannoti vadanti. Sesaṃ sabbattha uttānatthamevāti.

Papañcasūdaniyā Majjhimanikāyaṭṭhakathāya

Alagaddūpamasuttavaṇṇanā niṭṭhitā.

3. Vammikasuttavaṇṇanā

249. **Evaṃ me sutanti** Vammikasuttaṃ. Tattha **āyasmāti** piyavacanametam. **Kumārakassapoti** tassa nāmaṃ. Kumārakāle pabbajitattā pana Bhagavatā “Kassapaṃ pakkosatha, idaṃ phalaṃ vā khādanīyaṃ vā Kassapassa dethā”¹ti vutte katarassa Kassapassāti Kumārakassapassāti evaṃ gahitanāmattā tato paṭṭhāya vuḍḍhakālepi “Kumārakassapo”¹tveva vuccati. Apica raññā posāvanikaputtattāpi taṃ “Kumārakassapo”¹ti sañjānimsu. Ayaṃ panassa pubbayogato paṭṭhāya āvibhāvakathā—

1. Abhi 3. 118 piṭṭhe.

Thero kira Padumuttarassa Bhagavato kāle seṭṭhiputto ahoṣi. Athekadivasam Bhagavantaṃ citrakathim ekaṃ attano sāvakaṃ ṭhānantare ṭhapentaṃ disvā Bhagavato sattāhaṃ dānaṃ datvā “ahampi Bhagavā anāgate ekassa Buddhassa ayaṃ thero viya citrakathī sāvako bhaveyyan”ti patthanaṃ katvā puññāni karonto Kassapassa Bhagavato sāsane pabbajitvā visesaṃ nibbattetuṃ nāsakkhi.

Tadā kira parinibbutassa Bhagavato sāsane osakkante pañca bhikkhū nisseṇim bandhitvā pabbataṃ abhiruyha samaṇadhammaṃ akaṃsu. Saṃghatthero tatiyadivase arahattaṃ patto. Anuthero catutthadivase anāgāmī ahoṣi. Itare tayo visesaṃ nibbattetuṃ asakkontā devaloke nibbattiṃsu. Tesam ekaṃ Buddhantaram devesu ca manussesu ca sampattiṃ anubhontānaṃ eko Takkasilāyaṃ rājakule nibbattitvā Pukkusāti nāma rājā hutvā Bhagavantaṃ uddissa pabbajitvā Rājagahaṃ gacchanto Kumbhakārasālāyaṃ Bhagavato dhammadesanaṃ sutvā anāgāmiphalaṃ patto. Eko ekasmiṃ samuddapaṭṭane kulaghare nibbattitvā nāvaṃ āruyha bhinnanāvo dārucīrāni nivāsetvā lābhasampattiṃ patto “ahaṃ arahā”ti cittaṃ uppādetvā “na tvaṃ arahā, gaccha Satthāraṃ pañhaṃ pucchā”ti atthakāmāya devatāya codito¹ tathā katvā arahattaphalaṃ patto.

Eko Rājagahe ekissā kuladārikāya kucchimhi uppanno. Sā ca paṭhamaṃ mātāpitaro yācivā pabbajjaṃ alabhamānā kulagharaṃ gatā gabbhasaṅṭhitampi² ajānantī sāmikaṃ ārādhettvā tena anuññātā bhikkhunīsu pabbajitā. Tassā gabbhininimittaṃ disvā bhikkhuniyo Devadattaṃ pucchimṃsu, so “assamaṇī”ti āha. Dasabalaṃ pucchimṃsu, Satthā Upālitttheraṃ paṭicchāpesi. Thero Sāvattthinagaravāsīni kulāni Visākhañca upāsikaṃ pakkosāpetvā sodhento “pure laddho gabbho, pabbajjā arogā”ti āha. Satthā “suvinicchitaṃ adhikaraṇaṃ”ti therassa sādhuḥkāraṃ adāsi. Sā bhikkhunī suvaṇṇabimbasaḍisaṃ puttaṃ vijāyi, taṃ gahetvā rājā Pasenadi Kosalo posāpesi. “Kassapo”ti cassa nāmaṃ katvā aparabhāge

1. Pesito (Syā)

2. Gabbhapatiṭṭhitampi (Ka)

alaṅkaritvā Satthu santikaṃ netvā pabbājesi. Iti rañño posāvanikaputtattāpi taṃ “Kumārakassapo”ti sañjānimsūti.

Andhavaneti evaṃnāmake vane. Taṃ kira vanaṃ dvinnaṃ Buddhānaṃ kāle avijahitanāmaṃ Andhavanantveva paññāyati. Tatrāyaṃ paññattivibhāvanā—appāyukabuddhānaṃ hi sarīradhātu na ekagghanā hoti. Adhiṭṭhānānubhāvena vippakiriyati. Teneva amhākampi Bhagavā “ahaṃ na ciratṭhitiko, appakehi sattehi ahaṃ diṭṭho, yehi na diṭṭho, teva bahutarā, te me dhātuyo ādāya tattha tattha pūjentā saggaparāyaṇā bhavissanti”ti parinibbānakāle “attano sarīraṃ vippakiriyatū”ti adhiṭṭhāsi. Dīghāyukabuddhānaṃ pana suvaṇṇakkhandho viya ekagghanam dhātusarīraṃ tiṭṭhati.

Kassapassāpi Bhagavato tatheva aṭṭhāsi. Tato mahājanā sannipatitvā “dhātuyo ekagghanā na sakkā viyojetuṃ, kiṃ karissāma”ti sammantayitvā ekagghanameva cetiyaṃ karissāma, kittakaṃ pana hotu tanti āhaṃsu. Eke sattayojaniyanti āhaṃsu. Etaṃ atimahantaṃ, anāgate jaggituṃ na sakkā, chayojanaṃ hotu, pañcayojanaṃ, catuyojanaṃ, tiyojanaṃ, dviyojanaṃ, ekayojanaṃ hotūti sanniṭṭhānaṃ katvā iṭṭhakā kīdisā hontūti bāhirante iṭṭhakā rattasuvaṇṇamayā ekagghanā sataśahassagghanikā hontu, abbhantarimante paññāsasahassagghanikā. Haritālamanoṣilāhi mattikākiccaṃ kayiratu, telena udakakiccanti niṭṭhaṃ gantvā cattāri mukhāni catudhā vibhajimsu. Rājā ekaṃ mukhaṃ gaṇhi, rājaputto pathavindarakumāro ekaṃ, amaccānaṃ jeṭṭhako hutvā senāpati ekaṃ, janapadānaṃ jeṭṭhako hutvā seṭṭhi ekaṃ.

Tattha dhanasampannatāya rājāpi suvaṇṇaṃ niharāpetvā attanā gahitamukhe kammaṃ ārabhi, uparājāpi, senāpatipi. Seṭṭhinā gahitamukhe pana kammaṃ oliyati. Tato Yasorato¹ nāma eko upāsako tepiṭako bhāṇako Anāgāmī ariyasāvako, so kammaṃ oliyatīti ñatvā pañca sakaṭasatāni yojāpetvā janapadaṃ gantvā

1. Sorato (Sī), yasodharo (Syā)

“Kassapasammāsambuddho vīsativassasahassāni ṭhatvā parinibbuto, tassa yojanikaṃ ratanacetiyaṃ kayirati, yo yaṃ dātuṃ ussahati suvaṇṇaṃ vā hiraññaṃ vā sattaratanāṃ vā haritālaṃ vā manosilaṃ vā, so taṃ detū”ti samādapesi. Manussā attano attano thāmena hiraññasuvaṇṇādīni adamsu. Asakkontā telataṇḍulādīni dentiyeva. Upāsako telataṇḍulādīni kammakārānaṃ¹ bhattavetanatthaṃ paḥiṇati, avasesehi suvaṇṇaṃ cetāpetvā paḥiṇati, evaṃ sakalajambudīpaṃ acari.

Cetiye kammaṃ niṭṭhitanti cetiyaṭṭhānato paṇṇaṃ paḥiṇiṃsu “niṭṭhitaṃ kammaṃ ācariyo āgantvā cetiyaṃ vandatū”ti. Sopi paṇṇaṃ paḥiṇi “mayā sakalajambudīpo samādapito, yaṃ atthi, taṃ gahetvā kammaṃ niṭṭhāpentū”ti. Dvepi paṇṇāni antarāmagge samāgamīṃsu. Ācariyassa paṇṇato pana cetiyaṭṭhānato paṇṇaṃ paṭhamataraṃ ācariyassa hatthaṃ agamāsi. So paṇṇaṃ vācetvā cetiyaṃ vandissāmīti ekakova nikkhami. Antarāmagge aṭaviyaṃ pañca corasatāni uṭṭhahiṃsu. Tatrekacce taṃ disvā iminā sakalajambudīpato hiraññasuvaṇṇaṃ sampiṇḍitaṃ, nidhikumbhī no pavaṭṭamānā² āgatāti avasesānaṃ ārocetvā taṃ aggahesuṃ. Kasmā tātā maṃ gaṇhathāti. Tayā sakalajambudīpato sabbaṃ hiraññasuvaṇṇaṃ sampiṇḍitaṃ, amhākampi thokaṃ thokaṃ dehīti. Kim tumhe na jānātha, Kassapo Bhagavā parinibbuto, tassa yojanikaṃ ratanacetiyaṃ kayirati, tadatthāya mayā samādapitaṃ, no attano atthāya. Taṃ taṃ laddhaladdhaṭṭhānato tattheva pesitaṃ, mayhaṃ pana nivatthasāṭakamattaṃ ṭhapetvā aññaṃ vittaṃ³ kākaṇikampi natthīti.

Eke “evametaṃ vissajjetha ācariyaṃ”ti āhaṃsu. Eke “ayaṃ rājaṇapūjito amaccapūjito, amhesu kiñcideva nagaravīthiyaṃ disvā rājarājamahāmattādīnaṃ ārocetvā anayabyasanaṃ pāpuṇāpeyyā”ti āhaṃsu. Upāsako “tātā nāhaṃ evaṃ karissāmī”ti āha, tañca kho tesu kāruññaena, na attano jīvitānikantiyā. Atha tesu gahetabbo vissajjetabboti vivadantesu gahetabboti laddhikā eva bahutarā hutvā jīvitā voropayiṃsu.

1. Kammakarānaṃ (Sī)

2. Pavattamānā (Syā, Ka)

3. Kiñci (Syā)

Tesaṃ balavagūṇe ariyasāvake aparādhena nibbutadīpasikhā viya akkhīni antaradhāyimsu. Te “kahaṃ bho cakkhu kahaṃ bho cakkhū”ti vippalapantā ekacce nātakehi gehaṃ nītā, ekacce noñātakā anāthāti tattheva aṭaviyaṃ rukkhamūle paṇṇasālāya vasiṃsu. Aṭaviṃ āgatamanussā kāruñṇena tesaṃ taṇḍulaṃ vā puṭabhattaṃ vā paribbayaṃ vā denti. Dārupaṇṇādīnaṃ atthāya gantvā āgatā manussā kuhiṃ gatattthāti vutte Andhavanaṃ gatamhāti vadanti. Evaṃ dvinnampi Buddhānaṃ kāle taṃ vanaṃ Andhavanaṃtveva paññāyati. Kassapabuddhakāle panetaṃ Chaḍḍitajanapade aṭavi ahoṣi. Amhākaṃ Bhagavato kāle Sāvattthiyā avidūre Jetavanassa piṭṭhibhāge pavivekakāmānaṃ kulaputtānaṃ vasanaṭṭhānaṃ padhānagharaṃ ahoṣi, tattha āyasmā Kumārakassapo tena samayena sekkhapaṭipadaṃ pūrayamāno viharati. Tena vuttaṃ “Andhavane viharatī”ti.

Aññatarā devatāti nāmagottavasena apākaṭā ekā devatāti attho. “Abhijānāti no bhante Bhagavā ahuñātaññatarassa¹ mahesakkhassa saṃkhittena taṇḥāsāṅkhayavimuttiṃ bhāsītā”ti² ettha pana abhiññāto Sakkopi devarājā aññataroti vutto. **Devatāti** ca idaṃ devānampi devadhītānampi sādharmaṇavacanaṃ. Imasmiṃ panatthe devo adhippeto. **Abhikkantāya rattiyāti** ettha abhikkantasaddo khayasundarābhirūpa-abghanumodanādīsu dissati. Tattha “abhikkantā bhante ratti, nikkhanto paṭhamo yāmo, ciranisinno bhikkhusaṅgho, uddisatu bhante Bhagavā bhikkhūnaṃ pātimokkhan”ti evamādīsu³ khaye dissati. “Ayaṃ imesaṃ catunnaṃ puggalānaṃ abhikkantataro ca paṇītataro cā”ti⁴ evamādīsu sundare.

“Ko me vandati pādāni, iddhiyā yasaṃ jalaṃ.

Abhikkantena vaṇṇena, sabbā obhāsayaṃ disā”ti⁵—

Evamādīsu abhirūpe. “Abhikkantaṃ bho Gotamā”ti evamādīsu⁶ abghanumodane. Idha pana khaye. Tena **abhikkantāya rattiyāti** parikkhīṇāya rattiyāti vuttaṃ hoti. Tatthāyaṃ devaputto majjhimayāmasamanantare

1. Ahunaṃyeva aññatarassa (Sī, Syā)

2. Ma 1. 322 piṭṭhe.

3. Am 3. 44 piṭṭhe.

4. Am 1. 414 piṭṭhe.

5. Khu 2. 73 piṭṭhe.

6. Vi 1. 7 piṭṭhe.

bhoto Gotamassa, yathā taṃ Arahato Sammāsambuddhassā”¹ evamādīsu abhisaddahanamattho. “Anujānāmi bhikkhave pañcahi samaṇakappehi phalaṃ paribhuñjitun”² evamādīsu vohāro. “Yena sudarṃ niccakappaṃ viharāmī”³ evamādīsu¹ kālo. “Iccāyasmā kappo”³ evamādīsu paññatti. “Alaṅkatā kappitakesamassū”⁴ evamādīsu chedanāṃ. “Kappati dvaṅgalakappo”⁵ evamādīsu vikappo. “Atthi kappo nipajjitun”⁶ evamādīsu lesa. “Kevalakappaṃ veḷuvanaṃ obhāsetvā”⁷ evamādīsu samantabhāvo. Idha panassa samantabhāvo attho adhippeto. Tasmā **kevalakappaṃ Andhavananti** ettha anavasesaṃ samantato Andhavananti evamattho daṭṭhabbo.

Obhāsetvāti vatthālāṅkārasarīrasamuṭṭhitāya ābhāya pharivā, candimā viya ca sūriyo viya ca ekobhāsaṃ ekapajjotaṃ karitvāti attho. **Ekamantaṃ aṭṭhāsīti** ekasmiṃ ante, ekasmiṃ okāse aṭṭhāsī. **Etadavocāti** etaṃ “bhikkhu bhikkhū”⁸ ti-ādivacanamavoca. Kasmā paṇāyaṃ avanditvā samaṇavohāreṇeva kathetīti. Samaṇasaññāsamudācāreṇeva. Evaṃ kirassa ahosi “ayaṃ antaraṃ kāmāvacare vasi. Ahaṃ pana asmi⁸ tato kālato paṭṭhāya brahmacārī”⁸ ti samaṇasaññāvassa samudācarati, tasmā avanditvā samaṇavohāreṇeva katheti. Pubbasahāyo kireso devaputto therassa. Kuto paṭṭhāyāti. Kassapasammāsambuddhakālato paṭṭhāya. Yo hi pubbayoge āgatesu pañcasu sahāyesu anuthero catutthadivase Anāgāmī ahoṣīti vutto, ayaṃ so. Tadā kira tesu saṃghattherassa arahatteneva saddhiṃ abhiññā āgamimsu. So “mayhaṃ kiccaṃ matthakaṃ pattan”⁸ ti vehāsaṃ uppatitvā Anotattadahe mukhaṃ dhovivā Uttarakuruto piṇḍapātaṃ ādāya āgantvā “imaṃ āvuso piṇḍapātaṃ bhuñjitvā appamattā samaṇadhammaṃ karoṭhā”⁸ ti āha. Itare āhaṃsu “na āvuso amhākaṃ evaṃ katikā atthi ‘yo paṭhamaṃ viśesaṃ nibbattetvā piṇḍapātaṃ āharati, tenābhataṃ bhuñjitvā sesehi samaṇadhammo kātabbo’⁸ ti. Tumhe

1. Ma 1. 316 piṭṭhe.

2. Vi 4. 244 piṭṭhe.

3. Saṃ 2. 138 piṭṭhe.

4. Saṃ 2. 525 piṭṭhe.

5. Vi 4. 491 piṭṭhe.

6. Am 3. 148 piṭṭhe.

7. Saṃ 1. 50 piṭṭhe.

8. Ahaṃ pana tasmim kāle (Ka)

attano upanissayena kiccaṃ matthakaṃ pāpayittha. Mayampi sace no upanissayo bhavissati, kiccaṃ matthakaṃ pāpessāma. Papañco esa amhākaṃ, gacchatha tumhe”ti. So yathāphāsukaṃ gantvā āyupariyosāne parinibbāyi.

Punadivase anuthero anāgāmiphalaṃ sacchākāsi, tassa abhiññāyo āgamimsu. Sopi tatheva piṇḍapātāṃ āharitvā tehi paṭikkhitto yathāphāsukaṃ gantvā āyupariyosāne Suddhāvāse nibbatti. So Suddhāvāse ṭhatvā te sahāye olokento, eko tadāva parinibbuto, eko adhunā Bhagavato santike ariyabhūmiṃ patto, eko lābhasakkāraṃ nissāya “ahaṃ arahā”ti cittaṃ uppādetvā suppārakapaṭṭane vasatīti disvā taṃ upasaṅkamitvā “na tvaṃ arahā, na arahattamaggaṃ paṭipanno, gaccha Bhagavantaṃ upasaṅkamitvā dhammaṃ suṇāhī”ti uyyojesi. Sopi antaraghare Bhagavantaṃ ovādaṃ yācitvā “tasmātiha te Bāhiya evaṃ sikkhitabbaṃ diṭṭhe diṭṭhamattaṃ hotū”ti¹ Bhagavatā saṅkhittena ovadito ariyabhūmiṃ sampāpuṇi.

Tato añño eko atthi, so kuhinti olokento andhavane sekkhapaṭipadaṃ pūrayamāno viharatīti disvā cintesi “sahāyakassa santike gamissāmīti, gacchantena pana tucchahatthena agantvā kiñci paṇṇākāraṃ gahevā gantuṃ vaṭṭati, sahāyo kho pana me nirāmisso pabbatamatthake vasanto mayā ākāse ṭhatvā dinnāṃ piṇḍapātampi aparibhuñjitvā samaṇadhammaṃ akāsi, idāni āmisapaṇṇākāraṃ kiṃ gaṇhissati, dhammapaṇṇākāraṃ gahetvā gamissāmī”ti brahmaloke ṭhitova ratanāvaḷiṃ ganthento viya pannarasa pañhe vibhajitvā taṃ dhammapaṇṇākāraṃ ādāya āgantvā sahāyassa avidūre ṭhatvā attano samaṇasaññāsamudācāravasena taṃ anabhivādetvāva “bhikkhu bhikkhū”ti ālapitvā **ayam vammikoti**-ādimāha. Tattha turitālanavasena bhikkhu bhikkhūti āmeditaṃ veditabbaṃ. Yathā vā ekeneva tilakena nalāṭaṃ na sobhati, taṃ parivāretvā aññesupi dinnesu phullitamaṇḍitaṃ viya sobhati, evaṃ ekeneva padena vacanaṃ na sobhati, parivārikapadena

1. Khu 1. 85 piṭṭhe.

saddhiṃ phullitamaṇḍitaṃ viya sobhatīti taṃ parivārikapadavasena vacanaṃ phullitamaṇḍitaṃ viya karontopi evamāha.

Ayaṃ vammikoti purato ṭhito vammiko nāma natthi, desanāvasena pana purato ṭhitaṃ dassento viya **ayanti āha**. **Laṅginti** satthaṃ ādāya khaṇanto palighaṃ addasa. **Ukkhipa laṅgiṃ abhikkhaṇa sumedhāti** tāta paṇḍita laṅgī nāma rattiṃ dhūmāyati divā pajjalati. Ukkhipetaṃ paraṃ parato khaṇāti. Evaṃ sabbapadesu attho daṭṭhabbo. **Uddhumāyikanti** maṇḍūkam. **Caṅgavāranti** khāraparissāvanaṃ. **Kummanti** kacchapaṃ. **Asisūnanti** maṃsacchedakaṃ asiñceva adhikuṭṭanañca. **Maṃsapesinti** nisadapotappamaṇaṃ allamaṃsapiṇḍaṃ. **Nāganti** sumanapupphakalāpasadisam mahāphaṇaṃ tividhasovatthikaparikkhittaṃ ahināgaṃ addasa. **Mā nāgaṃ ghaṭṭesīti** daṇḍakakoṭṭiyā vā vallikoṭṭiyā vā paṃsucunṇaṃ vā pana khipamaṇo mā nāgaṃ ghaṭṭayi. **Namo karohi nāgassāti** uparivātato apagamma suddhavatthaṃ nivāsetvā nāgassa namakkāraṃ karohi. Nāgena adhisayitaṃ dhanam nāma yāva sattamā kulaparivaṭṭā khādato na khīyati, nāgo te adhisayitaṃ dhanam dassati, tasmā namo karohi nāgassāti. **Ito vā pana sutvāti** yathā dukkhakkhandhe itoti sāsane nissakkaṃ, na tathā idha. Idha pana devaputte nissakkaṃ, tasmā **ito vā panāti** mama vā pana santikā sutvāti ayamettha attho.

251. **Cātumahābhūtikassāti** cātumahābhūtamayassa. **Kāyass’etaṃ adhivacananti** sarīrassa nāmaṃ. Yatheva hi bāhirako vammiko vamaṭṭīti vantakoti vantussayoti vantasinehasambaddho ti¹ catūhi kāraṇehi **vammikoti** vuccati. So hi ahimaṅgusa²undūragharagoḷikādayo nānappakāre pāṇake vamaṭṭīti vammiko. Upacikāhi vantakoti vammiko. Upacikāhi vamtivā mukhatuṇḍakena ukkhittapaṃsucunṇena kaṭippamaṇenapi porisappamaṇenapi ussitoti vammiko. Upacikāhi vantakheḷasinehena ābaddhatāya sattasattāham³ deve vassantepi na vippakiriyati, nidāghepi tato paṃsumuṭṭhiṃ gahetvā tasmim muṭṭhinā pīḷiyamāne sineho nikkhamati, evaṃ vantasinehena Sambaddhoti vammiko. Evaṃ ayaṃ kāyo pi

1. Vantasinehasambandhoti (Syā, Ka) 2. Ahinakula (Sī, Syā) 3. Sattāham (Sī)

“akkhimhā akkhigūthako”ti-ādinā nayena nānappakārakaṃ asucikalimalaṃ vamaṭṭi vammiko. Buddhapaccekaḥbuddhakhīṇāsavā imasmim attabhāve nikantipariyādānena attabhāvaṃ chaḍḍetvā gatāti Ariyehi vantakotipi vammiko. Yehi c’āyaṃ tīhi aṭṭhisatehi ussito nhārusambaddho maṃsāvalepano allacammaṃpariyonaddho chavirañjito satte vañceti, taṃ sabbaṃ Ariyehi vantam evāti vantussayotipi vammiko. “Taṇhā janeti purisaṃ, cittaṃ assa vidhāvati”¹ti¹ evaṃ taṇhāya janitattā ariyehi vanten’eva taṇhāsinehena Sambaddho ayanti vantasinehena sambaddho tip i vammiko. Yathā ca vammikassa anto nānappakārā pāṇakā tatth’eva jāyanti, uccārapassāvaṃ karonti, gilānā sayanti, matā patanti. Iti so tesam sūtiḥharaṃ vaccakuṭi gilānasālā susānaṃ ca hoti. Evaṃ khattiyamahāsālādīnampi kāyo ayaṃ gopitarakkhito maṇḍitappasādhitō mahānubhāvānaṃ kāyoti acintetvā chavinissitā pāṇā cammanissitā pāṇā maṃsanissitā pāṇā nhārunissitā pāṇā aṭṭhinissitā pāṇā aṭṭhimiñjanissitā pāṇāti evaṃ kulagaṇanāya asītimattāni kimikulasahassāni antokāyasmim yeva jāyanti, uccārapassāvaṃ karonti, gelaññena āturitāni sayanti, matāni patanti, iti ayampi tesam pāṇānaṃ sūtiḥharaṃ vaccakuṭi gilānasālā susānañca hotīti “vammiko”tv’eva saṅkhaṃ gato. Ten’āha Bhagavā “vammikoti kho bhikkhu imassa cātumahābhūtikassa kāyass’etaṃ adhivacanan”ti.

Mātāpettikasambhavassāti mātito ca pitito ca nibbattena mātāpettikena sukkasoṇitena sambhūtaṃ. **Odanakummāsūpacayassāti** odanena c’eva kummāseṇa ca upacitassa vaḍḍhitassa.

Aniccucchādanaparimaddanabhedanaviddhaṃsanadhammassāti ettha ayaṃ kāyo hutvā abhāvattṭhena **aniccadhammo**. Duggandhavighātattṭhāya tanuvilepanena **ucchādanadhammo**. Aṅgapaccaṅgābhādhavinodanattṭhāya khuddakasambāhanena **parimaddanadhammo**. Daharakāle vā ūrūsu sayāpetvā gabbhavāseṇa dussaṇṭhitānaṃ tesam tesam aṅgānaṃ saṇṭhānasampādanattṭhaṃ añchanapīḷanādivasena parimaddanadhammo. Evaṃ pariharitopi ca bhedanaviddhaṃsanadhammo bhijjati c’eva vikirati ca, evaṃsabhāvoti attho.

1. Saṃ 1. 34 piṭṭhe.

Tattha mātāpettikasambhava-odanakummāsūpacaya-
ucchādanaparimaddanapadehi samudayo kathito,
aniccabhedanaviddhamśanapadehi atthaṅgamo. Evaṃ sattahipi padehi
cātumahābhūtikassa kāyassa uccāvacabhāvo vaḍḍhiparihāni
samudayatthaṅgamo kathitoti veditabbo.

Divā kammanteti divā kattabbakammante. **Dhūmāyanāti** ettha ayaṃ
dhūmasaddo kodhe taṇhāya vitakke pancasu kāmagaṇesu dhammadesanāya
pakatidhūmeti imesu atthesu vattati. “Kodho dhūmo bhasmani
mosavajjan”¹ti ettha hi kodhe vattati. “Icchādhūmāyitā sattā”²ti ettha
taṇhāya. “Tena kho pana samayena aññataro bhikkhu Bhagavato avidūre
dhūmāyanto nisinno hoti”³ti ettha vitakke.

“Paṅko ca kāmā palipo ca kāmā,
Bhayañca metaṃ timūlaṃ pavuttaṃ.
Rajo ca dhūmo ca mayā pakāsītā.
Hitvā tuvaṃ pabbaja brahmadattā”³—

Ettha pañcakāmagaṇesu. “Dhūmaṃ kattā hoti”⁴ti ettha
dhammadesanāya. “Dhajo rathassa paññāṇaṃ, dhūmo paññāṇamaggino”⁵
ettha pakatidhūme. Idha pañāyaṃ vitakke adhippeto. Tenāha “ayaṃ rattim
dhūmāyanā”⁶ti.

Tathāgatassetam adhivacananti Tathāgato hi sattannaṃ dhammānaṃ
bāhitattā **brāhmaṇo** nāma. Yathāha “sattannaṃ kho bhikkhu dhammānaṃ
bāhitattā brāhmaṇo. Katamesaṃ sattannaṃ, rāgo bāhito hoti, doso, moho,
māno, sakkāyadiṭṭhi, vicikicchā, sīlabbataparāmāso bāhito hoti. Imesaṃ
bhikkhu sattannaṃ dhammānaṃ bāhitattā brāhmaṇo”⁶. **Sumedhoti**
sundarapañño. **Sekkhassāti** ettha sikkhatīti sekkho. Yathāha “sikkhatīti kho
bhikkhu tasmā sekkhoti vuccati. Kiñca sikkhati, adhisīlampi sikkhati,
adhicittampi sikkhati, adhipaññampi sikkhatī”⁷.

1. Saṃ 1. 171 piṭṭhe.

3. Khu 5. 138 piṭṭhe.

6. Khu 8. 84 piṭṭhe.

2. Sadāti (Sī) Saṃ 1. 37 piṭṭhe atthato samānaṃ.

4. Ma 1. 285 piṭṭhe.

5. Saṃ 1. 39 piṭṭhe.

7. Am 1. 232 piṭṭhe.

Paññāya adhivacananti¹ lokiyalokuttarāya paññāya etaṃ adhivacanam, na āvudhasatthassa. **Vīriyārambhassāti** kāyikacetāsikavīriyassa. Taṃ paññāgatikameva hoti. Lokiyāya paññāya lokiyam, lokuttarāya paññāya lokuttaram. Ettha paññāyam atthadīpanā—

Eko kira jānapado brāhmaṇo pātova māṇavakehi saddhim gāmato nikkhamma divasaṃ araññe mante vācetvā sāyaṃ gāmaṃ āgacchati. Antarāmagge ca eko vammiko atthi, so rattim dhūmāyati, divā pajjalati, brāhmaṇo antevāsim Sumedham māṇavam āha “tāta ayaṃ vammiko rattim dhūmāyati, divā pajjalati, vikāramassa passissāma, bhinditvā naṃ cattāro koṭṭhāse katvā khipāhī”ti. So sādhiṭi kudālam² gahetvā samehi pādehi pathaviyaṃ patiṭṭhāya tathā akāsi. Tatra ācariyabrāhmaṇo viya Bhagavā. Sumedhamāṇavako viya sekkho bhikkhu. Vammiko viya kāyo. “Tāta ayaṃ vammiko rattim dhūmāyati, divā pajjalati, vikāramassa passissāma, bhinditvā naṃ cattāro koṭṭhāse katvā khipāhī”ti brāhmaṇena vuttakālo viya “bhikkhu cātumahābhūtikam kāyam cattāro koṭṭhāse katvā pariggaṇhāhī”ti Bhagavatā vuttakālo. Tassa sādhiṭi kudālam gahetvā tathākaraṇam viya sekkhassa bhikkhuno “yo vīsatiyā koṭṭhāsesu thaddhabhāvo, ayaṃ pathavīdhātu. Yo dvādasasu koṭṭhāsesu ābandhanabhāvo, ayaṃ āpodhātu. Yo catūsu koṭṭhāsesu paripācanabhāvo, ayaṃ tejodhātu. Yo chasu koṭṭhāsesu vitthambhanabhāvo, ayaṃ vāyodhātū”ti evam catudhātuvavatthānavasena kāyapariggaho veditabbo.

Laṅgīti kho bhikkhūti kasmā Bhagavā avijjam laṅgīti katvā dassēti. Yathā hi nagarassa dvāraṃ pidhāya palighe yojite mahājanassa gamanaṃ pacchijjati, ye nagarassa anto, te antoyeva honti. Ye bahi, te bahiyeva. Evameva yassa nāṇamukhe avijjālaṅgī patati, tassa nibbānasampāpakaṃ nāṇagamaṇam pacchijjati, tasmā avijjam laṅgīti katvā dassesi. **Pajaha avijjanti** ettha kammaṭṭhāna-uggahaparipucchāvasena avijjāpahānaṃ kathitaṃ.

1. Paññāyētanti (Sī, Syā, Ka)

2. Kuddālam (Sī, Syā)

Uddhumāyikāti kho bhikkhūti ettha **uddhumāyikamaṇḍūko** nāma no mahanto, nakhapiṭṭhippamāṇo hoti, purāṇapaṇṇantare vā gacchantare vā valli-antare vā vasati. So daṇḍakakoṭiyā vā vallikoṭiyā vā paṃsucuṇṇakena vā ghaṭṭito āyāmitvā mahanto parimaṇḍalo beluvapakkappamāṇo hutvā cattāro pāde ākāsagate katvā pacchinnagamano hutvā amittavasam yāti, kākakulalādibhattameva¹ hoti. Evameva ayaṃ kodho paṭhamam uppajjanto cittāvilamattakova hoti. Tasmim khaṇe aniggahito vaḍḍhitvā mukhavikulanam pāpeti. Tadā aniggahito hanusañcopanam pāpeti. Tadā aniggahito pharusavācānicchāraṇam pāpeti. Tadā aniggahito disāvilokanam pāpeti. Tadā aniggahito ākaḍḍhanaparikaḍḍhanam pāpeti. Tadā aniggahito pāṇinā leḍḍudaṇḍasatthaparāmasanam pāpeti. Tadā aniggahito daṇḍasatthābhiniṇipātam pāpeti. Tadā aniggahito paraghātanampi attaghātanampi pāpeti. Vuttampi hetam “yato ayaṃ kodho param ghātetvā attānam ghātetī, ettāvātāyaṃ kodho paramussadagato hoti paramavepullappatto”². Tattha yathā uddhumāyikāya catūsu pādesu ākāsagatesu gamanam pacchijjati, uddhumāyikā amittavasam gantvā kākāḍibhattam hoti, evameva kodhasamaṅgīpuggalo kammaṭṭhānam gahetvā vaḍḍhetum na sakkoti, amittavasam yāti, sabbesam mārānam yathākāmakaraṇīyo hoti. Tenāha Bhagavā “uddhumāyikāti kho bhikkhu kodhūpāyāsassetam adhivacanan”^{ti}. Tattha balavappatto kodhova kodhūpāyāso. **Pajaha kodhūpāyāsanti** ettha paṭisaṅkhānappahānam kathitam.

Dvidhāpathoti ettha yathā puriso sadhano sabhogo kantāraddhānamaggappaṭipanno dvedhāpatham patvā “iminā nu kho gantabban, iminā gantabban”^{ti} nicchetum asakkonto tattheva tiṭṭhati, atha nam corā uṭṭhahitvā anayabyasanam pāpenti, evameva kho mūlakammaṭṭhānam gahetvā nisinno bhikkhu Buddhādīsu kaṅkhāya uppanāya kammaṭṭhānam vaḍḍhetum na sakkoti, atha nam kilesamārādayo sabbe mārā anayabyasanam pāpenti, iti vicikicchā dvedhāpathasamā hoti. Tenāha Bhagavā “dvidhāpathoti kho bhikkhu

1. Kākakulalādīnam bhattameva (Sī)

2. Khu 8. 61 Cūḷaniddese.

vicikicchāyetaṃ adhivacanan”ti. **Pajaha vicikicchanti** ettha kammaṭṭhāna-uggahaparipucchāvasena vicikicchāpahānaṃ kathitaṃ.

Caṅgavāranti ettha yathā rajakehi khāraparissāvanamhi udae pakkhitte eko udakaghaṭo dvepi dasapi vīsatiṃ ghaṭasatampi paggharatiyeva, pasaṭamattampi udakaṃ na tiṭṭhati, evameva nīvaraṇasamaṅgino puggalassa abbhantare kusaladhammo na tiṭṭhati. Tenāha Bhagavā “caṅgavāranti kho bhikkhu pañcannetaṃ nīvaraṇānaṃ adhivacanan”ti. **Pajaha pañcanīvaraṇeti** ettha vikkhambhanatadaṅgavasena nīvaraṇappahānaṃ kathitaṃ.

Kummoti ettha yathā kacchapassa cattāro pādā sīsanti pañceva aṅgāni honti, evameva sabbepi saṅkhatā dhammā gayhamānā pañceva khandhā bhavanti. Tenāha Bhagavā “kummoti kho bhikkhu pañcannetaṃ upādānakkhandhānaṃ adhivacanan”ti. **Pajaha pañcupādānakkhandheti** ettha pañcasu khandhesu chandarāgappahānaṃ kathitaṃ.

Asisūnāti ettha yathā sūnāya upari maṃsaṃ ṭhapetvā asinā koṭṭenti, evamime sattā vatthukāmatthāya kilesakāmehi ghātayamānā vatthukāmānaṃ upari katvā kilesakāmehi kantitā koṭṭitā ca honti. Tenāha Bhagavā “asisūnāti kho bhikkhu pañcannetaṃ kāmaguṇānaṃ adhivacanan”ti. **Pajaha pañca kāmaguṇeti** ettha pañcasu kāmaguṇesu chandarāgappahānaṃ kathitaṃ.

Maṃsapesīti kho bhikkhūti ettha ayaṃ maṃsapesi nāma bahunapatthitā khattiyādayo manussāpi naṃ patthenti kākādayo tiracchānāpi. Ime hi sattā avijjāya sammattā¹ nandirāgaṃ upagamma vaṭṭaṃ vaḍḍhenti. Yathā vā maṃsapesi ṭhapitaṭhapitaṭṭhāne laggati, evamime sattā nandirāgabaddhā vaṭṭe lagganti, dukkhaṃ patvāpi na ukkaṇṭhanti, iti nandirāgo maṃsapesisadisō hoti. Tenāha Bhagavā “maṃsapesīti kho bhikkhu nandirāgassetāṃ adhivacanan”ti. **Pajaha nandirāganti** ettha catutthamaggena nandirāgappahānaṃ kathitaṃ.

Nāgoti kho bhikkhu khīṇāsavassetāṃ bhikkhuno adhivacananti ettha yenatthena khīṇāsavo nāgoti vuccati, so Anaṅgaṇasutte² pakāsito eva. **Namo karoḥi nāgassāti** khīṇāsavassa Buddhanāgassa

1. Avijjāsammattā (Sī), avijjāsamannāgatā (Syā)

2. Ma-Ṭṭha 1. 157 piṭṭhe.

“Buddho so Bhagavā bodhāya dhammaṃ dasseti, danto so Bhagavā damathāya dhammaṃ deseti, santo so Bhagavā samathāya dhammaṃ deseti, tiṇṇo so Bhagavā taraṇāya dhammaṃ deseti, parinibbuto so Bhagavā parinibbānāya dhammaṃ deseti”¹ti evaṃ namakkāraṃ karohīti ayamettha attho. Iti idaṃ suttaṃ therassa kammaṭṭhānaṃ ahosi. Theropi idameva suttaṃ kammaṭṭhānaṃ katvā vipassanaṃ vaḍḍhetvā arahattaṃ patto. **Ayametassa atthoti** ayaṃ etassa pañhassa attho. Iti Bhagavā ratanarāsīmhi maṇikūṭaṃ gaṇhanto viya yathānusandhināva desanaṃ niṭṭhapesīti.

Papañcasūdaniyā Majjhimanikāyaṭṭhakathāya

Vammikasuttavaṇṇanā niṭṭhitā.

4. Rathavinītasuttavaṇṇanā

252. **Evaṃ me sutanti** Rathavinītasuttaṃ. Tattha **Rājagaheti** evaṃnāmake nagare, tañhi Mandhātumahāgovindādīhi pariggahitattā **Rājagahanti** vuccati. Aññepettha pakāre vaṇṇayanti. Kim tehi, nāmametam tassa nagarassa. Taṃ panetaṃ Buddhakāle ca cakkavattikāle ca nagaram hoti, sesakāle suññaṃ hoti yakkhapariggahitaṃ, tesam vasantavanaṃ² hutvā tiṭṭhati. **Veḷuvane kalandakanivāpeti Veḷuvananti** tassa uyyānassa nāmaṃ, taṃ kira veḷūhi parikkhittaṃ ahosi aṭṭhārasahatthena ca pakārena, gopuraṭṭālakayuttaṃ nīlobhāsaṃ manoramam, tena **Veḷuvananti** vuccati. Kalandakānaṃ cettha nivāpaṃ adamsu, tena **kalandakanivāpoti** vuccati.

Pubbe kira aññataro rājā tattha uyyānakīlanattham āgato³ surāmadena matto divāseyyam upagato supi. Parijanopissa “sutto rājā”ti pupphaphalādīhi palobhiyamāno ito cito ca pakkāmi, atha surāgandhena aññatarasmā susirarukkha kaṇhasappo nikkhamitvā raññābhimukho āgacchati. Taṃ disvā rukkhadevatā “rañño jīvitam dammī”ti kālakavesena āgantvā kaṇṇamūle saddamakāsi. Rājā paṭibujhi,

1. Ma 1. 298 piṭṭhe.

2. Vasavanaṃ (Syā, Ka)

3. Attano (Ka)

kaṇhasappo nivatto. So taṃ disvā “imāya mama jīvitaṃ dinnan”ti kālākānaṃ tattha nivāpaṃ paṭṭhapesi, abhayaghosanañca ghosāpesi. Tasmā taṃ tato pabhuti **kalandakanivāpanti** saṅkhyāṃ gaṭaṃ. **Kalandakāti** kālākānaṃ nāmaṃ.

Jātibhūmakāti jātibhūmivāsino. Tattha **jātibhūmīti** jātaṭṭhānaṃ. Taṃ kho panetaṃ neva Kosalamahārājādīnaṃ na Caṅkībrāhmaṇādīnaṃ na Sakkasuyāmasantusitādīnaṃ na asītimahāsāvakaḍḍhādīnaṃ na aññesaṃ sattānaṃ jātaṭṭhānaṃ “jātibhūmī”ti vuccati. Yassa pana jātadivase dasasahassilokadhātu ekaddhajamālāvippakiṇṇakusumavāsacuṇṇagandhasugandhā sabbapāliphullamiva¹ Nandanavanaṃ virocamaṇā paduminipaṇṇe udakabindu viya akampittha, jaccandhādīnaṃ ca rūpadassanādīni anekāni pāṭihāriyāni pavattiṃsu, tassa sabbaññubhodhisattassa jātaṭṭhānasākiyajanaḍḍhā² Kapilavatthāhāro, sā³ “jātibhūmī”ti vuccati.

Dhammagarubhāvavaṇṇanā

Vassaṃvuṭṭhāti temāsaṃ vassaṃvuṭṭhā pavāritapavāraṇā hutvā. **Bhagavā etadvocāti** “kacci bhikkhave khamāṇīyaṃ”ti-ādīhi vacanehi āgantukapaṭiṣanthāraṃ katvā etaṃ “ko nu kho bhikkhave”ti-ādivacanavoca. Te kira bhikkhū “kacci bhikkhave khamāṇīyaṃ kacci yāpanīyaṃ, kaccittha appakilamathena addhānaṃ āgatā, na ca piṇḍakena kilamittha, kuto ca tumhe bhikkhave āgacchathā”ti paṭiṣanthāravasena pucchitā “Bhagavā Sākiyajanaḍḍhā Kapilavatthāhārato jātibhūmito āgacchāmā”ti āhaṃsu. Atha Bhagavā neva Suddhodanamahārājassa, na Sakkodanassa, na Sukkodanassa, na Dhotodanassa, na Amittodanassa, na Amittāya deviyā, na mahāpajāpatiyā, na sakalassa Sākiyamaṇḍalassa ārogyaṃ pucchi. Atha kho attanā ca dasakathāvatthulābhiṃ parañca tattha samādapetāraṃ paṭipattisampannaṃ bhikkhuṃ pucchanto idaṃ “ko nu kho bhikkhave”ti-ādivacanā avoca.

1. Sabbapāliphullamiva (Syā, Ka)

2. Jātaṭṭhānaṃ Sākiyajanaḍḍhā (Sī)

3. Kapilavatthākāro (Sī)

Kasmā pana Bhagavā Suddhodanādīnaṃ ārogyaṃ apucchitvā evarūpaṃ bhikkhumeva pucchati? Piyatāya. Buddhānañhi paṭipannakā bhikkhū bhikkhuniyo upāsakā upāsikāyo ca piyā honti manāpā. Kim kāraṇā? Dhammagarutāya. Dhammagaruno hi Tathāgatā, so ca nesaṃ dhammagarubhāvo “dukkhaṃ kho agāravo viharati appatisso”¹ti iminā Ajapālanigrodhamūle uppannajjhāsayena veditabbo. Dhammagarutāyeva hi Bhagavā Mahākassapatttherassa abhinikkhamanadivase paccuggamaṇaṃ karonto tigāvutaṃ maggaṃ agamāsi. Atirekatiyojanasataṃ maggaṃ gantvā Gaṅgātīre dhammaṃ desetvā Mahākappinaṃ sapaṇisaṃ arahatte paṭiṭṭhapesi. Ekasmiṃ pacchābhatte pañcacattālīsajjanāṃ maggaṃ gantvā Kumbhakārassa nivesane tiyāmarattiṃ dhammakathaṃ katvā Pukkusātikulaputtaṃ anāgāmiṃphale paṭiṭṭhapesi. Vīsajjanasataṃ gantvā Vanavāsīsāmaṇerassa anuggahaṃ akāsi. Saṭṭhiyojanamaggaṃ gantvā Khadiravanīyatttherassa dhammaṃ desesi. Anuruddhatthero pācīnavamsadāye nisinna mahāpurisavitakkaṃ vitakketīti ñatvā tatha ākāseṇa gantvā therassa purato oruyha sādhuṅkāramadāsi. Koṭikaṇṇasoṇatttherassa ekagandhakuṭiyaṃ senāsanaṃ paññapāpetvā paccūsakāle dhammadesanaṃ ajjhesitvā sarabhaññapariyosāne sādhuṅkāramadāsi. Tigāvutaṃ maggaṃ gantvā tiṇṇaṃ kulaputtānaṃ vasanaṭṭhāne Gosīṅgasālavane sāmaggirasānisamsaṃ kathesi. Kassapopi Bhagavā “anāgāmiṃphale paṭiṭṭhito ariyasāvako ayaṇ”ti viśāsāṃ uppādevā Ghaṭṭikārassa Kumbhakārassa nivesanaṃ gantvā sahatthā āmiṣaṃ gahetvā paribhuñji.

Amhākaṃyeva Bhagavā upakaṭṭhāya vassūpanāyikāya Jetavanato bhikkhusaṃghaparivuto cārikaṃ nikkhami. Kosalamahārāja-anāthapiṇḍikādayo nivattetuṃ nāsakkhimsu. Anāthapiṇḍiko gharaṃ āgantvā domanassapatto nisīdi. Atha naṃ Puṇṇā nāma dāsī domanassapattosi sāmīti āha. Āma je Saṭṭhāraṃ nivattetuṃ nāsakkhimi, atha me imaṃ temāsaṃ dhammaṃ vā sotuṃ, yathādhippāyaṃ vā dānaṃ dātuṃ na labhissāmīti cintā uppannāti. Ahampi sāmī Saṭṭhāraṃ nivattessāmīti. Sace nivattetuṃ sakkosi, bhujissāyeva tvanti. Sā gantvā Dasabalassa pādamaṃ nipajjitvā “nivattatha Bhagavā”ti āha. Puṇṇe tvaṃ parapaṭibaddhajīvikā kim me karissasīti.

1. Am 1. 328 piṭṭhe.

Bhagavā mayhaṃ deyyadhammo natthīti tumhepi jānātha, tumhākaṃ nivattanapaccayā panāhaṃ tīsu saraṇesu pañcasu sīlesu paṭiṭṭhahissāmīti. Bhagavā sādhu sādhu Puṇṇeti sādhuḥkāraṃ katvā nivattetvā Jetavanameva pavīṭṭho. Ayaṃ kathā pākaṭā ahosi. Seṭṭhi sutvā Puṇṇāya kira Bhagavā nivattitoti taṃ bhujissam katvā dhītuṭṭhāne¹ ṭhapesi. Sā pabbajjāṃ yācītvā pabbaji, pabbajītvā vipassanaṃ ārabhi. Athassā Satthā āraddhavipassakabhāvaṃ ñatvā imaṃ obhāsagāthaṃ vissajjesi—

“Puṇṇe pūresi saddhammaṃ, cando pannaraso yathā.
Paripuṇṇāya paññāya, dukkhassantaṃ karissasī”²ti.

Gāthāpariyosāne arahattaṃ patvā abhiññātā sāvīkā ahoṣīti. Evaṃ dhammagaruno Tathāgatā.

Nandatthere³ upaṭṭhānasālāyaṃ dhammaṃ desetepi Bhagavā anahātova gantvā tiyāmarattim ṭhitakova dhammakathaṃ sutvā desanāpariyosāne sādhuḥkāramadāsi. Thero āgantvā vanditvā “kāya velāya bhante āgatathā”³ti pucchi. Tayā suttante āraddhamatteti. Dukkaraṃ karittha bhante Buddhasukhumālā tumheti. Sace tvaṃ Nanda kappam desetum sakuṇeyyāsi, kappamattampāhaṃ ṭhitakova suṇeyyanti Bhagavā avoca. Evaṃ dhammagaruno Tathāgatā. Tesam dhammagarutāya paṭipannakā piyā honti, tasmā paṭipannake pucchi. Paṭipannako ca nāma attahitāya paṭipanno no parahitāya, parahitāya paṭipanno no attahitāya, no attahitāya ca paṭipanno no parahitāya ca, attahitāya ca paṭipanno parahitāya cāti catubbidho hoti.

Tattha yo sayam dasannaṃ kathāvattthūnaṃ lābhī hoti, param tattha na ovadati na anusāsati āyasmā Bākulo viya, ayam attahitāya paṭipanno nāma no parahitāya paṭipanno, evarūpaṃ bhikkhuṃ Bhagavā na pucchati. Kasmā? Na mayhaṃ sāsanassa vuḍḍhipakkhe ṭhitoti.

Yo pana dasannaṃ kathāvattthūnaṃ alābhī, param tehi ovadati tena katavattasādiyanattham Upanando Sakyaputto viya, ayam parahitāya

1. Dhītuṭṭhāne (Sī)

2. Khu 2. 377 piṭṭhe atthato samānaṃ.

3. Nandakatthere (Sī, Syā)

paṭipanno nāma no attahitāya, evarūpampi na pucchati. Kasmā? Assa taṅhā mahāpacchi viya appahināti.

Yo attanāpi dasannaṃ kathāvatthūnaṃ alābhī, parampi tehi na ovadati¹ Lāḷudāyī viya, ayaṃ neva attahitāya paṭipanno na parahitāya, evarūpampi na pucchati. Kasmā? Assa anto kilesā pharasucchejjā viya mahantāti.

Yo pana sayam dasannaṃ kathāvatthūnaṃ lābhī, parampi tehi ovadati, ayaṃ attahitāya ceva parahitāya ca paṭipanno nāma Sāriputtamoggallānamahākassapādayo asītimahātherā viya, evarūpaṃ bhikkhuṃ pucchati. Kasmā? Mayhaṃ sāsanaṃ vuddhipakkhe ṭhitoti. Idhāpi evarūpameva pucchanto “ko nu kho bhikkhave”ti-ādimāha.

Evam Bhagavatā puṭṭhānaṃ pana tesam bhikkhūnaṃ Bhagavā attano jātibhūmiyaṃ ubhayahitāya paṭipannaṃ dasakathāvatthulābhiṃ bhikkhuṃ pucchati, ko nu kho tattha evarūpoti na aññamaññaṃ cintanā vā samantanā vā ahoṣi. Kasmā? Āyasmā hi Mantāniputto² tasmim janapade ākāsamajjhe ṭhito cando viya sūriyo viya ca pākaṭo paññāto. Tasmā te bhikkhū meghasaddaṃ sutvā ekajjhaṃ sannipatitamoraḡhaṭā viya ghanasajjhāyaṃ kātuṃ, āradhabhikkhū viya ca attano ācariyaṃ Puṇṇattheraṃ Bhagavato ārocentā therassa ca guṇaṃ bhāsituṃ appahontehi mukhehi ekappahāreneva **Puṇṇo nāma bhante āyasmāti**-ādimāhaṃsu. Tattha **Puṇṇoti** tassa therassa nāmaṃ. Mantāniyā pana so putto, tasmā **Mantāniputtoti** vuccati. **Sambhāvitoti** guṇasambhāvanāya sambhāvito.

Appicchatādivaṇṇanā

Appicchoti icchāviraḡhito ni-iccho nittaṅho. Ettha hi byañjanaṃ sāvasesaṃ viya, attho pana niravaseso. Na hi tassa anto aṇumattāpi pāpikā icchā nāma atthi. Khīṇāsavo hesa sabbaso pahīnataṅho. Apicettha atricchatā pāpicchatā mahicchatā appicchatāti ayaṃ bhedo veditabbo.

1. Na samādapetā na ovadati (Syā) na samādapeti na ovadati (Ka)

2. Mantāniputto (Syā, Ka)

Tattha sakalābhe atittassa paralābhe patthanā **atricchatā** nāma. Tāya samannāgatassa ekabhājane pakkapūvopi atno patte patito na supakko viya khuddako viya ca khāyati, sveva parassa patte pakkhitto supakko viya mahanto viya ca khāyati. Asantaḡaṇasambhāvanatā pana paṭiggahaṇe ca amattaññutā **pāpicchatā** nāma, sā “idhekacco assaddho samāno saddhoti maṃ jano jānātū”¹ti-ādinā¹ nayena abhidhamme āgatāyeva, tāya samannāgato puggalo kohaṇṇe patiṭṭhāti. Santaḡaṇasambhāvanā pana paṭiggahaṇe ca amattaññutā **mahicchatā** nāma, sāpi “idhekacco saddho samāno saddhoti maṃ jano jānātūti icchati, sīlavā samāno sīlavāti maṃ jano jānātū”¹ti¹ iminā nayena āgatāyeva, tāya samannāgato puggalo dussantappayo hoti, vijātamātāpissa cittaṃ gahetum na sakkoti. Tenetaṃ vuccati—

“Aggikkhandho samuddo ca, mahiccho cāpi puggalo.
Sakaṭena paccayaṃ detu, tayopete atappayā”²ti².

Santaḡaṇanigūhanatā pana paṭiggahaṇe ca mattaññutā **appicchatā** nāma, tāya samannāgato puggalo attani vijjamaṇampi ḡaṇaṃ paṭicchādetukāmatāya “saddho samāno saddhoti maṃ jano jānātūti na icchati. Sīlavā, pavivitto, bahussuto, āraddhavīriyo, samādhisampanno, paññavā, khīṇāsavo samāno khīṇāsavoti maṃ jano jānātū”¹ti na icchati, seyyathāpi Majjhantikatthero.

Thero kira mahākhīṇāsavo ahosi, pattacīvaraṃ panassa pādamattameva agghati, so Asokassa dhammaraṇṇo vihāramahadivase saṃghatthero ahosi. Athassa atilūkhabhāvaṃ disvā manussā “bhante thokaṃ bahi hothā”¹ti āhaṃsu. Thero “mādisse khīṇāsave raṇṇo saṅghaṃ akaronte aṇṇo ko karissati”¹ti pathaviyaṃ nimujjivā saṃghattherassa ukkhittapiṇḍaṃ gaṇhantoyeva ummuji. Evaṃ khīṇāsavo samāno “khīṇāsavoti maṃ jano jānātū”¹ti na icchati. Evaṃ appiccho pana bhikkhu anuppannaṃ lābhaṃ uppādeti, uppannaṃ lābhaṃ thāvaraṃ karoti,

1. Abhi 2. 364 piṭṭhe.

2. Atappiyā”¹ti (Sī, Syā)

dāyakānaṃ cittaṃ ārādheti, yathā yathā hi so attano appicchatāya appaṃ gaṇhāti, tathā tathā tassa vatte pasannā manussā bahū denti.

Aparopi catubbidho appiccho paccaya-appiccho dhutaṅga-appiccho pariyatti-appiccho adhigama-appicchoti. Tattha catūsu paccayesu appiccho **paccaya-appiccho** nāma, so dāyakassa vasam jānāti, deyyadhammassa vasam jānāti, attano thāmaṃ jānāti. Yadi hi deyyadhammo bahu hoti, dāyako appaṃ dātukāmo, dāyakassa vasena appaṃ gaṇhāti. Deyyadhammo appo, dāyako bahum dātukāmo, deyyadhammassa vasena appaṃ gaṇhāti. Deyyadhammopi bahu, dāyakopi bahum dātukāmo, attano thāmaṃ ṇatvā pamāṇeneva gaṇhāti.

Dhutaṅgasamādānassa attani atthibhāvaṃ najānāpetukāmo **dhutaṅga-appiccho** nāma. Tassa vibhāvanatthaṃ imāni vatthūni—
Sosānikamahāsumatthero kira saṭṭhi vassāni susāne vasi, añño ekabhikkhupi na aññāsi¹, tenevāha—

“Susāne saṭṭhi vassāni, abbokiṇṇaṃ vasāmahaṃ.

Dutiyo maṃ na jāneyya, aho sosānikuttamo”ti.

Cetiyaḥpabbate dvebhātiyattherā vasimsu. Tesu kaniṭṭho upaṭṭhākena pesitā ucchukhaṇḍikā gahetvā jeṭṭhassa santikaṃ agamāsi. Paribhogam bhante karoṭhāti. Therassa ca bhattakiccaṃ katvā mukhaṃ vikkhālanakālo ahoṣi. So alaṃ āvusoti āha. Kacci bhante ekāsanikatthāti. Āharāvuso ucchukhaṇḍikāti paññāsa vassāni ekāsaniko samānopi dhutaṅgam nigūhamāno paribhogam katvā mukhaṃ vikkhāletvā puna dhutaṅgam adhiṭṭhāya gato.

Yo pana Sāketakatissatthero viya bahussutabhāvaṃ jānāpetum na icchati, ayaṃ **pariyatti-appiccho** nāma. Thero kira khaṇo natthīti uddesaparipucchāsu okāsam akaronto maraṇakkhayaṃ bhante labhissathāti codito gaṇam vissajjetvā kaṇikāravālikasamuddavihāram gato. Tattha antovassam theranavamajjhimanam upakāro

1. Na paccaññāsi (Ka)

hutvā mahāpavāraṇāya uposathadivase dhammakathāya janataṃ khobhetvā gato.

Yo pana sotāpannādīsu aññataro hutvā sotāpannādibhāvaṃ jānāpetuṃ na icchati, ayaṃ **adhigama-appiccho** nāma, tayo kulaputtā viya ghaṭikārakumbhakāro viya ca.

Āyasmā pana Puṇṇo atricchataṃ pāpicchataṃ mahicchataṃ ca pahāya sabbaso icchāpaṭipakkabhūtāya alobhasaṅkhātāya parisuddhāya appicchatāya samannāgatattā appiccho nāma ahosi. Bhikkhūnampi “āvuso atricchatā pāpicchataṃ mahicchatāti ime dhammā pahātabbā”ti tesu ādīnavāṃ dassetvā evarūpaṃ appicchataṃ samādāya vattitabbanti appicchakathaṃ kathesi. Tena vuttamā “attanā ca appiccho appicchakathaṃca bhikkhūnaṃ kattā”ti.

Dvādasavidhasantosavaṇṇanā

Idāni **attanā ca santuṭṭhoti**-ādīsu visesatthameva dīpayissāma. Yojanā pana vuttanayeneva vedītabbā. **Santuṭṭhoti** itarītarapaccayasantosena samannāgato. So panesa santoso dvādasavidho hoti. Seyyathidaṃ, cīvare¹ yathālābhasantoso yathābalasantoso yathāsārappasantosoti tivīdho, evaṃ piṇḍapātādīsu. Tassāyaṃ pabhedasamvaṇṇanā.

Idha bhikkhu cīvaraṃ labhati sundaraṃ vā asundaraṃ vā, so teneva yāpeti aññaṃ na pattheti, labhantopi na gaṇhāti, ayamassa cīvare **yathālābhasantoso**. Atha yo pakatidubbalo vā hoti ābādhajarābhībhūto vā, garucīvaraṃ pārupanto kilamati, so sabhāgena bhikkhunā saddhiṃ taṃ parivattetvā lahukena yāpentopi santuṭṭhova hoti, ayamassa cīvare **yathābalasantoso**. Aparo paṇītapaccayaalābhī hoti, so paṭṭacīvarādīnaṃ² aññataraṃ mahagghacīvaraṃ bahūni vā pana cīvarāni labhitvā idaṃ therānaṃ cirapabbajitānaṃ idaṃ bahussutānaṃ anurūpaṃ, idaṃ gilānānaṃ idaṃ appalābhānaṃ hotūti datvā tesāṃ purāṇacīvaraṃ

1. Cīvare tāva (Syā, Ka) 2. Paṭṭaṇṇacīvarādīnaṃ (Ka), pattuṇṇacīvarādīnaṃ (Syā)

vā saṅkārakūṭādito vā nantakāni uccinitvā tehi saṅghāṭim katvā dhārentopi santuṭṭhova hoti, ayamassa cīvare **yathāsārappasantoso**.

Idha pana bhikkhu piṇḍapātāṃ labhati lūkhaṃ vā paṇītaṃ vā, so teneva yāpeti, aññaṃ na pattheti, labhantopi na gaṇhāti, ayamassa piṇḍapāte **yathālābhasantoso**. Yo pana attano pakativiruddhaṃ vā byādhiviruddhaṃ vā piṇḍapātāṃ labhati, yenassa paribhuttena aphāsu hoti, so sabhāgassa bhikkhuno taṃ datvā tassa hatthato sappāyabhōjanaṃ bhuñjitvā samaṇadhammaṃ karontopi santuṭṭhova hoti, ayamassa piṇḍapāte **yathābalasantoso**. Aparo bahuṃ paṇītaṃ piṇḍapātāṃ labhati, so taṃ cīvaraṃ viya cirapabbajitabahussuta-appalābhigilānānaṃ datvā tesāṃ vā sesakaṃ piṇḍāya vā caritvā missakāhāraṃ bhuñjantopi santuṭṭhova hoti, ayamassa piṇḍapāte **yathāsārappasantoso**.

Idha pana bhikkhu senāsanaṃ labhati manāpaṃ vā amanāpaṃ vā, so tena neva somanassaṃ na paṭighaṃ uppādeti, antamaso tiṇasanthāraakenāpi yathāladdheneva tussati, ayamassa senāsane **yathālābhasantoso**. Yo pana attano pakativiruddhaṃ vā byādhiviruddhaṃ vā senāsanaṃ labhati, yatthassa vasato aphāsu hoti, so taṃ sabhāgassa bhikkhuno datvā tassa santake sappāyasenāsane vasantopi santuṭṭhova hoti, ayamassa senāsane **yathābalasantoso**. Aparo mahāpuñño leṇamaṇḍapakūṭāgārādīni bahūni paṇītasenāsanaṃ labhati, so tāni cīvarādīni viya cirapabbajitabahussuta-appalābhigilānānaṃ datvā yattha katthaci vasantopi santuṭṭhova hoti, ayamassa senāsane **yathāsārappasantoso**. Yopi “uttamasenāsanaṃ nāma pamādaṭṭhānaṃ, tattha nisinnassa thinamidhaṃ okkamati, niddābhibhūtassa puna paṭibujjhato pāpavitakkā pātubhavanti”ti paṭisañcikkhitvā tādīsaṃ senāsanaṃ pattampi na sampaṭicchati, so taṃ paṭikkhipitvā abbhokāsarukkhamulādīsu vasantopi santuṭṭhova hoti, ayampissa senāsane **yathāsārappasantoso**.

Idha pana bhikkhu bhesajjaṃ labhati lūkhaṃ vā paṇītaṃ vā, so yaṃ labhati, teneva santussati, aññaṃ na pattheti, labhantopi na gaṇhāti, ayamassa gilānapaccaye **yathālābhasantoso**. Yo pana telena atthiko

phāṇītaṃ labhati, so taṃ sabhāgassa bhikkhuno datvā tassa hatthato telam̐ gahetvā aññadeva vā pariyesitvā tehi bhesajjāṃ karontopi santuṭṭhova hoti, ayamassa gilānapaccaye **yathābalasantoso**. Aparo mahāpuñño bahum̐ telamadhuphāṇitādipaṇītabhesajjāṃ labhati, so taṃ cīvaram̐ viya cirapabbajitabahussuta-appalābhigilānānam̐ datvā tesam̐ ābhatakena yena kenaci yāpentopi santuṭṭhova hoti. Yo pana ekasmim̐ bhājane muttahaṛitakam̐ ṭhapetvā ekasmim̐ catumadhuram̐, “gaṇha bhante yadicchasī”ti vuccamāno sacassa tesu aññatarenapi rogo vūpasammati, atha muttahaṛitakam̐ nāma Buddhādīhi vaṇṇitanti catumadhuram̐ paṭikkhipitvā muttahaṛitakeneva bhesajjāṃ karonto paramasantuṭṭhova hoti, ayamassa gilānapaccaye **yathāsāruppasantoso**.

Imesam̐ pana paccekam̐ paccayesu tiṇṇam̐ tiṇṇam̐ santosānam̐ yathāsāruppasantosoyeva aggo. Āyasmā Puṇṇo ekeasmim̐ paccaye imehi tīhi santosehi santuṭṭho ahoṣi. **Santuṭṭhikathañcāti** bhikkhūnampi ca imam̐ santuṭṭhikatham̐ kattāva ahoṣi.

Tividhapavivekavaṇṇanā

Pavivittoti kāyapaviveko cittapaviveko upadhipavivekoti imehi tīhi pavivekehi samannāgato. Tattha eko gacchati, eko tiṭṭhati, eko nisīdati, eko seyyam̐ kappeti, eko gāmaṃ piṇḍāya pavisati, eko paṭikkamati, eko caṅkamamadhiṭṭhāti, eko carati, eko viharatīti ayam̐ **kāyapaviveko** nāma. Aṭṭha samāpattiyo pana **cittapaviveko** nāma. Nibbānam̐ **upadhipaviveko** nāma. Vuttampi hetam̐ “kāyaviveko ca vivekaṭṭhakāyānam̐¹ nekkhammābhiratānam̐. Cittaviveko ca parisuddhacittānam̐ paramavodānappattānam̐. Upadhiviveko ca nirupadhīnam̐ puggalānam̐ visāṅkhāragatānam̐”ti². **Pavivekakathanti** bhikkhūnampi ca imam̐ pavivekakatham̐ kattā.

1. Vūpakaṭṭhakāyānam̐ (Syā)

2. Khu 7. 122 piṭṭhe.

Pañcavidhasaṃsaggavaṇṇanā

Asaṃsaṭṭhoti pañcavidhena saṃsaggena virahito. Savanasaṃsaggo dassanasaṃsaggo samullapanasaṃsaggo sambhogasaṃsaggo kāyasaṃsaggoti pañcavidho saṃsaggo. Tesu idha bhikkhu suṇāti “asukasmiṃ gāme vā nigame vā itthī vā kumārikā vā abhirūpā dassanīyā pāsādikā paramāya vaṇṇapokkharatāya samannāgatā”¹ti. So taṃ sutvā saṃsīdati visīdati, na sakkoti brahmacariyaṃ sandhāretuṃ¹, sikkhādubbalyaṃ anāvikatvā hīnāyāvattatīti evaṃ parehi vā kathīyamānaṃ rūpādisampattiṃ attanā vā hasitalapitagītasaddaṃ suṇantassa sotaviññāṇavīthivasena uppanno rāgo **savanasaṃsaggo** nāma. So anitthigandhapacceka bodhisattassa ca pañcaggaḷaleṇavāsītissadahaṛassa ca vasena vedītabbo—

Daharo kira ākāseṇa gacchanto girigāmaṇvāsikammāradhītāya pañcahi kumārīhi saddhiṃ padumasaraṃ gantvā nhatvā padumāni ca pīlandhitvā madhurassareṇa gāyantiyā saddaṃ sutvā kāmarāgeṇa viddho² viśesā pariḥāyivā anayabyasaṇaṃ pāpuṇi. Idha bhikkhu na heva kho suṇāti, apica kho sāmaṃ passati itthiṃ vā kumārīṃ vā abhirūpaṃ dassanīyaṃ pāsādikāṃ paramāya vaṇṇapokkharatāya samannāgataṃ, so taṃ disvā saṃsīdati visīdati na sakkoti brahmacariyaṃ sandhāretuṃ¹, sikkhādubbalyaṃ anāvikatvā hīnāyāvattatīti evaṃ visabhāgarūpaṃ olokentassa pana cakkhuviññāṇavīthivasena uppannarāgo **dassanasaṃsaggo** nāma. So evaṃ vedītabbo—

Eko kira daharo kāladīghavāpidvāravihāraṃ uddesatthāya gato. Ācariyo tassa antarāyaṃ disvā okāsaṃ na karoti. So punappunaṃ anubandhati. Ācariyo sace antogāme na carissasi. Dassāmi te uddesanti āha. So sādhuṭi sampatīcchitvā uddese niṭṭhite ācariyaṃ vanditvā gacchanto ācariyo me imasmiṃ gāme carituṃ na deti, kiṃ nu kho kāraṇanti cīvaraṃ pārupitvā gāmaṃ pāvīsi, ekā kuladhītā pītakaṇvattamaṃ nivāsetvā gehe ṭhitā daharaṃ disvā sañjātarāgā uḷūkenā yāguṃ āharitvā tassa patte pakkhipitvā nivattitvā mañcake nipajji. Atha naṃ

1. Santānetuṃ (Sī, Syā)

2. Giddho (Ka)

mātāpitaro kiṃ ammāti pucchiṃsu, dvārena gataṃ daharaṃ labhamānā jīvissāmi, alabhamānā marissāmīti. Mātāpitaro vegena gantvā gāmadvāre daharaṃ patvā vanditvā “nivattatha bhante bhikkhaṃ gaṇhāhi”ti āhaṃsu. Daharo alaṃ gacchāmīti. Te “idaṃ nāma bhante kāraṇaṃ”ti yācitvā “amhākaṃ bhante gehe ettakaṃ nāma dhanam atthi, ekāyeva no dhītā, tvaṃ no jeṭṭhaputtatṭhāne ṭhassasi, sukkena sakkā jīvitun”ti āhaṃsu, daharo “na mayhaṃ iminā palibodhena attho”ti anādiyitvāva pakkanto.

Mātāpitaro gantvā “amma nāsakkhimhā daharaṃ nivattetuṃ, yaṃ aññaṃ sāmikaṃ icchasi, taṃ labhissasi, uṭṭhehi khāda ca piva cā”ti āhaṃsu. Sā anicchantī sattāhaṃ nirāhārā hutvā kālamakāsi, mātāpitaro tassā sarīrakiccaṃ katvā taṃ pītakavatthaṃ dhuravihāre bhikkhusaṃghassa adaṃsu, bhikkhū vatthaṃ khaṇḍākhāṇḍaṃ katvā bhājayiṃsu. Eko mahallako attano koṭṭhāsaṃ gahetvā kalyāṇīvihāraṃ āgato. Sopi daharo cetiyaṃ vandissāmīti tattheva gantvā divāṭṭhāne nisīdi. Mahallako taṃ vatthakhaṇḍaṃ gahetvā “iminā me parissāvanam¹ vicārethā”ti daharaṃ avoca. Daharo mahāthera “kuhiṃ laddhaṃ”ti āha. So sabbaṃ pavattim kathesi. So taṃ sutvāva “evarūpāya nāma saddhiṃ saṃvāsaṃ nālatthaṃ”ti rāgagginā daḍḍho tattheva kālamakāsi.

Aññaṃaññaṃ ālāpasallāpavasena uppannarāgo pana **samullapanasamsaggo** nāma. Bhikkhuno bhikkhuniyā santakaṃ, bhikkhuniyā vā bhikkhussa santakaṃ gahetvā paribhogakaraṇavasena uppannarāgo **sambhogasamsaggo** nāma. So evaṃ veditabbo— maricavaṭṭivihāramahe² kira bhikkhūnaṃ satahassaṃ bhikkhunīnaṃ navutisahasāni eva ahesuṃ. Eko sāmaṇero uṇhayāguṃ gahetvā gacchanto sakiṃ cīvarakaṇṇe ṭhapesi, sakiṃ bhūmiyaṃ. Ekā sāmaṇerī disvā ettha pattaṃ ṭhapetvā yāhīti thālakaṃ adāsi. Te aparabhāge ekasmiṃ bhaye uppanne parasamuddaṃ agamaṃsu. Tesu bhikkhunī puretaraṃ agamāsi, sā “eko kira sīhaḷabhikkhu āgato”ti sutvā therassa santikaṃ gantvā paṭisanthāraṃ katvā nisinnā “bhante maricavaṭṭivihāramahakāle tumhe kativassā”ti pucchi. Tadāhaṃ sattavassikasāmaṇero. Tvaṃ pana kativassāti. Ahaṃ sattavassikasāmaṇerīyeva

1. Me bhante parissāvanam (Sī, Syā)

2. Maricavaṭṭiya... (Syā, Ka)

ekassa sāmaṇerassa uṇhayāguṃ gahetvā gacchantassa pattaṭṭhapanattham thālakamadāsinti. Thero “ahaṃ so”ti vatvā thālakaṃ nīharivā dassesi. Te ettakeneva saṃsaggena brahmacariyaṃ sandhāretuṃ asakkontā dvepi saṭṭhivassakāle vibbhamiṃsu.

Hatthagāhādivasena pana uppannarāgo **kāyasāṃsaggo** nāma. Tatridam vatthu—mahācetiyaṅgaṇe kira daharabhikkhū sajjhāyaṃ gaṇhanti. Tesam piṭṭhipasse daharabhikkhuniyo dhammaṃ suṇanti. Tatreko daharo hattham pasārento ekissā daharabhikkhuniyā kāyaṃ chupi. Sā taṃ hattham gahetvā attano urasmim ṭhapesi, ettakena saṃsaggena dvepi vibbhamitvā gihibhāvaṃ pattā.

Gāhagāhakaḍḍivaṇṇanā

Imesu pana pañcasu saṃsaggesu bhikkhuno bhikkhūhi saddhim savanadassanasamullapanasambhogakāyaparāmāsā niccaṃpi hontiyeva, bhikkhunīhi saddhim ṭhapetvā kāyasāṃsaggaṃ sesā kālena kālam honti, tathā upāsaka-upāsikāhi saddhim sabbepi kālena kālam honti. Tesu hi kilesuppattito cittaṃ rakkhitabbaṃ. Eko hi bhikkhu gāhagāhako hoti, eko gāhamuttako, eko muttagāhako, eko muttamuttako.

Tattha yaṃ bhikkhuṃ manussāpi āmisena upalāpetvā gahaṇavasena upasaṅkamanti, bhikkhupi pupphaphalādīhi upalāpetvā gahaṇavasena upasaṅkamati, yaṃ **gāhagāhako** nāma. Yaṃ pana manussā vuttanayena upasaṅkamanti, bhikkhu dakkhiṇeyyavasena upasaṅkamati, yaṃ **gāhamuttako** nāma. Yassa manussā dakkhiṇeyyavasena cattāro paccaye denti, bhikkhu pupphaphalādīhi upalāpetvā gahaṇavasena upasaṅkamati, yaṃ **muttagāhako** nāma. Yassa manussāpi dakkhiṇeyyavasena cattāro paccaye denti, bhikkhupi Cūḷapiṇḍapāṭiyatissatthero viya dakkhiṇeyyavasena paribhuñjati, yaṃ **muttamuttako** nāma.

Theraṃ kira ekā upāsikā dvādasa vassāni upaṭṭhahi. Ekadivasaṃ¹ tasmim gāme aggi uṭṭhahitvā gehāni jhāpesi. Aññesaṃ kulūpakabhikkhū

1. Ekadivase (Syā, Ka)

āgantvā “kiṃ upāsike api kiñci bhaṇḍakaṃ arogaṃ kātuṃ asakkhitthā”ti paṭisanthāraṃ akaṃsu. Manussā “amhākaṃ mātu Kulūpakatthero bhuñjanavelāyameva āgamissatī”ti āhaṃsu. Theropi punadivase bhikkhācāraṇaṃ sallakkhetvāva āgato. Upāsikā koṭṭhacchāyā¹ nisīdāpetvā bhikkhaṃ sampādetvā adāsi. There bhattakiccaṃ katvā pakkante manussā āhaṃsu “amhākaṃ mātu Kulūpakatthero bhuñjanavelāyameva āgato”ti. Upāsikā “tumhākaṃ kulūpakā tumhākaṃyeva anucchavikā, mayhaṃ thero mayheva anucchaviko”ti āha. Āyasmā pana Mantāṇiputto imehi pañcahi saṃsaggehi catūhipi parisāhi saddhiṃ asaṃsaṭṭho gāhamuttako ceva muttamuttako ca ahoṣi. Yathā ca sayāṃ asaṃsaṭṭho, evaṃ bhikkhūnampi taṃ asaṃsaggakathaṃ kattā ahoṣi.

Āraddhavīriyoti paggaḥitavīriyo, paripuṇṇakāyikacetasikavīriyoti attho. Yo hi bhikkhu gamane uppannakilesaṃ ṭhānaṃ pāpuṇituṃ na deti, ṭhāne uppannakilesaṃ nisajjāṃ, nisajjāya uppannakilesaṃ sayanaṃ pāpuṇituṃ na deti, mantena kaṇhasappaṃ uppīletvā gaṇhanto viya, amittaṃ gīvāya akkamanto viya ca vicarati, ayaṃ **āraddhavīriyo** nāma. Thero ca tādiso ahoṣi. Bhikkhūnampi tatheva vīriyārambhakathaṃ kattā ahoṣi.

Sīlasampannoti-ādīsu **sīlanti** catupārisuddhisīlaṃ. **Samādhīti** vipassanāpādakā aṭṭha samāpattiyo. **Paññāti** lokiyalokuttarañāṇaṃ. **Vimuttīti** ariyaphalaṃ. **Vimuttiñāṇadassananti** ekūnavīsatividhaṃ paccavekkhaṇaṇāṇaṃ. Thero sayampi sīlādīhi sampanno ahoṣi bhikkhūnampi sīlādīkathaṃ kattā. Svāyaṃ dasahi kathāvatthūhi ovadatīti **ovādako**. Yathā pana eko ovadatiyeva, sukhumaṃ atthaṃ parivattetvā jānāpetuṃ na sakkoti. Na evaṃ thero. Thero pana tāni dasa kathāvatthūni viññāpetīti **viññāpako**. Eko viññāpetuṃ sakkoti, kāraṇaṃ dassetuṃ na sakkoti. Thero kāraṇampi sandassetīti **sandassako**. Eko vijjamānaṃ kāraṇaṃ dasseti, gāhetuṃ pana na sakkoti. Thero gāhetumpi sakkotīti **samādapako**. Evaṃ

1. Kuḍḍacchāyāya (Sī)

samādapetvā pana tesu kathāvatthūsu ussāhajanavavsena bhikkhū samuttejetīti **samuttejako**. Ussāhajāte vaṇṇam vatvā sampahamsētīti **sampahamsako**.

Pañcalābhavaṇṇanā

253. **Suladdhalābhā**ti aññesampi manussattabhāvapabbajjādiguṇalābhā nāma honti. Āyasmato pana Puṇṇassa suladdhalābhā ete, yassa Satthu sammukhā evaṃ vaṇṇo abbhuggatoti attho. Apica apaṇḍitehi vaṇṇakathanam nāma na tathā lābho, paṇḍitehi vaṇṇakathanam pana lābho. Gihīhi vā vaṇṇakathanam na tathā lābho, gihī hi “vaṇṇam kathessāmī”ti “amhākam ayyo saṅho sakhilo sukhasambhāso, vihāram āgatānam yāgubhattaphāṇitādīhi saṅgham karotī”ti kathento avaṇṇameva katheti. “Avaṇṇam kathessāmī”ti “ayam thero mandamando viya abalabalo¹ viya bhākuṭikabhākuṭiko viya natthi iminā saddhim vissāso”ti kathento vaṇṇameva katheti. Sabrahmacārīhipi Satthu parammukhā vaṇṇakathanam na tathā lābho, Satthu sammukhā pana atilābhoti imampi atthavasam paṭicca “suladdhalābhā”ti āha. **Anumassa anumassā**ti dasa kathāvatthūni anupavisitvā anupavisitvā. **Tam ca Satthā abbhanumodatī**ti tañcassa vaṇṇam evametaṃ appiccho ca so bhikkhu santuṭṭho ca so bhikkhūti anumodati. Iti viññūhi vaṇṇabhāsanam eko lābho, sabrahmacārīhi eko, Satthu sammukhā eko, anumassa anumassa eko, Satthārā abbhanumodanam ekoti ime pañca lābhe sandhāya “suladdhalābhā”ti āha. **Kadācī**ti kismiñcideva kāle. **Karahacī**ti tasseva vevacanam. **Appeva nāma siyā kocideva kathāsallāpoti** api nāma koci kathāsamudācāropi² bhaveyya. Therena kira āyasmā Puṇṇo neva diṭṭhapubbo, nassa dhammakathā sutapubbā. Iti so tassa dassanampi dhammakathampi patthayamāno evamāha.

Cārikādivaṇṇanā

254. **Yathābhirantanti** yathā-ajjhāsayaṃ viharitvā. Buddhānam hi ekasmiṃ ṭhāne vasantānam chāyūdakādivipattim vā apphāsukasenāsanam vā manussānam

1. Abala-abalo (Si)

2. Kathāsamudāhāropi (Ka)

assaddhādibhāvaṃ vā āgamma anabhirati nāma natthi, tesāṃ sampattiyā “idha phāsu viharāmā”ti abhiraṃitvā ciravihāropi natthi. Yattha pana Tathāgate viharante sattā saraṇesu vā paṭiṭṭhahanti, sīlāni vā samādiyanti, pabbajanti vā, tato sotāpattimaggaḍḍhānaṃ vā pana tesāṃ upanissayo hoti, tattha Buddhā satte tāsū sampattīsū paṭiṭṭhāpana-ajjhāsayena vasanti, tāsāṃ abhāve pakkamanti. Tena vuttāṃ “yathā-ajjhāsayāṃ viharitvā”ti. **Cārikāṃ caramānoti** addhānagamaṇaṃ gacchanto. Cārikā ca nāmesā Bhagavato duvidhā hoti turitacārikā ca, aturitacārikā ca.

Tattha dūrepi bodhaneyyapuggalaṃ disvā tassa bodhanatthāya sahasā gamaṇaṃ **turitacārikā** nāma. Sā Mahākassapapaccuggamaṇādīsū daṭṭhabbā. Bhagavā hi Mahākassapaṃ paccuggacchanto muhuttēna tigāvutaṃ maggaṃ agamaṃsi, Āḷavakassatthāya timsayojanaṃ, tathā Aṅgulimālassa. Pukkusātissa pana pañcattālīsayojanaṃ, Mahākappinassa vīsyojanasatāṃ¹, Khadiravaniyassatthāya satta yojanasatāni agamaṃsi, Dhammasenāpatino saddhivihārikassa Vanavāsītissasāmaṇerassa tigāvutādhiḱaṃ vīsyojanasatāṃ.

Ekadivasaṃ kira thero “Tissasāmaṇerassa santikaṃ bhante gacchāmi”ti āha. Bhagavā “ahampi gamissāmi”ti vatvā āyasmantaṃ Ānandaṃ āmantesi “Ānanda vīsatisahassānaṃ chaḷabhiññānaṃ ārocehi ‘Bhagavā Vanavāsītissasāmaṇerassa santikaṃ gamissatī’ti”. Tato dutiyadivase vīsatisahassakhīṇāsavaparivuto ākāse uppatitvā vīsyojanasatamatthake tassa gocaragāmadvāre otaritvā cīvaraṃ pārupi. Kammantaṃ gacchamānā manussā disvā “Satthā bho āgato, mā kammantaṃ agamitthā”ti vatvā āsanāni paññapetvā yāguṃ datvā pānavattaṃ² karontā “kuhiṃ bhante Bhagavā gacchatī”ti daharabhikkhū pucchimsu. Upāsakā na Bhagavā aññattha gacchati, idheva Tissasāmaṇerassa dassanatthāya āgatoti. Te “amhākaṃ kira Kulūpakattherassa dassanatthāya Satthā āgato, no vata no thero oramattako”ti somanassajātā ahesuṃ.

1. Vīsyojanasatāni (Syā, Ka)

2. Pādavattaṃ (Sī), dānavattaṃ (Syā)

Atha Bhagavato bhattakiccapariyosāne sāmaṇero gāmaṃ piṇḍāya caritvā “upāsakā mahā bhikkhusaṃgho”ti pucchi. Athassa te “Satthā bhante āgato”ti ārocesum, so Bhagavantam upasaṅkamitvā piṇḍapātena āpucchi. Satthā tassa pattam hatthena gahetvā “alam Tissa niṭṭhitam bhattakiccan”ti āha. Tato upajjhāyam āpucchitvā attano pattāsane nisīditvā bhattakiccam akāsi. Athassa bhattakiccapariyosāne Satthā maṅgalaṃ vatvā nikkhamitvā gāmadvāre ṭhatvā “kataro te Tissa vasanaṭṭhānaṃ gamanamaggo”ti āha. Ayam Bhagavāti. Maggaṃ desayamāno purato yāhi Tissāti. Bhagavā kira sadevakassa lokassa maggadesako samānopi “sakalatigāvute magge sāmaṇeraṃ daṭṭhum lacchāmī”ti taṃ maggadesakaṃ akāsi.

So attano vasanaṭṭhānaṃ gantvā Bhagavato vattamakāsi. Atha naṃ Bhagavā “kataro te Tissa caṅkamo”ti pucchitvā tattha gantvā sāmaṇerassa nisīdanapāsāne nisīditvā “Tissa imasmiṃ ṭhāne sukhaṃ vasasi”ti pucchi. So āha “āma bhante imasmiṃ me ṭhāne vasantassa sīhabyagghahatthimigamorādīnaṃ saddaṃ suṇaṭo araṇṇasaññā uppajjati, tāya sukhaṃ vasāmī”ti. Atha naṃ Bhagavā “Tissa bhikkhusaṃghaṃ sannipātehi, Buddhadāyajjaṃ te dassāmī”ti vatvā sannipatite bhikkhusaṃghe upasampādetvā attano vasanaṭṭhānaṃyeva agamāsīti. Ayam **turitacārikā** nāma.

Yam pana gāmanigamaṭṭipāṭiyā devasikaṃ yojanaḍḍhayanavasena piṇḍapātacariyādīhi lokam anuggaṇhantassa gamanam, ayam **aturitacārikā** nāma. Imaṃ pana cārikaṃ caranto Bhagavā mahāmaṇḍalam majjhimamaṇḍalam antimamaṇḍalanti imesaṃ tiṇṇaṃ maṇḍalānaṃ aññatarasmiṃ carati. Tattha mahāmaṇḍalam navayojanasatikaṃ, majjhimamaṇḍalam chayojanasatikaṃ, antimamaṇḍalam tiyojanasatikaṃ. Yadā mahāmaṇḍale cārikaṃ caritukāmo hoti, mahāpavāraṇāya pavāretvā pāṭipadadivase mahābhikkhusaṃghaparivāro nikkhamati, samantā yojanasataṃ ekakolāhalaṃ ahosi, purimaṃ purimaṃ āgatā nimantetum labhanti, itaresu dvīsu maṇḍalesu sakkāro mahāmaṇḍale osarati, tatra Bhagavā tesu tesu gāmanigamesu ekāhaṃ dvīhaṃ vasanto mahājanaṃ āmisapaṭiggahena anuggaṇhanto dhammadānena cassa

vivaṭṭūpanissitaṃ kusalaṃ vaḍḍhento navahi māsehi cārikaṃ pariyosāpeti.

Sace pana antovasse bhikkhūnaṃ samathavipassanā taruṇā hoti, mahāpavāraṇāya apavāretvā pavāraṇāsaṅgahaṃ datvā kattikapuṇṇamāya pavāretvā migasirassa paṭhamadivase mahābhikkhusaṅghaparivāro nikkhamitvā majjhimaṇḍalaṃ osarati, aññenapi kāraṇena majjhimaṇḍale cārikaṃ caritukāmo catumāsāṃ vasitvāva nikkhamati, vuttanayeneva itaresu dvīsu maṇḍalesu sakkāro majjhimaṇḍale osarati, Bhagavā purimanayeneva lokaṃ anuggaṇhanto aṭṭhahi māsehi cārikaṃ pariyosāpeti.

Sace pana catumāsāṃ vuṭṭhavassassāpi Bhagavato veneyyasattā aparipakkindriyā honti, tesāṃ indriyaparipākāṃ āgamayamāno aparampi ekam māsaṃ vā dviticatumāsāṃ vā tattheva vasitvā mahābhikkhusaṅghaparivāro nikkhamati, vuttanayeneva itaresu dvīsu maṇḍalesu sakkāro antomaṇḍale osarati, Bhagavā purimanayeneva lokaṃ anuggaṇhanto sattaḥi vā chahi vā pañcaḥi vā catūhi vā māsehi cārikaṃ pariyosāpeti. Iti imesu tīsu maṇḍalesu yattha katthaci cārikaṃ caranto na cīvarādihetu carati. Atha kho ye duggatā bālā jiṇṇā byādhitā, te kadā Tathāgataṃ āgantvā passissanti, mayi pana cārikaṃ carante mahājano Tathāgatadassanaṃ labhissati, tattha keci cittaṇi pasādessanti, keci mālādīhi pūjessanti, keci kaṭacchubhikkhaṃ dassanti, keci micchādassanaṃ pahāya sammādiṭṭhikā bhavissanti, taṃ tesāṃ bhavissati dīgharattaṃ hitāya sukhāyāti evaṃ lokānukampāya cārikaṃ carati.

Apica catūhi kāraṇehi Buddhā Bhagavanto cārikaṃ caranti jaṅghāvihāravasena sarīraphāsukatthāya, atthuppattikālaṃ abhikaṅkhanatthāya, bhikkhūnaṃ sikkhāpadaṃ paññāpanatthāya, tattha tattha paripākagatindriye bodhaneyyasatte bodhanatthāyāti. Aparehipi catūhi kāraṇehi Buddhā Bhagavanto cārikaṃ caranti Buddhaṃ saraṇaṃ gacchissantīti vā, dhammaṃ saraṇaṃ gacchissantīti vā, saṅghaṃ saraṇaṃ gacchissantīti vā, mahatā dhammavassena¹ catasso parisā santappessāmīti vāti. Aparehi pañcaḥi kāraṇehi Buddhā Bhagavanto cārikaṃ

1. Dhammassavanena (Syā, Ka)

caranti, pāṇātipātā viramissantīti vā, adinnādānā, kāmesumicchācārā, musāvādā, surāmerayamajjapamādaṭṭhānā viramissantīti vāti. Aparehi aṭṭhahi kāraṇehi Buddhā Bhagavanto cārikam caranti paṭhamajjhānam paṭilabhissantīti vā, dutiyam -pa- nevasaññānāsaññāyatanasamāpattim paṭilabhissantīti vāti. Aparehi aṭṭhahi kāraṇehi Buddhā Bhagavanto cārikam caranti sotāpattimaggaṃ adhigamissantīti vā, sotāpattiphalaṃ -pa- arahattaphalaṃ sacchikarissantīti vāti, ayam **aturitacārikā**, sā idha adhippetā. Sā panesā duvidhā hoti nibaddhacārikā anibaddhacārikā ca. Tattha yaṃ ekasseva bodhaneyyasattassa atthāya gacchati, ayam nibaddhacārikā nāma. Yaṃ pana gāmanigamanagarapaṭipāṭivasena carati, ayam anibaddhacārikā nāma, esā idha adhippetā.

Senāsanam saṃsāmetvāti senāsanam paṭisāmetvā. Tam pana paṭisāmento thero na cūlapattamahāpattacūḷathālakamahāthālakapaṭṭuṇṇacīvaradukūlacīvarādīnam bhaṇḍikam katvā sappitelādīnam vā pana ghaṭe pūrāpetvā gabbhe nidahitvā dvāram pidhāya kuṅcikumuddikādīni yojāpesi. “Sace na hoti bhikkhu vā sāmaṇero vā ārāmiko vā upāsako vā, catūsu pāsāṇesu mañce mañcam āropetvā piṭhe piṭham āropetvā cīvaravamse vā cīvararajjuyā vā upari puñjam katvā dvāravātapānam thaketvā pakkamitabban”¹ti vacanato pana nevāsikam bhikkhum āpucchanaṃ mattakeneva paṭisāmesi.

Yena Sāvatti tena cārikam pakkāmīti Satthu dassanakāmo hutvā yena disābhāgena Sāvatti tena pakkāmi, pakkamanto ca² na Suddhodanamahārājassa ārocāpetvā sappitelamadhuphāṇitādīni gāhāpetvā pakkanto, yūtham pahāya nikkhanto pana mattahatthi viya asahāyakicco sīho viya pattacīvaramattam ādāya ekakova pakkāmi. Kasmā panesa pañcasatehi attano antevāsikehi saddhim Rājagham agantvā idāni nikkhantoti. Rājagham Kapilavatthuto dūram saṭṭhiyojanāni. Sāvatti pana pañcadasa. Satthā Rājagahato pañcacattālīsajojanam āgantvā Sāvattiyam viharati, idāni āsanno jātoti sutvā nikkhamīti akāraṇam etaṃ. Buddhānam santikam gacchanto hi esa yojanasahassampi gaccheyya, tadā

1. Vi 4. 378 piṭṭhe.

2. Pakkamantopi (Sī)

pana kāyaviveko na sakkā laddhanti. Bahūhi saddhim gamanakāle hi ekasmim gacchāmāti vadante eko idheva vasāmāti vadati. Ekasmim vasāmāti vadante eko gacchāmāti vadati. Tasmā icchiticchitakkhaṇe samāpattim appetvā nisīditum vā phāsukasenāsane kāyavivekaṃ laddhum vā na sakkā hoti, ekakassa pana taṃ sabbaṃ sulabhaṃ hotīti tadā agantvā idāni pakkāmi.

Cārikam caramānoti ettha kiñcāpi ayaṃ cārikā nāma mahājanasaṅgahatthaṃ Buddhānaṃyeva labbhati, Buddhe upādāya pana ruḥīsaddena sāvakānampi vuccati kilañjādīhi kataṃ bījanampi tālavaṇṭaṃ viya. **Yena Bhagavāti** Sāvattiyā avidūre ekasmim gāmake¹ piṇḍāya caritvā katabhattakicco jetavanaṃ pavisitvā Sāriputtattherassa vā Mahāmoggallānattherassa vā vasanaṭṭhānaṃ gantvā pāde dhovitvā makkhetvā pānīyaṃ vā pānakaṃ vā pivitvā thokaṃ vissamitvā Satthāraṃ passissāmīti cittampi anuppādetvā ujukaṃ gandhakuṭipariveṇameva agamāsi. Therassa hi Satthāraṃ daṭṭhukāmassa aññena bhikkhunā kiccaṃ natthi. Tasmā Rāhulaṃ vā Ānandaṃ vā gahetvā okāsaṃ kāretvā Satthāraṃ passissāmīti evampi cittaṃ na uppādesi.

Thero hi sayameva Buddhasāsane Vallabho rañño saṅgāmajayamahāyodho viya. Yathā hi tādisassa yodhassa rājānaṃ daṭṭhukāmassa aññaṃ sevivā² dassanakammaṃ nāma natthi, Vallabhatāya sayameva passati, evaṃ theropi Buddhasāsane Vallabho, tassa aññaṃ sevivā² Satthudassanakiccaṃ natthīti pāde dhovitvā pādapuñchanamhi puñchitvā yena Bhagavā tenupasaṅkamaṃ, Bhagavāpi “paccūsakāleyeva Mantāṇiputto āgamissati”ti addasa. Tasmā Gandhakuṭim pavisitvā sūciḡaṭṭikaṃ adatvāva darathaṃ paṭippassambhetvā utṭhāya nisīdi. Thero kavāṭaṃ paṇāmetvā Gandhakuṭim pavisitvā Bhagavantaṃ abhivādetvā ekamantaṃ nisīdi. **Dhammiyā kathāyāti** Bhagavā dhammim kathaṃ kathento Cūḷagosinḡasutte³ tiṇṇaṃ kulaputtānaṃ sāmaggirasānisamsāṃ kathesi, Sekkhasutte⁴ āvasathānisamsāṃ, Ghaṭikārasutte⁵ satipaṭilābhikaṃ Pubbenivāsappaṭisaṃyuttakathaṃ, Raṭṭhapālasutte⁶

1. Gāme (Syā, Ka)

2. Pesitvā (Ka)

3. Ma 1. 266 piṭṭhe.

4. Ma 2. 16 piṭṭhe.

5. Ma 2. 236 piṭṭhe.

6. Ma 2. 256 piṭṭhe.

cattāro dhammuddese, Selasutte¹ pānakānisamsakatham, Upakkilesasutte² Bhaguttherassa dhammakatham kathento ekībhāve ānisamsam katesi, imasmim pana rathavinīte āyasmato Puṇṇassa kathento dasakathāvatthunissayam anantanayam nāma dassesi Puṇṇa ayampi appicchakathāyeva santosakathāyevāti. Paṭisambhidāpattassa sāvakassa velante ṭhatvā mahāsamudde hatthappasāraṇam viya ahoṣi.

Yena andhavananti tadā kira pacchābhatte Jetavanam ākiṇṇam hoti, bahū khattiyabrāhmaṇādayo Jetavanam osaranti, rañño cakkavattissa khandhāvāraṭṭhānam viya hoti, na sakkā pavivekam labhitum. Andhavanam pana padhānagharasadisam pavivittam, tasmā yenandhavanam tenupasaṅkami. Kasmā pana mahāthere na addasa? Evaṃ kirassa ahoṣi “sāyanhasamaye āgantvā mahāthere disvā puna Dasabalam passissāmi, evam mahātherānam ekaṃ upaṭṭhānam bhavissati, Satthu dve bhavissanti, tato Satthāram vanditvā mama vasanaṭṭhānameva gamissāmi”ti.

Sattavisuddhipañhavaṇṇanā

256. **Abhiṇham kittayamāno ahoṣīti** punappunam vaṇṇam kittayamāno vihāsi. Thero kira tato paṭṭhāya divase divase samghamajjhe “Puṇṇo kira nāma Mantāṇiputto catūhi parisāhi saddhim asamsaṭṭho, so Dasabalassa dassanattāya āgamissati, kacci nu kho maṃ adisvāva gamissati”ti theranavamajjhimanam satikaraṇattham āyasmato Puṇṇassa guṇam bhāsati. Evaṃ kirassa ahoṣi “mahallakabhikkhū nāma na sabbakālam antovihāre honti, guṇakathāya panassa kathitāya yo ca nam bhikkhum passissati, so āgantvā³ ārocessati”ti. Athāyam therasseva saddhivihāriko tam āyasmantam Mantāṇiputtam pattacīvaramādāya Gandhakuṭim pavisantam addasa. Katham pana nam esa aññāsīti. Puṇṇa Puṇṇāti vatvā kathentassa Bhagavato dhammakathāya aññāsī “ayam so thero, yassa me upajjhāyo abhiṇham kittayamāno hoti”ti. Iti so āgantvā therassa ārocesi. **Nisīdanam ādāyāti nisīdanam** nāma sadasam vuccati avāyimaṃ. Thero pana cammakhaṇḍam gahetvā agamāsi. **Piṭṭhito**

1. Ma 2. 347 piṭṭhe.

2. Ma 3. 193 piṭṭhe.

3. Sova me āgantvā (Sī)

piṭṭhitoti pacchato pacchato. **Sīsānulokī**ti yo unnataṭṭhāne piṭṭhiṃ passanto ninnataṭṭhāne sīsāṃ passanto gacchati, ayampi sīsānulokīti vuccati. Tādiso hutvā anubandhi. Thero hi kiñcāpi samyatapadasaddatāya accāsanno hutvā gacchantopi padasaddena na bādhati, “nāyaṃ sammodanakālo”ti ñatvā pana na accāsanno, Andhavanaṃ nāma mahantaṃ, ekasmim̃ ṭhāne nilīnaṃ apassantena āvuso Puṇṇa Puṇṇāti aphāsukasaddo kātabbo hotīti nisinnaṭṭhānajānanatthaṃ nātidūre hutvā sīsānulokī agamāsi. **Divāvihāraṃ nisīdī**ti divāvihāratthāya nisīdi.

Tattha āyasmāpi Puṇṇo udiccabrāhmaṇajacco, Sāriputtattheropi. Puṇṇattheropi suvaṇṇavaṇṇo, Sāriputtattheropi. Puṇṇattheropi arahattaphalasaṃpattisaṃpāṇo, Sāriputtattheropi. Puṇṇattheropi kappasatasahassaṃ abhinīhārasampanno, Sāriputtattheropi kappasatasahassādhikaṃ ekamaśāṅkhyeyyaṃ. Puṇṇattheropi paṭisambhidāpatto mahākhiṇāsavo, Sāriputtattheropi. Iti ekaṃ kanakaguhaṃ pavitṭhā dve sīhā viya, ekaṃ vijambhanabhūmiṃ otiṇṇā dve byagghā viya, ekaṃ supupphitasālavanaṃ pavitṭhā dve Chaddantanāgarājāno viya, ekaṃ simbalivanaṃ pavitṭhā dve supaṇṇarājāno viya, ekaṃ naravāhanayānaṃ abhiruḷhā dve Vessavaṇā viya, ekaṃ Paṇḍukambalasilaṃ abhinisinnā dve Sakkā viya, ekavimānabbhantaragatā dve hāritamahābrahmāno viya ca te dvepi brāhmaṇajaccā dvepi suvaṇṇavaṇṇā dvepi samāpattilābhino dvepi abhinīhārasmpannā dvepi paṭisambhidāpattā mahākhiṇāsavā ekaṃ vanasaṇḍaṃ anupavitṭhā taṃ vanaṭṭhānaṃ sobhayimsu.

Bhagavati no āvuso brahmacariyaṃ vussatīti āvuso kiṃ amhākaṃ Bhagavato santike āyasmatā brahmacariyaṃ vussatīti idaṃ āyasmā Sāriputto tassa Bhagavati brahmacariyavāsaṃ jānantopi kathāsamuṭṭhāpanatthaṃ pucchi. Purimakathāya hi appatiṭṭhitāya pacchimakathā na jāyati, tasmā evaṃ pucchi. Thero anujānanto “evamāvuso”ti āha. Athassa pañhavissajjanaṃ sotukāmo āyasmā Sāriputto “kiṃ nu kho āvuso sīlavissuddhatthaṃ Bhagavati brahmacariyaṃ vussatī”ti paṭipāṭiyā satta visuddhiyo pucchi. Tāsaṃ vitthārakathā Visuddhimagge vuttā. Āyasmā pana

Puṇṇo yasmā catupārisuddhisīlādīsu t̥hitassāpi brahmacariyavāso matthakaṃ na pāpuṇāti, tasmā “no hidam āvuso”ti sabbam paṭikkhipi.

Kimattham carahā vusoti yadi sīlavisuddhi-ādīnam atthāya brahmacariyam na vussati, atha kimattham vussatīti pucchi¹. **Anupādāparinibbānattham kho āvusoti** ettha **anupādāparinibbānam** nāma appaccayaparinibbānam. Dvedhā upādānāni gahaṇūpādānañca paccayūpādānañca. **Gahaṇūpādānam** nāma kāmupādānādikaṃ catubbidham, **paccayūpādānam** nāma avijjāpaccayā saṅkhārāti evam vuttapaccayā. Tattha gahaṇūpādānavādino ācariyā anupādāparinibbānanti catūsu upādānesu aññatarenāpi kañci dhammam aggahetvā pavattam arahattaphalam anupādāparinibbānanti kathenti, tam hi na ca upādānasampayuttam hutvā kañci dhammam upādiyati, kilesānañca parinibbutante jātattā parinibbānanti vuccati. Paccayūpādānavādino pana anupādāparinibbānanti appaccayaparinibbānam. Paccayavasena anuppannam asaṅkhataṃ amatadhātumeva anupādāparinibbānanti kathenti. Ayam anto, ayam koṭi, ayam niṭṭhā. Appaccayaparinibbānam pattassa hi brahmacariyavāso matthakaṃ patto nāma hoti, tasmā thero “anupādāparinibbānatthan”ti āha. Atha nam anuyuñjanto āyasmā Sāriputto “kim nu kho āvuso sīlavisuddhi anupādāparinibbānan”ti puna puccham ārabhi.

258. Theropi sabbaparivattesu tatheva paṭikkhipitvā pariyosāne dosam dassento **sīlavisuddhim ce āvusoti-ādīmāha**. Tattha **paññapeyyāti** yadi paññapeyya. **Sa-upādānamyeva samānam anupādāparinibbānam paññapeyyāti** saṅgahaṇadhammameva niggahaṇadhammam sappaccayadhammameva appaccayadhammam saṅkhatadhammameva asaṅkhatadhammanti paññapeyyāti attho. Nāṇadassanavisuddhiyam pana sappaccayadhammameva appaccayadhammam saṅkhatadhammameva asaṅkhatadhammanti paññapeyyāti ayameva attho gahetabbo. **Puthujjano hi āvusoti** ettha vaṭṭānugato lokiyabālaputhujjano daṭṭhabbo. So hi catupārisuddhisīlamattassāpi abhāvato sabbaso aññatra imehi dhammehi. **Tena hīti** yena kāraṇena ekacce paṇḍitā upamāya attham jānanti, tena kāraṇena upamam te karissāmīti attho.

1. Pucchati (Sī)

Sattarathavinītavāṇṇā

259. **Satta rathavinītanī**ti vinīta-assājāniyayutte satta rathe. **Yāvadeva cittavisuddhatthā**ti āvuso ayaṃ sīlavisuddhi nāma yāvadeva cittavisuddhatthā. **Cittavisuddhatthā**ti nissakkavacanametam. Ayaṃ panettha attho, yāvadeva cittavisuddhisankhātā atthā, tāva ayaṃ sīlavisuddhi nāma icchitabbā. Yā pana ayaṃ cittavisuddhi, esā sīlavisuddhiyā attho, ayaṃ koṭi, idaṃ pariyoṣānaṃ, cittavisuddhiyaṃ ṭhitassa hi sīlavisuddhikiccaṃ kataṃ nāma hotīti. Esa nayo sabbapadesu.

Idaṃ panettha opamasaṃsandanaṃ—rājā Pasenadi Kosalo viya hi jarāmarañabhīruko yogāvacarō daṭṭhabbo, Sāvattinagaraṃ viya Sakkāyanagaraṃ, Sāketanagaraṃ viya Nibbānanagaraṃ, rañño Sākete vadḍhi-āvahassa sīghaṃ gantvā pāpuṇitabbassa accāyikassa kiccassa uppādakālo viya yogino anabhisametānaṃ catunnaṃ ariyasaccānaṃ abhisamayakiccassa uppādakālo, satta rathavinītanī viya satta visuddhiyo, paṭhamam rathavinītaṃ āruḷhakālo viya sīlavisuddhiyaṃ ṭhitakālo, paṭhamarathavinītādīhi dutiyādīni āruḷhakālo viya sīlavisuddhi-ādīhi cittavisuddhi-ādīsu ṭhitakālo, sattamena rathavinītena Sākete antepuradvāre oruyha uparipāsāde ñātimittagaṇaparivutassa surasabhojanaparibhogakālo viya yogino ñāṇadassanavisuddhiyā sabbakilese khepetvā dhammavarapāsādaṃ āruyha paropaṇṇāsakusaladhammaparivārassa nibbānārammaṇaṃ phalasamāpattim appetvā nirodhasayane nisinnassa lokuttarasukhānubhavanakālo daṭṭhabbo.

Iti āyasmantaṃ Puṇṇaṃ dasakathāvattulābhim
Dhammasenāpatisāriputtatthoro satta visuddhiyo pucchi. Āyasmā Puṇṇo dasa kathāvattūni vissajjesi. Evaṃ pucchanto pana Dhammasenāpati kiṃ jānitvā pucchi, udāhu ajānitvā? Titthakusalo vā pana hutvā visayasmiṃ pucchi, udāhu atitthakusalo hutvā avisayasmiṃ? Puṇṇattheropi ca kiṃ jānitvā vissajjesi, udāhu ajānitvā? Titthakusalo vā pana hutvā visayasmiṃ vissajjesi, udāhu atitthakusalo hutvā avisayeti? Jānitvā titthakusalo hutvā visaye pucchīti hi vadamāno Dhammasenāpatimyeva vadeyya. Jānitvā titthakusalo hutvā visaye vissajjesīti vadamāno

Puṇṇattheraṃyeva vadeyya. Yaṃ hi visuddhīsu saṃkhittāṃ, taṃ kathāvatthūsu vitthiṇṇāṃ. Yaṃ kathāvatthūsu saṃkhittāṃ, taṃ visuddhīsu vitthiṇṇāṃ. Tadaminā nayena veditabbaṃ.

Visuddhīsu hi ekā sīlavisuddhi cattāri kathāvatthūni hutvā āgatā appicchakathā santuṭṭhikathā asamsaggakathā sīlakathāti, ekā cittavisuddhi tīṇi kathāvatthūni hutvā āgatā pavivekakathā vīriyārambhakathā samādhikathāti, evaṃ tāva yaṃ visuddhīsu saṃkhittāṃ, taṃ kathāvatthūsu vitthiṇṇāṃ. Kathāvatthūsu pana ekā paññākathā pañca visuddhiyo hutvā āgatā diṭṭhivisuddhi kaṅkhāvitaraṇavisuddhi maggāmaggañāṇadassanavisuddhi paṭipadāñāṇadassanavisuddhi ñāṇadassanavisuddhīti, evaṃ yaṃ kathāvatthūsu saṃkhittāṃ, taṃ visuddhīsu vitthiṇṇāṃ, tasmā Sāriputtathero satta visuddhiyo pucchanto na aññaṃ pucchi, dasa kathāvatthūniyeva pucchi. Puṇṇattheropi satta visuddhiyo vissajjento na aññaṃ vissajjesi, dasa kathāvatthūniyeva vissajjesīti. Iti ubhopete jānitvā tittakusalā hutvā visayeva pañhaṃ pucchimsu ceva vissajjesuṃ cāti veditabbo.

260. **Ko nāmo āyasmāti** na thero tassa nāmaṃ na jānāti. Jānantoyeva pana sammoditum labhissāmīti pucchi. **Kathañca panāyasmantanti** idaṃ pana thero sammodamāno āha. **Mantāṇiputtoti** Mantāṇiyā brāhmaṇiyā putto. **Yathā tanti** ettha **tanti** nipātamattāṃ, yathā sutavatā sāvakena byākātābbā, evameva byākatāti ayamettha saṅkhepattho. **Anumassa anumassāti** dasa kathāvatthūni ogāhetvā anupavisitvā. **Celaṇḍupakenāti** ettha **celaṃ** vuccati vattham, **aṇḍupakam** cumbaṭakam. Vatthacumbaṭakam sīse katvā āyasmantaṃ tattha nisīdāpetvā pariharantāpi sabrahmacārī dassanāya labheyyum, evaṃ laddhadassanampi tesam labhāyevāti aṭṭhānaparikappena abhiṇhadassanassa upāyaṃ dassesi. Evaṃ apariharantena hi pañhaṃ vā pucchitukāmena dhammaṃ vā sotukāmena “thero kattha ṭhito kattha nisinno”ti pariyesantena caritabbaṃ hoti. Evaṃ pariharantā pana icchiticchitakkhaṇeyeva sīsato oropetvā mahārahe āsane nisīdāpetvā sakkā honti pañhaṃ vā pucchitum dhammaṃ vā sotum. Iti aṭṭhānaparikappena abhiṇhadassanassa upāyaṃ dassesi.

Sāriputtoti ca pana manti Sāriyā brāhmaṇiyā puttoti ca pana evaṃ maṃ sabrahmacārī jānanti. **Satthukappenāti** Satthusadisena. Iti ekapadeneva

āyasmā Puṇṇo Sāriputtatheraṃ candamaṇḍalaṃ āhacca ṭhapento viya ukkhipi. Therassa hi imasmim ṭhāne ekantadhammakathikabhāvo pākaṭo ahoṣi. Amaccaṃ hi purohitaṃ mahantoti vadamāno rājasadisoti vadeyya, goṇaṃ hatthippamaṇoti, vāpiṃ samuddappamaṇoti, ālokaṃ candimasūriyālokappamaṇoti¹, ito paraṃ etesaṃ mahantabhāvakathā nāma natthi. Sāvakaṃpi mahāti vadanto Satthupaṭibhāgoti vadeyya, ito paraṃ tassa mahantabhāvakathā² nāma natthi. Iccāyasmā Puṇṇo ekapadeneva therāṃ candamaṇḍalaṃ āhacca ṭhapento viya ukkhipi.

Ettakampi no nappaṭibhāseyyāti paṭisambhidāpattassa appaṭibhānaṃ nāma natthi. Yā panāyaṃ upamā āhaṭā, taṃ na āhareyyāma, atthameva katheyyāma. Upamā hi ajānantānaṃ āharīyatīti ayamettha adhippāyo. Aṭṭhakathāyaṃ pana idampi paṭikkhipitvā upamā nāma Buddhānampi santike āharīyati, therāṃ panesa apacāyamāno evamāhāti.

Anumassa anumassa pucchitāti dasa kathāvattḥūni ogāhetvā ogāhetvā pucchitā. Kim pana pañhassa pucchanāṃ bhāriyaṃ, udāhu vissajjananti. Uggāhetvā pucchanāṃ no bhāriyaṃ, vissajjanāṃ pana bhāriyaṃ. Sahetukaṃ vā sakāraṇaṃ katvā pucchanampi vissajjanampi bhāriyameva. **Samanumodimsūti** samacittā hutvā anumodimsu. Iti yathānusandhināva desanā niṭṭhitāti.

Papañcasūdaniyā Majjhimanikāyaṭṭhakathāya

Rathavinītasuttavaṇṇanā niṭṭhitā.

5. Nivāpasuttavaṇṇanā

261. **Evaṃ me sutanti** Nivāpasuttaṃ. Tattha **nevāpikoti** yo migānaṃ gahaṇatthāya araññe tiṇabījāni vapati “idaṃ tiṇaṃ khādituṃ āgate mige sukhaṃ gaṇhissāmī”ti. **Nivāpanti** vappaṃ. **Nivuttanti** vapitaṃ³. **Migajātāti** migaghaṭā. **Anupakhajjāti** anupavisitvā. **Mucchitāti** taṇhāmucchanāya mucchitā, taṇhāya hadayaṃ pavisitvā mucchanākāraṃ

1. Candasuriyālokappamaṇoti (Sī)

2. Mahantatā (Sī, Syā)

3. Nivapitaṃ (Sī)

pāpitāti attho. **Madam āpajjissantīti** mānamadam āpajjissanti. **Pamādanti** vissatṭhasatibhāvaṃ. **Yathākāmakaraṇīyā bhavissantīti** yathā icchissāma, tathā kātabbā bhavissanti. **Imasmim nivāpeti** imasmim nivāpaṭṭhāne. Ekam kira nivāpaṭṭhānaṃ nāma atthi nidāghabhaddakam, tam yathā yathā nidāgho hoti, tathā tathā nivāraṇaṃ viya meghamālā viya ca ekagghanam hoti, tam luddakā ekasmim udakaphāsukaṭṭhāne kasitvā vapitvā vatim katvā dvāram yojetvā rakkhanti. Atha yadā mahānidāghe sabbatiṇāni sukkhāni honti, jivhātemanamattampi udakam dullabham hoti, tadā migajātā sukkhatiṇāni ceva purāṇapaṇṇāni ca khādantā kampamānā viya vicarantā nivāpaṭṭhānaṃ gandham ghāyitvā vadhabandhanādīni agaṇayitvā vatim ajjhottharantā pavisanti. Tesam hi nivāpaṭṭhānaṃ ativiya piyam hoti manāpaṃ. Nevāpiko te disvā dve tīṇi divasāni pamatto viya hoti, dvāram vivaritvā tiṭṭhati, antonivāpaṭṭhāne tahiṃ tahiṃ udaka-āvāṭakāpi honti, migā vivaṭadvārena pavisitvā khādītamattakam pivitamattakameva katvā pakkamanti, punadivase kiñci na karontīti kaṇṇe cālayamānā khādītvā pivitvā ataramānā gacchanti, punadivase koci kiñci kattā natthīti yāvadattham khādītvā pivitvā maṇḍalagumbaṃ pavisitvā nipajjanti. Luddakā tesam pamattabhāvaṃ jānitvā dvāram pidhāya samparivāretvā koṭito paṭṭhāya koṭtetvā gacchanti, evam te tasmim nivāpe nevāpikassa yathākāmakaraṇīyā bhavanti.

262. **Tatra bhikkhaveli** bhikkhave tesu migajātesu. **Paṭhamā migajātā** migajātā paṭhamadutiya nāma natthi. Bhagavā pana āgatapaṭipāṭivasena kappetvā paṭhamā dutiya tatiya catutthāti nāmaṃ āropetvā dassesi. **Iddhānubhāvāti** yathākāmaṃ kattabbabhāvato, vasībhāvoyeva hi ettha iddhīti ca ānubhāvoti ca adhippeto.

263. **Bhayabhogāti** bhayena bhogato. **Balavīriyanti** aparāparaṃ sañcaraṇavāyodhātu, sā parihāyīti attho.

264. **Upanissāya āsayam kappeyyamāti** anto nipajjitvā khādantānampi bhayameva, bahirato āgantvā khādantānampi bhayameva, mayam pana amum nivāpaṭṭhānam nissāya ekamante āsayam kappeyyamāti cintayimsu.

Upanissāya āsayam kappayimsūti luddakā nāma na sabbakālam appamattā honti. Mayam tattha tattha maṇḍalagumbesu ceva vatipādesu ca nipajjitvā etesu mukhadhovanattham vā āhāra-kiccakaraṇattham vā pakkantesu nivāpavatthum pavisitvā khāditamattam katvā amhākam vasanaṭṭhānam pavissāmati nivāpavatthum upanissāya gahanesu gumbavatipādādisu āsayam kappayimsu. **Bhuñjimsūti** vuttanayena luddakānam pamādakālam nātvā sīgham sīgham pavisitvā bhuñjimsu. **Ketabinoti** sikkhitakerāṭikā. **Iddhimantāti** iddhimanto viya. **Parajanāti** yakkhā. Ime na migajātāti. **Āgatiṃ vā gatiṃ vāti** iminā nāma ṭhānena āgacchanti, amutra gacchantīti idaṃ nesam na jānāma. **Daṇḍavākarāhīti**¹ daṇḍavākarajālehi. **Samantā sappadesam anuparivāresunti** atimāyāvino ete, na dūram gamissanti, santikeyeva nipannā bhavissantīti nivāpakkhettassa samantā sappadesam mahantam okāsam anuparivāresum. **Addasamsūti** evam parivāretvā vākarajālam samantato cāletvā oloketā addasamsu. **Yattha teti** yasmim ṭhāne te gāham agamsu, tam ṭhānam addasamsūti attho.

265. **Yamnūna mayam yattha agatīti** te kira evam cintayimsu “anto nipajjitvā anto khātantānampi bhayameva, bāhirato āgantvā khātantānampi santike vasitvā khātantānampi bhayameva, tepi hi vākarajālena parikkhipitvā gahitāyevā”ti, tena tesam etadahosi “yamnūna mayam yattha nevāpikassa ca nevāpikaparissāya ca agati avisayo, tattha tattha seyyam kappeyyāmā”ti. **Aññe ghaṭṭessantīti** tato tato dūrataravāsino aññe ghaṭṭessanti. **Te ghaṭṭitā aññeti** tepi ghaṭṭitā aññe tato dūrataravāsino ghaṭṭessanti. **Evam imam nivāpam nivuttam sabbaso migajātā parimuccissantīti** evam imam amhehi nivuttam nivāpam sabbe migaghaṭā migasamghā vissajjessanti pariccajissanti. **Ajjhupekkheyyāmāti** tesam gahaṇe abyāvaṭā² bhaveyyāmāti, yathā tathā āgacchantesu hi taruṇapotako vā mahallako vā dubbalo vā yūthaparihīno vā sakkā honti laddhum, anāgacchantesu kiñci natthi. **Ajjhupekkhimsu kho bhikkhaveti** evam cintetvā abyāvaṭāva ahesum.

1. Daṇḍavāgurāhīti (Syā, Ka)

2. Avāvaṭā (Ka)

267. **Amuñ nivāpañ nivuttañ māraṣṣa amūni ca lokāmiṣāñīti** ettha nivāpoti vā lokāmiṣāñīti vā vaṭṭāmiṣabhūtānañ pañcannañ kāmagaṇānametañ adhivacanañ. Māro na ca bījāni viya kāmagaṇe vapento āhiṇḍati, kāmagaṇagiddhānañ pana upari vasañ vatteti, tasmā kāmagaṇā māraṣṣa nivāpā nāma honti. Tena vuttañ “amuñ nivāpañ nivuttañ māraṣṣā”ti. **Na parimuccimsu māraṣṣa iddhānubhāvāti** māraṣṣa vasañ gatā ahesuñ yathākāmakaraṇīyā. Ayañ saputtabhariyapabbajjāya āgata-upamā.

268. **Cetovimutti pariḥāyīti** ettha **cetovimutti** nāma araññe vasissāmāti uppanna-ajjhāsayo, so pariḥāyīti attho. **Tathūpame ahañ ime dutiyeti** ayañ brāhmaṇadhammikapabbajjāya upamā. Brāhmaṇā hi aṭṭhacattālīsavassāni komārabrahmacariyañ caritvā vaṭṭupacchedabhayena paveṇiñ ghaṭayissāmāti dhanāñ pariyesitvā bhariyañ gahetvā agāramajjhe vasantā ekasmiñ putte jāte “amhākañ putto jāto¹ vaṭṭañ na ucchinnāñ paveṇi ghaṭitā”ti puna nikkhamitvā pabbajanti vā tameva vā sa’kalattavāsañ² vasanti.

269. **Evañ hi te bhikkhave tatiyāpi samaṇabrāhmaṇā na parimuccimsūti** purimā viya tepi māraṣṣa iddhānubhāvā na muccimsu, yathākāmakaraṇīyāva ahesuñ. Kiñ pana te akamsūti. Gāmanigamarājadhāniyo osarivā tesu tesu āraṃma-uyyānaṭṭhānesu assamañ māpetvā nivasantā kuladārake hatthi-assarathasippādīni nānappakārāni sippāni sikkhāpesuñ. Iti te vākarajālana tatiyā migajātā viya māraṣṣa pāpimato diṭṭhijālana parikkhipitvā yathākāmakaraṇīyā ahesuñ.

270. **Tathūpame ahañ ime catuttheti** ayañ imassa sāsaṇassa upamā āhaṭā.

271. **Andhamakāsi māraṇti** na māraṣṣa akkhīni bhindi, vipassaṇāpāda kajjhānañ samāpannaṣṣa pana bhikkhuno imañ nāma āraṃmaṇañ nissāya cittañ vattatīti māro passituñ na sakkoti. Tena vuttañ “andhamakāsi māraṇ”ti. **Apadañ vadhitvā māracakkhunti** teneva pariyāyena yathā māraṣṣa cakkhu

1. Amhe sampatvā (Sī), amhākañ puttā (Ka)

2. Sakalañ tañ (Syā), sakalantañ vāsañ (Ka)

apadam hoti nippadam appatiṭṭham nirārammaṇam, evam vadhitvāti attho. **Adassanam gato pāpimatoti** teneva pariyāyena mārasa pāpimato adassanam gato. Na hi so attano maṁsacakkhunā tassa vipassanāpādakajjhānam samāpannassa bhikkhuno nāṇasarīram daṭṭhum sakkoti. **Paññāya cassa disvā āsavā parikkhīṇā hontīti** maggapaññāya cattāri ariyasaccāni disvā cattāro āsavā parikkhīṇā hontī. **Tiṇṇo loke visattikanti** loke sattavisattabhāvena visattikāti evam saṅkham gatam. Atha vā “visattikāti kenatṭhena visattikā. Visatāti visattikā, visaṭāti visattikā, vipulāti visattikā, visālāti visattikā, visamāti visattikā, visakkatīti visattikā, visam haratīti visattikā, visamvādikāti visattikā, visamūlāti visattikā, visaphalāti visattikā, visaparibhogāti visattikā, visālā vā pana sā taṇhā rūpe sadde gandhe rase phoṭṭhabbe”¹ti visattikā. Evam visattikāti saṅkham gatam taṇham tiṇṇo nittiṇṇo uttiṇṇo. Tena vuccati “tiṇṇo loke visattikan”ti.

Papañcasūdaniyā Majjhimanikāyaṭṭhakathāya

Nivāpasuttavaṇṇanā niṭṭhitā.

6. Pāsarāsisuttavaṇṇanā

272. **Evam me sutanti** Pāsarāsisuttam. Tattha **sādhu mayam āvusoti** āyācantā bhaṇanti. Ete kira pañcasatā bhikkhū janapadavāsino “Dasabalam passissāmā”ti Sāvattim anuppattā. Satthudassanam pana etehi laddham, dhammim katham na tāva suṇanti, te Satthugāravena “amhākam bhante dhammakatham kathethā”ti vattum na sakkonti, Buddhā hi garū honti, ekacāriko siho migarājā viya, pabhinnakuṅjaro viya, phaṇakata-āsiviso viya, mahā-aggikkhandho viya durāsadā. Vuttampi cetam—

“Āsiviso yathā ghero, migarājāva kesarī.

Nāgo va kuṅjaro dantī, evam Buddhā durāsadā”ti.

1. Khu 7. 7; Khu 8. 76, 242 piṭṭhesu.

Evam durāsadaṃ Satthāraṃ te bhikkhū sayam yācituṃ asakkontā āyasmantaṃ Ānandaṃ yācamānā “sādhu mayam āvuso”ti āhamsu.

Appeva nāmāti api nāma labheyyātha. Kasmā pana thero te bhikkhū “Rammakassa brāhmaṇassa assamaṃ upasaṅkameyyāthā”ti āha? Pākaṭakiriyatāya. Dasabalassa hi kiriyā therassa pākaṭā hoti, jānāti thero “ajja Satthā Jetavane vasitvā Pubbārāme divāvihāraṃ karissati, ajja Pubbārāme vasitvā Jetavane divāvihāraṃ karissati, ajja ekakova piṇḍāya pavissati, ajja bhikkhusaṅghaparivuto imasmim kāle janapadacārikaṃ nikkhamissati”ti. Kim panassa evam jānanatthaṃ cetopariyaññaṃ atthīti. Natthi. Anumānabuddhiyā pana katakiriyāya nayaggāhena jānāti. Yam hi divasaṃ Bhagavā Jetavane vasitvā Pubbārāme divāvihāraṃ kātukāmo hoti, tadā senāsanaparikkhārabhaṇḍānaṃ paṭisāmanākāraṃ dasseti, thero sammajjanisaṅkārachaḍḍanakādīni paṭisāmeti. Pubbārāme vasitvā Jetavanaṃ divāvihārāya āgamanakālepi eseva nayo.

Yadā pana ekako piṇḍāya pavisitukāmo hoti, tadā pātova sarīrapaṭijagganaṃ katvā Gandhakuṭim pavisitvā dvāraṃ pidhāya phalasaṃpattim appetvā nisīdati. Thero “ajja Bhagavā bodhaneyyabandhavaṃ disvā nisinno”ti tāya saññāya ñātvā “ajja āvuso Bhagavā ekako pavisitukāmo, tumhe bhikkhācārasajjā hothā”ti bhikkhūnaṃ saññaṃ deti. Yadā pana bhikkhusaṅghaparivāro pavisitukāmo hoti, tadā Gandhakuṭidvāraṃ upaḍḍhapidahitaṃ katvā phalasaṃpattim appetvā nisīdati, thero tāya saññāya ñātvā pattacivaraggahaṇatthāya bhikkhūnaṃ saññaṃ deti. Yadā janapadacārikaṃ nikkhamitukāmo hoti, tadā ekaṃ dve ālope atirekaṃ bhuñjati, sabbakālaṃ caṅkamaṇācāruyha aparāparaṃ caṅkamati, thero tāya saññāya ñātvā “Bhagavā āvuso janapadacārikaṃ caritukāmo, tumhākaṃ kattabbaṃ karoṭhā”ti bhikkhūnaṃ saññaṃ deti.

Bhagavā paṭhamabodhiyaṃ vīsati vassāni anibaddhavāso ahoṣi, pacchā pañcavīsati vassāni abbokiṇṇaṃ Sāvattimīyeva upanissāya vasanto

ekadivase¹ dve ṭhānāni paribhuñjati. Jetavane rattim vasitvā punadivase bhikkhusaṃghaparivuto dakkhiṇadvārena Sāvattim piṇḍāya pavisitvā pācīnadvārena nikkhamitvā Pubbārāme divāvihāraṃ karoti. Pubbārāme rattim vasitvā punadivase pācīnadvārena Sāvattim piṇḍāya pavisitvā dakkhiṇadvārena nikkhamitvā Jetavane divāvihāraṃ karoti. Kasmā? Dvinnam kulānam anukampāya. Manussatthabhāve ṭhitena hi Anāthapiṇḍikena viya aññena kenaci, mātugāmatthabhāve ṭhitāya ca Visākhāya viya aññāya itthiyā Tathāgataṃ uddissa dhanapariccāgo kato nāma natthi, tasmā Bhagavā tesam anukampāya ekadivase imāni dve ṭhānāni paribhuñjati. Tasmim pana divase Jetavane vasi, tasmā thero “ajja Bhagavā Sāvattiyam piṇḍāya caritvā sāyanhakāle gattāni pariśiṅcanatthāya pubbakotṭhakaṃ gamissati, athāhaṃ gattāni pariśiṅcivā ṭhitam Bhagavantam yācitvā rammakassa brāhmaṇassa assamaṃ gahetvā gamissāmi. Evamime bhikkhū Bhagavato sammukhā labhissanti dhammakatham savanāyā”ti cintetvā te bhikkhū evamāha.

Migāramātupāsādoti Visākhāya pāsādo. Sā hi Migārena seṭṭhinā mātuṭṭhāne ṭhapitattā **Migāramātāti** vuccati. **Paṭisallānā vuṭṭhitoti** tasmim kira pāsāde dvinnam mahāsāvakanam sirigabbhānam majjhe Bhagavato sirigabbho ahoṣi. Thero dvāraṃ vivaritvā antogabbham sammajjitvā mālākacavaram niharitvā mañcapīṭham paññapetvā Satthu saññaṃ adāsi. Satthā sirigabbham pavisitvā dakkhiṇena passena sato sampajāno sīhaseyyam upagamma daratham paṭippassambhetvā uṭṭhāya phalasaṃpattim appetvā nisīditvā sāyanhasamaye tato vuṭṭhāsi. Tam sandhāya vuttam “paṭisallānā vuṭṭhito”ti.

Parisiṅcītunti yo hi cuṇṇamattikādīhi gattāni ubbaṭṭento mallakamuṭṭhādīhi vā ghaṃsanto nhāyati, so **nhāyatīti** vuccati. Yo tathā akatvā pakatiyāva nhāyati, so **parisiṅcatīti** vuccati. Bhagavatopi sarīre tathā haritabham rajojallam nāma na upalimpati, utuggahaṇattham pana Bhagavā kevalam udakam otarati. Tenāha “gattāni pariśiṅcītun”ti. **Pubbakotṭhakoti** pācīnakotṭhako.

1. Ekadivasam (Sī)

Sāvattthiyaṃ kira vihāro kadāci mahā hoti kadāci khuddako. Tathā hi so Vipassissa Bhagavato kāle yojaniko ahoṣi, Sikhissa tigāvuto, Vessabhussa aḍḍhayaohaniko, Kakusandhassa gāvutappamāṇo, Koṇāgamanassa aḍḍhagāvutappamāṇo, Kassapassa vīsati-usabhappamāṇo, amhākaṃ Bhagavato kāle aṭṭhakarīsappamāṇo jāto. Tampi nagaraṃ tassa vihārassa kadāci pācīnato hoti, kadāci dakkhiṇato, kadāci pacchimato, kadāci uttarato. Jetavane Gandhakuṭiyaṃ pana catunnaṃ mañcapādānaṃ patiṭṭhitaṭṭhānaṃ acalameva.

Cattāri hi **acalacetiyatṭhānāni** nāma Mahābodhipallāṅkatṭhānaṃ Isipatane dhammacakkappavattanaṭṭhānaṃ Saṅkassanagaradvāre devorohaṇakāle sopānassa patiṭṭhataṭṭhānaṃ mañcapādaṭṭhānanti. Ayaṃ pana pubbaḷḷakālo Kassapadasabalassa vīsati-usabhavihārakāle pācīnadvāre koṭṭhako ahoṣi. So idānipi pubbaḷḷakotveva paññāyati. Kassapadasabalassa kāle Aciravatī nagaraṃ parikkhipitvā sandamānā pubbaḷḷakālo patvā udakena bhinditvā mahantaṃ udakarahadaṃ māpesi samatitthaṃ anupubbagambhīraṃ. Tattha ekaṃ rañño nhānatitthaṃ, ekaṃ nāgarānaṃ, ekaṃ bhikkhusaṃghassa, ekaṃ Buddhānanti evaṃ pāṭiyekkāni¹ nhānatitthāni honti ramaṇīyāni vippariṇāyapaṭṭasādisavālikāni. Iti Bhagavā āyasmatā Ānandena saddhiṃ yena ayaṃ evarūpo pubbaḷḷakālo, tenupasaṅkami gattāni pariśiṅcituṃ. Athāyasmā Ānando udakasāṭhikāṃ upanesi. Bhagavā rattadupaṭṭaṃ apanetvā udakasāṭhikāṃ nivāsesi. Thero dupaṭṭena saddhiṃ mahācīvaraṃ attano hatthagataṃ akāsi. Bhagavā udakaṃ otari. Sahotaraṇenevassa udake macchakacchapā sabbe suvaṇṇavaṇṇā ahesuṃ. Yantaṇālikāhi suvaṇṇarasadhārānisiṅcamānakālo² viya suvaṇṇapaṭṭasāraṇakālo viya ca ahoṣi. Atha Bhagavato nhānavattaṃ dassetvā nhatvā paccuttīṇassa thero rattadupaṭṭaṃ upanesi. Bhagavā taṃ nivāsetvā vijjulatāsadisāṃ kāyabandhanaṃ bandhitvā mahācīvaraṃ antantena saṃharitvā padumagabbhasadisāṃ katvā upanītaṃ dvīsu kaṇṇesu gahetvā aṭṭhāsi. Tena vuttaṃ “pubbaḷḷakālo gattāni pariśiṅcituṃ paccuttarivā ekacīvaro aṭṭhāsi”ti.

1. Paṭipāṭiyā etāni (Ka)

2. Suvaṇṇarasadhārāvissajjanakālo (Sī, Syā)

Evam ̥hitassa pana Bhagavato sarīraṃ vikasitakamaluppallasaram
sabbapāli-phullam pāricchattakam tārāmarīcivikasitam ca gaganatalam siriyā
avahasamānam viya virocittha. Byāmapabhāparikkhepavilāsiniṃ cassa
dvattiṃsavaralakkhaṇamālā ganthetvā ̥hapitā dvattiṃsacandamālā viya,
dvattiṃsasūriyamālā viya, paṭipāṭiyā ̥hapitā dvattiṃsacakkavatti
dvattiṃsadevarājā dvattiṃsamahābrahmāno viya ca ativiya virocittha,
vaṇṇabhūmināmesā. Evarūpesu ̥hānesu Buddhānam sarīravaṇṇam vā
guṇavaṇṇam vā cuṇṇiyapadehi vā gāthāhi vā atthaṅca upamāyo ca kāraṇāni
ca āharitvā paṭibalena dhammakathikena pūretvā kathetuṃ vaṭṭatīti
evarūpesu ̥hānesu dhammakathikassa thāmo veditabbo.

273. **Gattāni pubbāpayamānoti** pakatibhāvaṃ gamayamāno nirudakāni
kurumāno, sukkhāpayamānoti attho. Sodakena gattena¹ cīvaraṃ
pārūpantassa hi cīvare kaṇṇikā uṭṭhahanti, parikkhārabaṇḍaṃ dussati.
Buddhānam pana sarīre rajojallam na upalimpati, padumapatte pakkhitta-
udakabindu viya udakam vinivattetvā gacchati, evam santepi
sikkhāgāravatāya Bhagavā “pabbajitavattam nāmetan”ti mahācīvaraṃ
ubhosu kaṇṇesu gahetvā purato kāyam paṭicchādetvā aṭṭhāsi. Tasmim khaṇe
thero cintesi “Bhagavā mahācīvaraṃ pārūpitvā migāramātupāsādam ārabha
gamanābhīhārato² paṭṭhāya dunnivattiyo bhavissati, Buddhānam hi
adhippāyakopanam nāma ekacārikasīhassa gahaṇattham hatthappasāraṇam
viya, pabhinnavaravāraṇassa³ soṇḍāya parāmasanam viya, uggatejassa
āsīvisassa gīvāya gahaṇam viya ca bhāriyam hoti, idheva rammakassa
brāhmaṇassa assamassa vaṇṇam kathetvā tattha gamanattāya Bhagavantam
yācissāmi”ti, so tathā akāsi. Tena vuttam “atha kho āyasmā Ānando -pa-
anukampam upādāyā”ti.

Tattha **anukampam upādāyāti** Bhagavato sammukhā dhammim katham
sossāmāti tam assamam gatānam pañcannam bhikkhusatānam anukampam
paṭicca, tesu kāruṇṇam katvāti attho. **Dhammiyā kathāyāti** dasasu
pāramitāsu

1. Sodake gatte (Sī)

2. Gamanābhīhārato (Sī, Syā, Ka)

3. Pabhinnacaravāraṇassa (Ka)

aññatarāya pāramiyā ceva mahābhinnikkhamanassa ca vaṇṇaṃ kathayamānā sannisinnā honti. **Āgamayamānoti** olokayamāno. Ahaṃ Buddhoti sahasā appavisitvā yāva sā kathā niṭṭhāti, tāva aṭṭhāsīti attho. **Aggaḷaṃ ākoṭesīti** agganakhena kavāṭe saññaṃ adāsi. **Vivarimsūti** sotam odahitvāva nisinnattā taṅkhaṇaṃyeva āgantvā vivarimsu.

Paññatte āsaneti Buddhakāle kira yattha yattha ekopi bhikkhu viharati, sabbattha Buddhāsanam paññattameva hoti. Kasmā? Bhagavā kira¹ attano santike kammaṭṭhānam gahetvā phāsukaṭṭhāne viharante manasi karoti “asuko mayhaṃ santike kammaṭṭhānam gahetvā gato, sakkhissati² nu kho visesaṃ nibbattetuṃ no vā”ti. Atha naṃ passati kammaṭṭhānam vissajjetvā akusalavitakke vitakkayamānam, tato “katham hi nāma mādisassa Satthu santike kammaṭṭhānam gahetvā viharantaṃ imaṃ kulaputtaṃ akusalavitakkā abhibhavitvā anamatagge vaṭṭadukkhe saṃsāressanti”ti³ tassa anuggahatthaṃ tattheva attānam dassetvā taṃ kulaputtaṃ ovaditvā ākāsaṃ uppatitvā puna attano vasanaṭṭhānameva gacchati. Athevaṃ ovadiyamānā te bhikkhū cintayimsu “Satthā amhākaṃ manam jānitvā āgantvā amhākaṃ samīpe ṭhitamyeva attānam dasseti, tasmim khaṇe ‘bhante idha nisīdatha, idha nisīdathā’ti āsanapariyesanam nāma bhāro”ti. Te āsanam paññapetvāva viharanti. Yassa pīṭham atthi, so taṃ paññapeti. Yassa natthi, so mañcaṃ vā phalakaṃ vā kaṭṭham vā pāsāṇam vā vālikapuñjam vā paññapeti. Taṃ alabhamānā purāṇapaṇṇānipi saṅkaḍḍhitvā tattha paṃsukūlam pattharivitvā ṭhapenti. Idha pana pakatipaññattameva āsanam ahosi, taṃ sandhāya vuttaṃ “paññatte āsane nisīdī”ti.

Kāya nutthāti katamāya nu kathāya sannisinnā bhavathāti attho. “Kāya netthā”tipi⁴ pāḷi, tassā katamāya nu etthāti attho. “Kāya notthā”tipi pāḷi, tassāpi purimoyeva attho. **Antarā kathāti** kammaṭṭhānamanasikāra-uddesaparipucchādīnam antarā aññā ekā kathā. **Vippakatāti** mama āgamanapaccayā apariniṭṭhitā sikhāṃ appattā. **Atha Bhagavā**

1. Bhagavā hi (Ka)

3. Saṃsādessantīti (Sī), saṃsīdentīti (Syā, Ka)

2. Asakkhi (Sī, Syā, Ka)

4. Kāya nvetthātipi (Sī)

anuppattoti atha etasmim̄ kāle Bhagavā āgato. **Dhammī vā kathāti** dasakathāvatthunissitā vā dhammī kathā. **Ariyo vā tuṇhībhāvoti** ettha pana dutiyajjhānampi ariyo tuṇhībhāvo mūlakammaṭṭhānampi. Tasmā taṃ jhānaṃ appetvā nisinnopi, mūlakammaṭṭhānaṃ gahetvā nisinnopi bhikkhu ariyena tuṇhībhāvena nisinnoti veditabbo.

274. **Dvemā bhikkhave pariyesanāti** ko anusandhi? Te bhikkhū sammukhā dhammim̄ kathaṃ sossāmāti therassa bhāraṃ akaṃsu, thero tesam̄ assamagamanam̄ akāsi. Te tattha nisīditvā atiracchānakathikā hutvā dhammiyā kathāya nisīdim̄su. Atha Bhagavā “ayaṃ tumhākaṃ pariyesanā ariyapariyesanā nāmā”ti dassetuṃ imaṃ desanaṃ ārabhi. Tattha **katamā ca bhikkhave anariyapariyesanāti** ettha yathā maggakusalo puriso paṭhamam̄ vajjetabbam̄ apāyamaggaṃ dassento “vāmaṃ muñcitvā dakkhiṇam̄ gaṇhā”ti vadati, evaṃ Bhagavā desanākusalatāya paṭhamam̄ vajjetabbam̄ anariyapariyesanam̄ ācikkhitvā pacchā itaram̄ ācikkhissāmīti uddesānukkamaṃ bhinditvā evamāha. **Jātidhammoti** jāyanasabhāvo. **Jarādhammoti** jīraṇasabhāvo. **Byādhidhammoti** byādhisabhāvo. **Maraṇadhammoti** maraṇasabhāvo. **Sokadhammoti** socanakasabhāvo. **Samkilesadhammoti** samkilissanasabhāvo.

Puttabhariyanti puttā ca bhariyā ca. Esa nayo sabbattha. **Jātarūparajatanti** ettha pana **jātarūpanti** suvaṇṇam̄. **Rajatanti** yaṃkiñci vohārūpagam̄ lohamāsakādi. **Jātidhammā hete bhikkhave upadhayoti** ete pañcakāmaguṇūpadhayo nāma honti, te sabbepi jātidhammāti dasseti. Byādhidhammavārādīsu jātarūparajataṃ na gahitaṃ, na hetassa sīsarogādayo byādhayo nāma honti, na sattānaṃ viya cutisaṅkhātāṃ maraṇam̄, na soko uppajjati. Ayādīhi¹ pana samkilesehi samkilissatīti samkilesadhammavāre gahitaṃ. Tathā utusamuṭṭhānattā jātidhammavāre. Malaṃ gahetvā jīraṇato jarādhammavāre ca.

1. Jarādīhi (Syā, Ka)

275. **Ayaṃ bhikkhave ariyā pariyesanā**ti bhikkhave ayaṃ niddosatāyapi ariyehi pariyesitabbatāyapi ariyapariyesanāti veditabbā.

276. **Ahampi sudaraṃ bhikkhaveti** kasmā ārabhi? Mūlato paṭṭhāya, mahābhinnikkhamaṇaṃ dassetuṃ. Evaṃ kirassa ahoṣi “bhikkhave ahampi pubbe anariyapariyesanaṃ pariyesim, svāhaṃ taṃ pahāya ariyapariyesanaṃ pariyesitvā sabbaññutaṃ patto. Pañcavaggiyāpi anariyapariyesanaṃ pariyesimsu, te taṃ pahāya ariyapariyesanaṃ pariyesitvā khīṇāsavabhūmiṃ pattā. Tumhepi mama ceva pañcavaggiyānañca maggaṃ āruḷhā. Ariyapariyesanā tumhākaṃ pariyesanā”ti mūlato paṭṭhāya attano mahābhinnikkhamaṇaṃ dassetuṃ imaṃ desanaṃ ārabhi.

277. Tattha **daharova samānoti** taruṇova samāno. **Susukāḷakesoti** suṭṭhu kāḷakeso, añjanaṇṇakesova hutvāti attho. **Bhadrenāti** bhaddakena. **Paṭhamena vayasāti** tiṇṇaṃ vayānaṃ paṭhamavayena. **Akāmākānanti** anicchamānānaṃ, anādaratthe sāmivacanaṃ. Assūni mukhe etesanti assumukhā, tesaṃ **assumukhānaṃ**, assukilinnamukhānanti attho. **Rudantānanti** kanditvā rodamaṇānaṃ. **Kim kusalagavesīti**¹ kim kusalanti gavesamāno. **Anuttaraṃ santivarapadanti** uttamaṃ santisaṅkhātaṃ varapadaṃ, nibbānaṃ pariyesamānoti attho. **Yena Āḷāro kālāmoti** ettha **Āḷāro**ti tassa nāmaṃ, dīghapiṅgalo kireso. Tenassa **Āḷāro**ti nāmaṃ ahoṣi. **Kālāmoti** gottaṃ. **Viharatāyasmāti** viharatu āyasmā. **Yattha viññū purisoti** yasmiṃ dhamme paṇḍito puriso. **Sakaṃ ācariyakanti** attano ācariyasamayaṃ. **Upasampajja vihareyyāti** paṭilabhitvā vihareyya. Ettāvata tena okāso kato hoti. **Taṃ dhammanti** taṃ tesaṃ samayaṃ tantim. **Pariyāpuṇinti** sutvāva uggaṇhim.

Oṭṭhapahataṃmattenāti tena vuttassa paṭiggahaṇatthaṃ oṭṭhapaharaṇamattena, aparāparaṃ katvā oṭṭhasaṅcaraṇamattakenāti attho. **Lapitalāpanamattenāti** tena lapitassa paṭilāpanamattakena. **Ñāṇavādanti** jānāmīti

1. Kim kusalaṃ gavesīti (Syā, Ka)

vādaṃ. **Theravādanti** thirabhāvavādaṃ, thero ahametthāti¹ etaṃ vacanaṃ.

Ahaṃ ceva aññe cāti na kevalaṃ ahaṃ, aññepi bahū evaṃ vadanti.

Kevalaṃ saddhāmattakenāti paññāya asacchikatvā suddhena saddhāmattakeneva. Bodhisatto kira vācāya dhammaṃ uggaṇhantoyeva “na kālāmassa vācāya pariyattimattameva asmiṃ dhamme, addhā esa sattannaṃ samāpattīnaṃ lābhī”ti aññāsi, tenassa etadahosi.

Ākiñcaññāyatanam pavesesīti ākiñcaññāyatanapariyosānā satta samāpattiyo maṃ jānāpesi. **Saddhāti** imāsaṃ sattannaṃ samāpattīnaṃ nibbattanatthāya saddhā. **Vīriyādīsipi** eseva nayo. **Padaheyyanti** payogaṃ kareyyaṃ. **Nacirasseva taṃ dhammaṃ sayam abhiññā sacchikatvā upasampajja vihāsinti** bodhisatto kira vīriyaṃ paggaḥetvā katipāhaññeva² satta suvaṇṇanisseṇiyo pasārento³ viya satta samāpattiyo nibbattesi, tasmā evamāha.

Lābhā no āvusoti anusūyako kiresa kālāmo. Tasmā “ayaṃ adhunāgato, kinti katvā imaṃ dhammaṃ nibbattesī”ti usūyaṃ akatvā pasanno pasādaṃ pavesento evamāha. **Ubhova santā imaṃ gaṇaṃ pariharāmāti** “mahā ayaṃ gaṇo, dvepi janā pariharāmā”ti vatvā gaṇassa saññaṃ adāsi, “ahampi sattannaṃ samāpattīnaṃ lābhī, mahāpurisopi sattannameva, ettakā janā mahāpurisassa santike parikammaṃ uggaṇhatha, ettakā mayhan”ti majjhe bhinditvā adāsi. **Uḷārāyāti** uttamāya. **Pūjāyāti** kālāmassa kira upaṭṭhākā itthiyopi purisāpi gandhamālādīni gaḥetvā āgacchanti. Kālāmo “gacchatha, mahāpurisaṃ pūjethā”ti vadati. Te taṃ⁴ pūjetvā yaṃ avasiṭṭhaṃ hoti, tena kālāmaṃ pūjenti. Mahagghāni mañcapīṭhāni āharanti, tānipi mahāpurisassa dāpetvā yadi avasiṭṭhaṃ hoti, attanā gaṇhāti. Gatagataṭṭhāne varasenāsaṇaṃ bodhisattassa jaggāpetvā sesakaṃ attanā gaṇhāti. Evaṃ uḷārāya pūjāya pūjesi. **Nāyaṃ dhammo nibbidāyāti**-ādīsu ayaṃ satta samāpattidhammo neva vaṭṭe nibbindanattāya na virajjanattāya na rāgādinirodhattāya

1. Ayametthāti (Syā, Ka)

2. Katipāhasseva (Sī, Syā)

3. Saṃghāṅento (Sī), sampādentto (Syā)

4. Te maṃ (Ka)

na upasamatthāya na abhiññeyyadhammaṃ abhijānanatthāya na catumaggasambodhāya¹ na nibbānasacchikiriyāya saṃvattatīti attho.

Yāvadeva ākiñcaññāyatanūpapattiyāti yāva

saṭṭhikappa²sahassāyuparimāṇe ākiñcaññāyatanabhava upapatti, tāvadeva saṃvattati, na tato uddham. Evamayam punarāvattanadhammoyeva, yam ca ṭhānam pāpeti, tam jātijarāmarañchi aparimuttameva maccupāsaparikkhittamevāti. Tato paṭṭhāya ca pana mahāsatto yathā nāma chātājhattapuriso manuññabhojanam labhitvā sampiyāyamānopi bhuñjivā pittavasena vā semhavasena vā makkhikāvasena vā³ chaḍḍetvā puna ekaṃ piṇḍampi bhuñjissāmīti manam na uppādeti, evameva imā satta samāpattiyo mahantena ussāhena nibbattetvāpi tāsu imam punarāvattikādibhedam ādīnavam disvā puna imam dhammam āvajjissāmi vā samāpajjissāmi vā adhiṭṭhahissāmi vā vuṭṭhahissāmi vā paccavekkhissāmi vāti cittameva na uppādesi. **Analaṅkaritvāti** alam iminā alam imināti punappunam alaṅkaritvā⁴. **Nibbijjāti** nibbinditvā. **Apakkaminti** agamāsīm.

278. **Na kho rāmo imam dhammanti** idhāpi bodhisatto tam dhammam⁵ uggahantoyeva aññāsi “nāyam aṭṭhasamāpattidhammo udakassa vācāya uggahitamattova⁶, addhā panesa aṭṭhasamāpattilābhī”ti. Tenassa etadahosi na kho rāmo -pa- jānam passam vihāsi”ti. Sesamettha purimavāre vuttanayeneva veditabbam.

279. **Yena Uruvelā Senānigamoti** ettha **Uruvelāti** mahāvelā, mahāvālikarāsīti attho. Atha vā **urūti** vālikā vuccati, **velāti** mariyādā, velātikkamanahetu āhaṭā uru **Uruvelāti** evamettha attho daṭṭhabbo. Atīte kira anuppanne Buddhē dasasahassā kulaputtā tāpasapabbajjam pabbajitvā tasmim padese viharantā ekadivasam sannipatitvā katikavattam akamsu “kāyakammavacīkammāni nāma paresampi pākaṭāni honti, manokammam pana apākaṭam. Tasmā yo kāmavitakkaṃ vā byāpādavitakkaṃ vā vihiṃsāvitakkaṃ vā vitakketi, tassa añño

1. Catusaccasambodhāya (Ka)

2. Saṭṭhikappamatta (Ka)

3. Mucchikāvasena vā (Syā), macchikāvasena vā (Ka)

4. Na alam karitvā (Syā), analaṅkaritvā (Ka)

5. Dhammam (Syā, Ka)

6. Uggahitamattova ṭhapito (Syā, Ka)

codako nāma natthi, so attanāva attānaṃ codetvā pattapuṇena vālikaṃ āharitvā imasmim̐ ṭhāne ākiratu, idamassa daṇḍakammaṃ”ti. Tato paṭṭhāya yo tādisaṃ vitakkaṃ vitakketi, so tatta pattapuṇena vālikaṃ ākirati, evaṃ tatta anukkamaṇa mahāvālikarāsi jāto. Tato taṃ pacchimā janatā parikkhipitvā cetiyaṭṭhānamakāsi, taṃ sandhāya vuttaṃ “**Uruvelāti** mahāvelā, mahāvālikarāsiṭi attho”ti. Tameva sandhāya vuttaṃ “atha vā **urūti** vālikā vuccati, **velāti** mariyādā, velātikkaṃ mahāhetu āhaṭṭā uru Uruvelāti evamettha attho daṭṭhabbo”ti.

Senānigamoti senāya nigamo. Paṭhamakappikānaṃ kira tasmim̐ ṭhāne senāniveso ahosi, tasmā so padeso **Senānigamoti** vuccati. “Senānigāmo”tipi pāṭho. **Senāni** nāma Sujātāya pitā, tassa gāmoti attho. **Tadavasariṇi** tatta osariṃ. **Ramaṇīyaṃ bhūmibhāganti** supupphitanānappakārajalajathalajapupphavicittaṃ manorammaṃ bhūmibhāgaṃ. **Pāsādikaṇca vanasaṇḍanti** morapiṇcha kalāpasadisāṃ¹ pasādajananavanasāṇḍaṇca addasaṃ. **Nadiṇca sandanti** sandamānaṇca maṇikkhandhasadisāṃ vimalanīlasītalasalilaṃ Neraṇjaraṃ nadiṃ addasaṃ. **Setakanti** parisuddhaṃ nikkaddamaṃ. **Supatitthanti** anupubbagambhīrehi sundarehi titthehi upetaṃ. **Ramaṇīyanti** rajatapattasadisāṃ vippakiṇṇavālikaṃ pahūtamacchakacchapaṃ abhirāmadassanaṃ. **Samantā² ca gocaragāmaṇti** tassa padessa samantā avidūre gamanāgamanasampannaṃ sampattapabbajitānaṃ sulabhapiṇḍaṃ gocaragāmaṇca addasaṃ. **Alaṃ vatāti** samatthaṃ vata. **Tattheva nisīdinti** Bodhipallaṅke nisajjaṃ sandhāyāha. Uparisuttasmim̐ hi **tatthevāti** dukkarakārikaṭṭhānaṃ adhippetāṃ, idha pana Bodhipallaṅko. Tenāha “tattheva nisīdin”ti. **Alamidaṃ padhānāyāti** idaṃ ṭhānaṃ padhānatthāya samatthanti evaṃ cintetvā nisīdinti attho.

280. **Ajjhagamanti** adhigacchim̐ paṭilabhim̐. **Ñāṇaṇca pana me dassananti** sabbadhammadassanasamatthaṇca me sabbaññutaññānaṃ udapādi. **Akuppā me vimuttīti** mayhaṃ arahattaphalavimutti akuppatāya ca akuppāraṃ maṇatāya ca akuppā, sā hi rāgādīhi na kuppatīti akuppatāyapi akuppā, akuppaṃ nibbānaṃ samāmaṇantiṭi akuppā. **Ayamantimā jātīti** ayaṃ sabbapacchimā jāti.

1. Morakalāpasadisāṃ (Syā, Ka)

2. Sāmantā (?)

Natthi dāni punabbhavoti idāni me puna paṭisandhi nāma natthīti evaṃ paccavekkhaṇañāṇampi me uppananti dasseti.

281. **Adhigatoti** paṭividdho. **Dhammoti** catusaccadhammo. **Gambhīroti** uttānabhāvapaṭikkhepavacanametam. **Duddasoti** gambhīrattāva duddaso dukkhena daṭṭhabbo, na sakkā sukhena daṭṭhum. **Duddasattāva duranubodho**, dukkhena avabujjhitaḥ, na sakkā sukhena avabujjhitaḥ. **Santoti** nibbuto. **Paṇītoti** atappako. Idam dvayam lokuttarameva sandhāya vuttam. **Atakkāvacaroti** takkena avacaritaḥ, ogāhitaḥ, na hoti, nāṇeneva avacaritaḥ. **Nipuṇoti** saṅho. **Paṇḍitavedanīyoti** sammāpaṭipadam paṭipannehi paṇḍitehi veditaḥ. **Ālayarāmāti** sattā pañcasu kāmaguṇesu allīyanti. Tasmā te **ālayāti** vuccanti. Aṭṭhasatataṇhāvīcaritāni ālayanti, tasmā ālayāti vuccanti. Tehi ālayehi ramantīti **ālayarāmā**. Ālayesu ratāti **ālayaratā**. Ālayesu suṭṭhu muditāti **ālayasammuditā**. Yatheva hi susajjitam pupphaphalabharitarukkhādisampannam uyyānam pavīṭṭho rājā tāya tāya sampattiyā ramati, sammudito āmoditapamodito¹ hoti, na ukkaṇṭhati, sāyampi nikkhamitum na icchati, evamimehipi kāmālayataṇhālayehi sattā ramanti, saṃsāraṇaṭṭhe sammuditā anukkaṇṭhitā vasanti. Tena nesam Bhagavā duvidhampi ālayam uyyānabhūmim viya dassento “ālayarāmā”ti-ādimāha.

Yadidanti nipāto, tassa ṭhānam sandhāya “yam idan”ti, paṭiccasamuppadam sandhāya “yo ayan”ti evamattho daṭṭhabbo. **Idappaccayatāpaṭiccasamuppādoti** imesam paccayā idappaccayā, idappaccayā eva idappaccayatā, idappaccayatā ca sā paṭiccasamuppādo cāti **idappaccayatāpaṭiccasamuppādo**. Saṅkhārādipaccayānam etam adhivacanam. **Sabbasaṅkhārasamathoti**-ādi sabbam nibbānameva². Yasmā hi tam āgamma sabbasaṅkhāravipphanditāni sammanti vūpasammanti, tasmā **sabbasaṅkhārasamathoti** vuccati. Yasmā ca tam āgamma sabbe upadhayo paṭinissatṭhā honti, sabbā taṇhā khīyanti, sabbe kilesarāgā virajjanti, sabbam dukkham nirujjhati, tasmā **sabbūpadhipaṭinissaggo taṇhākkhayo virāgo nirodhoti** vuccati. Sā panesā taṇhā bhavena bhavam, phalena vā saddhim kamman vinati

1. Āmoditasammodito (Ka)

2. Nibbānameva (Syā, Ka)

saṃsibbatīti katvā **vānanti** vuccati, tato nikkhantaṃ vānatoti **nibbānaṃ**. **So mamassa kilamathoti** yā ajānantānaṃ desanā nāma, so mama kilamatho assa¹, sā mama vihesā assāti attho. Kāyakilamatho ceva kāyavihesā ca assāti vuttaṃ hoti. Citte pana ubhayampetaṃ Buddhānaṃ natthi. **Apissūti** anubrūhanatthe nipāto, so “na kevalaṃ etadahosi, imāpi gāthā paṭibhaṃsū”ti dīpeti. **Manti** mama. **Anacchariyāti** anu-acchariyā. **Paṭibhaṃsūti** paṭibhānasaṅkhātassa nāṇassa gocarā ahesuṃ, parivitakkayitabbataṃ pāpuṇiṃsu.

Kicchēnāti dukkhena, na dukkhāya paṭipadāya. Buddhānaṃ hi cattāropi maggā sukhappaṭipadāva honti. Pāramīpūraṇakāle pana sarāgasadosasamohasseva sato āgatāgatānaṃ yācakānaṃ alaṅkatappaṭiyattaṃ sīsaṃ kantivā galalohitaṃ nīharitvā su-añjitāni akkhīni uppāṭetvā kulavaṃsappadīpaṃ puttāṃ manāpacārinim bhariyanti evamādīni dentassa aññāni ca khantivādisadisesu attabhāvesu chejjabhejjādīni pāpuṇantassa āgamanīyapaṭipadaṃ sandhāyetaṃ vuttaṃ. **Halanti** ettha **ha-**kāro nipātamatto, **alanti** attho. **Pakāsītunti** desitum, evaṃ kicchena adhigatassa dhammassa alaṃ desitum, pariyattaṃ desitum, ko attho desitenāti vuttaṃ hoti. **Rāgadosaparetehīti** rāgadosapariphuṭṭhehi rāgadosānugatehi vā.

Paṭisotagāminti niccādīnaṃ paṭisotaṃ aniccaṃ dukkhamanattā asubhanti evaṃ gataṃ catusaccadhammaṃ. **Rāgarattāti** kāmarāgena bhavarāgena diṭṭhirāgena ca rattā. **Na dakkhantīti** aniccaṃ dukkhamanattā asubhanti iminā sabhāvena na passissantī, te apassante ko sakkhissati evaṃ gāhāpetum. **Tamokhandhena āvuṭṭāti** avijjārāsinaṃ ajjhotthatā.

282. **Appossukkatāyāti** nirussukkabhāvena, adesetukāmatāyāti attho. Kasmā panassa evaṃ cittaṃ nami, nanu esa mutto mocessāmi, tiṇṇo tāressāmi.

“Kim me aññāta-vesena, dhammaṃ sacchikatenidha.
Sabbaññutaṃ pāpuṇitvā, tārayissaṃ sadevakan”ti²—

1. So mamassa kilamatho. Yo mama kilamatho assa (Syā)

2. Khu 4. 310 piṭṭhe.

Patthanam katvā pāramiyo pūretvā sabbaññutaṃ pattoti. Saccametam, tadevaṃ paccavekkhaṇānubhāvena panassa evaṃ cittaṃ nami. Tassa hi sabbaññutaṃ patvā sattānaṃ kilesagahanataṃ, dhammassa ca gambhīrataṃ paccavekkhantassa sattānaṃ kilesagahanatā ca dhammagambhīratā ca sabbākārena pākaṭā jātā, athassa “ime sattā kaṅḅikapuṇṇā lābu viya, takkabharitā cāṭi viya, vasātelapītapilotikā¹ viya, añjanamakkhitahattho viya ca kilesabharitā atisaṃkiliṭṭhā rāgarattā dosaduṭṭhā mohamūḷhā, te kiṃ nāma paṭivijjhissanti”ti cintayato kilesagahanapaccavekkhaṇānubhāvenāpi evaṃ cittaṃ nami.

“Ayañca dhammo pathavīsandhāraka-udakakkhandho viya gambhīro, pabbatena paṭicchādetvā ṭhapito sāsapo viya duddaso, satadhā bhinnassa vālassa koṭiyā koṭipāṭipādanaṃ viya duranubodho, nanu mayā hi imaṃ dhammaṃ paṭivijjhitaṃ vāyamantena adinnaṃ dānaṃ nāma natthi, arakkhitaṃ sīlaṃ nāma natthi, aparipūrītā kāci pāramī nāma natthi, tassa me nirussāhaṃ viya mārabalaṃ vidhamantassāpi pathavī na kampittha, paṭhamayāme pubbenivāsaṃ anussarantassāpi na kampittha, majjhimayāme dibbacakkuṃ sodhentassāpi na kampittha, pacchimayāme pana paṭiccasamuppādaṃ paṭivijjhantasseva me dasasahasilokadhātu kampittha. Iti mādisenāpi tikkhaññaṇena kicchenevāyaṃ dhammo paṭividdho, taṃ lokiyamahājanā kathaṃ paṭivijjhissanti”ti dhammagambhīratāpaccavekkhaṇānubhāvenāpi evaṃ cittaṃ namīti veditabbaṃ.

Apica brahmunā yācite desetukāmatāyapissa evaṃ cittaṃ nami. Jānāti hi Bhagavā “mama appossukkatāya citte namamāne maṃ mahābrahmā dhammadesanaṃ yācissati, ime ca sattā brahmagarukā, te ‘Satthā kira dhammaṃ na desetukāmo ahosi, atha naṃ mahābrahmā yācivā desāpesi, santo vata bho dhammo, paṇīto vata bho dhammo’ti maññaṃānā sussūsissanti”ti. Idampissa kāraṇaṃ paṭicca appossukkatāya cittaṃ nami, no dhammadesanāyāti veditabbaṃ.

Sahampatissāti so kira Kassapassa Bhagavato sāsane Sahako nāma thero paṭhamajjhānaṃ nibbattetvā paṭhamajjhānabhūmiyaṃ kappāyukabrahmā hutvā nibbatto, tatra naṃ Sahampatibrahmāti paṭisañjānanti, taṃ

1. Vasātemitapilotikā (Syā)

sandhāyāha “brahmuno Sahampatissā”ti. **Nassati vata bhoti** so kira imañ saddaṃ tathā nicchāresi, yathā dasasahasilokadhātubrahmāno sutvā sabbe sannipatimsu. **Yatra hi nāmāti** yasmim nāma loke. **Purato pāturahosīti** tehi dasahi brahmasahashehi saddhim pāturahosi. **Apparajakkhajātikāti** paññāmaye akkhimhi appaṃ parittaṃ rāgadosamoharajaṃ etesaṃ evaṃsabhāvāti **apparajakkhajātikā**. **Assavanatāti** assavanatāya. **Bhavissantīti** purimabuddhesu dasapuññakiriyavasena katādhikārā paripākagatapadumāni viya sūriyarasmisamphassaṃ, dhammadesanaṃyeva ākaṅkhamānā catuppadikagāthāvasāne ariyabhūmiṃ okkamaṇārahā na eko, na dve, anekasatasahassā dhammassa aññātāro bhavissantīti dasseti.

Pāturahosīti pātubhavi. **Samalehi cintitoti** samalehi chahi Satthārehi cintito. Te hi puretaraṃ uppajjitvā sakalajambudīpe kaṇṭake pattharamānā viya, visaṃ siṅcamānā viya ca samalaṃ micchādīṭṭhidhammaṃ desayimsu. **Apāpuretanti** vivara etaṃ. **Amatassa dvāranti** amatassa nibbānassa dvārabhūtaṃ ariyamaggaṃ. **Suṇantu dhammaṃ vimalenānubuddhanti** ime sattā rāgādimalānaṃ abhāvato vimalena Sammāsambuddhena anubuddhaṃ catusaccadhammaṃ suṇantu tāva Bhagavāti yācati.

Sele yathā pabbatamuddhaniṭṭhitoti selamaye ekagghane pabbatamuddhani yathā ṭhitova. Na hi tassa ṭhitassa dassanatthaṃ gīvukkipanapasāraṇādikkiccam atthi. **Tathūpamanti** tappaṭibhāgaṃ selapabbatūpamaṃ. Ayaṃ panettha saṅkhepattho—yathā selapabbatamuddhani ṭhitova cakkhumā puriso samantato janataṃ passeyya, tathā tvampi sumedha sundarapañña sabbaññutaññāṇena samantacakkhu Bhagavā dhammamayaṃ pāsādamāruyha sayāṃ apetasoko sokāvatiṇṇaṃ jātijarābhibhūtaṃ¹ janataṃ avekkhassu² upadhāraya upaparikkha. Ayaṃ panettha adhippāyo—yathā hi pabbatapāde samantā mahantaṃ khettaṃ katvā tattha kedārapāḷīsu kuṭikāyo katvā rattiṃ aggim jāleyyūṃ, caturaṅgasamannāgatañca andhakāraṃ assa, atha tassa pabbatassa matthake ṭhatvā cakkhumato purisassa bhūmiṃ olokayato neva khettaṃ na kedārapāḷīyo na kuṭīyo na tattha sayitamanussā paññāyeyyūṃ. Kuṭikāsu

1. Jātijarābhibhūtaṃ ca (Syā, Ka)

2. Apekkhassu (Syā)

pana aggijālāmattakameva paññāyeyya, evaṃ dhammapāsādaṃ āruyha sattanikāyaṃ olokayato Tathāgatassa ye te akatakalyāṇā sattā, te ekavihāre dakkhiṇajāṇupasse nisinnāpi Buddhacakkhussa āpātham nāgacchanti, rattim khittā sarā viya honti. Ye pana katakalyāṇā veneyyapuggalā, te evassa dūrepi t̥hitā āpātham āgacchanti, so aggi viya Himavantapabbato viya ca. Vuttampi cetam—

“Dūre santo pakāsentī, Himavantova pabbato.
Asantettha na dissanti, rattim khittā yathā sarā”ti¹.

Uṭṭhehīti Bhagavato dhammadesanattham cārikacaraṇam yācanto bhaṇati. **Vīrāti**-ādīsu Bhagavā vīriyavantatāya **vīro**. Devaputtamaccukilesamārānam vijitattā **vijitasangāmo**. Jātikantārādinittharaṇatthāya veneyyasatthavāhanasamatthatāya **satthavāho**. Kāmacchanda-iṇassa abhāvato **aṇaṇoti** vedītabbo.

283. **Ajjhesananti** yācanam. **Buddhacakkhunāti** indriyaparopariyattañāṇena ca āsayānusayañāṇena ca. Imesam hi dvannam nāṇānam Buddhacakkhūti nāmam, sabbaññutaññāṇassa samantacakkhūti, tiṇṇam maggañāṇānam dhammacakkhūti. **Apprajakkheti**-ādīsu yesam vuttanayeneva paññācakkhumhi rāgādirajam appam, te **apparajakkhā**. Yesam tam mahantam, te **mahārajakkhā**. Yesam saddhādini indriyāni tikkhāni, te **tikkhindriyā**. Yesam tāni mudūni, te **mudindriyā**. Yesam teyeva saddhādayo ākāra sundarā, te **svākārā**. Ye kathitakāraṇam sallakkhenti, sukhena sakkā honti viññāpetum, te **suviññāpayā**. Ye paralokañceva vājjañca bhayato passanti, te **paralokavajjabhayadassāvino** nāma.

Ayam panettha Pāḷi—“saddho puggalo apparajakkho, assaddho puggalo mahārajakkho. Āraddhavīriyo, kusito. Upaṭṭhitassati, muṭṭhassati. Samāhito, asamāhito. Paññavā, duppañño puggalo mahārajakkho. Tathā saddho puggalo tikkhindriyo -pa- paññavā puggalo paralokavajjabhayadassāvī, duppañño puggalo na paralokavajjabhayadassāvī.

1. Khu 1. 56 piṭṭhe.

Lokoti khandhaloko, āyatanaloko, dhātuloko, sampattibhavaloko, sampattisambhavaloko, vipattibhavaloko, vipattisambhavaloko, eko loko sabbe sattā āhāraṭṭhitikā. Dve lokā nāmañca rūpañca. Tayo lokā tisso vedanā. Cattāro lokā cattāro āhārā. Pañca lokā pañcupādānakkhandhā. Cha lokā cha ajjhattikāni āyatanāni. Satta lokā satta viññāṇaṭṭhitiyo. Aṭṭha lokā aṭṭha lokadhammā. Nava lokā nava sattāvāsā. Dasa lokā dasāyatanāni. Dvādasa lokā dvādasāyatanāni. Aṭṭhārasa lokā aṭṭhārasa dhātuyo. Vajjanti sabbe kilesā vajjā, sabbe duccharitā vajjā, sabbe abhisankhārā vajjā, sabbe bhavagāmikammā vajjā. Iti imasmim ca loke imasmim ca vajje tibbā bhayasaññā paccupaṭṭhitā hoti, seyyathāpi ukkhittāsike vadhake. Imehi paññāsāya ākārehi imāni pañcendriyāni jānāti passati aññāsi paṭivijjhi. Idam Tathāgatassa indriyaparopariyatte ñāṇanti¹.

Uppaliniyanti uppalaṇṇā. Itaresupi eseṇa nayo. **Antonimuggaposiṇīti** yāni anto nimuggāṇeva posiyanti. **Udakam accuggammaṭṭhitāni** udakam atikkamitvā ṭhitāni. Tattha yāni accuggamma ṭhitāni, tāni sūriyārasmiṇisamphassaṃ āgamayamānāni ṭhitāni ajja pupphanakāni. Yāni samodakam ṭhitāni, tāni sve pupphanakāni. Yāni udakānuggatāni antonimuggaposiṇī, tāni tatiyadivase pupphanakāni. Udakā pana anuggatāni aññānipi saroga-uppalādīni² nāma atthi, yāni neva pupphissanti, macchacchapabhakkhāneva bhavissanti. Tāni Pāḷim nāruḷhāni. Āharitvā pana dīpetabbāni dīpitāni.

Yatheva hi tāni catubbidhāni pupphāni, evameva ugghaṭṭitaññū vipaṇcitaññū neyyo padaparamoti cattāro puggalā. Tattha “Yassa puggalassa saha udāhaṭṭavelāya dhammābhisamayo hoti, ayam vuccati puggalo **ugghaṭṭitaññū**. Yassa puggalassa samkhittena bhāsitaṇṇa vitthārena atthe vibhajiyaṇṇa dhammābhisamayo hoti, ayam vuccati puggalo **vipaṇcitaññū**. Yassa puggalassa uddesato paripucchato yoniso manasikaroto

1. Khu 9. 117 piṭṭhe.

2. Saroga-uppalāni (Sī), saropaga-uppalādīni (Syā, Ka)

kalyāṇamitte sevato bhajato payirupāsato anupubbena dhammābhisamayo hoti, ayaṃ vuccati puggalo **neyyo**. Yassa puggalassa bahumpi suṇato bahumpi bhaṇato bahumpi dhārayato bahumpi vācayato na tāya jātiyā dhammābhisamayo hoti, ayaṃ vuccati puggalo **padaparamo**¹. Tattha Bhagavā uppavalanādisadisam dasasahasilokadhātum olokeno “ajja pupphanakāni viya ugghaṭitaññū, sve pupphanakāni viya vipaṇcitaññū, tatiyadivase pupphanakāni viya neyyo, macchakacchapabhakkhāni pupphāni viya padaparamo”ti addasa. Passanto ca “ettakā apparajakkhā, ettakā mahārajakkhā, tatrāpi ettakā ugghaṭitaññū”ti evaṃ sabbākāratova addasa.

Tattha tiṇṇaṃ puggalānaṃ imasmiṃyeva attabhāve Bhagavato dhammadesanā atthaṃ sādheti. Padaparamānaṃ anāgate vāsanatthāya² hoti. Atha Bhagavā imesaṃ catunnaṃ puggalānaṃ atthāvahaṃ dhammadesanaṃ veditvā desetukamyataṃ uppādetvā puna sabbepi tisu bhavesu satte bhabbābhabbavasena dve koṭṭhāse akāsi. Ye sandhāya vuttaṃ “katame te sattā abhabbā, ye te sattā kammāvaraṇena samannāgatā kilesāvaraṇena samannāgatā vipākāvaraṇena samannāgatā assaddhā acchandikā duppaññā abhabbā niyāmaṃ okkamitum kusalesu dhammesu sammattaṃ, ime te sattā abhabbā. Katame te sattā bhabbā, ye te sattā na kammāvaraṇena -pa- ime te sattā bhabbā”ti³. Tattha sabbepi abhabbapuggale pahāya bhabbapuggaleyeva ñāṇena pariggahetvā “ettakā rāgacaritā ettakā dosamohacaritā vitakkasaddhābuddhacaritā”ti cha koṭṭhāse akāsi. Evaṃ katvā dhammaṃ desissāmīti cintesi.

Paccabhāsinti pati-abhāsiniṃ. **Apārutāti** vivaṭā. **Amatassa dvārāti** ariyamaggo. So hi amataṣaṅkhātassa nibbānassa dvāraṃ, so mayā vivarivā ṭhapitoti dasseti. **Pamuñcantu saddhanti** sabbe attano saddhaṃ pamuñcantu vissajjentu. Pacchimapadadvaye ayamatto, ahañhi attano paṇaṃ suppvattitampi imaṃ paṇitaṃ uttamaṃ dhammaṃ kāyavācākilamathasaññi hutvā na

1. Abhi 3. 147 piṭṭhe. 2. Anāgatatthāya vāsanā (Sī, Syā, Ka) Dī-Ṭṭha 2. 60 piṭṭhe.

3. Abhi 2. 355; Khu 9. 119 piṭṭhesu.

bhāsim. Idāni pana sabbo jano saddhābhājanam upanetu, pūressāmi nesam saṅkappanti.

284. **Tassa mayham bhikkhave etadahosi**ti etam ahosi. **Kassa nu kho aham paṭhamam dhammam deseyyanti** ayam dhammadesanāpaṭisamyutto vitakko udapādīti attho. Kadā panesa udapādīti. Buddhabhūtaṣṣa aṭṭhame sattāhe.

Tatrāyam anupubbikathā—Bodhisatto kira mahābhinnikkhamanadivase vivaṭam itthāgāram disvā samviggahadayo “Kaṇḍakam āharā”ti Channam āmantetvā Channasahāyo assārājapitṭhigato nagarato nikkhamitvā Kaṇḍakanivattanacetiyaṭṭhānam nāma dassetvā tīṇi rajjāni atikkamma Anomānādīre pabbajitvā anupubbena cārikam caramāno Rājagahe piṇḍāya caritvā Paṇḍavapabbate nisino Magadhissarena raññā nāmagottam pucchitvā “imam rajjam sampaṭicchāhi”ti vutto “alam mahārāja, na mayham rajjena attho, aham rajjam pahāya lokahitathāya padhānam anuyuñjitvā loke vivaṭacchado¹ bhavissāmīti nikkhanto”ti vatvā “tena hi Buddho hutvā paṭhamam mayham vijitam osareyyāsī”ti paṭiññam gahito Kālāmaṅca Udakaṅca upasaṅkamtivā tesam dhammadesanāya saram avindanto tato pakkamtivā Uruveḷāya chabbassāni dukkarakārikam karontopi amatam paṭivijjhitum asakkonto oḷārikāhārapaṭisevanena kāyam santappesi.

Tadā ca Uruvelagāme **Sujātā** nāma kuṭumbiyadhītā² ekasmim nigrodharukkhe patthanam akāsi “sacāham samānajātikam kulagharam gantvā paṭhamagabbhe puttam labhissāmi, balikammaṃ karissāmī”ti. Tassā sā patthanā samijjhi. Sā visākhapuṇṇamadivase pātova balikammaṃ karissāmīti rattiyā paccūsamaye eva³ pāyasam⁴ paṭiyādesi. Tasmim pāyase paccamāne mahantamahantā pupphulā⁵ uṭṭhahitvā dakkhiṇāvaṭṭā hutvā saṅcaranti. Ekaphusitampi bahi na gacchati. Mahābrahmā chattaṃ dhāresi. Cattāro lokapālā khaggahatthā ārakkham gaṇhimso. Sakko alātāni samānento aggam jālesi. Devatā catūsu dīpesu ojam saṃharitvā

1. Vivattacchado (Sī)

2. Kuṭumbassa dhītā (Ka)

3. Evarūpaṃ (Ka)

4. Pāyasam (Sī, Syā, Ka)

5. Bubbulā (Sī, Syā)

tattha pakkhipimsu. Bodhisatto bhikkhācārakālaṃ āgamayamāno pātova gantvā rukkhamūle nisīdi. Rukkhamūle sodhanatthāya¹ gatā dhātī āgantvā Sujātāya ārocesi “devatā rukkhamūle nisinnā”ti. Sujātā sabbaṃ pasādhanam pasādhetvā satasahassagghanike suvaṇṇathāle pāyasaṃ vaḍḍhetvā aparāya suvaṇṇapātiyā pidahitvā ukkhipitvā gatā mahāpurisaṃ disvā saheva pātiyā hatthe ṭhapetvā vanditvā “yathā mayhaṃ manoratho nipphanno, evaṃ tumhākampi nipphajjatū”ti vatvā pakkāmi.

Bodhisatto Nerañjarāya tīraṃ gantvā suvaṇṇathālaṃ tīre ṭhapetvā nhatvā paccuttarivā ekūnapaṇṇāsapiṇḍe karonto pāyasaṃ paribhuñjitvā “sacāhaṃ ajja Buddho bhavāmi, thālaṃ paṭisotaṃ gacchatū”ti khipi. Thālaṃ paṭisotaṃ gantvā thokaṃ ṭhatvā Kālanāgarājassa bhavanaṃ pavisitvā tiṇṇaṃ Buddhānaṃ thālāni ukkhipitvā aṭṭhāsi.

Mahāsatto vanasaṇḍe divāvihāraṃ katvā sāyanhasamaye **Sottiyena**² dinnā aṭṭha tiṇamuṭṭhiyo gahetvā Bodhimaṇḍaṃ āruyha dakkhiṇadisābhāge aṭṭhāsi. So padeso paduminipatte udakabindu viya akampittha. Mahāsatto “ayaṃ mama guṇaṃ dhāretuṃ na sakkoti”ti pacchimadisābhāgaṃ agamāsi, sopi tatheva akampittha. Uttaradisābhāgaṃ agamāsi, sopi tatheva akampittha. Puratthimadisābhāgaṃ agamāsi, tattha pallaṅkappamaṇaṃ ṭhānaṃ sunikhāta-indakhilo viya niccalamahosi. Mahāsatto “idaṃ ṭhānaṃ sabbabuddhānaṃ kilesabhañjanavidhamsanaṭṭhānaṃ”ti tāni tiṇāni agge gahetvā cālesi. Tāni cittaḱarena tūlikaggena paricchinnāni viya ahesuṃ. Bodhisatto “bodhiṃ appatvā imaṃ pallaṅkaṃ na bhindissāmi”ti caturaṅgavīriyaṃ adhiṭṭhahitvā pallaṅkaṃ ābhujitvā nisīdi.

Taṅkhaṇaṅṅeva māro bāhusahassaṃ māpetvā diyaḍḍhayojanasatikāṃ Girimekhalaṃ nāma hatthiṃ āruyha navayojanaṃ mārabalaṃ gahetvā addhakkhikena olokayamāno pabbato viya ajjhottharanto upasaṅkamaṃ. Mahāsatto “mayhaṃ dasa pāramiyo pūrentassa añño samaṇo vā

1. Rukkhamūlasodhanatthāya (Sī), rukkhamūlaṃ sodhanatthāya (Syā)

2. Sotthikena (Sī), Sotthiyena (Syā, Ka)

brāhmaṇo vā devo vā māro vā brahmā vā sakkhi natthi, Vessantarattabhāve pana mayham sattasu vāresu mahāpathavī sakkhi ahosi, idānipi me ayameva acetanā kaṭṭhakaliṅgarūpamā mahāpathavī sakkhī”ti hattham pasāreti. Mahāpathavī tāvadeva ayadaṇḍena pahataṃ kaṃsathālaṃ viya ravasataṃ ravasahassaṃ muñcamānā viravitvā parivattamānā mārabalaṃ cakkavālamukhavattiyam muñcanamakāsi. Mahāsatto sūriye dharamāneyeva mārabalaṃ vidhamitvā paṭhamayāme pubbenivāsaññaṃ, majjhimayāme dibbacakkhum visodhetvā pacchamayāme paṭiccasamuppāde ñāṇam otāretvā vaṭṭavivaṭṭam sammāsivā¹ aruṇodaye Buddho hutvā “mayā anekakappakoṭisatasahassaṃ addhānaṃ imassa pallaṅkassa atthāya vāyāmo kato”ti sattāham ekapallaṅkena nisīdi. Athekaccānaṃ devatānaṃ “kiṃ nu kho aññepi Buddhattakarā dhammā atthī”ti kaṅkhā udapādi.

Atha Bhagavā atthame divase samāpattito vuṭṭhāya devatānaṃ kaṅkham ñatvā kaṅkhāvidhamanattam ākāse uppatitvā yamakapāṭihāriyam dassetvā tāsam kaṅkham vidhamitvā pallaṅkato īsakaṃ pācīnanissite uttaradisābhāge ṭhatvā cattāri asaṅkhyeyyāni kappasatasahassaṃca pūritānaṃ pāramīnaṃ phalādhigamaṭṭhānaṃ pallaṅkañceva Bodhirukkhañca animisehi akkhīhi olokayamāno sattāham vītināmesi, tam ṭhānaṃ **Animisacetiyaṃ** nāma jātam.

Atha pallaṅkassa ca ṭhitaṭṭhānassa ca antarā puratthimapacchimoto āyate ratanacaṅkame caṅkamanto sattāham vītināmesi, tam ṭhānaṃ **Ratanacaṅkamacetiyaṃ** nāma jātam. Tato pacchimadisābhāge devatā ratanagharam māpayimsu, tattha pallaṅkena nisīditvā Abhidhammapīṭakam visesato cettha Anantanayasamantapaṭṭhānaṃ vicinanto sattāham vītināmesi, tam ṭhānaṃ **Ratanagharacetiyaṃ** nāma jātam. Evaṃ bodhisamīpeyeva cattāri sattāhāni vītināmetvā pañcame sattāhe Bodhirukkhamulā yena Ajapālanigrodho tenupasaṅkami, tatrāpi dhammam vicinantoyeva vimuttisukhañca paṭisaṃvedento nisīdi, dhammam vicinanto cettha evam Abhidhamme nayamaggam sammāsi, paṭhamam Dhammasaṅgaṇīpakaraṇam nāma, tato Vibhaṅgapakaraṇam, Dhātukathāpakaraṇam, Puggalapaññattipakaraṇam, Kathāvatthu nāma pakaraṇam, Yamakam nāma pakaraṇam, tato mahāpakaraṇam Paṭṭhānaṃ nāmāti.

1. Sammasanto (Sī, Syā, Ka)

Tatthassa saṅhasukhumapaṭṭhānamhi citte otiṅṅe pīti uppajji, pītiyā uppannāya lohitaṃ pasīdi, lohite pasanne chavi pasīdi, chaviyā pasannāya puratthimakāyato kūṭāgārādippamāṇā rasmiyo uṭṭhahitvā ākāse pakkhandachaddantanāgakulaṃ viya pācīnadisāya anantāni cakkavāḷāni pakkhandā, pacchimakāyato uṭṭhahitvā pacchimidisāya, dakkhiṇamsakūṭato uṭṭhahitvā dakkhiṇadisāya, vāmaṃsakūṭato uṭṭhahitvā uttaradisāya anantāni cakkavāḷāni pakkhandā, pādālehi pavāḷaṅkuravaṇṇā rasmiyo nikkhamitvā mahāpathaviṃ vinivijjhivā udakaṃ dvidhā bhinditvā vātakkhandaṃ padāletvā ajaṭākāsaṃ pakkhandā, sīsato samparivattiyamānaṃ maṇidāmaṃ viya nīlavaṇṇā rasmivaṭṭi uṭṭhahitvā cha devaloke vinivijjhivā nava brahmaloke vehapphale pañca suddhāvāse ca vinivijjhivā cattāro āruppe atikkamma ajaṭākāsaṃ pakkhandā. Tasmīṃ divase aparimaṇesu cakkavāḷesu aparimāṇā sattā sabbe suvaṇṇavaṇṇāva ahesuṃ. Taṃ divasaṃ ca pana Bhagavato sarīrā nikkhantā yāvajjadivasāpi tā rasmiyo anantā lokadhātuyo gacchantiyeva.

Evam Bhagavā Ajapālanigrodhe sattāhaṃ vītināmetvā tato aparāṃ sattāhaṃ Mucalinde nisīdi, nisinnamattasseva¹ cassa sakalaṃ cakkavāḷagabbhaṃ pūrento mahā-akālamegho udapādi. Evarūpo kira mahāmegho dvīsuyeva kālesu vassati cakkavattimhi vā uppanne Buddhē vā. Idha Buddhakāle udapādi. Tasmīṃ pana uppanne Mucalindo nāgarājā cintesi “ayaṃ megho Satthari mayhaṃ bhavanaṃ pavitṭhamatteva uppanno, vāsāgāramassa laddhuṃ vaṭṭati”ti. So sattaratanamayaṃ pāsādam nimminituṃ sakkontopi evaṃ kate mayhaṃ mahapphalaṃ na bhavissati, Dasabalassa kāyaveyyāvaccāṃ karissāmīti mahantaṃ atabhāvaṃ katvā Satthāraṃ sattakkhattuṃ bhogehi parikkhipitvā upari phaṇaṃ dhāresi, parikkhepassa anto okāso heṭṭhā lohapāsādappamāṇo ahoṣi, icchitcchitena iriyāpathena Satthā viharissatīti nāgarājassa ajjhāsayo ahoṣi, tasmā evaṃ mahantaṃ okāsaṃ parikkhipi, majjhe ratanapallaṅko paññatto hoti, upari suvaṇṇatārakavicittaṃ samosaritagandhadāmakusumadāmacelavitānaṃ ahoṣi, catūsu koṇesu gandhatelena dīpā jalitā, catūsu disāsu vivaritvā

1. Nisinnamattēyeva (Ka)

candanakaraṇḍakā ṭhapitā. Evaṃ Bhagavā taṃ sattāhaṃ tattha vītināmetvā tato aparaṃ sattāhaṃ Rājāyatane nisīdi.

Aṭṭhame sattāhe Sakkena Devānamindena ābhataṃ dantakaṭṭhañca osadhaharītakañca khāditvā mukhaṃ dhovivā catūhi lokapālehi upanīte paccagghe selamaye patte **Tapussabhallikānaṃ** piṇḍapātaṃ paribhuñjivā puna paccagantvā Ajapālanigrodhe nisinnassa sabbabuddhānaṃ āciṇṇo ayaṃvitakko udapādi.

Tattha **paṇḍitoti** paṇḍiccena samannāgato. **Viyattoti** veyyattiyena samannāgato. **Medhāvīti** ṭhānuppattiyā¹ paññāya samannāgato. **Apparajakkhajātikoti** samāpattiyā vikkhambhitattā nikkilesajātiko visuddhasatto. **Ājānissatīti** sallakkhessati paṭivijjhissati. **Ñāṇaṇca pana meti** mayhampi sabbaññutaññānaṃ uppajji. Bhagavā kira devatāya kathiteneva niṭṭhaṃ agantvā sayampi sabbaññutaññānena olokeno ito sattamadivasamatthake kālaṃ katvā Ākiñcaññāyatane nibbattoti addasa. Taṃ sandhāyāha “ñāṇaṇca pana me dassanaṃ udapādi”ti. **Mahājāniyoti** sattadivasabbhantare pattabbamaggaphalato parihīnattā mahatī jāni assāti **mahājāniyo**. Akkhaṇe nibbattattā² gantvā desiyamānaṃ dhammaṃpissa sotuṃ sotappasādo natthi, idha dhammadesanaṭṭhānaṃ āgamanapādāpi natthi, evaṃ mahājāniyo jātoti dasseti. **Abhidosa kālaṅkatoti** aḍḍharatte kālaṅkato. **Ñāṇaṇca pana meti** mayhampi sabbaññutaññānaṃ udapādi. Idhāpi kira Bhagavā devatāya vacanena sanniṭṭhānaṃ akatvā sabbaññutaññānena olokeno “hiyyo aḍḍharatte kālaṅkatvā Udako Rāmaputto Nevasaññānāsaññāyatane nibbatto”ti addasa. Tasmā evamāha. Sesāṃ purimanayasadisameva. **Bahukārāti** bahūpakārā. **Padhānapahitattam upaṭṭhahimsūti** padhānatthāya pesitattabhāvaṃ vasanaṭṭhāne pariveṇasammajjanena pattacīvaraṃ gahetvā anubandhanena mukhodakadantakaṭṭhadānādinā ca upaṭṭhahimsu. Ke pana te **pañcavaggiyā** nāma? Yete—

1. ṭhānuppattikāya (Syā, Ka) Vi-Ṭṭha 3. 245 piṭṭhe.

2. Nibbatto (Sī, Syā, Ka)

Rāmo Dhajo Lakkhaṇo Jotimanti¹,
 Yañño Subhojo Suyāmo Sudatto.
 Ete tadā aṭṭha ahesum brāhmaṇā,
 Chaḷaṅgavā mantam viyākarimsūti.

Bodhisattassa jātakāle supinapaṭiggāhakā ceva lakkhaṇapaṭiggāhakā ca aṭṭha brāhmaṇā. Tesu tayo dvedhā byākarimsu “imehi lakkhaṇehi samannāgato agāram ajjhāvasamāno rājā hoti cakkavattī², pabbajamāno Buddho”ti. Pañca brāhmaṇā ekaṃsabyākaraṇā ahesum “imehi lakkhaṇehi samannāgato agāre na tiṭṭhati, Buddhova hoti”ti. Tesu purimā tayo yathāmantapadam gatā, ime pana pañca mantapadam atikkantā. Te attanā laddham puṇṇapattam nātakānam vissajjtvā “ayaṃ mahāpuriso agāram na ajjhāvasissati, ekantena Buddho bhavissati”ti nibbitakkā bodhisattam uddissa samaṇapabbajam pabbajitā. Tesam puttātipi vadanti. Tam Aṭṭhakathāya paṭikkhittam.

Ete kira daharakāleyeva bahū mante jāniṃsu, tasmā te brāhmaṇā ācariyaṭṭhāne ṭhapayimsu. Te pacchā amhehi puttadārajaṭam chaḍḍetvā³ na sakkā bhavissati pabbajitunti daharakāleyeva pabbajitvā ramaṇīyāni senāsanāni paribhuñjantā vicariṃsu. Kālena kālam pana “kim bho mahāpuriso mahābhinikkhamanam nikkhanto”ti pucchanti. Manussā “kuhim tumhe mahāpurisam passissatha, tisu pāsādesu tividhanāṭakamajjhe devo viya sampattim anubhoti”ti vadanti. Te sutvā “na tāva mahāpurisassa nāṇam paripākam gacchatī”ti apposukkā viharimsuyeva. Kasmā panettha Bhagavā “bahukārā kho ime pañcavaggiyā”ti āha. Kim upakārakānamyeva esa dhammam deseti, anupakārakānam na desetīti. No na deseti. Paricayavasena hesa Āḷāraṇceva Kālānam Udakaṇca Rāmaputtam olokesi. Etasmiṃ pana Buddhakkhette ṭhapetvā Aññāsikoṇḍañnam⁴ paṭhamam dhammam sacchikātuṃ samattho nāma natthi. Kasmā? Tathāvidha-upanissayattā.

1. Lakkhaṇo cāpi mantī (Sī)

2. Cakkavattī (Syā, Ka)

3. Puttadārajaṭam bhinditvā (Sī), puttadārajanam chinditvā (Syā)

4. Aññākoṇḍañnam (Sī, Syā), Aññātaḷaṅgāṇam (Ka)

Pubbe kira puññakaraṇakāle dve bhātaro ahesuṃ. Te ekatova sassaṃ akāmsu. Tattha jeṭṭhakassa “ekasmiṃ sasse navavāre aggasassadānaṃ mayā dātabban”ti ahosi. So vappakāle bījaggaṃ nāma datvā gabbhakāle kaniṭṭhena saddhiṃ mantesi “gabbhakāle gabbhaṃ phāletvā dassāmā”ti. Kaniṭṭho “taruṇasassaṃ nāsetukāmosī”ti āha. Jeṭṭho kaniṭṭhassa ananuvattanabhāvaṃ ñatvā khettaṃ vibhajitvā attano koṭṭhāsato gabbhaṃ phāletvā khīraṃ nīharitvā sappiphāṇitehi yojetvā adāsi, puthukakāle puthukaṃ¹ kāretvā adāsi, lāyane lāyanaggaṃ² veṇikaraṇe veṇaggaṃ kalāpādīsu kalāpaggaṃ khaḷaggaṃ bhaṇḍaggaṃ koṭṭhagganti evaṃ ekasasse navavāre aggadānaṃ adāsi. Kaniṭṭho panassa uddharitvā adāsi, tesu jeṭṭho Aññāsikoṇḍaññatthero jāto, kaniṭṭho Subhaddaparibbājako. Iti ekasmiṃ sasse navannaṃ aggadānaṃ dinnattā ṭhapetvā therāṃ añño paṭhamāṃ dhammaṃ sacchikātuṃ samattho nāma natthi. “Bahukārā kho ime pañcavaggiyā”ti idaṃ pana upakārānussaraṇamattakeneva vuttaṃ.

Isipatane Migadāyeti tasmim kira padese anuppanne Buddhē paccakasambuddhā Gandhamādanapabbate sattāhaṃ nirodhasamāpattiyā vītināmetvā nirodhā vuṭṭhāya nāgalatādantakaṭṭhaṃ khāditvā Anotattadahe mukhaṃ dhovitvā pattacīvaramādāya ākāseṇa āgantvā nipatanti. Tattha cīvaram pārupitvā nagare piṇḍāya caritvā katabhattakiccā gamanakālepi tatoyeva uppatitvā gacchanti. Iti isayo ettha nipatanti uppatanti cāti taṃ ṭhānaṃ **isipatananti** saṅkhaṃ gataṃ. Migānaṃ pana abhayatthāya dinnattā **Migadāyoti** vuccati. Tena vuttaṃ “Isipatane Migadāye”ti.

285. **Antarā ca Gayāṃ antarā ca bodhinti** Gayāya ca bodhissa ca vivare tigāvutantare ṭhāne. Bodhimaṇḍato hi Gayā tīṇi gāvutāni. Bārāṇasī aṭṭhārasa yojanāni. Upako Bodhimaṇḍassa ca Gayāya ca antare Bhagavantaṃ addasa. Antarāsaddena pana yuttattā upayogavacanaṃ kataṃ. Īdisesu ca ṭhānesu akkharacintakā “antarā gāmañca nadim ca yāti”ti evaṃ ekameva antarāsaddaṃ payujjanti, so dutiyapadenapi yojetabbo

1. Puthukā (Sī), puthukaggaṃ (Syā)

2. Dāyane dāyanaggaṃ (Sī)

hoti, ayojyamāne upayogavacanāṃ na pāpuṇāti. Idha pana yojetvā eva vuttoti. **Addhānamaggapaṭipannanti** addhānasāṅkhātāṃ maggaṃ paṭipannaṃ, dīghamaggapaṭipannanti attho.

Addhānamaggagamanasamayassa hi Vibhaṅge “addhajojanaṃ gacchissāmīti bhuñjitabban”ti-ādivacanato¹ addhajojanampi addhānamaggo hoti. Bodhimaṇḍato pana Gayā tigāvutaṃ.

Sabbābhibhūti sabbaṃ tebhūmakadhammaṃ abhibhavivā ṭhito. **Sabbavidūti** sabbaṃ catubhūmakadhammaṃ vedim aññāsīm. **Sabbesu dhammesu anupalittoti** sabbesu tebhūmakadhammesu kilesalepanena² anupalitto. **Sabbaṃ jahoti** sabbaṃ tebhūmakadhammaṃ jahivā ṭhito. **Tañhākkhaye vimuttoti** tañhākkhaye nibbāne ārammaṇato vimutto. **Sayaṃ abhiññāyāti** sabbaṃ catubhūmakadhammaṃ attanāva jānitvā. **Kamuddiseyyanti** kaṃ aññaṃ “ayaṃ me ācariyo”ti uddiseyyaṃ.

Na me ācariyo atthūti lokuttaradhamme mayhaṃ ācariyo nāma natthi. **Natthi me paṭipuggaloti** mayhaṃ paṭibhāgapuggalo nāma natthi. **Sammāsambuddhoti** sahetunā³ nayena cattāri saccāni sayaṃ Buddho. **Sītibhūtoti** sabbakilesagginibbāpanena sītibhūto. Kilesānaṃyeva nibbutattā nibbuto. **Kāsināṃ puranti** Kāsiraṭṭhe nagaraṃ. **Āhañchaṃ amatadundubhinti** dhammacakkapaṭilābhāya⁴ amatabheriṃ paharissāmīti gacchāmi. **Arahasi Anantajinoti** Anantajinoti⁵ bhavitum yutto. **Hupeyya pāvusoti** āvuso evampi nāma bhaveyya. **Pakkāmīti** vaṅkahārajanapadaṃ nāma agamāsi.

Tatthekaṃ migaluddakagāmakāṃ nissāya vāsaṃ kappesi. Jeṭṭhakaḷuddako taṃ upaṭṭhāsi. Tasmim ca janapade caṇḍā makkhikā⁶ honti. Atha naṃ ekāya cāṭiyā vasāpesuṃ, migaluddako dūre migavaṃ gacchanto “amhākaṃ arahante mā pamajjī”ti **Chāvaṃ**⁷ nāma dhītaraṃ āṇāpetvā agamāsi saddhim puttabhātukehi. Sā cassa dhītā dassanīyā hoti koṭṭhāsasampannā. Dutiyadivase **Upako** gharaṃ āgato taṃ dārikaṃ sabbaṃ upacāraṃ katvā

1. Vi 2. 101 piṭṭhe. 2. Kilesakhepanena (Syā) 3. Sammāhetunā (Sī, Syā)
 4. Dhammacakkhupaṭilābhāya (Syā, Ka) 5. Anantajinopi (Ka)
 6. Macchikā (Syā, Ka) 7. Chavaṃ (Sī), nāvaṃ (Syā)

parivisitum upagataṃ disvā rāgena abhibhūto bhuñjitumpi asakkonto bhājanena bhattaṃ ādāya vasanaṭṭhānaṃ gantvā bhattaṃ ekamante nikkhipitvā sace Chāvaṃ labhāmi, jīvāmi, no ce, marāmīti nirāhāro sayi. Sattame divase māgaviko āgantvā dhītaraṃ Upakassa pavattiṃ pucchi. Sā “ekadivasameva āgantvā puna nāgatapubbo”ti āha. Māgaviko āgataveseneva naṃ upasaṅkamitvā pucchissāmīti taṃkhaṇaṃyeva gantvā “kiṃ bhante apphāsukan”ti pāde parāmasanto pucchi. Upako nitthunanto parivattatiyeva. So “vadatha bhante, yaṃ mayā sakkā kātum, taṃ sabbaṃ karissāmī”ti āha. Upako “sace Chāvaṃ labhāmi, jīvāmi, no ce, idheva maraṇaṃ seyyo”ti āha. Jānāsi pana bhante kiñci sippanti. Na jānāmīti. Na bhante kiñci sippaṃ ajānantena sakkā gharāvāsaṃ adhiṭṭhātunti.

So āha “nāhaṃ kiñci sippaṃ jānāmi, apica tumhākaṃ maṃsahārako bhavissāmi, maṃsañca vikkīṇissāmī”ti. Māgaviko “amhākampi etadeva ruccatī”ti uttarasāṭakaṃ datvā gharaṃ ānetvā dhītaraṃ adāsi. Tesāṃ saṃvāsamanvāya putto vijāyi. **Subhaddotissa** nāmaṃ akaṃsu. Chāvā¹ tassa rodanakāle “maṃsahārakassa putta, migaluddakassa putta mā rodī”ti-ādāni vadamānā puttatosanagītena Upakaṃ uppaṇḍesi. Bhadde tvaṃ maṃ anāthoti maññasi. Atthi me **Anantajino** nāma sahāyo. Tassāhaṃ santike gamissāmīti āha. Chāvā evamayāṃ aṭṭiyatīti ṇatvā punappunaṃ katheti. So ekadivasāṃ anārocetvāva Majjhimadesābhimukho pakkāmi.

Bhagavā ca tena samayena Sāvattiyaṃ viharati Jetavane mahāvihāre. Atha kho Bhagavā paṭikacceva bhikkhū āṇāpesi “yo bhikkhave ‘Anantajino’ti pucchamāno āgacchatī, tassa maṃ dasseyyāthā”ti. Upakopi kho “kuhiṃ Anantajino vasatī”ti pucchanto anupubbena Sāvattihim āgantvā vihāramajjhe ṭhatvā kuhiṃ Anantajinoti pucchi. Taṃ bhikkhū Bhagavato santikaṃ nayiṃsu. So Bhagavantaṃ disvā “sañjānātha maṃ Bhagavā”ti āha. Āma Upaka sañjānāmi, kuhiṃ pana tvaṃ vasitthāti. Vaṅkahārajanapade bhanteti. Upaka mahallakosi jāto pabbajitum sakkhissasīti. Pabbajissāmi bhanteti. Bhagavā pabbājetvā tassa kammaṭṭhānaṃ adāsi. So kammaṭṭhāne kammaṃ karonto anāgāmiṃphale patiṭṭhāya kālaṃ katvā

1. Chāvā (Sī), cāpā (Khu 2. 412 Therīgāthayaṃ)

avihesu nibbastto. Nibbattakkhaṇeyeva arahattaṃ pāpuṇīti. Avihesu nibbattamattā hi satta janā arahattaṃ pāpuṇimsu, tesam so aññataro.

Vuttañhetam—

“Avihaṃ upapannāse, vimuttā satta bhikkhavo.

Rāgadosaparikkhīnā, tiṇṇā loke visattikaṃ.

Upako Palagaṇḍo¹ ca, Pukkusāti ca te tayo.

Bhaddiyo khaṇḍadevo ca, bahuraggi² ca saṅgiyo.

Te hitvā mānusaṃ dehaṃ, dibbayogaṃ upajjhagun”ti³.

286. **Sanṭhapesunti** katikaṃ akaṃsu. **Bāhullikoti** cīvarabāhullādīnaṃ atthāya paṭipanno. **Padhānavibbhantoti** padhānato vibbhanto bhaṭṭho parihiṇo. **Āvatto bāhullāyāti** cīvarādīnaṃ bahulabhāvattthāya āvatto. **Apica kho āsanam ṭhapetabbanti** apica kho panassa uccakule nibbattassa āsanamattaṃ ṭhapetabbanti vadiṃsu. **Nāsakkhimsūti** Buddhānubhāvena Buddhatejasā abhibhūtā attano katikāya ṭhātuṃ nāsakkhimsu. **Nāmena ca āvusovādena ca samudācarantīti** Gotamāti āvusoti ca vadanti. Āvuso Gotama mayam Uruvelāyaṃ padhānakāle tuyham patta-cīvaraṃ gahetvā vicarimhā, mukhodakaṃ dantakaṭṭham adamhā, vutthapariveṇaṃ sammajjimhā, pacchā ko te vattappaṭipattim akāsi, kacci amhesu pakkantesu⁴ na cintayitthāti evarūpim katham katham attho. **Iriyāyāti** dukkara-iriyāya. **Paṭipadāyāti** dukkarapaṭipattiyā. **Dukkarakārikāyāti** pasatapasata⁵ muggayūsādi-āhārakaraṇādīnā dukkarakaraṇena. **Abhijānātha me noti** abhijānātha nu mama⁶. **Evarūpaṃ pabhāvitametanti** etaṃ evarūpaṃ vākyabhedanti attho. Api nu aham Uruvelāya padhāne tumhākaṃ saṅgaṇhanattham anukkaṇṭhanattham rattim vā divā vā āgantvā “āvuso mā vitakkayittha, mayham obhāso vā nimittam vā paññāyati”ti evarūpaṃ kañci vacanabhedam akāsinti adhippāyo. Te ekapadeneva satim labhitvā uppannagāravā “handā addhā esa Buddho jāto”ti saddahitvā **no hetam bhanteti** āhamsu. **Asakkhim kho aham bhikkhave pañcavaggiye bhikkhū saññepetunti**

1. Phalagaṇḍo (Sī)

4. Apakkantesu (Sī)

6. Mam (Ka)

2. Bāhudatti (Sī, Syā)

5. Pasatampasatam (Sī), pasata-addhapasata (Syā)

3. Sam 1. 59 piṭṭhe.

ahaṃ bhikkhave pañcavaggiye bhikkhū Buddho ahanti jānāpetuṃ asakkhim.
Tadā pana Bhagavā uposathadivaseyeva āgacchi. Attano Buddhabhāvaṃ
jānāpetvā Koṇḍaññattheraṃ kāyasakkhim katvā
Dhammacakkappavattanasuttaṃ kathesi. Suttapariyosāne thero aṭṭhārasahi
brahmakoṭṭhi saddhim sotāpattiphale patiṭṭhāsi. Sūriye dharamāneyeva
desanā niṭṭhāsi. Bhagavā tattheva vassaṃ upagacchi.

Dvepi sudaṃ bhikkhave bhikkhū ovaḍāmīti-ādi pāṭipadaḍivasato
paṭṭhāya piṇḍapātaṭṭhāyapi gāmaṃ appavisaṇaḍīpanatṭhaṃ vuttaṃ. Tesāṃ hi
bhikkhūnaṃ kammaṭṭhānesu uppannamalavisodhanatṭhaṃ Bhagavā
antovihāreyeva ahoṣi. Uppanne uppanne kammaṭṭhānamale tepi bhikkhū
Bhagavato santikaṃ gantvā pucchanti. Bhagavāpi tesāṃ nisinnaṭṭhānaṃ
gantvā malaṃ vinodeti. Atha nesaṃ Bhagavatā evaṃ nīhaṭabhattena
ovadiyamānaṃ Vappatthero pāṭipadaḍivase sotāpanno ahoṣi.
Bhaddiyatthero dutiyāyaṃ, Mahānāmatthero tatiyāyaṃ, Assajitthero
catutthiyaṃ. Pakkhasa pana pañcamiyaṃ sabbeva te ekato sannipātetvā
Anattalakkhaṇasuttaṃ kathesi, suttapariyosāne sabbepi arahattaphale
patiṭṭhahimsu. Tenāha “atha kho bhikkhave pañcavaggiyā bhikkhū mayā
evaṃ ovadiyamānā -pa- anuttaraṃ yogakkhemaṃ nibbānaṃ ajjhagamaṃsu
-pa- natthi dāni punabbhavo”ti. Ettakaṃ kathāmaggaṃ Bhagavā yaṃ pubbe
avaca “tumahēpi mamaṃ ceva pañcavaggiyānaṃca maggaṃ āruḷhā,
ariyapariyesanā tumhākaṃ pariyesanā”ti. Imaṃ ekameva anusandhim
dassento āhari.

287. Idāni yasmā na agāriyānaṃyeva pañcakāmaguṇapariyesanā hoti,
anagāriyānampi cattāro paccaye appaccavekkhitvā paribhuñjantānaṃ
pañcakāmaguṇavasena anariyapariyesanā hoti, tasmā taṃ dassetuṃ **pañcime
bhikkhave kāmaguṇāti-**ādimāha. Tattha navarattesu pattacīvarāḍīsu
cakkhuviññeyyā rūpāti-ādayo cattāro kāmaguṇā labbhanti. Raso panettha
paribhogaraso hoti. Manuññe piṇḍapāte bhesajje ca pañcapi labbhanti.
Senāsanamhi cīvare viya cattāro. Raso pana etthāpi paribhogaraso. **Ye hi
keci bhikkhaveti** kasmā ārabhi? Evaṃ pañca kāmaguṇe dassetvā idāni ye
evaṃ vadeyyuṃ “pabbajitakālato paṭṭhāya anariyapariyesanā nāma kuto
ariyapariyesanāva pabbajitānaṃ”ti, tesāṃ paṭisedhanatṭhāya “pabbajitānampi
catūsu paccayesu appaccavekkhaṇaparibhogo

anariyapariyesanā evā”ti dassetuṃ imaṃ desanaṃ ārabhi. Tattha **gadhitā** taṇhāgedhena gadhitā. **Mucchitā** taṇhāmucchāya mucchitā. **Ajjhopannā**ti taṇhāya ajjhogālhā. **Anādīnavadassāvinoti** ādīnavam apassantā. **Anissaraṇapaññāti** nissaraṇam vuccati paccavekkhaṇaññaṇam. Te tena virahitā.

Idāni tassatthassa sādhakam upamaṃ dassento **seyyathāpi bhikkhaveti-** ādimāha. Tatrevaṃ opammaśamsandanam veditabbam—āraññakamago viya hi samaṇabrāhmaṇā, luddakena araññe ṭhapitapāso viya cattāro paccayā, tassa luddassa pāsarāsīm ajjhottharivā sayanakālo viya tesam cattāro paccaye appaccavekkhitvā paribhogakālo, luddake āgacchante magassa yena kāmam agamanakālo viya samaṇabrāhmaṇānam mārassa yathākāmakaraṇīyakālo, māravasam upagatabhāvoti attho. Magassa pana abaddhassa pāsarāsīm adhisayitakālo viya samaṇabrāhmaṇānam catūsu paccayesu paccavekkhaṇaparibhogo, luddake āgacchante magassa yena kāmam gamanam viya samaṇabrāhmaṇānam māravasam anupagamanam veditabbam. **Vissatthoti** nibbhayo nirāsaṅko. Sesam sabbattha uttānatthamevāti.

Papañcasūdaniyā Majjhimanikāyaṭṭhakathāya

Pāsarāsīsuttavaṇṇanā niṭṭhitā.

Ariyapariyesanātipi etasseva nāmaṃ.

7. Cūlahatthipadopamasuttavaṇṇanā

288. **Evam me sutanti** Cūlahatthipadopamasuttam. Tattha **sabbasetena vaḷavābhirathenāti** “setā sudam assā yuttā honti setālaṅkārā. Seto ratho setālaṅkāro setaparivāro, setā rasmiyo, setā patodalaṭṭhi, setam chattam, setam uṇhisam, setāni vatthāni, setā upāhanā, setāya sudam vālabījaniyā bījiyatī”ti¹ evam vuttena sakalasetena catūhi vaḷavāhi yuttarathena.

1. Sam 3. 4 piṭṭhe.

Ratho ca nāmeso duvidho hoti yodharatho alaṅkārarathoti. Tattha yodharatho caturassasaṅṭhāno hoti nātimahā, dvinnam tiṇṇam vā janānam gahaṇasamattho. Alaṅkāraratho mahā hoti, dīghato dīgho, puthulato puthulo. Tattha chattaḅḅāhako vālabījaniggāhako tālavaṅṭṭāḅḅāhako evaṃ aṭṭha vā dasa vā sukkena ṭhātum vā nisīditum vā nipajjitum vā sakkonti, ayampi alaṅkārarathoyeva. So sabbo sacakkapañjarakubbaro rajataparikkhito ahoṣi. Vaḷavā pakatiyā setavaṅṅāva. Pasādhanampi tādisam rajatamayam ahoṣi. Rasmiyopi rajatapanāḷi suparikkhittā. Patodalaṭṭhipi rajataparikkhittā. Brāhmaṇopi setavattham nivāsetvā setamyeva uttarāsaṅgam akāsi, setavilepanam vilimpi, setamalam pilandhi, dasasu aṅgulisu aṅgulimuddikā, kaṅṅesu kuṅḍalanīti evamādi-alaṅkāropissa¹ rajatamayova ahoṣi. Parivārabrāhmaṇāpissa dasasahassamattā tatheva setavatthavilepanamālālaṅkāra ahesum. Tena vuttam “sabbasetena vaḷavābhirathenā”ti.

Sāvattiyā niyyātīti so kira channam channam māsānam ekavāram nagaram padakkhiṇam karoti, ito ettakehi divasehi nagaram padakkhiṇam karissatīti puretameva ghosānā kariyati, tam sutvā ye nagarato na pakkantā, te na pakkamanti. Ye pakkantā, tepi “puñṇavato sirisampattim passissāmā”ti āgacchanti. Yam divasam brāhmaṇo nagaram anuvarati, tadā pātova nagaravīthiyo sammajjitvā vālikam okiritvā lājapañcamehi pupphehi abhippakiritvā² puṅṅaghaṭe ṭhapetvā kadaliyo ca dhaje ca ussāpetvā sakalanagaram dhūpitavāsitaṃ³ karonti. Brāhmaṇo pātova sīsam nhāyivā purebhattam bhuñjitvā vuttanayeneva setavatthādīhi attānam alaṅkaritvā pāsādā oruyha ratham abhiruhati. Atha nam te brāhmaṇā sabbasetavatthavilepanamālālaṅkāra setacchattāni gahetvā parivārenti, tato mahājanassa sannipātanattham paṭhamamyeva taruṇadārakānam phalāphalāni vikiritvā tadanantaram māsakarūpāni, tadanantaram kahāpaṇe vikiranti, mahājanā sannipatanti, ukkuṭṭhiyo ceva celukkhepā ca pavattanti. Atha brāhmaṇo maṅgalikasovatthikādīsu maṅgalāni ceva

1. Evamādīsu... (Syā, Ka) 2. Abhikiritvā (Syā) 3. Dhūpagandhavāsitaṃ (Syā, Ka)

suvatthiyo ca karontesu mahāsampattiyā nagaram̐ anu vicarati. Puññavantā manussā ekabhūmakādipāsāde āruyha sukapattasadisāni vātapānakavāṭāni vivarivā oloketi. Brāhmaṇopi attano yasasirisampattiyā nagaram̐ ajjhottharanto viya dakkhiṇadvārābhimukho hoti. Tena vuttam̐ “Sāvatthiyā niyyāti”ti.

Divā divassāti divasassa divā, majjhanhakāleti attho. **Pilotikam̐ paribbājakanti pilotikāti** evam̐ itthilingavohārasena laddhanāmaṃ paribbājakam̐. So kira paribbājako daharo paṭhamavaye ṭhito suvaṇṇavaṇṇo Buddhupaṭṭhāko, pātova Tathāgatassa ceva mahātherānaṃca upaṭṭhānam̐ katvā tidaṇḍakuṇḍikādirikkhāram̐ ādāya Jetavanā nikkhamitvā nagarābhimukho pāyāsi. Tam̐ esa dūratova āgacchantam̐ addasa. **Etadavocāti** anukkamena santikam̐ āgataṃ sañjānitvā etam̐ “handā kuto nu bhavam̐ vacchāyano āgacchatī”ti gottam̐ kittento vacanam̐ avoca. **Paṇḍito maññeti** bhavam̐ vacchāyano samaṇam̐ Gotamam̐ paṇḍitoti maññati, udāhu notī ayamettha attho.

Ko cāham̐ bhoti bho samaṇassa Gotamassa paññāveyyattiyam̐ jānane aham̐ ko nāma. **Ko ca samaṇassa Gotamassa paññāveyyattiyam̐ jānissāmīti** kuto cāham̐ samaṇassa Gotamassa paññāveyyattiyam̐ jānissāmi, kena kāraṇena jānissāmīti. Evam̐ sabbathāpi attano ajānanabhāvam̐ dīpeti. **Sopi nūnassa tādisovāti** yo samaṇassa Gotamassa paññāveyyattiyam̐ jāneyya, sopi nūna dasa pāramiyo pūretvā sabbaññutam̐ patto tādiso Buddhoyeva bhaveyya. Sinerum̐ vā Himavantam̐ vā pathaviṃ vā ākāsam̐ vā pametukāmena tappamāṇova daṇḍo vā rajju vā laddhum̐ vaṭṭati. Samaṇassa Gotamassa paññam̐ jānantenapi tassa ñāṇasadisameva sabbaññutaññānam̐ laddhum̐ vaṭṭatīti dīpeti. Ādaravasena panettha āmeditam̐ kataṃ. **Uḷārāyāti** uttarāya seṭṭhāya. **Ko cāham̐ bhoti** bho aham̐ samaṇassa Gotamassa pasamsane ko nāma. **Ko ca samaṇam̐ Gotamam̐ pasamsissāmīti** kena kāraṇena pasamsissāmi. **Pasatthapasatthoti** sabbaguṇānam̐ uttaritarehi sabbalokapasatthehi attano guṇcheva pasattho, na tassa aññehi pasamsanakiccam̐ atthi. Yathā hi campakapuppham̐ vā niluppalam̐ vā padumam̐ vā lohita candanam̐ vā attano

vaṇṇagandhasiriyāva pāsādikañceva sugandhañca, na tassa āgantukehi vaṇṇagandhehi thomanakiccaṃ atthi, yathā ca maṇiratanam vā candamaṇḍalam vā attano ālokeneva obhāsati, na tassa aññena obhāsanakiccaṃ atthi, evaṃ samaṇo Gotamo sabbalokapasatthehi attano guṇheva pasattho thomito sabbalokassa seṭṭhatam pāpito, na tassa aññena pasaṃsanakiccaṃ atthi. Pasatthehi vā pasatthotipi pasatthapasattho.

Ke pasatthā nāma? Rājā pasenadi Kosalo Kāsikosalavāsikehi pasattho, Bimbisāro Aṅgamaḡadhavāsīhi. Vesālikā Licchavī Vajjiraṭṭhavāsīhi pasatthā. Pāveyyakā Mallā, Kosinārakā Mallā, aññepi te te khattiyā tehi tehi jānapadehi pasatthā. Caṅkī-ādayo brāhmaṇā brāhmaṇagaṇehi, Anāthapiṇḍikādayo upāsakā anekasatehi upāsakagaṇehi, Visākhādayo upāsikā anekasatāhi upāsikāhi, Sakuludāyi-ādayo paribbājakā anekehi paribbājakasatehi, Uppalavaṇṇātheri-ādikā mahāsāvika anekehi bhikkhunisatehi, Sāriputtattherādayo mahāsāvika anekasatehi bhikkhūhi, Sakkādayo devā anekasahasatehi devehi, mahābrahmādayo brahmāno anekasahasatehi brahmehi pasatthā. Te sabbepi Dasabalam thomentī vaṇṇenti pasaṃsantīti Bhagavā “pasatthapasattho”ti vuccati.

Atthavasanti atthānisamsā. Athassa paribbājako attano pasādakāraṇam ācikkhanto **seyyathāpi bho kusalo nāgavanikoti**-ādimāha. Tattha **nāgavanikoti** nāgavanavāsiko anuggahitasippo puriso. Parato pana uggahitasippo puriso nāgavanikoti āgato. **Cattāri padānīti** cattāri nāṇapadāni nāṇavalaṅjāni, nāṇena akkantaṭṭhānānīti attho.

289. **Khattiyapaṇḍiteti**-ādīsu **paṇḍiteti** paṇḍiccena samannāgate. **Nipuṇeti** saṇhe sukhumbuddhino, sukhuma-atthantarapaṭivijjhanasamatthe. **Kataparappavādeti** viññātaparappavāde ceva parehi saddhim katavādaparicaye ca. **Vāavedhirūpeti** vāavedhidhanuggahasadise. **Te bhindantā maññe carantīti**

vāavedhi viya vālaṃ sukhumānīpi paresaṃ diṭṭhigatāni attano paññāgatena bhindantā viya carantīti attho. **Pañhaṃ abhisankharontīti** dupadampi tipadampi catuppadampi pañhaṃ karonti. **Vādaṃ āropessāmāti** dosaṃ āropessāma. **Na ceva samaṇaṃ Gotamaṃ pañhaṃ pucchantīti** kasmā na pucchanti? Bhagavā kira parisamajjhe dhammaṃ desento parisāya ajjhāsayaṃ oloketi, tato passati “ime khattiyapaṇḍitā gulhaṃ rahassaṃ pañhaṃ ovaṭṭikasāraṃ katvā āgatā”ti. So tehi aputṭhoyeva evarūpe pañhe pucchāya ettakā dosā, vissajjane ettakā, atthe pade akkhare ettakāti ime pañhe pucchanto evaṃ puccheyya, vissajjento evaṃ vissajjeyyāti iti ovaṭṭikasāraṃ katvā ānīte pañhe dhammakathāya antare pakkhipitvā viddhaṃseti. Khattiyapaṇḍitā “seyyo vata no, ye mayaṃ ime pañhe na pucchimhā, sace hi mayaṃ puccheyyāma, appatitṭheva no katvā samaṇo Gotamo khipeyyā”ti attamaṇā bhavanti.

Apica Buddhā nāma dhammaṃ desentā parisāṃ mettāya pharanti, mettāpharaṇena Dasabale mahājanassa cittaṃ pasīdati, Buddhā ca nāma rūpaggappattā honti dassanasampannā madhurassarā mudujivhā suphusitadantāvaraṇā amatena hadayaṃ siñcantā viya dhammaṃ kathenti. Tatra nesaṃ mettāpharaṇena pasannacittānaṃ evaṃ hoti “evarūpaṃ advejjhakathaṃ amoghakathaṃ niyyānikakathaṃ kathentena Bhagavatā saddhiṃ na sakkhissāma paccanīkaggāhaṃ gaṇhitun”ti attano pasannabhāveneva na pucchanti.

Aññadatthūti ekaṃsena. **Sāvakā sampajjantīti** saraṇagamanavasena sāvakā honti. **Tadanuttaranti** taṃ anuttaraṃ. **Brahmacariyapariyosānanti** maggabrahmacariyassa pariyosānabhūtaṃ arahattaphalaṃ, tadatthāya hi te pabbajanti. **Manam vata bho anassāmāti** bho sace mayaṃ na upasaṅkameyyāma, iminā thokena anupasaṅkamanamattena apayirupāsanamatteneva naṭṭhā bhavyeyyāma, upasaṅkamanamattakena panamhā na naṭṭhāti attho. Dutiyapadaṃ purimasseva vevacanaṃ. **Assamaṇāva samānāti**-ādīsu pāpānaṃ asamitattā **assamaṇāva**. Abāhitattā ca pana **abrāhmaṇāva**. Kilesārīnaṃ ahatattā **anarahantoyeva** samānāti attho.

290. **Udānaṃ udānesīti** udāhāraṃ udāhari. Yathā hi yaṃ telam mānaṃ gaḥetuṃ na sakkoti, vissanditvā gacchati, taṃ avasekoti vuccati,

yañca jalaṃ taḷākam gahetuṃ na sakkoti, ajjhottharivā gacchati, taṃ oghoti vuccati, evameva yaṃ pītimayaṃ vacanaṃ hadayaṃ gahetuṃ na sakkoti, adhikam hutvā anto asaṅṭhahitvā bahi nikkhamati, taṃ **udānanti** vuccati. Evarūpaṃ pītimayaṃ vacanaṃ nicchāresīti attho. **Hatthipadopamoti** hatthipadaṃ upamaṃ assa dhammassāti hatthipadopamo. So na ettāvata vitthārena paripūro hotīti dasseti. **Nāgavanikoti** uggahitahatthisippo hatthivanacāriko. Atha kasmā idha kusaloti na vuttoti. Parato “yo hoti kusalo”ti vibhāgadassanato. Yo hi koci pavisati, yo pana kusalo hoti, so neva tāva niṭṭham gacchati. Tasmā idha kusaloti avatvā parato vutto.

291. **Vāmanikāti** rassā āyāmatopi na dīghā mahākucchi hatthiniyo. **Uccā ca nisevanti** sattaṭṭharatanubbedhe vaṭarukkhādīnaṃ khandhappadese ghaṃsitaṭṭhānaṃ. **Uccā kāḷārikāti** uccā ca yaṭṭhisadisapādā hutvā, kāḷārikā ca dantānaṃ kaḷāratāya. Tāsaṃ kira eko danto unnato hoti, eko onato. Ubhopi ca virajā honti, na āsannā. **Uccā ca dantehi ārañjītānīti** sattaṭṭharatanubbedhe vaṭarukkhādīnaṃ khandhappadese pharasunā pahataṭṭhānaṃ viya dāṭṭhāhi chinnaṭṭhānaṃ. **Uccā kaṇerukā nāmāti** uccā ca yaṭṭhisadisadīghapādā hutvā, kaṇerukā ca dantānaṃ kaṇerutāya, tā kira makuḷadāṭṭhā honti. Tasmā kaṇerukāti vuccanti. **So niṭṭham gacchatīti** so nāgavaniko yassa vatāhaṃ nāgassa anupadaṃ āgato, ayameva so, na añño. Yaṃ hi ahaṃ paṭṭhamam padaṃ disvā vāmanikānaṃ padaṃ idaṃ bhavissatīti niṭṭham na gato, yampi tato orabhāge disvā kāḷārikānaṃ bhavissati, kaṇerukānaṃ bhavissatīti niṭṭham na gato, sabbaṃ taṃ imasseva mahāhatthino padanti mahāhatthim disvāva niṭṭham gacchati.

Evameva khoti ettha idaṃ opammasaṃsandanaṃ—nāgavanaṃ viya hi ādito paṭṭhāya yāva nīvaraṇappahānā dhammadesanā veditabbā, kusalo nāgavaniko viya yogāvacarō, mahānāgo viya Sammāsambuddho, mahantaṃ hatthipadaṃ viya jhānābhīññā, nāgavanikassa tattha tattha hatthipadaṃ disvāpi vāmanikānaṃ padaṃ bhavissati, kāḷārikānaṃ kaṇerukānaṃ padaṃ bhavissatīti aniṭṭhaṅgatabhāvo viya yogino, imā jhānābhīññā nāma

bāhirakaparibbājakānampi santīti aniṭṭhaṅgatabhāvo, nāgavanikassa tattha tattha mayā diṭṭhaṃ padaṃ imasseva mahāhatthino, na aññassāti mahāhatthim disvā niṭṭhaṅgamanam viya ariyasāvakassa arahattam patvāva niṭṭhaṅgamanam. Idañca pana opammasamsandanam matthake tthatvāpi kātum vaṭṭati. Imasmimpi tthāne vaṭṭatiyeva, anukkamāgataṃ pana Pāḷipadam gahetvā idheva kataṃ. Tattha **idhāti**. Desāpadese nipāto. Svāyam katthaci lokam upādāya vuccati. Yathāha “idha Tathāgato loka uppajjati”¹. Katthaci sāsanam. Yathāha “idheva bhikkhave samaṇo, idha dutiyo samaṇo”². Katthaci okāsam. Yathāha—

“Idheva tiṭṭhamānassa, devabhūtassa me sato.
Punarāyu ca me laddho, evam jānāhi mārisā”³.

Katthaci padapūraṇamattameva. Yathāha “idhāham bhikkhave bhuttāvī assam pavārito”⁴. Idha pana lokam upādāya vuttoti veditabbo. Idam vuttam hoti “brāhmaṇa imasmim loka Tathāgato uppajjati Araham -pa-Buddho Bhagavā”⁵ti.

Tattha **Tathāgatasaddo** mūlapariyāye, Arahanti-ādayo Visuddhimagge vitthāritā. **Loka uppajjati**ti ettha pana **lokoti** okāsaloko sattaloko saṅkhāralokoti tividho. Idha pana sattaloko adhippeto. Sattaloke uppajjamānopi ca Tathāgato na devaloke, na brahmaloke, manussalokeyeva uppajjati. Manussalokepi na aññasmim cakkavāḷe, imasmimyeva cakkavāḷe. Tatrāpi na sabbaṭṭhānesu, “puratthimāya disāya **Gajaṅgalam**⁵ nāma nigamo, tassāparena mahāsālo, tato parā paccantimā janapadā, orato majjhe. Puratthimadakkhiṇāya disāya **Sallavatī**⁶ nāma nadī, tato parā paccantimā janapadā, orato majjhe. Dakkhiṇāya disāya **Setakaṇṇikam** nāma nigamo, tato parā paccantimā janapadā, orato majjhe. Pacchimāya disāya Thūṇam⁷ nāma brāhmaṇagāmo, tato parā paccantimā janapadā, orato majjhe.

1. Dī 1. 58, 93 piṭṭhādīsu.

2. Am 1. 560 piṭṭhe.

3. Dī 2. 227 piṭṭhe.

4. Ma 1. 16 piṭṭhe.

5. Kajaṅgalam (Sī, Syā)

6. Salaḷavatī (Sī)

7. Thūṇam (Syā)

Uttarāya disāya **Usiraddhajo** nāma pabbato, tato parā paccantimā janapadā, orato majjhe”ti¹ evaṃ paricchinne āyāmato tiyojanasate vitthārato adḍhateyyayojanasate parikkhepato navayojanasate Majjhimapadese uppajjati. Na kevalaṅca Tathāgatova, Paccekabuddhā aggasāvakā asīti mahātherā Buddhamātā Buddhapitā cakkavattī rājā aññe ca sārappattā brāhmaṇagahapatikā ettheva uppajjanti. Tattha Tathāgato Sujātāya dinnamadhupāyasabhojanato paṭṭhāya yāva arahattamaggo, tāva uppajjati nāma. Arahattaphale uppanno nāma. Mahābhinnikkhamanato vā yāva arahattamaggo. Tusitabhavanato vā yāva arahattamaggo. Dīpaṅkarapādamūlato vā yāva arahattamaggo, tāva uppajjati nāma. Arahattaphale uppanno nāma. Idha sabbapaṭṭhamāṃ uppannabhāvaṃ sandhāya uppajjati vuttam, Tathāgato loke uppanno hotīti ayañhettha attho.

So imaṃ lokanti so Bhagavā imaṃ lokam, idāni vattabbaṃ nidasseti. **Sadevakanti** saha devehi sadevakam. Evaṃ saha mārena **samārakam**. Saha brahmunā **sabrahmakam**. Saha samaṇabrāhmaṇehi **sassamaṇabrāhmaṇim**. Pajātattā pajā, taṃ **pajam**. Saha devamanussehi **sadevamanussam**. Tattha sadevakavacanena pañcakāmāvacaradevaggahaṇam veditabbaṃ. Samārakavacanena chaṭṭhakāmāvacaradevaggahaṇam. Sabrahmakavacanena brahmakāyikādibrahmaggahaṇam. Sassamaṇabrāhmaṇivacanena sāsanaṃ paccatthikapaccāmittasamaṇabrāhmaṇaggahaṇam samitapāpabāhitapāpasamaṇabrāhmaṇaggahaṇaṅca. Pajāvacanena sattalokaggahaṇam. Sadevamanussavacanena sammutideva-avasesamanussaggahaṇam. Evamettha tīhi padehi okāsalokena saddhim sattaloko, dvīhi pajāvasena sattalokova gahitoti veditabbo.

Aparo nayo—sadevakaggahaṇena arūpāvacaradevaloko gahito. Samārakaggahaṇena chakāmāvacaradevaloko. Sabrahmakaggahaṇena rūpī brahmaloko. Sassamaṇabrāhmaṇādiggahaṇena catuparisavasena sammutidevehi vā saha manussaloko avasesasabbasattaloko vā.

1. Vi 3. 287 piṭṭhe.

Apicettha sadevakavacanena ukkaṭṭhaparicchedato sabbassa lokassa sacchikatabhāvamāha. Tato yesaṃ ahosi “māro mahānubhāvo chakāmāvacarissaro Vasavattī, kiṃ sopi etena sacchikato”ti, tesaṃ vimatiṃ vidhamanto **samāarakanti** āha. Yesaṃ pana ahosi “brahmā mahānubhāvo, ekaṅguliyā ekasmiṃ cakkavāḷasahassee ālokaṃ pharati, dvīhi -pa- dasahi aṅgulīhi dasasu cakkavāḷasahassee ālokaṃ pharati, anuttarañca jhānasamāpattisukhaṃ paṭisaṃvedeti, kiṃ sopi sacchikato”ti, tesaṃ vimatiṃ vidhamanto **sabrahmakanti** āha. Tato ye cintesuṃ “puṭhū samaṇabrāhmaṇā sāsanaṃ paccatthikā, kiṃ tepi sacchikatā”ti, tesaṃ vimatiṃ vidhamanto **sassamaṇabrāhmaṇiṃ pajanti** āha. Evaṃ ukkaṭṭhukkaṭṭhānaṃ sacchikatabhāvaṃ pakāsetvā atha sammutideve avasesamanusse ca upādāya ukkaṭṭhaparicchedavasena sesasattalokassa sacchikatabhāvaṃ pakāseto **sadevamanussanti** āha. Ayamettha bhāvānukkamo¹. Porāṇā panāhu— **sadevakanti** devatāhi saddhiṃ avasesalokaṃ. **Samāarakanti** mārena saddhiṃ avasesalokaṃ. **Sabrahmakanti** brahmehi saddhiṃ avasesalokaṃ. Evaṃ sabbepi tibhavūpage satte tihākārehi tīsu padesu pakkhipetvā puna dvīhi padehi pariyādiyanto “sassamaṇabrāhmaṇiṃ pajamā sadevamanussan”ti āha. Evaṃ pañcahi padehi tena tenākārena tedhātukameva pariyādinnanti.

Sayaṃ abhiññā sacchikatvā pavedetīti sayanti sāmaṃ aparaneyyo hutvā. **Abhiññāti** abhiññāya, adhikena ñāṇena ñatvāti attho. **Sacchikatvāti** paccakkhaṃ katvā. Etena anumānādipaṭikkhepo kato hoti. **Pavedetīti** bodheti viññāpeti² pakāseti. **So dhammaṃ deseti ādikalyāṇaṃ -pa-pariyosānakalyāṇanti** so Bhagavā sattesu kāruṇṇataṃ paṭicca hitvāpi anuttaraṃ vivekasukhaṃ dhammaṃ deseti. Tañca kho appaṃ vā bahum vā desento ādikalyāṇādippakārameva deseti. Ādimhipi kalyāṇaṃ bhaddakaṃ anavajjameva katvā deseti. Majjhepi. Pariyosānepi kalyāṇaṃ bhaddakaṃ anavajjameva katvā desetīti vuttam hoti.

1. Bhavānukkamo (Sī)

2. Ñāpeti (Sī, Syā) Vi-Ṭṭha 1. 98 piṭṭhe.

Tattha atthi desanāya ādimajjhapariyosānaṃ, atthi sāsanaṃ. **Desanāya** tāva catuppadikāyapī gāthāya paṭhamapādo ādi nāma, tato dve majjhaṃ nāma, ante eko pariyoṣānaṃ nāma. Ekānusandhikassa suttassa nidānaṃ ādi, idamavocāti pariyoṣānaṃ, ubhinnaṃ antarā majjhaṃ. Anekānusandhikassa suttassa paṭhamānusandhi ādi, ante anusandhi pariyoṣānaṃ, majjhe eko vā dve vā bahū vā majjhaṃeva. **Sāsanaṃ** pana sīlasamādhivipassanā ādi nāma. Vuttampi cetaṃ “ko cādi kusalānaṃ dhammānaṃ, silāṅca suvisuddhaṃ, diṭṭhi ca ujukā”¹. “Atthi bhikkhave majjhimā paṭipadā Tathāgatena abhisambuddhā”² evaṃ vutto pana ariyamaggo majjhaṃ nāma, phalañceva nibbānaṅca pariyoṣānaṃ nāma. “Etadatthamidam³ brāhmaṇa brahmacariyaṃ, etaṃ sāraṃ, etaṃ pariyoṣānaṃ”⁴ hi ettha phalaṃ pariyoṣānanti vuttaṃ. “Nibbānogaḍhaṃ hi āvuso Visākha brahmacariyaṃ vussati nibbānaparāyaṇaṃ nibbānapariyoṣānaṃ”⁵ ettha nibbānaṃ pariyoṣānanti vuttaṃ. Idha desanāya ādimajjhapariyoṣānaṃ adhippetam. Bhagavā hi dhammaṃ desento ādimhi sīlaṃ dassetvā majjhe maggaṃ pariyoṣāne nibbānaṃ dasseti. Tena vuttaṃ “so dhammaṃ deseti ādikalyāṇaṃ majjhekalyāṇaṃ pariyoṣānakalyāṇaṃ”⁶ti. Tasmā aññopi dhammakathiko dhammaṃ kathento—

Ādimhi sīlaṃ dasseyya, majjhe maggaṃ vibhāvaye.

Pariyoṣānaṃhi⁶ nibbānaṃ, esā kathikasaṅghitīti.

Sātthaṃ sabyañjananti yassa hi yāgubhatta-itthipurisādivaṇṇanā nissitā desanā hoti, na so sātthaṃ deseti. Bhagavā pana tathārūpaṃ desanaṃ pahāya catusatipaṭṭhānādinissitaṃ desanaṃ deseti. Tasmā “sātthaṃ deseti”⁷ti vuccati. Yassa pana desanā ekabyañjanādiyuttā vā sabbaniroṭṭhabyañjanā vā sabbavissaṭṭhasabbaniggahītabyañjanā vā, tassa dāmiḷakirātasavarādīmilakkhūnaṃ⁷ bhāsā viya byañjanapāripūriyā abhāvato abyañjanā nāma desanā hoti. Bhagavā pana⁸—

1. Saṃ 3. 124 piṭṭhe.

2. Saṃ 3. 148 piṭṭhe.

3. Tasmātiha tvaṃ (Sī, Syā, Ka)

4. Ma 1. 265 piṭṭhe.

5. Ma 1. 379 piṭṭhe.

6. Pariyoṣāne ca (Syā)

7. ...yavanādīmilakkhānaṃ (Sī)

8. Bhagavā pana tathārūpaṃ desanaṃ pahāya (Syā, Ka)

Sithilaṃ dhanitañca dīgharassaṃ,
 Garukaṃ lahukañca niggahitaṃ.
 Sambandhaṃ vavatthitaṃ vimuttaṃ,
 Dasadhā byañjanabuddhiyā pabhedoti¹—

Evam vuttaṃ dasavidhaṃ byañjanaṃ amakkhetvā
 paripuṇṇabyañjanameva katvā dhammaṃ deseti. Tasmā “sabyañjanaṃ
 dhammaṃ deseti”ti vuccati.

Kevalaparipuṇṇanti ettha **kevalanti** sakalādhivacanaṃ. **Paripuṇṇanti**
 anūnādhikavacanaṃ. Idaṃ vuttaṃ hoti “sakalaparipuṇṇameva deseti,
 ekadesanāpi aparipuṇṇā natthi”ti. **Parisuddhanti** nirupakkilesaṃ. Yo hi idaṃ
 dhammadesanaṃ nissāya lābhaṃ vā sakkāraṃ vā labhissāmīti deseti, tassa
 aparisuddhā desanā hoti. Bhagavā pana lokāmisānirapekkho hitapharaṇena
 mettābhāvanāya muduhadayo ullumpanasabhāvasaṅghitena cittena deseti.
 Tasmā “parisuddhaṃ dhammaṃ deseti”ti vuccati. **Brahmacariyaṃ pakāsetīti**
 ettha **brahmacariyanti** sikkhattayasaṅgahaṃ sakalasāsaṇaṃ. Tasmā
 brahmacariyaṃ pakāsetīti so dhammaṃ deseti ādikalyāṇaṃ -pa-
 parisuddhaṃ, evaṃ desento ca sikkhattayasaṅgahitaṃ sakalasāsaṇaṃ
 brahmacariyaṃ pakāsetīti evamettha attho daṭṭhabbo. **Brahmacariyanti**
 seṭṭhaṭṭhena brahmabhūtaṃ cariyaṃ. Brahmabhūtānaṃ vā Buddhādīnaṃ
 cariyanti vuttaṃ hoti.

Taṃ dhammanti taṃ vuttappakārasampadaṃ dhammaṃ. **Suṇāti**
gahapati vāti kasmā paṭhamaṃ gahapatiṃ niddisatīti? Nihatamānattā
 ussannattā ca. Yebhuyyena hi khattiyakulato pabbajitā jātiṃ nissāya mānaṃ
 karonti. Brāhmaṇakulā pabbajitā mante nissāya mānaṃ karonti.
 Hīnajaccakulā pabbajitā attano vijātitāya paṭiṭṭhātumaṃ na sakkonti.
 Gahapatidāraṇā pana kacchehi sedhaṃ muñcāntehi piṭṭhiyā loṇaṃ
 pupphamānāya bhūmiṃ kasitvā nihatamānadappā honti, te pabbajitvā
 mānaṃ vā dappaṃ vā akatvā yathābalaṃ Buddhavacanaṃ uggahetvā
 vipassanāya kammaṃ karontā sakkonti arahatte paṭiṭṭhātumaṃ. Itarehi ca
 kulehi nikkhamitvā pabbajitā nāma na bahukā, gahapatikāva bahukā, iti
 nihatamānattā ussannattā ca paṭhamaṃ gahapatiṃ niddisatīti.

Aññatarasmim vāti itaresaṃ vā kulānaṃ aññatarasmim. **Paccājātoti**
 patijāto². **Tathāgate saddhaṃ paṭilabhatīti** parisuddhaṃ dhammaṃ

1. Dī-Ṭṭha 1. 159 piṭṭhe.

2. Jāto (Sī)

sutvā dhammassāmimhi Tathāgate “Sammāsambuddho vata Bhagavā”ti saddham paṭilabhati. **Iti paṭisañcikkhatī** evaṃ paccavekkhati. **Sambādho gharāvāsoti** sacepi saṭṭhihatthe ghare yojanasatantarepi vā dve jāyampatikā vasanti, tathāpi nesam sakiñcanasapalibodhaṭṭhena gharāvāso sambādhoyeva. **Rajopathoti**¹ rāgarajādīnam utṭhānaṭṭhānanti Mahā-aṭṭhakathāyaṃ vuttam. Āgamanapathotipi vaṭṭati. Alagganaṭṭhena abbhokāso viyāti **abbhokāso**. Pabbajito hi kūṭāgāraranapāsādadevavimānādīsu pihitadvāravātapānesu paṭicchannesu vasantopi neva laggati na sajjati na bajjhati. Tena vuttam “abbhokāso pabbajjā”ti. Apica sambādho gharāvāso kusalakiriyāya okāsābhāvato. Rajopatho asamvutasañkāraṭṭhānam² viya rajānam kilesarajānam sannipātaṭṭhānato. Abbhokāso pabbajjā kusalakiriyāya yathāsukham okāsasabbhāvato.

Nayidam sukaram -pa- pabbajeyyanti ettha ayaṃ sañkhepakathā— yadetaṃ sikkhattayabrahmacariyaṃ ekampi divasaṃ akhaṇḍam katvā carimakacittam pāpetabbatāya ekantaparipuṇṇam. Ekadivasampi ca kilesamalena amalinā katvā carimakacittam pāpetabbatāya ekantaparissuddham, sañkhalikhitam likhitasañkhasadisam dhotasañkhasappaṭibhāgam caritabbam, idam na sukaram agāram ajjhāvasatā agāramajjhe vasantena ekantaparipuṇṇam -pa- caritum. Yamnūnāham kese ca massuñca ohāretvā kāsāyarasapītātāya kāsāyāni brahmacariyaṃ carantānam anucchavikāni vatthāni acchādetvā paridahitvā agārasmā nikkhamitvā anagāriyaṃ pabbajeyyanti. Ettha ca yasmā agārassa hitam kasivāñijjādikammaṃ **agāriyanti** vuccati, tañca pabbajjāya natthi. Tasmā pabbajjā anagāriyāti nātābbā, tam **anagāriyam**. **Pabbajeyyanti** paṭipajjeyyam. **Appam vāti** sahasato heṭṭhā bhogakkhandho appo nāma hoti, sahasato paṭṭhāya mahā. Ābandhanaṭṭhena nāti eva parivaṭṭo **ñātiparivaṭṭo**. So vīsatiyā heṭṭhā appo hoti, vīsatiyā paṭṭhāya mahā.

292. **Bhikkhūnam sikkhāsājīvasamāpannoti** yā bhikkhūnam adhisīlasaṅkhātā sikkhā, tañca, yattha cete saha jīvanti ekajīvikā

1. Rajāpathoti (Sī, Syā, Ka)

2. Asamvutam sañkāradhānam (Sī)

sabhāgavuttino honti, taṃ Bhagavatā paññattasikkhāpadasaṅkhātāṃ sājīvaṅca tattha sikkhanabhāvena samāpannoti bhikkhūnaṃ sikkhāsājīvasamāpanno. **Samāpannoti** sikkhaṃ paripūrento, sājīvaṅca avītikkamanto hutvā tadubhayaṃ upagatoti attho. **Pāṇātipātāṃ pahāyāti-** ādisu pāṇātipātādīkathā heṭṭhā vitthāritā eva. **Pahāyāti** imaṃ pāṇātipātacetanāsaṅkhātāṃ dussīlyāṃ pajahitvā. **Paṭivirato hotīti** paṭhinakālato paṭṭhāya tato dussīlyato orato viratova hoti. **Nihitadaṇḍo nihitasatthoti** parūpaghātattāya daṇḍaṃ vā satthaṃ vā ādāya avattanato nikkhattadaṇḍo ceva nikkhattasattho cāti attho. Ettha ca ṭhapetvā daṇḍaṃ sabbampi avasesaṃ upakaraṇaṃ sattānaṃ vihiṃsanabhāvato¹ satthanti veditabbaṃ. Yaṃ pana bhikkhū kattaradaṇḍaṃ vā dantakaṭṭhavāsīṃ vā pipphalakaṃ vā gahetvā vicaranti, na taṃ parūpaghātattāya. Tasmā nihitadaṇḍo nihitasatthotveva saṅkhaṃ gacchati. **Lajjīti** pāpajigucchanaḷakkhaṇāya lajjāya samannāgato. **Dayāpannoti** dayāṃ mettacittatāṃ āpanno. **Sabbapāṇabhūtāhitānukampīti** sabbe pāṇabhūte hitena anukampako, tāya dayāpannatāya sabbesaṃ pāṇabhūtānaṃ hitacittakoti attho. **Viharatīti** iriyati pāleti.

Dinnameva ādiyatīti **dinnādāyī**. Cittenapi dinnameva paṭīkaṅkhatīti **dinnapaṭīkaṅkhi**. Thenetīti theno. Na thenena **athenena**. Athenattāyeva **sucibhūtena**. **Attanāti** attabhāvena, athenaṃ sucibhūtaṃ attabhāvaṃ katvā viharatīti vuttaṃ hoti.

Abrahmacariyanti aseṭṭhacariyaṃ. Brahmaṃ seṭṭhaṃ ācāraṃ caratīti **brahmacārī**. **Ārācārīti** abrahmacariyato dūrācārī². **Methunāti** rāgapariyuṭṭhānavasena sadisattā methunakāti laddhavohārehi paṭisevitabbato methunāti saṅkhaṃ gatā asaddhammā. **Gāmadhammāti** gāmaṃ vāsīnaṃ dhammā.

Saccaṃ vadatīti **saccavādī**. Saccena saccaṃ sandahati ghaṭetīti **saccasandho**, na antarantarā musā vadatīti attho. Yo hi puriso kadāci musā vadati, kadāci saccaṃ, tassa musāvādena antaritattā saccaṃ saccena na

1. Vihesanabhāvato (Sī)

2. Dūrācārī (Sī)

ghaṭṭiyati. Tasmā na so saccasandho, ayaṃ pana na tādiso, jīvitahetupi musāvādaṃ avatvā saccena saccam sandahatiyevāti **saccasandho**. **Thetoti** thiro, thirakathoti¹ attho. Eko hi puggalo haliddirāgo viya, thusarāsimhi nikhātakhāṇu viya, assapiṭṭhe ṭhapitakumbhaṇḍamiva ca na thirakatho hoti. Eko pāsāṇalekhā viya indakhilo viya ca thirakatho hoti, asinā sīse chijjantepi dve kathā na katheti, ayaṃ vuccati theto. **Paccayikoti** pattiyāyitabbako², saddhāyikoti attho. Ekacco hi puggalo na paccayiko hoti, “idaṃ kena vuttam, asukenā”ti vutte “mā tassa vacanam saddahathā”ti vattabbatam āpajjati. Eko paccayiko hoti, “idaṃ kena vuttam, asukenā”ti vutte “yadi tena vuttam, idameva pamāṇam, idāni upaparikkhitabbam³ natthi, evameva idan”ti vattabbatam āpajjati, ayaṃ vuccati paccayiko. **Avisaṃvādako lokassāti** tāya saccavādītāya lokam na visaṃvādetīti attho.

Imesaṃ bhedāyāti yesaṃ ito sutvāti vuttānam santike sutam, tesam bhedāya. **Bhinnānam vā sandhātāti** dvinnampi mittānam vā samānupajjhāyakādīnam vā kenacideva kāraṇena bhinnānam ekamekam upasaṅkamitvā “tumahākam īdise kule jātānam evam bahussutānam⁴ idaṃ na yuttan”ti-ādīnam vatvā sandhānam kattā. **Anuppadātāti** sandhānānuppadātā, dve jane samagge disvā “tumahākam evarūpe kule jātānam evarūpehi guṇehi samannāgatānam anucchavikametan”ti-ādīni vatvā dalhīkammam kattāti attho. Samaggo ārāmo assāti **samaggārāmo**. Yattha samaggā natthi, tattha vasitumpi na icchatīti attho. “Samaggarāmo”tipi pāḷi, ayamevettha attho. **Samaggaratoti** samaggesu rato, te pahāya aññatra gantumpi na icchatīti attho. Samagge disvāpi sutvāpi nandatīti **samagganandī**. **Samaggakaraṇim vācam bhāsītāti** yā vācā satte samaggeyeva karoti, tam sāmaggiguṇaparidīpakameva vācam bhāsati, na itaranti.

Nelāti elam vuccati doso, nāssā elanti nelā, niddosāti attho. “Nelaṅgo setapacchādo”ti⁵ ettha vuttanelam viya⁶.

1. Ṭhitakathoti (Sī, Syā, Ka) 2. Pattiyāyitabbako (Ka), paccayāyitabbako (Syā)

3. Parikkhitabbam (Sī), paṭivekkhitabbam (Ka)

4. Bahussutānam vā (Sī)

5. Khu 1. 373 piṭṭhe.

6. Vuttasīlam viya (Sī)

Kaṇṇasukhāti byañjanamadhuratāya kaṇṇānaṃ sukhā, sūcivijjhanam viya kaṇṇasūlaṃ na janeti. Atthamadhuratāya sakalasarīre kopaṃ ajanetvā pemaṃ janetīti **pemaṇīyā**. Hodayaṃ gacchati, apaṭihaññamānā sukkena cittaṃ pavisaṭīti **hadayaṅgamā**. Guṇaparipuṇṇatāya pure bhavāti **porī**, pure saṃvaddhanārī viya sukumārātipi porī, purassa eṣātipi porī, nagaravāsīnaṃ kathāti attho. Nagaravāsīno hi yuttakathā honti, pitimattaṃ pitāti, mātimmattaṃ mātāti, bhātimattaṃ bhātāti vadanti. Evarūpī kathā bahuno janassa kantā hotīti **bahujanakantā**. Kantabhāveneva bahuno janassa manāpā cittavuddhikarāti **bahujanamanāpā**.

Kālena vadatīti **kālavādī**, vattabbayuttakālaṃ sallakkhetvā vadatīti attho. Bhūtaṃ tacchaṃ sabhāvameva vadatīti **bhūtavādī**. Diṭṭhadhammikasamparāyikatthasannissitameva katvā vadatīti **atthavādī**. Navalokuttaradhammasannissitaṃ katvā vadatīti **dhammavādī**. Saṃvaravinayapahānavinayasannissitaṃ katvā vadatīti **vinayavādī**. Nidhānaṃ vuccati ṭhapanokāso, nidhānamassā atthīti **nidhānavatī**, hadaye nidhātabba¹ yuttavācaṃ bhāsītāti attho. **Kālenā**ti evarūpim bhāsamānopi ca “ahaṃ nidhānavatiṃ vācaṃ bhāsissāmī”ti na akālena bhāsati, yuttakālaṃ pana avekkhitvā bhāsātīti attho. **Sāpadesanti** sa-upamaṃ, sakāraṇanti attho. **Pariyantavatinti** paricchedaṃ dassetvā yathāssā paricchedo paññāyati, evaṃ bhāsātīti attho. **Atthasamhitanti** anekehipi nayehi vibhajantena pariyādātum asakkuṇeyyatāya atthasampannaṃ, yaṃ vā so atthavādī atthaṃ vadati, tena atthena saṃhitattā attasamhitaṃ vācaṃ bhāsati, na aññaṃ nikkhipitvā aññaṃ bhāsātīti vuttaṃ hoti.

293. **Bījagāmbhūtagāmasamārambhā**ti mūlabījaṃ khandhabījaṃ phaḷubījaṃ aggabījaṃ bījabījanti pañcavidhassa bījagāmassa ceva yassa kassaci nīlatiṇarukkhādikassa bhūtagāmassa ca samārambhā, chedanabhedanapacanaḍibhāvena² vikopanaḍ paṭiviratoti attho. **Ekabhattikoti** pātarāsabhattaṃ sāyamāsabhattanti dve bhattāni. Tesu pātarāsabhattaṃ antomajjhanhikena paricchinnaṃ, itaraṃ majjhanhikato uddhaṃ anto-aruṇena. Tasmā antomajjhanhike dasakkhattum

1. Nidhetabba (Sī, Syā, Ka)

2. Chedanapacanaḍibhāvena (Sī, Syā)

bhuñjamānopi ekabhattikova hoti, taṃ sandhāya vuttaṃ “ekabhattiko”ti. Rattiyā bhojanam¹ ratti, tato uparatoti **rattūparato**. Atikkante majjhanhike yāva sūriyatthaṅgamanā bhojanam **vikālabhojanam** nāma. Tato viratattā **virato vikālabhojanā**. Sāsanassa ananulomattā visūkam paṭaṇṇibhūtam dassananti **visūkadassanam**. Attanā naccanaccāpanādivasena naccā ca gītā ca vādītā ca antamaso mayūranaccanādivasenāpi pavattānam naccādīnam visūkabhūtā dassanā cāti **naccagītavāditavisūkadassanā**. Naccādīni hi attanā payojetum vā parehi payojāpetum vā payuttāni passitum vā neva bhikkhūnam na bhikkhunīnam vaṭṭanti. **Mālādīsu mālati** yaṃkiñci pupphaṃ. **Gandhanti** yaṃkiñci gandhajātam. **Vilepananti** chavirāgakaraṇam. Tattha piḷandhanto **dhāreti** nāma. Ūnaṭṭhānam pūrento **maṇḍeti** nāma. Gandhavasena chavirāgavasena ca sādīyanto **vibhūseti** nāma. Ṭhānam vuccati kāraṇam. Tasmā yāya dussīlyacetanāya tāni mālādhāraṇādīni mahājano karoti, tato paṭiviratoti attho.

Uccāsayanam vuccati pamāṇātikantam. **Mahāsayanam** akappiyattharaṇam. Tato paṭiviratoti attho. **Jātarūpanti** suvaṇṇam. **Rajatanti** kahāpaṇo lohamāsako jatumāsako dārumāsakoti ye vohāram gacchanti, tassa ubhayassapi paṭiggahaṇā paṭivirato, neva nam uggaṇhāti, na uggaṇhāpeti, na upanikkhittam sādīyatīti attho. **Āmakadhañṇapaṭiggahaṇāti** sāli vihi yava godhūma kaṅgu varaka kudrūsakasaṅkhātassa sattavidhassāpi āmakadhañṇassa paṭiggahaṇā. Na kevalaṅca etesam paṭiggahaṇameva, āmasanampi bhikkhūnam na vaṭṭatiyeva. **Āmakamaṃsapaṭiggahaṇāti** ettha añṇatra odissa anuñṇātā āmakamaṃsamacchānam paṭiggahaṇameva bhikkhūnam na vaṭṭati, no āmasanam.

Itthikumārikapaṭiggahaṇāti ettha itthīti purisantaragatā, itarā **kumārikā** nāma. Tāsam paṭiggahaṇampi āmasanampi akappiyameva. **Dāsīdāsapaṭiggahaṇāti** ettha dāsīdāsavaseneva tesam paṭiggahaṇam na vaṭṭati, “kappiyakāraṇam dammi, ārāmiṇam dammi”ti evam vutte pana vaṭṭati. **Ajelakādīsu**

1. Rattibhojanam (Sī), rattim bhojanam (Syā, Ka)

khettavatthupariyosānesu kappiyākappiyanayo vinayavasena upaparikkhitabbo. Tattha **khettam** nāma yasmim̄ pubbaṇṇam̄ ruhati. **Vatthu** nāma yasmim̄ aparāṇṇam̄ ruhati. Yattha vā ubhayampi ruhati, tam̄ **khettam**. Tadatthāya akatabhūmibhāgo **vatthu**. Khettavatthusīsenā cettha vāpitaḷākādīnipi saṅgahitāneva. **Dūteyyam** vuccati dūtakammaṃ, gihīnam̄ paṇṇam̄ vā sāsanaṃ vā gahetvā tattha tattha gamanaṃ. **Pahiṇagamaṇam** vuccati gharā gharaṃ pesitassa khuddakagamaṇam̄. **Anuyogo** nāma tadubhayakaraṇam̄, tasmā dūteyyapahiṇagamaṇānaṃ anuyogāti evamettha attho veditabbo.

Kayavikkayāti kayā ca vikkayā ca. **Tulākūṭādisu kūṭanti** vañcanaṃ. Tattha tulākūṭam̄ tāva rūpakūṭam̄ aṅgakūṭam̄ gahaṇakūṭam̄ paṭicchannakūṭanti catubbidham̄ hoti. Tattha **rūpakūṭam** nāma dve tulā sarūpā¹ katvā gaṇhanto mahatiyā gaṇhāti, dadanto khuddikāya deti. **Aṅgakūṭam** nāma gaṇhanto pacchābhāge hatthena tulaṃ akkamati, dadanto pubbabhāge. **Gahaṇakūṭam** nāma gaṇhanto mūle rajjumaṃ gaṇhāti, dadanto agge. **Paṭicchannakūṭam** nāma tulaṃ susiraṃ katvā anto ayacuṇṇam̄ pakkhipitvā gaṇhanto tam̄ pacchābhāge karoti, dadanto aggabhāge. **Kaṃso** vuccati suvaṇṇapāti, tāya vañcanaṃ **kaṃsakūṭam**. Katham̄? Ekam̄ suvaṇṇapātimaṃ katvā aññā dve tisso lohapātiyo suvaṇṇavaṇṇā karoti, tato janapadam̄ gantvā kiñcīdeva addhakulaṃ pavisitvā “suvaṇṇabhājanāni kiṇathā”ti vatvā agghe pucchite samagghataram̄ dātukāmā honti. Tato tehi “katham̄ imesaṃ suvaṇṇabhāvo jānitabbo”ti vutte “vīmaṃsitvā gaṇhathā”ti suvaṇṇapātimaṃ pāsāṇe ghaṃsitvā sabbā pātiyo datvā gacchati.

Mānakūṭam nāma hadayabhedasikhābhedarajjubhedavasena tividdham̄ hoti. Tattha **hadayabhedo** sappitelādīminanakāle labbhati. Tāni hi gaṇhanto heṭṭhā chiddena mānena “saṇikam̄ āsiñcā”ti vatvā antobhājane bahum̄ paggharāpetvā gaṇhāti, dadanto chiddam̄ pidhāya sīgham̄ pūretvā deti. **Sikhābhedo** tilataṇḍulādīminanakāle labbhati. Tāni hi gaṇhanto saṇikam̄ sikhamaṃ ussāpevā gaṇhāti, dadanto vegena pūretvā sikhamaṃ chindanto deti. **Rajjubhedo** khettavatthuminanakāle labbhati. Lañjam̄² alabhantā hi khettam̄ amahantampi mahantam̄ katvā minanti.

1. Samarūpā (Syā)

2. Lañcam̄ (Syā)

Ukkoṭanādīsu **ukkoṭananti** sāmike assāmike kātuṃ lañjaggahaṇaṃ. **Vañcananti** tehi tehi upāyehi paresaṃ vañcanaṃ. Tatridamekaṃ vatthu— eko kira luddako migañca migapotakañca gahetvā āgacchati. Tameko dhutto “kiṃ bho migo agghati, kiṃ migapotako”ti āha. “Migo dve kahāpaṇe migapotako ekaṃ”ti ca vutte kahāpaṇaṃ datvā migapotakaṃ gahetvā thokaṃ gantvā nivatto “na me bho migapotakena attho, migaṃ me dehi”ti āha. Tena hi “dve kahāpaṇe dehi”ti. So āha “nanu te bho mayā paṭhamāṃ eko kahāpaṇo dinno”ti. Āma dinnoti. “Imampi migapotakaṃ gaṇha, evaṃ so ca kahāpaṇo ayaṃ ca kahāpaṇagghanaṃ migapotakoti dve kahāpaṇā bhavissanti”ti. So kāraṇaṃ vadatīti sallakkhetvā migapotakaṃ gahetvā migaṃ adāsīti.

Nikatīti yogavasena vā māyāvasena vā apāmaṅgaṃ pāmaṅganti, amaṇiṃ maṇinti, asuvaṇṇaṃ suvaṇṇanti katvā paṭirūpakena vañcanaṃ. **Sāciyogoti** kuṭṭilayogo, etesaṃyeva ukkoṭanādīnametaṃ nāmaṃ, tasmā ukkoṭanasāciyogo vañcanasāciyogo nikatisāciyogoti evamettha attho daṭṭhabbo. Keci aññaṃ dassetvā aññassa parivattanaṃ sāciyogoti vadanti. Taṃ pana vañcaneneva saṅgahitaṃ. **Chedanā**dīsu **chedananti** hatthacchedanādi. **Vadhoti** māraṇaṃ. **Bandhoti** rajjubandhanādīhi bandhanaṃ. **Viparāmosoti** himaviparāmoso gumbaviparāmosoti duvidho. Yaṃ himapātasamaye himena paṭicchannā hutvā maggappaṭipannaṃ jaṇaṃ musanti, ayaṃ **himaviparāmoso**. Yaṃ gumbādīhi paṭicchannā musanti, ayaṃ **gumbaviparāmoso**. **Ālopo** vuccati gāmanigamādīnaṃ vilopakaraṇaṃ. **Sahasākāro**ti sāhasikakiriya, gehaṃ pavisitvā manussānaṃ ure satthaṃ ṭhapetvā icchitabhaṇḍaggahaṇaṃ. Evametasmā chedana -pa- sahasākārā paṭivirato hoti.

294. **So santuṭṭho hotīti** svāyaṃ bhikkhu heṭṭhā vuttena catūsu paccayesu dvādasavidhena itaritarapaccayasantoseṇa samannāgato hoti. Iminā pana dvādasavidhena itaritarapaccayasantoseṇa samannāgatassa bhikkhuno aṭṭha parikkhārā vaṭṭanti tīṇi cīvarāni patto dantakaṭṭhacchedanavāsī ekā sūci kāyabandhanaṃ parissāvananti. Vuttampi cetam—

“Ticīvaraṅca patto ca, vāsi sūci ca bandhanaṃ.
Parissāvanena aṭṭhete, yuttayogassa bhikkhuno”ti.

Te sabbepi kāyaparihārikāpi honti kucchiparihārikāpi. Kathaṃ? Ticīvaraṃ tāva nivāsetvā pārūpitvā ca vicaraṇakāle kāyaṃ pariharati posetīti **kāyaparihārikam** hoti, cīvarakaṇṇena udakaṃ parissāvetvā pivanaṇakāle khāditabbaphalāphalaggahaṇakāle ca kucchiṃ pariharati posetīti **kucchiparihārikam** hoti. Pattopi tena udakaṃ uddharitvā nahānakāle kuṭiparibhaṇḍakaraṇakāle ca kāyaparihāriko hoti, āhāraṃ gahetvā bhuñjanaṇakāle¹ kucchiparihāriko hoti. Vāsiṇi tāya dantakaṭṭhacchedanaṇakāle mañcapīṭhānaṃ aṅgapāda²cīvarakuṭidaṇḍakasajjanaṇakāle³ ca kāyaparihārikā hoti, ucchucchadanāṇalīkerādītacchanaṇakāle kucchiparihārikā. Sūciṇi cīvarasibbanakāle kāyaparihārikā hoti, pūvaṃ vā phalaṃ vā vijjhitvā khādanaṇakāle kucchiparihārikā. Kāyabandhanaṃ bandhitvā vicaraṇakāle kāyaparihārikam, ucchu-ādīni bandhitvā gahaṇakāle kucchiparihārikam. Parissāvanaṃ tena udakaṃ parissāvetvā nahānakāle senāsanaparibhaṇḍakaraṇakāle ca kāyaparihārikam, pānīyaparissāvanakāle⁴ teneva tilaṇḍulaputhukādīni gahetvā khādanaṇakāle ca kucchiparihārikam. Ayaṃ tāva aṭṭhaparikkhārikassa parikkhāramattā.

Navaparikkhārikassa pana seyyaṃ pavisaṇassa tatraṭṭhakapaccattharaṇaṃ vā kuñcikaṃ vā vaṭṭati. Dasaparikkhārikassa nisīdanaṃ vā cammakhaṇḍaṃ vā vaṭṭati. Ekādasaparikkhārikassa kattarayaṭṭhi vā telanāṇikā vā vaṭṭati. Dvādasaparikkhārikassa chattaṃ vā upāhanā vā vaṭṭati. Etesu ca aṭṭhaparikkhārikova santuṭṭho, itare asantuṭṭhā, mahicchā mahābhārati⁵ na vattabbā. Etepi hi appicchāva santuṭṭhāva subharāva sallahukavuttinova. Bhagavā pana nayimaṃ suttaṃ tesam vasena kathesi, aṭṭhaparikkhārikassa vasena kathesi. So hi khuddakavāsiṅca sūciṃ ca parissāvane pakkhipitvā pattassa anto ṭhapetvā pattam aṃsakūṭe laggetvā ticīvaraṃ kāyapaṭibaddhaṃ katvā yenicchakaṃ sukhaṃ pakkamati. Paṭinivattetvā gahetabbaṃ nāmassa na hoti,

1. Vaḷaṇjanaṇakāle (Sī, Ka)

3. Cīvarakuṭidaṇḍakacchedanaṇakāle (Syā)

5. Mahā-cjāti (Sī), mahārāgāti (Syā)

2. Aṭṭanipāda (Sī)

4. Pānīyapānakaparissāvanakāle (Sī)

iti imassa bhikkhuno sallahukavuttitaṃ dassento Bhagavā **santuṭṭho hoti kāyaparihārikena cīvarenāti-ādimāha.**

Tattha **kāyaparihārikenāti** kāyapariharaṇamattakena.

Kucchiparihārikenāti kucchipariharaṇamattakena. **Samādāyeva pakkamatīti** taṃ aṭṭhaparikkhāramattakaṃ sabbaṃ gahetvā kāyapaṭibaddhaṃ katvāva gacchati, “mama vihāro pariveṇaṃ upaṭṭhāko”tissa saṅgo vā baddho vā na hoti, so jiyā mutto saro viya, yūthā apakkanto mattahatthī viya icchiticchitaṃ senāsaṇaṃ vanasaṇḍaṃ rukkhamūlaṃ vanapabbhāraṃ¹ paribhuñjanto ekova tiṭṭhati, ekova nisīdati, sabbiriyāpathesu ekova adutiyo.

“Cātuddiso appaṭigho ca hoti,
Santussamāno itarītarena.
Parissayānaṃ sahitā achambhī,
Eko care khaggavisāṇakappo”ti².

Evam vaṇṇitaṃ khaggavisāṇakappataṃ āpajjati.

Idāni tamatthaṃ upamāya sādento **seyyathāpīti-ādimāha.** Tattha **pakkhī sakuṇoti** pakkhayutto sakuṇo. **Deṭṭīti** uppatati. Ayaṃ panettha saṅkhepattho—sakuṇā nāma “asukasmim padese rukkho paripakkaphalo”ti ñatvā nānādisāhi āgantvā nakhapakkhatuṇḍādīhi tassa phalāni vijjhantā vidhunantā khādanti, “idaṃ ajjatanāya idaṃ svātanāya bhavissatī”ti nesaṃ na hoti. Phale pana khīṇe neva rukkhasa ārakkhaṃ ṭhapenti, na tattha pattāṃ vā nakhaṃ vā tuṇḍaṃ vā ṭhapenti, atha kho tasmim rukkhe anapekkho hutvā yo yaṃ disābhāgaṃ icchati, so tena sapattabhārova uppatitvā gacchati, evameva ayaṃ bhikkhu nissaṅgo nirapekkhoyeva pakkamati. Tena vuttaṃ “samādāyeva pakkamatī”ti. **Ariyenāti** niddosena. **Ajjhattanti** sake attabhāve. **Anavajjasukhanti** niddosasukhaṃ.

295. **So cakkhunā rūpaṃ disvāti** so iminā ariyena sīlakkhandhena samannāgato bhikkhu cakkhuviññāṇena rūpaṃ passitvāti attho. Sesapadesu yaṃ vattabbaṃ siyā, taṃ sabbaṃ Visuddhimagge vuttaṃ. **Abyāsekasukhanti**

1. Navāṃ pabbhāraṃ (Sī)

2. Khu 1. 286 piṭṭhe.

kilesehi anavasittasukhaṃ, avikiṇṇasukhantipi vuttaṃ.

Indriyasamvarasukhaṃ hi diṭṭhādīsu diṭṭhamattādivasena pavattatāya avikiṇṇaṃ hoti. **So abhikkante paṭikkanteti** so manacchaṭṭhānaṃ indriyānaṃ samvarena samannāgato bhikkhu imesu abhikkantapaṭikkantādīsu sattasu ṭhānesu satisampajaññavasena sampajānakārī hoti. Tattha yaṃ vattabbaṃ siyā, taṃ satipaṭṭhāne vuttameva.

296. **So iminā cāti-ādinā** kim dasseti? Araññavāsassa paccayasampattim dasseti. Yassa hi ime cattāro paccayā natthi, tassa araññavāso na ijjhati, tiracchānagatehi vā vanacarakehi vā saddhim vattabbaṃ āpajjati, araññe adhivatthā devatā “kim evarūpassa pāpabhikkhuno araññavāsenā”ti bheravasaddaṃ sāventi, hatthehi sīsaṃ paharivā palāyanākāraṃ karonti, “asuko bhikkhu araññaṃ pavisitvā idañcidañca pāpakammaṃ akāsī”ti ayaso pattharati. Yassa panete cattāro paccayā atthi, tassa araññavāso ijjhati, so hi attano sīlaṃ paccavekkhanto kiñci kālakaṃ vā tilakaṃ vā apassanto pītim uppādetvā taṃ khayato vayato sammasanto ariyabhūmiṃ okkamati, araññe adhivatthā devatā attamaṇā vaṇṇaṃ bhāsanti, itissa uduke pakkhattatelabindu viya yaso vitthāriko hoti.

Tattha **vivittanti** suññaṃ appasaddaṃ, appanigghosanti attho. Etadeva hi sandhāya Vibhaṅge “vivittanti santike cepi senāsaṇaṃ hoti, tañca anākiṇṇaṃ gahaṭṭhehi pabbajitehi, tena taṃ vivittan”ti¹ vuttaṃ. Seti ceva āsati ca etthāti **senāsaṇaṃ**, mañcapīṭhādīnametaṃ adhivacanaṃ. Tenāha “senāsaṇanti mañcopi senāsaṇaṃ, pīṭhampi, bhisipi, bimbohanampi², vihāropi, aḍḍhayogopi, pāsādopi, hammiyampi, guhāpi, aṭṭopi, mālopi, leṇampi, veḷugumbopi, rukkhāmūlampi, maṇḍapopi senāsaṇaṃ, yattha vā pana bhikkhū paṭikkamanti, sabbametaṃ senāsaṇaṃ”ti¹. Apica “vihāro aḍḍhayogo pāsādo hammiyaṃ guhā”ti idaṃ vihārasenāsaṇaṃ nāma. “Mañco pīṭhaṃ bhisi bimbohanan”ti idaṃ mañcapīṭhasenāsaṇaṃ nāma. “Cimilikā cammakhaṇḍo tiṇasanthāro paṇṇasanthāro”ti idaṃ santhasenaṇaṃ nāma.

1. Abhi 2. 260 Jhānavibhaṅge.

2. Bibbohanampi (Ka)

“Yattha vā pana bhikkhū paṭikkamantī”ti idaṃ okāśasenāsanāṃ nāmāti evaṃ catubbidham senāsanāṃ hoti, taṃ sabbampi senāsanaggahaṇena gahitameva. Imassa pana sakuṇasadisassa cātuddisassa¹ bhikkhuno anucchavikaṃ dassento **araññaṃ rukkhamūlanti**-ādimāha.

Tattha **araññanti** “nikkhamitvā bahi indakhilā, sabbametam araññaṃ”ti idaṃ bhikkhunīnaṃ vasena āgataṃ araññaṃ. “Āraññaṃ nāma senāsanāṃ pañcadhanusatikaṃ pacchiman”ti² idaṃ pana imassa bhikkhuno anurūpaṃ, tassa lakkhaṇaṃ Visuddhimagge Dhutaṅganiddese vuttaṃ. **Rukkhamūlanti** yaṃkiñci sandacchāyaṃ³ vivittaṃ rukkhamaṃ. **Pabbatanti** selaṃ. Tattha hi udakasoṇḍisu udakakiccaṃ katvā sītāya rukkhacchāyāya nisinnassa nānādisāsu khāyamānāsu sītena vātena bījyamānassa cittaṃ ekaggaṃ hoti. **Kandaranti** kaṃ vuccati udakaṃ, tena dāritaṃ, udakena bhinnam pabbatappadesaṃ, yaṃ nadītumbantipi nadīkuñjantipi⁴ vadanti. Tattha hi rajatapaṭṭasadisā vālikā honti, matthake maṇivītānaṃ viya vanagahaṇaṃ, maṇikkhandhasadisā udakaṃ sandati. Evarūpaṃ kandaraṃ oruyha pānīyaṃ pivitvā gattāni sītāni katvā⁵ vālikaṃ ussāpetvā paṃsukūlacīvaraṃ paññāpetvā nisinnassa samaṇadhammaṃ karoto cittaṃ ekaggaṃ hoti. **Giriguhanti** dvinnaṃ pabbatānaṃ antarā⁶, ekasmiṃyeva vā umaṅgasadisā⁷ mahāvivaraṃ. Susānalakkhaṇaṃ Visuddhimagge vuttaṃ. **Vanapatthanti** atikkamitvā manussānaṃ upacāraṭṭhānaṃ, yattha na kasanti na vapanti. Tenevāha “vanapatthanti dūrānametaṃ senāsanānaṃ adhivacanaṃ”ti-ādi⁸. **Abbhokāsanti** acchannaṃ, ākaṅkhamāno panettha cīvarakuṭim kavā vasati. **Palālapuñjanti** palālarāsiṃ. Mahāpalālapuñjato hi palālaṃ nikkadḍhitvā pabbhāraleṇasadisā ālaye karonti, gacchagumbādīnampi upari palālaṃ pakkhipitvā heṭṭhā nisinnā samaṇadhammaṃ karonti, taṃ sandhāyetaṃ vuttaṃ.

Pacchābhattanti bhattassa pacchato. **Piṇḍapātaṭikkantoti** piṇḍapātapariyesanato paṭikkanto. **Pallaṅkanti** samantato ūrubaddhāsanāṃ. **Ābhujitvāti** bandhitvā. **Ujūṃ kāyaṃ pañidhāyāti** uparimaṃ sarīraṃ ujukaṃ ṭhapetvā

1. Cātuddisakassa (Ka), cātuddisikassa (Syā)

3. Santacchāyaṃ (Syā, Ka)

5. Sītikatvā (Sī, Syā), sītāṃ katvā (Ka)

7. Ummaggasadisā (Sī)

2. Vi 1. 377 piṭṭhe.

4. Nadīkuṭṭantipi (Syā)

6. Antaram (Ka)

8. Abhi 2. 260 piṭṭhe.

aṭṭhārasa piṭṭhikaṇṭake koṭiyā koṭim paṭipādetvā. Evaṃ hi nisinnassa cammamamaṃsanahārūni na paṇamanti. Athassa yā tesam paṇamanapaccayā khaṇe khaṇe vedanā uppajjeyyūm, tā na uppajjanti, tāsu anuppajjamānāsu cittaṃ ekaggaṃ hoti, kammaṭṭhānaṃ na paripatati, vuddhim phātim upagacchati. **Parimukhaṃ satim upaṭṭhapetvāti** kammaṭṭhānābhimukhaṃ satim ṭhapayitvā, mukhasamīpe vā katvāti attho. Teneva Vibhaṅge vuttaṃ “ayaṃ sati upaṭṭhitā hoti sūpaṭṭhitā nāsikagge vā mukhanimitte vā, tena vuccati parimukhaṃ satim upaṭṭhapetvā”¹. Atha vā “**parīti** pariggahaṭṭho, **mukhanti** niyyānattho, **satīti** upaṭṭhānattho, tena vuccati parimukhaṃ satin”² evaṃ Paṭisambhidāyaṃ vuttanayenapettha attho daṭṭhabbo. Tatrāyaṃ saṅkhepo “pariggahitaniyyānasatim katvā”³ti.

Abhijjhaṃ loketi ettha lujjanapalujjanaṭṭhena pañcupādānakkhandhā loko, tasmā pañcasu upādānakkhandhesu rāgaṃ pahāya kāmaccandaṃ vikkhambhetvāti ayamettha attho. **Vigatābhijjhenāti** vikkhambhanavasena pahinattā vigatābhijjhena, na cakkhuviññāṇasadisenāti attho. **Abhijjhāya cittaṃ parisodhetīti** abhijjhāto cittaṃ parimoceti. Yathā naṃ sā muñcati ceva, muñcivā ca na puna gaṇhāti, evaṃ karotīti attho. **Byāpādapadosaṃ pahāyāti**—ādīsupi eseva nayo. Byāpajjati iminā cittaṃ pūtikummāsādayo viya purimapakatim pajahatīti **byāpādo**. Vikārāpattiyā padussati, paraṃ vā padūseti vināsetīti **padoso**. Ubhayametaṃ kodhassevādhivacanaṃ. **Thinam cittagelaññaṃ. Middham** cetasikagelaññaṃ. Thinaṅca middhaṅca **thinamiddham**. **Ālokasaññīti** rattimpi divā diṭṭha-ālokasaññānanasamatthatāya vigatanīvaraṇāya parisuddhāya saññāya samannāgato. **Sato sampajānoti** satiyā ca ñāṇena ca samannāgato, idaṃ ubhayaṃ ālokasaññāya upakārattā vuttaṃ. Uddhaccaṅca kukkuccaṅca **uddhaccakukkuccam**. **Tiṇṇavicikicchoti** vicikicchaṃ taritvā atikkamitvā ṭhito. “Kathamidaṃ kathamidan”⁴ti evaṃ nappavattatīti **akathaṃkathī**. **Kusalesu dhammesūti** anavajjesu dhammesu. “Ime nu kho kusalā, kathamime kusalā”⁵ti evaṃ na vicikicchati na kaṅkhatīti attho. Ayamettha saṅkhepo, imesu pana

1. Abhi 2. 261 piṭṭhe.

2. Khu 9. 174 piṭṭhe.

nīvaraṇesu vacanattalakkhaṇādibhedato yaṃ vattabbaṃ siyā, taṃ sabbaṃ Visuddhimagge vuttaṃ.

297. **Paññāya dubbalīkaraṇeti** ime pañcanīvaraṇā uppajjamānā anuppannāya lokiyalokuttarāya paññāya uppajjitum na denti, uppannā api aṭṭha samāpattiyo pañca vā abhiññā ucchinditvā¹ pāṭenti, tasmā “paññāya dubbalīkaraṇā”ti vuccanti. **Tathāgatapadaṃ itipīti** idampi Tathāgatassa ñāṇapadaṃ ñāṇavaḷaṅgaṃ ñāṇena akkantaṭṭhānanti vuccati. **Tathāgatanisevanti** Tathāgatassa ñāṇaphāsukāya nighamsitaṭṭhānaṃ. **Tathāgatārañjanti** Tathāgatassa ñāṇadāṭhāya ārañjitaṭṭhānaṃ.

299. **Yathābhūtaṃ pajānātīti** yathāsabhāvaṃ pajānāti. **Natveva tāva ariyasāvako niṭṭhaṃ gato hotīti** imā jhānābhiññā bāhirakehipi sādharmaṇāti na tāva niṭṭhaṃ gato hoti. Maggakkhaṇepi ariyositakiccatāya na tāva niṭṭhaṃ gato hoti. **Apica kho niṭṭhaṃ gacchatīti** apica kho pana maggakkhaṇe mahāhatthiṃ passanto nāgavaniko viya Sammāsambuddho Bhagavāti iminā ākārena tīsu ratanesu niṭṭhaṃ gacchati. **Niṭṭhaṃ gato hotīti** evaṃ maggakkhaṇe niṭṭhaṃ gacchanto arahattaphalakkhaṇe ariyositasabbakiccatāya sabbākārena tīsu ratanesu niṭṭhaṃ gato hoti. Sesam uttānatthamevāti.

Papañcasūdanīyā Majjhimanikāyaṭṭhakathāya

Cūlahatthipadopamasuttavaṇṇanā niṭṭhitā.

8. Mahāhatthipadopamasuttavaṇṇanā

300. **Evaṃ me sutanti** Mahāhatthipadopamasuttaṃ. Tattha **jaṅgalānanti** pathavītalacārīnaṃ². **Pāṇānanti** sapādakapāṇānaṃ. **Padajātānīti** padāni. **Samodhānaṃ gacchantīti** odhānaṃ pakkhepaṃ³ gacchanti. **Aggamakkhāyatīti** seṭṭhaṃ akkhāyati. **Yadidaṃ mahantattenāti** mahantabhāvena aggaṃ akkhāyati, na guṇavasenāti attho. **Ye keci kusalā dhammāti** ye keci

1. Upacchinditvā (Ka)

2. Pathavītalavāsīnaṃ (Syā)

3. Upakkhepaṃ (Ka)

lokiyā vā lokuttarā vā kusalā dhammā. **Saṅgahaṃ gacchantī**ti ettha catubbidho saṅgaho sañjātisaṅgaho sañjātisaṅgaho kiriyasaṅgaho gaṇanasaṅgahoti. Tattha “sabbe khattiyā āgacchantu sabbe brāhmaṇā”ti evaṃ samānajātivasena saṅgaho **sajātisaṅgaho** nāma. “Sabbe Kosalakā sabbe Māgadhakā”ti evaṃ sañjātidivasasena saṅgaho **sañjātisaṅgaho** nāma. “Sabbe rathikā sabbe dhanuggahā”ti evaṃ kiriyavasena saṅgaho **kiriyasaṅgaho** nāma. “Cakkhāyatanam katamakkhandhagaṇanam gacchatīti, cakkhāyatanam rūpakkhandhagaṇanam gacchati. Hañci cakkhāyatanam rūpakkhandhagaṇanam gacchati, tena vata re vattabbe cakkhāyatanam rūpakkhandhena saṅgahitan”ti¹, ayaṃ **gaṇanasaṅgaho** nāma, imasmimpi thāne ayameva adhippeto.

Nanu ca “catunnam ariyasaccānam kati kusalā kati akusalā kati abyākatāti pañhassa vissajjane samudayasaccam akusalam, maggasaccam kusalam, nirodhasaccam abyākatam, dukkhasaccam siyā kusalam, siyā akusalam, siyā abyākatan”ti² āgatattā catubhūmakampi kusalam diyaḍḍhameva saccam bhajati. Atha kasmā mahāthero catūsu ariyasaccesu gaṇanam³ gacchatīti āhāti. Saccānam antogadhattā. Yathā hi “sādhikamidam bhikkhave diyaḍḍhasikkhāpadasatam anvaddhamāsam uddesam āgacchati, yattha attakāmā kulaputtā sikkhanti. Tisso imā bhikkhave sikkhā adhisīlasikkhā adhicitasikkhā adhipaññāsikkhā”ti⁴ ettha sādhikamidam⁵ diyaḍḍhasikkhāpadasatam ekā adhisīlasikkhāva hoti, tam sikkhantopi tisso sikkhā sikkhatīti dassito, sikkhānam antogadhattā. Yathā ca ekassa hatthipadassa catūsu koṭṭhāsesu ekasmim koṭṭhāse otiṇṇānipi dvīsu tīsu catūsu koṭṭhāsesu otiṇṇānipi siṅgālasasamigādīnam pādāni hatthipade samodhānam gatāneva honti. Hatthipadato amuccitvā tasseva antogadhattā. Evameva ekasmimpi dvīsupi tīsupi catūsipi saccesu gaṇanam gatā dhammā catūsu saccesu gaṇanam gatāva honti, saccānam antogadhattāti diyaḍḍhasaccagaṇanam gatepi kusaladhamme “sabbe te catūsu ariyasaccesu saṅgahaṃ gacchantī”ti āha. “Dukkhe ariyasacce”ti-ādīsu uddesapadesu ceva jātipi dukkhāti-ādīsu niddesapadesu ca

1. Abhi 4. 251 piṭṭhe.

2. Abhi 2. 118, 119 piṭṭhe.

3. Gahaṇam (Sī), saṅgahaṃ (Syā)

4. Am 1. 234 piṭṭhe.

5. Sādhikam (Sī)

yam vattabbam, tam Visuddhimagge vuttameva. Kevalam panettha desanānukkamova veditabbo.

301. Yathā hi cheko vilīvakāro sujātam veḷum labhitvā catudhā chetvā tato tayo koṭṭhāse ṭhapetvā ekaṃ gaṇhitvā pañcadhā bhindeyya, tatopi cattāro ṭhapetvā ekaṃ gaṇhitvā phārento pañca pesiyo kareyya, tato catasso ṭhapetvā ekaṃ gaṇhitvā kucchibhāgam piṭṭhibhāganti dvidhā phāletvā piṭṭhibhāgam ṭhapetvā kucchibhāgam ādāya tato samuggabījanitālavaṇṭādinānappakāram veḷuvikatim kareyya, so piṭṭhibhāgañca itarā ca catasso pesiyo itare ca cattāro koṭṭhāse itare ca tayo koṭṭhāse kammāya na upanessatīti na vattabbo, ekappahārena pana upanetuṃ na sakkā, anupubbena upanessati, evameva ayam mahātheropi vilīvakāro sujātam veḷum labhitvā cattāro koṭṭhāse viya imam mahantam suttantam ārabhitvā catu-ariyasaccavasena mātikam ṭhapesi. Vilīvakārassa tayo koṭṭhāse ṭhapetvā ekaṃ gahetvā tassa pañcadhā karaṇam viya therassa tīṇi ariyasaccāni ṭhapetvā ekaṃ dukkhasaccam gahetvā bhājentassa¹ khandhavasena pañcadhā karaṇam. Tato yathā so vilīvakāro cattāro koṭṭhāse ṭhapetvā ekaṃ bhāgam gahetvā pañcadhā phālesi, evam thero cattāro arūpakkhandhe ṭhapetvā rūpakkhandham vibhajanto **cattāri ca mahābhūtāni catunnañca mahābhūtānam upādāya rūpanti** pañcadhā akāsi. Tato yathā so vilīvakāro catasso pesiyo ṭhapetvā ekaṃ gahetvā kucchibhāgam piṭṭhibhāganti dvidhā phālesi, evam thero upādāya rūpañca tisso ca dhātuyo ṭhapetvā ekaṃ pathavīdhātuṃ vibhajanto ajjhattikabāhiravasena dvidhā dassesi. Yathā so vilīvakāro piṭṭhibhāgam ṭhapetvā kucchibhāgam ādāya nānappakāram vilīvavikatim akāsi², evam thero bāhiram pathavīdhātuṃ ṭhapetvā ajjhattikam pathavīdhātuṃ vīsatiyā ākārehi vibhajitvā dassetuṃ **katamā cāvuso ajjhattikā pathavīdhātūti-ādimāha**.

Yathā pana vilīvakāro piṭṭhibhāgañca itarā ca catasso pesiyo itare ca cattāro koṭṭhāse itare ca tayo koṭṭhāse

1. Kathentassa (Ka)

2. Karoti (Syā, Ka)

anupubbena kammāya upanessati, na hi sakkā ekappahārena upanetuṃ, evaṃ theropi bāhiraṅca pathavīdhātuṃ itarā ca tisso dhātuyo upādārūpaṅca itare ca cattāro arūpino khandhe itarāni ca tīṇi ariyasaccāni anupubbena vibhajitvā dassessati, na hi sakkā ekappahārena dassetuṃ. Apica rājaputtūpamāyapī ayaṃ kamo vibhāvetabbo—

Eko kira mahārājā, tassa parosahassaṃ puttā, so tesāṃ piḷandhanaparikkhāraṃ catūsu peḷāsu ṭhapetvā jeṭṭhaputtassa appesi “idaṃ te tāta bhātikānaṃ piḷandhanabhaṇḍaṃ tathārūpe chaṇe sampatte piḷandhanaṃ no dehīti yācantānaṃ dadeyyāsī”ti. So “sādhū devā”ti sārāgabbhe paṭisāmesi, tathārūpe chaṇadivase rājaputtā rañño santikaṃ gantvā “piḷandhanaṃ no tāta detha, nakkhattaṃ kiḷissāmā”ti āhaṃsu. Tātā jeṭṭhabhātikassa vo hatthe mayā piḷandhanaṃ ṭhapitaṃ, taṃ āharāpetvā piḷandhathāti. Te sādhuṃti paṭissuṇitvā tassa santikaṃ gantvā “tumhākaṃ kira no hatthe piḷandhanabhaṇḍaṃ, taṃ dethā”ti āhaṃsu, so evaṃ karissāmīti gabbhaṃ vivaritvā¹ catasso peḷāyo nīharitvā tisso ṭhapetvā ekaṃ vivaritvā tato paṅca samugge nīharitvā cattāro ṭhapetvā ekaṃ vivaritvā tato paṅcasu karaṇḍesu nīharitesu cattāro ṭhapetvā ekaṃ vivaritvā pidhānaṃ passe ṭhapetvā tato hatthūpagapādūpagādīni nānappakārāni piḷandhanāni nīharitvā adāsī. So kiṅcāpi itarehi catūhi karaṇḍehi itarehi catūhi samuggehi itarāhi tīhi peḷāhi na tāva bhājetvā deti, anupubbena pana dassati, na hi sakkā ekappahārena dātuṃ.

Tattha mahārājā viya Bhagavā daṭṭhabbo, vuttampi cetāṃ “rājāhamasmi selāti Bhagavā Dhammarājā anuttaro”ti². Jeṭṭhaputto viya Sāriputtatthero, vuttampi cetāṃ “yaṃ kho taṃ bhikkhave sammā vadamāno vadeyya ‘Bhagavato putto oraso mukhato jāto dhammajo dhammanimmitto dhammadāyādo, no āmisadāyādo’ti Sāriputtameva taṃ sammā vadamāno vadeyya, Bhagavato putto -pa- no āmisadāyādo”ti³. Parosahassarājaputtā viya bhikkhusaṃgho daṭṭhabbo. Vuttampi cetāṃ—

1. Pavisitvā (Syā)

2. Khu 1. 368 piṭṭhe.

3. Ma 3. 79 piṭṭhe.

“Parosahassaṃ bhikkhūnaṃ, Sugataṃ payirupāsati.
Desentaṃ virajaṃ dhammaṃ, nibbānaṃ akutobhayaṃ”ti¹.

Raṅṅo tesam puttānaṃ piḷandhanaṃ catūsu peḷāsu pakkhipitvā jeṭṭhaputtassa hatthe ṭhapitakālo viya Bhagavato Dhammasenāpatissa hatthe catusaccappakāsanāya ṭhapitakālo, tenevāha “Sāriputto bhikkhave pahoti² cattāri ariyasaccāni vitthārena ācikkhitum desetum paññāpetum paṭṭhapetum vivaritum vibhajitum uttānikātun”ti³. Tathārūpe chaṇe tesam rājaputtānaṃ taṃ rājānaṃ upasaṅkamtivā piḷandhanaṃ yācanakālo viya bhikkhusaṃghassa vassūpanāyikasamaye āgantvā dhammadesanāya yācitakālo. Upakaṭṭhāya kira vassūpanāyikāya idaṃ suttaṃ desitaṃ. Raṅṅo “tātā jeṭṭhabhātikassa vo hatthe mayā piḷandhanaṃ ṭhapitaṃ taṃ āharāpetvā piḷandhathā”ti vuttakālo viya Sambuddhenāpi “sevetha bhikkhave Sāriputtamoggallāne, bhajatha bhikkhave Sāriputtamoggallāne. Paṇḍitā bhikkhū anuggāhakā sabrahmacārīnaṃ”ti evaṃ Dhammasenāpatino santike bhikkhūnaṃ pesitakālo.

Rājaputtehi raṅṅo kathaṃ sutvā jeṭṭhabhātikassa santikaṃ gantvā piḷandhanaṃ yācitakālo viya bhikkhūhi Satthūkathaṃ sutvā Dhammasenāpatiṃ upasaṅkamma dhammadesanaṃ āyācitakālo. Jeṭṭhabhātikassa gabbhaṃ vivarivā catasso peḷāyo nīharitvā ṭhapanāṃ viya Dhammasenāpatissa imaṃ suttantaṃ ārabhitvā catunnaṃ ariyasaccānaṃ vasena mātikāya ṭhapanāṃ. Tisso peḷāyo ṭhapetvā ekaṃ vivarivā tato pañcasamugganīharaṇaṃ viya tīṇi ariyasaccāni ṭhapetvā dukkhaṃ ariyasaccaṃ vibhajantassa pañcakkhandhadassanaṃ. Cattāro samugge ṭhapetvā ekaṃ vivarivā tato pañcakaraṇḍanīharaṇaṃ viya cattāro arūpakkhandhe ṭhapetvā ekaṃ rūpakkhandhaṃ vibhajantassa catumahābhūta-upādārūpavasena pañcakoṭṭhāsadassanaṃ.

302. Cattāro karaṇḍe ṭhapetvā ekaṃ vivarivā pidhānaṃ passe ṭhapetvā hatthūpagapādūpagādipiḷandhanadānaṃ viya tīṇi mahābhūtāni upādārūpaṅca ṭhapetvā ekaṃ pathavīdhātum vibhajantassa bāhiraṃ tāva pidhānaṃ viya ṭhapetvā

1. Saṃ 1. 194 piṭṭhe.

2. Alaṃ hoti (Syā)

3. Ma 3. 291 piṭṭhe.

ajjhattikāya pathavīdhātuyā nānāsabhāvato vīsatiyā ākārehi dassanattamā
“katamā cāvuso ajjhattikā pathavīdhātū”ti-ādivacanam.

Tassa pana rājaputtassa tehi catūhi karaṇḍehi catūhi samuggehi tīhi ca
peḷāhi pacchā anupubbena nīharitvā piḷandhanadānam viya therassāpi
itaresaṅca tiṇṇam mahābhūtānam upādārūpānaṅca catunnam
arūpakkhandhānaṅca tiṇṇam ariyasaccānaṅca pacchā anupubbena bhājetvā
dassanam vedittabham. Yam panetaṁ “katamā cāvuso ajjhattikā
pathavīdhātū”ti-ādi vuttam. Tattha **ajjhattam paccattanti** ubhayampetaṁ
niyakādhivacanameva. **Kakkhaḷanti** thaddham. **Kharigatanti** pharusam.
Upādinanti na kammamuṭṭhānameva, avisesena pana sarīraṭṭhakassetam
gahaṇam¹. Sarīraṭṭhakaṅhi upādinam vā hotu, anupādinam vā,
ādinnaḡhitaparāmaṭṭhavasena sabbam upādinnameva nāma. Seyyathidaṁ,
kesā lomā -pa- udariyam karīsanti idaṁ dhātukammaṭṭhānikassa
kulaputtassa ajjhattikapathavīdhātuvasena tāva kammaṭṭhānam vibhattam.
Ettha pana manasikāram ārabhitvā vipassanam vaḍḍhetvā arahattam
gahetukāmena yam kātabbam, tam sabbam Visuddhimagge vitthāritameva.
Matthaluṅgam pana na idha Pāḷi-ārulham, tampi āharitvā Visuddhimagge
vuttanayeneva vaṇṇasaṅṭhānādivasena vavatthapetvā “ayampi acetanā
abyākatā suññā thaddhā pathavīdhātu evā”ti manasi kātabbam. **Yam vā
panaṅṅampīti** idaṁ itaresu tisu koṭṭhāsesu anugatāya pathavīdhātuyā
gahaṇattam vuttam. **Yā ceva kho pana ajjhattikā pathavīdhātūti** yā ca ayam
vuttappakārā ajjhattikā pathavīdhātu. **Yā ca bāhirāti** yā ca Vibhaṅge “ayo
loham tipu sisan”ti-ādinā² nayena āgatā bāhirā pathavīdhātu.

Ettāvatā therena ajjhattikā pathavīdhātu nānāsabhāvato vīsatiyā ākārehi
vitthārena dassitā, bāhirā saṅkhepena. Kasmā? Yasmiṁ hi ṭhāne sattānam
ālayo nikanti patthanā pariyaṭṭhānam gahaṇam parāmāso balavā hoti. Tattha
tesam ālayādīnam uddharaṇattam Buddhā vā Buddhasāvaka vā
vitthārakatham kathenti. Yattha pana na balavā, tattha kattabbakiccābhāvato
saṅkhepena kathenti. Yathā hi kassako khettaṁ kasamāno yattha
mūlasantānakānam balavatāya naṅgalam laggati, tattha goṇe ṭhapetvā
paṁsum viyūhitvā mūlasantānakāni chetvā

1. Adhivacanam (Syā)

2. Abhi 2. 84 piṭṭhe.

chetvā uddharanto bahum vāyāmaṃ karoti. Yattha tāni natthi, tattha balavaṃ payogaṃ katvā goṇe piṭṭhiyaṃ paharamāno kasatiyeva, evaṃsampadamidaṃ veditabbaṃ.

Pathavīdhātūrevesāti duvidhāpesā thaddhaṭṭhena kakkhaḷaṭṭhena pharusatṭhena ekalakkhaṇā pathavīdhātuyeva āvusoti¹ ajjhattikaṃ bāhirāya saddhiṃ yojetvā dasseti. Yasmā bāhirāya pathavīdhātuyā acetanābhāvo pākaṭo, na ajjhattikāya, tasmā sā bāhirāya saddhiṃ ekasadisā acetanāyevāti gaṇhantassa sukhariggaho hoti. Yathā kiṃ? Yathā dantena goṇena saddhiṃ yojito adanto katipāhameva visūkāyati vipphandati, atha na cirasseva damathaṃ upeti. Evaṃ ajjhattikāpi bāhirāya saddhiṃ ekasadisāti gaṇhantassa katipāhameva acetanābhāvo na upaṭṭhāti, atha na cirenevassā acetanābhāvo pākaṭo hoti. **Taṃ netaṃ mamāti** taṃ ubhayampi na etaṃ mama, na eso hamasmi, na eso me attāti evaṃ yathābhūtaṃ sammappaññāya daṭṭhabbaṃ. **Yathābhūtaṃ**ti yathāsabhāvaṃ, tañhi aniccādisabhāvaṃ, tasmā aniccaṃ dukkhamanattāti evaṃ daṭṭhabbanti attho.

Hoti kho so āvusoti kasmā ārabhi? Bāhira-āpodhātūvasena bāhirāya pathavīdhātuyā vināsaṃ dassetvā tato visesatarena upādinnāya sarīraṭṭhakapathavīdhātuyā vināsadassanattamaṃ. **Pakuppatī**ti āposamvaṭṭavasena vaḍḍhamānā kuppati. **Antarahitā tasmim samaye bāhirā pathavīdhātu hotī**ti tasmim samaye koṭisatasahassacakkavāle khārodakena vilīyamānā udakānugatā hutvā sabbā pabbatādivasena saṅghitā pathavīdhātu antarahitā hoti. Vilīyitvā udakameva hoti. **Tāva mahallikāyāti** tāva mahantāya².

Duve satasahassāni, cattāri nahutāni ca.

Ettakaṃ bahalattena, saṅkhātāyaṃ vasundharāti—

Evaṃ bahalatteneva mahantāya, vitthārato pana koṭisatasahassacakkavāḷappamāṇāya³. **Aniccatāti** hutvā abhāvatā. **Khayadhammatāti** khayam

1. Pathavīdhātupesā (Syā), pathavīdhātūrevesā (Ka)

2. Mahantiyā (Sī)

3. Cakkavāḷaparimāṇāya (Sī)

gamanasabhāvatā. **Vayadhammatā**ti vyaṃ gamanasabhāvatā.

Vipariṇāmadhammāti pakativijhanasabhāvatā, iti sabbehipi imehi padehi aniccalakkhaṇameva vuttam. Yaṃ pana aniccaṃ, taṃ dukkhaṃ. Yaṃ dukkhaṃ, taṃ anattāti tīṇipi lakkhaṇāni āgatāneva honti. **Mattaṭṭhakassā**ti parittaṭṭhitikassa, tattha dvīhākārehi imassa kāyassa parittaṭṭhititā veditabbā ṭhitiparittatāya ca sarasaparittatāya ca¹. Ayaṃ hi atīte cittaṅgaṇe jīvittha, na jīvati, na jīvissati. Anāgate cittaṅgaṇe jīvissati, na jīvati, na jīvittha. Paccuppanne cittaṅgaṇe jīvati, na jīvittha, na jīvissatīti vuccati.

“Jīvitam attabhāvo ca, sukhadukkhā ca kevalā.

Ekacittasamāyuttā, lahu so vattate khaṇo”ti—

Idaṃ etasseva parittaṭṭhitidassanattham vuttam. Evaṃ **ṭhitiparittatāya** parittaṭṭhititā veditabbā.

Assāsapassāsūpanibaddhādibhāvena panassa **sarasaparittatā** veditabbā. Sattānañhi assāsūpanibaddham jīvitam passāsūpanibaddham jīvitam assāsapassāsūpanibaddham jīvitam mahābhūtūpanibaddham jīvitam kabalīkārāhārūpanibaddham jīvitam viññāṇūpanibaddham jīvitanti Visuddhimagge vitthāritam.

Taṅhupādinnassāti taṅhāya ādinnagahitaparāmaṭṭhassa **ahanti vā mamanti vā asmīti vā. Atha khvāssa notevettha hotīti** atha kho assa bhikkhuno evaṃ tīṇi lakkhaṇāni āropetvā passantassa ettha ajjhattikāya pathavīdhātuyā ahanti vāti-ādi tividho taṅhāmānadiṭṭhiggāho noteva hoti, na hotiyevāti attho. Yathā ca āpodhātuvasena, evaṃ tejodhātuvāyodhātuvasenapi bāhirāya pathavīdhātuyā antaradhānam hoti, idha pana ekamīeva āgatam. Itarānipi atthato veditabbāni.

Tañce āvusoti idha tassa dhātukammaṭṭhānikassa bhikkhuno sotadvāre pariggaham paṭṭhapento balaṃ dasseti. **Akkosantīti** dasahi akkosavatthūhi akkosanti. **Paribhāsantīti** tayā idañcidañca katam, evañca evañca tam karissāmāti vācāya paribhāsanti. **Rosentīti** ghaṭṭenti. **Vihesentīti** dukkhāpentī, sabbam vācāya ghaṭṭanameva vuttam. **So evanti** so

1. Ṭhitiparittatā ca sarasaparittatā ca (Ka)

dhātukammaṭṭhāniko evaṃ sampajānāti. **Uppannā kho me ayanti** sampativattamānuppannabhāvena ca samudācāruppannabhāvena ca uppannā. **Sotasamphassajāti** upanissayavasena sotasamphassato jātā sotadvāra javanavedanā, **phasso aniccoti** sotasamphasso hutvā abhāvavattena aniccoti passati. Vedanādayopi sotasamphassasampayuttāva veditabbā. **Dhātārammaṇamevāti** dhātusaṅkhātameva ārammaṇaṃ. **Pakkhandatīti** otarati. **Pasīdatīti** tasmim ārammaṇe pasīdati, bhumavacanameva vā etaṃ. Byañjanasandhivasena “dhātārammaṇamevā”ti vuttam, dhātārammaṇeyevāti ayamettha attho. **Adhimuccatīti**¹ dhātuvasena evanti² adhimokkhaṃ labhati, na rājati, na dussati. Ayam hi sotadvāramhi ārammaṇe āpāthagate mūlapariññā-āgantukatāvakālikavasena pariggataṃ karoti, tassa vitthārakathā satipaṭṭhāne satisampajaññapabbe vuttā. Sā pana tattha cakkhudvārasena vuttā, idha sotadvārasena veditabbā.

Evaṃ katapariggahassa hi dhātukammaṭṭhānikassa balavavipassakassa sacepi cakkhudvārādisu ārammaṇe āpāthagate ayoniso āvajjanaṃ uppajjati ()³ voṭṭhabbanam patvā ekaṃ dve vāre āsevanam labhitvā cittaṃ bhavaṅgameva otarati, na rāgādivasena uppajjati, ayam koṭippatto tikkhavipassako. Aparassa rāgādivasena ekaṃ vāram javanam javati, javanapariyosāne pana rāgādivasena evam me javanam javitanti āvajjato ārammaṇam pariggahitameva hoti, puna vāram tathā na javati. Aparassa ekavāram evam āvajjato puna dutiyavāram rāgādivasena javanam javatiyeva, dutiyavārāvasāne pana evam me javanam javitanti āvajjato ārammaṇam pariggahitameva hoti, tatiyavāre tathā na uppajjati. Ettha pana paṭhamo atitikkho, tatiyo atimando, dutiyassa pana vasena imasmim sutte, laṭukikopame, indriyabhāvane ca ayamattho veditabbo.

Evaṃ sotadvāre pariggahitavasena dhātukammaṭṭhānikassa balam dassetvā idāni kāyadvāre dīpento **tañce āvusoti**-ādimaḥa. Aniṭṭhārammaṇam hi patvā dvīsu vāresu kilamati sotadvāre ca kāyadvāre ca. Tasmā yathā nāma khattassāmī puriso kudālam gahetvā

1. Vimuccatīti (Sī, Syā)

2. Etanti (Syā, Ka)

3. (Voṭṭhabbanam āvajjati) (Sī), (voṭṭhabbanam uppajjati) (Syā)

khettaṃ anusañcaranto yattha vā tattha vā mattikapiṇḍaṃ adatvā dubbalaṭṭhānesuyeva kudālena bhūmiṃ bhinditvā satīṇamattikapiṇḍaṃ deti, evameva mahāthero anāgate sikkhākāmā padhānakammikā kulaputtā imesu dvāresu saṃvaram paṭṭhapetvā khippameva jātijarāmaraṇassa antaṃ karissantīti imesuyeva dvīsu dvāresu gāḷhaṃ katvā saṃvaram desento imaṃ desanaṃ ārabhi.

Tattha **samudācarantīti** upakkamanti. **Pāṇisamphassenāti** paṇippahārena, itaresupi eseva nayo. **Tathābhūtoti** tathāsabhāvo. **Yathābhūtasminti** yathāsabhāve. **Kamantīti** pavattanti. **Evam Buddhaṃ anussaratoti**-ādīsu itipi so Bhagavāti-ādinā nayena anussarantopi Buddhaṃ anussarati, vuttaṃ kho panetaṃ Bhagavatāti anussarantopi anussaratiyeva. Svākkhāto Bhagavatā dhammoti-ādinā nayena anussarantopi dhammaṃ anussarati, kakacūpamovādaṃ anussarantopi anussaratiyeva. Suppaṭipannoti-ādinā nayena anussarantopi saṅghaṃ anussarati, kakacokantaṃ¹ adhivāsayaṃānassa bhikkhuno guṇaṃ anussaramānopi anussaratiyeva.

Upekkhā kusalanissitā na saṅghātīti idha vipassanupekkhā adhippetā. **Upekkhā kusalanissitā saṅghātīti** idha chaḷaṅgupekkhā, sā panesā kiñcāpi khīṇāsavassa iṭṭhāniṭṭhesu ārammaṇesu arajjanādivasena pavattati, ayaṃ pana bhikkhu vīriyabalena bhāvanāsiddhiyā attano vipassanaṃ khīṇāsavassa chaḷaṅgupekkhāthāne ṭhapetīti vipassanāva chaḷaṅgupekkhā nāma jātā.

303. Āpodhātuniddese **āpogatanti** sabba-āpesu gataṃ allayūsabhāvalakkhaṇaṃ. **Pittaṃ semhanti**-ādīsu pana yaṃ vattabbaṃ, taṃ sabbaṃ saddhiṃ bhāvanāyena Visuddhimagge vuttaṃ. **Pakuppatīti** oghavasena vaḍḍhati, samuddato vā udakaṃ uttarati, ayamassa pākati ogho pakopo, āposamvattakāle pana koṭisatasahassacakkavāḷaṃ udakapūrameva hoti. **Ogacchantīti** heṭṭhā gacchanti, uddhane āropita-udakaṃ viya khayaṃ vināsaṃ pāpuṇanti. Sesaṃ purimanayeneva veditabbaṃ.

1. Kakacokantaṃ (Ka)

304. Tejodhātuniddese **tejogatanti** sabbatejesu gataṃ uṇhatalakkhaṇaṃ. Tejo eva vā tejobhāvaṃ gatanti **tejogataṃ**. Purime āpogatepi pacchime vāyogatepi eseva nayo. **Yena cāti** yena tejogatenā. Tasmim kuppite ayaṃ kāyo santappati, ekāhikajarādibhāvena usumajāto hoti. **Yena ca jīriyatīti** yena ayaṃ kāyo jīrati, indriyavekallattaṃ balaparikkhayaṃ valipalitādibhāvaṇca¹ pāpuṇāti. **Yena ca pariḍayhatīti** yena kuppitena ayaṃ kāyo dayhati, so ca puggalo dayhāmi dayhāmīti kandanto satadhotasappigosītacandanādilepaṇca tālavaṇṭavātaṇca paccāsīsati. **Yena ca asitapītakhāyitasāyitaṃ sammā pariṇāmaṃ gacchatīti** yena taṃ asitaṃ vā odanādi, pītaṃ vā pānakādi, khāyitaṃ vā piṭṭhakhajjākādi, sāyitaṃ vā ambapakkamadhuphāṇitādi² sammā paripākaṃ gacchati, rasādibhāvena vivekaṃ gacchatīti attho. Ayamettha saṅkhepo. Vitthārato pana yaṃ vattabbaṃ siyā, taṃ sabbaṃ saddhim bhāvanānayaena Visuddhimagge vuttaṃ.

Haritantanti haritameva allatiṇādim āgamma nibbāyatīti attho. **Panthantanti** mahāmaggameva. **Selantanti** pabbataṃ. **Udakantanti** udakaṃ. **Ramaṇīyaṃ vā bhūmibhāganti** tiṇagumbādirahitaṃ, vivittaṃ abbhokāsaṃ bhūmibhāgaṃ. **Anāhārāti** nirāhārā³ nirupādānā, ayampi pakatīyāva tejovikāro vutto, tejosaṃvaṭṭakāle pana koṭisatasahassacakkavāḷaṃ jhāpetvā chārikāmattampi na tiṭṭhati. **Nhārudaddulenāti** cammanillekhanena. **Aggim gavesantīti** evarūpaṃ sukhumaṃ upādānaṃ gahetvā aggim pariyesanti, yaṃ appamattakampi usumaṃ labhitvā pajjalati, sesamidhāpi purimanayeneva veditabbaṃ.

305. Vāyodhātuniddese **uddhaṅgamā vātāti** uggārahikkārādīpavattakā uddhaṃ ārohanavātā. **Adhogamā vātāti** uccārapassāvādīnīharaṇakā adho orohanavātā. **Kucchisayā vātāti** antānaṃ bahivātā⁴. **Koṭṭhāsayā vātāti** antānaṃ antovātā. **Aṅgamaṅgānusārinoti** dhamanījālānusārena sakalasarīre aṅgamaṅgāni anusaṭṭaṃ samīṇjanapasāraṇādinibbattakavātā. **Assāsoti** anto-

1. Valitapalitādibhāvaṇca (Sī)

3. Appaccayā (Sī)

2. Apakkamadhuphāṇitādi (Sī)

4. Bahinikkhamanavātā (Syā)

pavisananāsikavāto. **Passāsoti** bahinikkhamananāsikavāto. Ayamettha saṅkhepo. Vitthārato pana yaṃ vattabbaṃ siyā, taṃ sabbaṃ saddhiṃ bhāvanāyena Visuddhimagge vuttaṃ.

Gāmampi vahatīti sakalagāmampi cuṇṇavicuṇṇaṃ¹ kurumānā ādāya gacchati, nigamādīsupi eseva nayo. Idha vāyosaṃvaṭṭakāle koṭisatasahassacakkavāḷaviddhamśanavasena vāyodhātuvikāro dassito. **Vidhūpanenāti** aggibījanakena. **Ossavaneti** chadanagge, tena hi udakaṃ savati, tasmā taṃ “ossavanan”ti vuccati. Sesamidhāpi purimanayeneva yojetabbaṃ.

306. **Seyyathāpi āvusoti** idha kiṃ dasseti, heṭṭhā kathitānaṃ mahābhūtānaṃ nissattabhāvaṃ. **Kaṭṭhanti** dabbasambhāraṃ. **Vallinti** ābandhanavallim. **Tiṇanti** chadanatiṇaṃ. **Mattikanti** anulepamattikaṃ. **Ākāso parivāritoti** etāni kaṭṭhādīni anto ca bahi ca parivāretvā ākāso ṭhitoti attho. **Agāraṃtveva saṅkhaṃ gacchatīti agāranti** paṇṇattimattaṃ hoti. Kaṭṭhādīsu pana visuṃ visuṃ rāsikatesu kaṭṭharāsivallirāsītveva vuccati. **Evameva khoti** evameva aṭṭhi-ādīni anto ca bahi ca parivāretvā ṭhito ākāso, tāneva aṭṭhi-ādīni paṭicca rūpaṃtveva saṅkhaṃ gacchati, sarīranti vohāraṃ gacchati. Yathā kaṭṭhādīni paṭicca gehanti saṅkhaṃ gataṃ agāraṃ khattiyagehaṃ brāhmaṇagehanti vuccati, evamidampi khattiyasarīraṃ brāhmaṇasarīranti vuccati, na hettha koci satto vā jīvo vā vijjati.

Ajjhattikañceva āvuso cakkhūti idaṃ kasmā āradhāṃ? Heṭṭhā upādārūpaṃ cattāro ca arūpino khandhā tīṇi ca ariyasaccāni na kathitāni, idāni tāni kathetuṃ ayaṃ desanā āradhāti. Tattha **cakkhuṃ aparibhinnanti** cakkhupasāde niruddhepi upahatepi pittasemhalohitehi palibuddhepi cakkhu cakkhuviññāṇassa paccayo bhavituṃ na sakkoti, paribhinnameva hoti, cakkhuviññāṇassa pana paccayo bhavituṃ samatthaṃ aparibhinnaṃ nāma. **Bāhirā ca rūpāti** bāhirā catusamuṭṭhānikarūpā. **Tajjo samannāhāroti** taṃ cakkhuṃ ca rūpe ca paṭicca bhavaṅgaṃ āvaṭṭetvā uppajjanamanasikāro, bhavaṅgāvaṭṭanasamatthaṃ

1. Cuṇṇacuṇṇaṃ (Ka)

cakkhudvāre kiriyamanodhātucittanti attho. Taṃ rūpānaṃ anāpāthagatattāpi aññāvihitassapi na hoti, **tajjassāti** tadanurūpassa. **Viññāṇabhāgassāti** viññāṇakoṭṭhāsassa.

Yaṃ tathābhūtassāti—ādīsu dvāravasena cattāri saccāri dasseti. Tattha **tathābhūtassāti** cakkhuviññāṇena sahabhūtassa, cakkhuviññāṇasamaṅginoti attho. **Rūpanti** cakkhuviññāṇassa na rūpajanakattā cakkhuviññāṇakkhaṇe tisamuṭṭhānarūpaṃ, tadanantaracittakkhaṇe catusamuṭṭhānampi labbhati. **Saṅgahaṃ gacchatīti** gaṇanaṃ gacchati. Vedanādayo cakkhuviññāṇasampayuttāva. Viññāṇampi cakkhuviññāṇameva. Ettha ca saṅkhārāti cetanāva vuttā. **Saṅgahoti** ekato saṅgaho. **Sannipātoti** samāgamo. **Samavāyoti** rāsi. **Yo paṭiccasamuppādaṃ passatīti** yo paccaye passati. **So dhammaṃ passatīti** so paṭiccasamuppānadharme passati, **chandoti**—ādi sabbaṃ taṇhāvevacanameva, taṇhā hi chandakaraṇavasena **chando**. Ālayakaraṇavasena **ālayo**. Anunayakaraṇavasena **anunayo**. Ajjhogāhitvā gilitvā gahanavasena **ajjhosānanti** vuccati. **Chandarāgavinayo** **chandarāgappahānanti** nibbānasseva vevacanaṃ, iti tīṇi saccāni Pāliyaṃ āgatāneva maggasaccaṃ āharitvā gahetabbaṃ, yā imesu tīsu ṭhānesu diṭṭhi saṅkappo vācā kammanto ājīvo vāyāmo sati samādhi bhāvanāpaṭivedho, ayaṃ maggoti. **Bahukataṃ hotīti** ettāvataṃ bahuṃ Bhagavato sāsanaṃ kataṃ hoti, **ajjhattikañceva āvuso sotanti**—ādivāresupi eseva nayo.

Manodvāre pana ajjhattiko mano nāma bhavaṅgacittaṃ, taṃ niruddhampi āvajjanacittassa paccayo bhavituṃ asamatthaṃ mandathāmagatameva¹ pavattamānampi **paribhinnaṃ** nāma hoti. Āvajjanassa pana paccayo bhavituṃ samatthaṃ **aparibhinnaṃ** nāma. **Bāhirā ca dhammāti** dhammārammaṇaṃ. **Neva tāva tajjassāti** idaṃ bhavaṅgasamayeneva kathitaṃ. Dutiyavāro paṇaṇajjhānapaccavekkhaṇena vā paṇaṇakammaṭṭhānāmanasikārena vā paṇaṇabuddhavacanasajjhāyākaraṇādinā vā aññāvihitakaṃ sandhāya vutto. Imasmiṃ vāre **rūpanti** catusamuṭṭhānampi labbhati. Manoviññāṇaṃ hi rūpaṃ samuṭṭhāpeti, vedanādayo manoviññāṇasampayuttā, viññāṇaṃ manoviññāṇameva. Saṅkhārā panettha

1. Mandatamagatameva (Sī, Syā)

phassacetanāvaseneva gahitā. Sesam vuttanayeneva veditabbam. Iti mahāthero heṭṭhā ekadesameva sammāsanto āgantvā imasmim ṭhāne ṭhatvā heṭṭhā parihīnadesanam sabbam tamtamdvāravasena bhājetvā dassento yathānusandhināva suttantam niṭṭhapesīti.

Papañcasūdaniyā Majjhimanikāyaṭṭhakathāya

Mahāhatthipadopamasuttavaṇṇanā niṭṭhitā.

9. Mahāsāropamasuttavaṇṇanā

307. **Evam me sutanti** Mahāsāropamasuttam. Tatha **acirapakkanteti** saṅgham bhinditvā ruhiruppādakammaṃ katvā nacirapakkante salīṅgeneva pāṭi-ekke jāte.

Idha bhikkhave ekacco kulaputtoti kiñcāpi asukakulaputtoti na niyāmito, Devadattamyeva pana sandhāya idam vuttanti veditabbam. So hi asambhinnāya mahāsammatapaveṇiyā Okkākamse jātattā jātikulaputto. **Otiṇṇoti** yassa jāti anto anupaviṭṭhā, so jātiyā otiṇṇo nāma. Jarādīsupi eseva nayo. **Lābhasakkārādīsupi lābhoti** cattāro paccayā. **Sakkāroti** tesamyeva sukatabhāvo. **Silokoti** vaṇṇabhāṇanam. **Abhinibbattetīti** uppādeti. **Apaññātāti** dvinnam janānam ṭhitaṭṭhāne na paññāyanti, ghāsacchādanamattampi na labhanti. **Appesakkhāti** appāparivārā, purato vā pacchato vā gacchantam na labhanti.

Sārena sārakaraṇīyanti rukkhasārena kattabbam akkhacakkayuganāṅgalādikaṃ yaṃkiñci. **Sākhāpalāsam aggahesi brahmacariyassāti** maggaphalasārassa¹ sāsanabrahmacariyassa cattāro paccayā sākhāpalāsam nāma, tam aggahesi. **Tena ca vosānam āpādīti** teneva ca alamettāvātā sāro me pattoti vosānam āpanno.

310. **Ñānadassanam ārādhētīti** Devadatto pañcābhiñño, dibbacakkhu ca pañcannam abhiññānam matthake ṭhitam, tam imasmim sutte “ñānadassanam”ti

1. Aggaphalasārassa (Ka)

vuttaṃ. **Ajānaṃ apassaṃ viharantī**ti kiñci sukhumaṃ rūpaṃ ajānantā antamaso paṃsupisācakampi apassantā viharanti.

311. **Asamayavimokkhaṃ ārādheti**ti “katamo asamayavimokkho, cattāro ca ariyamaggā cattāri ca sāmaññaphalāni nibbānaṃca, ayaṃ asamayavimokkho”¹ evaṃ vutte navalokuttaradhamme ārādheti sampādeti paṭilabhati. Lokiyasamāpattiyo hi appitappitakkhaṇeveyeva paccanīkadhammehi vimuccanti, tasmā “katamo samayavimokkho, cattāri ca jhānāni² catasso ca arūpāvacarasaṃpattiyo, ayaṃ samayavimokkho”¹ evaṃ samayavimokkhoti vuttā. Lokuttaradhammā pana kālena kālaṃ vimuccanti, sakiṃ vimuttāni hi maggaphalāni vimuttāneva honti. Nibbānaṃ sabbakilesehi accantaṃ vimuttamevāti ime nava dhammā asamayavimokkhoti vuttā.

Akuppā cetovimuttīti arahattaphalavimutti. Ayamatto etassāti **etadattham**, arahattaphalattham idaṃ brahmacariyaṃ, ayaṃ etassa atthoti vuttaṃ hoti. **Etaṃ sāranti** etaṃ arahattaphalaṃ brahmacariyassa sāraṃ. **Etaṃ pariyosānanti** etaṃ arahattaphalaṃ brahmacariyassa pariyosānaṃ, esaṃ koṭi, na ito paraṃ pattabbaṃ atthīti yathānusandhināva desanaṃ niṭṭhapesīti.

Papañcasūdaniyā Majjhimanikāyaṭṭhakathāya

Mahāsāropamasuttavaṇṇanā niṭṭhitā.

10. Cūlasāropamasuttavaṇṇanā

312. **Evaṃ me sutanti** Cūlasāropamasuttaṃ. Tattha **Piṅgalakocchoti** so brāhmaṇo piṅgaladhātuko. **Kocchoti** panassa nāmaṃ, tasmā “Piṅgalakoccho”¹ti vuccati. **Samghinoti**-ādīsu pabbajitasamūhasaṅkhāto samgho etesaṃ attīti **samghino**. Sveva gaṇo etesaṃ atthīti **gaṇino**. Ācārasikkhāpanavasena tassa gaṇassa ācariyāti **gaṇācariyā**. **Ñātāti** paññātā pākaṭā. “Appicchā santuṭṭhā,

1. Khu 9. 236 Paṭisambhidāmagge.

2. Catasso ca rūpāvacarasaṃpattiyo (Syā, Ka)

appicchatāya vatthampi na nivāseṅṅi”ti-ādinā nayena samuggato yaso etesaṃ atthīti **yasassino**. **Titthakarā**ti laddhikarā. **Sādhussammata**ti ime sādhu sundarā sappurisāti evaṃ sammata. **Bahujanassā**ti assutavato andhabālaputhujjanassa. Idāni te dassento **seyyathidaṃ Pūraṇoti**-ādimāha. Tattha **Pūraṇoti** tassa Satthupaṭiṅṅassa nāmaṃ. **Kassapoti** gottaṃ. So kira aññatarassa kulassa ekūnadāsasataṃ pūrayamāno jāto, tenassa “Puraṇo”ti nāmaṃ akaṃsu. Maṅgaladāsattā cassa “dukkaṭaṇ”ti¹ vattā natthi, akataṃ vā na katanti. “So kimahaṃ ettha vasāmi”ti² palāyi. Athassa corā vatthāni acchindimsu. So paṇṇena vā tiṇena vā paṭicchādetumpi³ ajānanto jātārūpeneva⁴ ekaṃ gāmaṃ pāvisi. Manussā taṃ disvā “ayaṃ samaṇo arahā appiccho, natthi iminā sadiso”ti pūvabhaddāni gahetvā upasaṅkamanti. So “mayhaṃ sātakaṃ anivatthabhāvena idaṃ uppannaṃ”ti tato paṭṭhāya sātakaṃ labhitvāpi na nivāsesi, tadeva pabbajjaṃ aggahesi. Tassa santike aññepi pañcasatā manussā pabbajimsu, taṃ sandhāyāha “Pūraṇo Kassapo”ti.

Makkhalīti tassa nāmaṃ. Gosālāya jātattā **Gosāloti** dutiyaṃ nāmaṃ. Taṃ kira sakaddamāya bhūmiyā telaghaṭaṃ gahetvā gacchantaṃ “tāta mā khalī”ti sāmiko āha. So pamādena khalivā pativā sāmikassa bhayena palāyitum āraddho. Sāmiko upadhāvitvā sātakakaṇṇe⁵ aggahesi. Sopi sātakaṃ chaḍḍetvā acelako hutvā palāyi, sesaṃ pūraṇasadisameva.

Ajitoti tassa nāmaṃ. Kesakambalaṃ dhāretīti **kesakambalo**. Iti nāmadvayaṃ saṃsanditvā “Ajito kesakambalo”ti vuccati. Tattha **kesakambalo** nāma manussakeshi katakambalo, tato paṭikiṭṭhataram vattham nāma natthi. Yathāha “seyyathāpi bhikkhave yāni kānici tantāvutānaṃ vatthānaṃ⁶, kesakambalo tesam paṭikiṭṭho akkhāyati, kesakambalo bhikkhave sīte sīto uṇhe uṇho dubbaṇṇo duggandho dukkhasamphasso”ti⁷.

1. Kataṃ dukkatanti (Sī, Syā), sukataṃ dukkaṭanti (Ka)

2. Vasissāmīti (Syā, Ka)

3. Paṭicchādanam (Syā, Ka)

4. Naggārūpeneva (Syā)

5. Dasākaṇṇe (Sī)

6. Tantāvutāni vatthāni (Syā, Ka)

7. Am 1. 290 piṭṭhe.

“**Pakudhoti** tassa nāmaṃ. **Kaccāyanoti** gottam. Iti nāmagottam samsanditvā “Pakudho Kaccāyano”ti vuccati. Sītudakapaṭikkhittako esa, vaccaṃ katvāpi udakakiccaṃ na karoti, uṇhodakaṃ vā kañjīyaṃ vā labhitvā karoti, nadiṃ vā maggodakaṃ vā atikkamma “sīlaṃ me bhinnan”ti vālikathūpaṃ katvā sīlaṃ adhiṭṭhāya gacchati, evarūpo nissirikaladdhiko esa.

Sañjayoti tassa nāmaṃ. Belaṭṭhassa puttoti **Belaṭṭhaputto**. Ambhākaṃ gaṇṭhanakilesa palibujjhanakilesa natthi, kilesagaṇṭharahitā¹ mayanti evaṃ vāditāya laddhanāmasena **Nigaṇṭho**. Nāṭassa puttoti **Nāṭaputto**. **Abbhaññaṃsūti** yathā tesam paṭiññā, tatheva jānimsu². Idam vuttam hoti—sace nesaṃ sā paṭiññā niyyānikā sabbe abbhaññaṃsu. No ce, na abbhaññaṃsu. Tasmā kiṃ tesam paṭiññā niyyānikā na niyyānikāti, ayametassa pañhassa attho. Atha Bhagavā nesaṃ aniyyānikabhāvakathanena atthābhāvato alanti paṭikkhipitvā upamāya attham pavedento³ dhammameva desetuṃ **dhammaṃ te brāhmaṇa desessāmīti** āha.

320. Tattha **sacchikiriyāyāti** sacchikaraṇattham. **Na chandaṃ janetīti** kattukamyatāchandaṃ na janayati. **Na vāyamatīti** vāyāmaṃ parakkamaṃ na karoti. **Olīnavuttiko ca hotīti** līnajjhāsayo hoti. **Sāthalikoti** sithilaggāhī, sāsaṇam sithilaṃ katvā gaṇhāti, daḷham na gaṇhāti.

323. **Idha brāhmaṇa bhikkhu vivicceva kamehīti** katham ime paṭhamajjhānādiddhammā ñāṇadassanena uttaritarā jātāti? Nirodhapādakattā. Hetṭhā paṭhamajjhānādiddhammā hi vipassanāpādakā, idha nirodhapādakā, tasmā uttaritarā jātāti veditabbā. Iti Bhagavā idampi suttaṃ yathānusandhināva niṭṭhapesi. Desanāvasāne brāhmaṇo saraṇesu patitṭhitoti.

Papañcasūdaniyā Majjhimanikāyaṭṭhakathāya

Cūlasāropamasuttavaṇṇanā niṭṭhitā.

Tatiyavaggavaṇṇanā niṭṭhitā.

1. Kilesagaṇṭhirahitā (Sī)

2. Jānimsu na jānimsu (Sī, Syā)

3. Attham parivārento (Sī), atthapadam vedento (Syā)

4. Mahāyamakavagga

1. Cūlagosīngasuttavaṇṇanā

325. **Evam me sutanti** Cūlagosīngasuttam. Tattha **Nāṭike**¹ **viharatīti** **Nāṭikā** nāma ekaṃ taḷākam nissāya dvinnam cūlapitimahāpitiputtānam dve gāmā, tesu ekasmiṃ gāme. **Giṇjakāvasateti** iṭṭhakāmaye āvasathe. Ekasmiṃ kira samaye Bhagavā mahājanasaṅgaham karonto Vajjiraṭṭhe cārikam caramāno Nāṭikam anuppatto. Nāṭikavāsino manussā Bhagavato mahādānam datvā dhammakatham sutvā pasannahadaya “Satthu vasanaṭṭhānam karissāmā”ti mantevā iṭṭhakāheva bhittisopānatthambhe vālarūpādīni dassento pāsadam katvā sudhāya limpivā mālākammalatākammādīni niṭṭhāpetvā bhummattharaṇamañcapīṭhādīni pañṇāpetvā Satthu niyyātesum. Aparāparam panettha manussā bhikkhusaṅghassa rattitṭhānavāṭṭhānamaṇḍapacaṅkamādīni kārayimsu. Iti so vihāro mahā ahoṣi. Tam sandhāya vuttam “giṇjakāvasathe”ti.

Gosīngasālavanadāyeti tattha ekassa jeṭṭhakarukkhassa khandhato gosīngasaṅṭhānam hutvā viṭapaṃ uṭṭhahi, tam rukkham upādāya sabbampi tam vanam **Gosīngasālavananti** saṅkham gataṃ. **Dāyoti** avisesena araṇṇassetam nāmam. Tasmā **Gosīngasālavanadāyeti** Gosīngasālavana-araṇṇeti attho. **Viharantīti** sāmaggirasam anubhavamānā viharanti. Imesam hi kulaputtānam uparipañāsake² puthujjanakālo kathito, idha khīṇāsavakālo. Tadā hi te laddhassādā laddhapatiṭṭhā adhigatapaṭisambhidā khīṇāsavā hutvā sāmaggirasam anubhavamānā tattha viharimsu. Tam sandhāyetaṃ vuttam.

Yena Gosīngasālavanadāyo tenupasaṅkamīti

Dhammasenāpatimahāmogallānattheresu vā asītimahāsāvakesu vā antamaso Dhammabhaṇḍāgārika-ānandattherampi kañci anāmantevā sayameva pattacīvaram ādāya anīkā nissaṭo hatthī viya, yūthā nissaṭo kāḷasīho³

1. Nāḍike (Sī, Syā) Ṭīkā pana oloketabbā.

2. Ma 3. 193 piṭṭhe.

3. Kesarasīho (Syā)

viya, vātacchinno valāhako viya ekakova upasaṅkama. Kasmā panettha Bhagavā sayam agamāsīti? Tayo kulaputtā sāmaggirasam anubhavantā viharanti, tesam paggaṇhanato pacchimajanataṃ anukampanato dhammagarubhāvato ca. Evaṃ kirassa ahosi “aham ime kulaputte paggaṇhitvā ukkaṃsitvā paṭisanthāram katvā dhammaṃ nesaṃ desessāmī”ti. Evaṃ tāva paggaṇhanato agamāsi. Aparampissa ahosi “anāgate kulaputtā Sammāsambuddho samaggavāsam vasantānam santikaṃ sayam gantvā paṭisanthāram katvā dhammaṃ kathetvā tayo kulaputte paggaṇhi, ko nāma samaggavāsam na vaseyyāti samaggavāsam vasitabbaṃ maññamānā khippameva dukkhassantaṃ karissantī”ti, evaṃ pacchimajanataṃ anukampanatopi agamāsi. Buddhā ca nāma dhammagaruno honti, so ca nesaṃ dhammagarubhāvo rathavinīte āvikatova¹. Iti imasmā dhammagarubhāvatoṃ dhammaṃ paggaṇhissāmīti agamāsi.

Dāyapāloti araṇṇapālo. So taṃ araṇṇam yathā icchicchitappadesena manussā pavisitvā tattha pupphaṃ vā phalaṃ vā niyyāsam vā dabbasambhāram vā na haranti, evaṃ vatiyā parikkhittassa tassa araṇṇassa yojite dvāre nisīditvā taṃ araṇṇam rakkhati pāleti. Tasmā “dāyapālo”ti vutto. **Attakāmarūpā**ti attano hitam kāmayamānasabhāvā hutvā viharanti. Yo hi imasmim sāsane pabbajitvāpi vejjakammadūtakammapahiṇagamanādīnam vasena ekavīsati-anesanāhi jīvikam² kappeti, ayam na attakāmarūpo nāma. Yo pana imasmim sāsane pabbajitvā ekavīsati-anesanam pahāya catupārisuddhisīle patiṭṭhāya Buddhavacanam uggaṇhitvā sappāyadhutaṅgam adhiṭṭhāya aṭṭhatimsāya ārammaṇesu cittaruciyaṃ kammaṭṭhānam gahetvā gāmantam pahāya araṇṇam pavisitvā samāpattiyo nibbattetvā vipassanāya kammaṃ kurumāno viharati³, ayam attakāmo nāma. Tepi tayo kulaputtā evarūpā ahesum. Tena vuttaṃ “attakāmarūpā viharantī”ti.

Mā tesam aphāsukamakāsīti tesam mā aphāsukam akāsīti Bhagavantam vāresi. Evaṃ kirassa ahosi “ime kulaputtā samaggā viharanti, ekaccassa ca gataṭṭhāne bhaṇḍanakalahavivādā vattanti, tikhīnasiṅgo caṇḍagoṇo viya ovijjhanto vicarati, athekamaggena dvinnam gamanam

1. Āgatova (Syā, Ka)

2. Jīvitam (Syā, Ka)

3. Vicarati (Syā, Ka)

na hoti, kadāci ayampi evaṃ karonto imesaṃ kulaputtānaṃ samaggavāsaṃ bhindeyya, pāsādiko ca panesa suvaṇṇavaṇṇo surasagiddho maññe, gatakālato paṭṭhāya paṇītaḍāyakānaṃ attano upaṭṭhākānañca vaṇṇakathanādīhi imesaṃ kulaputtānaṃ appamādavihāraṃ bhindeyya, vasanaṭṭhānāni cāpi etesaṃ kulaputtānaṃ nibaddhāni paricchinnāni tisso ca paṇṇasālā tayo caṅkamā tīṇi divāṭṭhānāni tīṇi mañcapīṭhāni, ayaṃ pana samaṇo mahākāyo vuḍḍhataro maññe bhavissati, so akāle ime kulaputte senāsanā vuṭṭhāpessati, evaṃ sabbathāpi etesaṃ aphāsu bhavissati”ti. Taṃ anicchanto “mā tesāṃ aphāsukamakāsi”ti Bhagavantāṃ vāresi.

Kim panesa jānanto vāresi, ajānantoti? Ajānanto. Kiñcāpi hi Tathāgatassa paṭisandhiggahaṇato paṭṭhāya dasasahassacakkavāḷakampanādīni pāṭihāriyāni pavattimsu, araññavāsino pana dubbalamanussā sakammappasutā tāni sallakkhetuṃ na sakkonti, Sammāsambuddho ca nāma yadā anekabhikkhusahassaparivāro byāmapabhāya asīti-anubyañjanehi dvattimsamahāpurisalakkhaṇasiriyā ca Buddhānubhāvaṃ dassento vicarati, tadā ko esoti apucchitvāva jānitabbo hoti, tadā pana Bhagavā sabbampi taṃ Buddhānubhāvaṃ cīvaragabbhena paṭicchādetvā valāhakagabbhena paṭicchanno puṇṇacando viya sayameva pattacīvaramādāya aññātakavesena agamāsi. Iti naṃ ajānantova dāyapālo nivāresi.

Etadvocāti thero kira mā samaṇāti dāyapālassa kathaṃ sutvāva cintesi “mayāṃ tayo janā idha viharāma, aññe pabbajitā nāma natthi, ayañca dāyapālo pabbajitena viya saddhiṃ katheti, ko nu kho bhavissati”ti divāṭṭhānato vuṭṭhāya dvāre ṭhatvā maggaṃ olokento Bhagavantāṃ addasa. Bhagavāpi therassa saha dassaneneva sarīrobhāsaṃ muñci, asīti-anubyañjanavirājītā byāmapabhā pasāritasuvaṇṇapaṭo viya virocittha. Thero “ayaṃ dāyapālo phaṇakataṃ āsivisaṃ gīvāya gahetuṃ hatthaṃ pasārento viya loke aggapuggalena saddhiṃ kathentova na jānāti, aññatarabhikkhunā viya saddhiṃ katheti”ti nivārento etaṃ “mā āvuso dāyapālā”ti-ādivacanaṃ avoca.

Tenupasaṅkamīti kasmā Bhagavato paccuggamanam akatvā upasaṅkami? Evaṃ kirassa ahosi “mayam tayo janā samaggavāsam vasāma, sacāham ekakova paccuggamanam karissāmi, samaggavāso nāma na bhavissatī”ti piyamitte gahetvāva paccuggamanam karissāmi. Yathā ca Bhagavā mayham piyo, evam sahāyānampi me piyoti, tehi saddhim paccuggamanam kātukāmo sayam akatvāva upasaṅkami. Keci pana tesam therānam paṇṇasāladvāre caṅkamanakoṭiyā Bhagavato āgamanamaggo hoti, tasmā thero tesam saññam dadamānova gatoti. **Abhikkamathā**ti ito āgacchatha. **Pāde pakkhālesī**ti vikasitapadumasannibhehi jālahatthehi maṇivaṇṇam udakam gahetvā suvaṇṇavaṇṇesu piṭṭhipādesu udakamabhisiñcitvā pādena pādam ghaṃsanto pakkhālesi. Buddhānam kāye rajojallam nāma na upalimpati, kasmā pakkhālesī? Sarīrassa utuggahaṇattham, tesaṅca cittasampahaṃsanattham. Amhehi abhihaṭṭena udakena Bhagavā pāde pakkhālesi, paribhogam akāsīti tesam bhikkhūnam balavasomanassavasena cittam piṇitam hoti, tasmā pakkhālesi. **Āyasmantam Anuruddham Bhagavā etadvocā**ti so kira tesam vuḍḍhataro.

326. Tassa saṅgahe kate sesānam katova hotīti therāññeva etaṃ **kacci vo Anuruddhā**ti-ādivacanam avoca. Tattha **kaccī**ti pucchanatthe nipāto. **Voti** sāmivacanam. Idam vuttam hoti—kacci Anuruddhā tumhākam khamāṇyam, iriyāpatho vo khamati, kacci yāpanīyam, kacci vo jīvitam yāpeti ghaṭiyati, kacci piṇḍakena na kilamatha, kacci tumhākam sulabhapiṇḍam, sampatte vo disvā manussā uḷuṅkayāgum vā kaṭacchubbhikkham vā dātabbam maññantīti bhikkhācāravattam pucchati. Kasmā? Paccayena akilamantena hi sakkā samaṇadhammo kātum, vattameva vā etaṃ pabbajitānam. Atha tena paṭivacane dinne “Anuruddhā tumhe rājapabbajitā mahāpuññā, manussā tumhākam araññe vasantānam adatvā kassa aññassa dātabbam maññissanti, tumhe pana etaṃ bhuñjitvā kim nu kho miḡapotakā viya aññamaññam saṅghaṭṭentā viharatha, udāhu sāmaggibhāvo vo atthī”ti sāmaggirasam pucchanto **kacci pana vo Anuruddhā samaggā**ti-ādimāha.

Tattha **khīrodakībhūtā**ti yathā khīrañca udakañca aññamaññam saṃsandati, visum na hoti, ekattam viya upeti, kacci evam sāmaggivasena

ekattūpagatacittuppādā viharathāti pucchati. **Piyacakkhūhī** mettacittam paccupaṭṭhapetvā olokanacakkhūni piyacakkhūni nāma, kacci tathārūpehi cakkhūhi aññamaññaṃ sampassantā viharathāti pucchati. **Tagghāti** ekamsatthe nipāto, ekamsena mayam bhanteti vuttam hoti. **Yathā katham panāti** ettha **yathāti** nipātamattam. **Kathanti** kāraṇapucchā. Katham pana tumhe evam viharatha, kena kāraṇena viharatha, tam me kāraṇam brūthāti vuttam hoti. **Mettam kāyakammanti** mettacittavasena pavattam kāyakammaṃ. **Āvi ceva raho cāti** sammukhā ceva parammukhā ca. Itaresupi eseva nayo.

Tattha sammukhā kāyavacīkammāni sahavāse labbhanti, itarāni vippavāse, manokammaṃ sabbattha labbhati. Yam hi sahasantesu ekena mañcapīṭham vā dārubhaṇḍam vā mattikābhaṇḍam vā bahi dunnikkhittam hoti, tam disvā kenidam vaḷañjītantī avaññaṃ akatvā attanā dunnikkhittam viya gahetvā paṭisāmentassa paṭijaggitabbayuttam vā pana ṭhānam paṭijaggantassa sammukhā mettam kāyakammaṃ nāma hoti. Ekasmim pakkante tena dunnikkhittam senāsanaparikkhāram tatheva nikkhipantassa paṭijaggitabbayuttaṭṭhānam vā pana paṭijaggantassa parammukhā mettam kāyakammaṃ nāma hoti. Sahavasantassa pana tehi saddhim madhuraṃ sammodanīyam katham paṭisanthārakatham saraṇīyakatham dhammīkatham sarabhaññaṃ sākacchaṃ pañhapucchanaṃ pañhavissajjananti evamādīkaraṇe sammukhā mettam vacīkammaṃ nāma hoti. Theresu pana pakkantesu mayham piyasahāyo Nandiyatthero Kimilatthero¹ evam sīlasampanno evam ācārasampannoti-ādiguṇakathanam parammukhā mettam vacīkammaṃ nāma hoti. Mayham piyamitto Nandiyatthero Kimilatthero¹ avero² hotu, abyāpajjo sukhī hotūti evam samannāharato pana sammukhāpi parammukhāpi mettam manokammaṃ nāma hotiyeva.

Nānā hi kho no bhante kāyāti kāyam hi piṭṭham viya mattikā viya ca omadditvā ekato kātuṃ na sakkā. **Ekañca pana maññe cittanti** cittam pana no hitaṭṭhena nirantaraṭṭhena aviggahaṭṭhena samaggaṭṭhena ekamevāti dasseti. Katham panetaṃ sakaṃ cittam nikkhipitvā itaresaṃ cittavasena vattimsūti? Ekassa patte malaṃ uṭṭhahati, ekassa cīvaraṃ kiliṭṭham hoti, ekassa paribhaṇḍakammaṃ hoti. Tattha yassa patte malaṃ uṭṭhitam, tena mamāvuso patte malaṃ uṭṭhitam pacituṃ vaṭṭatīti vutte itare mayham cīvaraṃ

1. Kimbilatthero (Sī)

2. Arogo (Ka)

kiliṭṭhaṃ dhovitabbaṃ, mayhaṃ paribhaṇḍaṃ kātābbanti avatvā araṇṇaṃ pavisitvā dārūni āharitvā chinditvā pattakaṭāhe paribhaṇḍaṃ katvā tato paraṃ cīvaram vā dhovanti, paribhaṇḍaṃ vā karonti. Mamāvuso cīvaram kiliṭṭhaṃ dhovituṃ vaṭṭati, mama paṇṇasālā uklāpā paribhaṇḍaṃ kātuṃ vaṭṭatīti paṭhamataram ārocitepi eseva nayo.

327. **Sādhū sādhū Anuruddhāti** Bhagavā heṭṭhā na ca mayam bhante piṇḍakena kilamimhāti vutte na sādhuḥkaramadāsi. Kasmā? Ayaṃ hi kabaḷikāro āhāro nāma imesaṃ sattānaṃ apāyalokepi devamanussalokepi āciṇṇasamāciṇṇova. Ayaṃ pana lokasannivāso yebhuyyena vivādapakkhanda, apāyaloke devamanussalokepi ime sattā paṭiviruddhā eva, etesaṃ sāmaggikālo dullabho, kadācideva hotīti samaggavāsassa dullabhata idha Bhagavā sādhuḥkaramadāsi. Idāni tesam appamādalakkhaṇaṃ pucchanto **kacci pana vo Anuruddhāti**-ādīmāha. Tattha **voti** nipātamattaṃ, paccattavacanaṃ vā, kacci tumheti attho. **Amhākaṃti** amhesu tīsu janesu. **Piṇḍāya paṭikkamatīti** gāme piṇḍāya caritvā paccāgacchati. **Avakkārapātinti** atirekapiṇḍapātaṃ apanetvā ṭhapanatthāya ekaṃ samuggapātīm dhovitvā ṭhabeti.

Yo pacchāti te kira therā na ekatova bhikkhācāraṃ pavisanti, phalasaṃpattiratā hete. Pātova sarīrapaṭijagganaṃ katvā vattappaṭipattim pūretvā senāsaṃ pavisitvā kālaparicchedaṃ katvā phalasaṃpattim appetvā nisīdanti. Tesu yo paṭhamataram nisinno attano kālaparicchedavasena paṭhamataram uṭṭhāti, so piṇḍāya caritvā paṭinivatto bhattakiccaṭṭhānaṃ āgantvā jānāti “dve bhikkhū pacchā, ahaṃ paṭhamataram āgato”ti. Atha pattaṃ pidahitvā¹ āsanapaññāpanādīni katvā yadi patte paṭivisaṃmattameva² hoti, nisīditvā bhuñjati. Yadi atirekaṃ hoti, avakkārapātiyaṃ pakkhipitvā pātīm pidhāya bhuñjati. Katabhattakicco pattaṃ dhovitvā vodakaṃ³ katvā thavikāya osāpetvā pattacīvaram gahetvā attano vasanaṭṭhānaṃ pavisati. Dutiyopi āgantvā jānāti “eko paṭhamam āgato, eko pacchato”ti. So sace patte bhattaṃ pamāṇameva hoti, bhuñjati. Sace mandaṃ, avakkārapātito gahetvā bhuñjati. Sace

1. Saṃvidahitvā (Syā, Ka)

2. Paṭivimsamattameva (Sī)

3. Nirodakaṃ (Syā)

atirekaṃ hoti, avakkārapātiyaṃ pakkhipitvā pamāṇameva bhuñjitvā purimatthero viya vasanaṭṭhānaṃ pavisati. Tatiyopi āgantvāva jānāti “dve paṭhamam āgastā, aham pacchato”ti. Sopi dutiyatthero viya bhuñjitvā katabhattakicco pattam dhovitvā vodakaṃ katvā thavikāya osāpetvā āsanāni ukkhipitvā paṭisāmeti, pānīyaghaṭe vā paribhojanīyaghaṭe vā avasesam udakaṃ chaḍḍetvā ghaṭe nikujjitvā avakkārapātiyaṃ sace avasesabhattam hoti, tam vuttanayena jahitvā¹ pātim dhovitvā paṭisāmeti, bhattaggaṃ sammajjati, tato kacavaram chaḍḍetvā sammajjanim ukkhipitvā upacikāhi muttaṭṭhāne ṭhapetvā pattacīvaramādāya vasanaṭṭhānaṃ pavisati. Idam therānaṃ bahivihāre araññe bhattakiccakaraṇaṭṭhāne bhojanasālāyaṃ vattam. Idam sandhāya “yo pacchā”ti-ādi vuttam.

Yo passatīti-ādi pana nesam antovihāre vattanti veditabbaṃ. Tattha **vaccaghaṭanti** ācamanakumbhim. **Rittanti** rittakam. **Tucchanti** tasseva vevacanam. **Avisayhanti** ukkhipitum asakkuṇeyyam. Atibhāriyam. **Hatthavikārenāti** hatthasaññāya. Te kira pānīyaghaṭādisu yaṃkiñci tucchakam gahetvā pokkharanīm gantvā anto ca bahi ca dhovitvā udakaṃ parissāvetvā tīre ṭhapetvā aññam bhikkhum hatthavikārena āmantenti, odissa vā anodissa vā saddam na karonti. Kasmā odissa saddam na karonti? Tam bhikkhum saddo bādheyāti. Kasmā anodissa saddam na karonti? Anodissa sadde dinne “aham pure aham pure”ti dvepi nikkhameyyum, tato dvīhi kattabakamme tatiyassa kammacchedo bhaveyya. Saṃyatapadasaddo pana hutvā aparassa bhikkhuno divāṭṭhānasantikam gantvā tena diṭṭhabhāvaṃ ñatvā hatthasaññam karoti, tāya saññāya itaro āgacchati, tato dve janā hatthena hattham sāmsibbantā dvīsu hatthesu ṭhapetvā upaṭṭhapenti. Tam sandhāyāha “hatthavikārena dutiyaṃ āmantetvā hatthavilaṅghakena upaṭṭhapemā”ti.

Pañcāhikam kho panāti cātuddase pannarase aṭṭhamiyanti idam tāva pakatidhammassavanameva, tam akhaṇḍam katvā pañcame pañcame divase dve therā nātivikāle nhāyitvā Anuruddhattherassa vasanaṭṭhānaṃ gacchanti. Tattha tayopi nisīditvā tiṇṇam piṭakānaṃ aññatarasmim aññamaññam pañham

1. Haritvā (Sī, Syā)

pucchanti, aññaṃaññaṃ viṣṣajjenti, tesāṃ evaṃ karontānaṃyeva aruṇaṃ uggacchati. Taṃ sandhāyetaṃ vuttaṃ. Ettāvataṃ therena Bhagavatā appamādalakkhaṇaṃ pucchitena pamādaṭṭhānesuyeva appamādalakkhaṇaṃ viṣṣajjitaṃ hoti. Aññaṃañhi bhikkhūnaṃ bhikkhācāraṃ pavisaṇakālo nikkhamanaṃ nivāsanaparivattanaṃ cīvarapārūpanaṃ antogāme piṇḍāya caraṇaṃ dhammakathanāṃ anumodanaṃ gāmato nikkhamitvā bhattakiccakaraṇaṃ pattadhovanaṃ patta-osāpanaṃ pattacīvarapaṭisaṃmanati papañcakaraṇaṭṭhānāni etāni, tasmā thero amhākaṃ ettakaṃ ṭhānaṃ muñcitvā pamādakālo nāma natthīti dassento pamādaṭṭhānesuyeva appamādalakkhaṇaṃ viṣṣajjesi.

328. Athassa Bhagavā sādhuṅkāraṃ datvā paṭhamajjhānaṃ pucchanto puna **atthi pana voti-ādimāha**. Tattha **uttari manussadhammāti** manussadhammato uttari. **Alamariyañāṇadassanavisesoti** ariyabhāvakaṇasamattho¹ ñāṇaviseso. **Kim hi no siyā bhanteti kasmā** bhante nādhigato bhavissati, adhigatoyevāti. **Yāva devāti yāva eva**².

329. Evaṃ paṭhamajjhānādhigame byākate dutiyajjhānādīni pucchanto **etassa pana voti-ādimāha**. Tattha **samatikkamāyāti** samatikkamatthāya. **Paṭippassaddhiyāti** paṭippassaddhatthāya. Sesāṃ sabbattha vuttanayeneva veditabbaṃ. Pacchimapañhe pana lokuttarañāṇadassanavasena adhigataṃ nirodhasamāpattiṃ pucchanto **alamariyañāṇadassanavisesoti** āha. Theropi pucchānurūpeneva byākāsi. Tattha yasmā vedayitasukhato avedayitasukhaṃ santataraṃ paṇītataṃ hoti, tasmā **aññaṃ phāsuvihāraṃ uttaritaraṃ vā paṇītataṃ vā na samanupassāmāti** āha.

330. **Dhammiyā kathāyāti** sāmaggirasānisamsappaṭisaṃyuttāya dhammiyā kathāya. Sabbepi te catūsu saccesu pariniṭṭhitakiccā, tena tesāṃ paṭivedhatthāya kiñci kathetabbaṃ natthi. Sāmaggirasena³ pana ayañca ayañca ānisamsoti sāmaggirasānisamsameva nesaṃ Bhagavā kathesi. **Bhagavantaṃ anusaṃyāyitvāti** anugantvā. Te kira Bhagavato pattacīvaraṃ gahetvā

1. Samatthako (Syā, Ka)

2. Yāvade eva (Sī)

3. Sāmaggivāsena (Sī), sāmaggirase (Ka)

thokaṃ agamaṃsu, atha Bhagavā vihārassa pariveṇapariyantāṃ gatakāle “āharatha me pattacīvaram, tumhe idheva tiṭṭhathā”ti pakkāmi. **Tato paṭinivattitvā**ti tato ṭhitaṭṭhānato nivattitvā. **Kim nu kho mayāṃ āyasmatoti** Bhagavantāṃ nissāya pabbajjādīni adhigantvāpi attano guṇakathāya aṭṭiyamānā adhigamappicchatāya āhaṃsu. **Imāsañca imāsañcā**ti paṭhamajjhānādīnaṃ lokiyalokuttarānaṃ. **Cetasā ceto paricca viditoti** ajja me āyasmanto lokiyasamāpattiyā vītināmesuṃ, ajja lokuttarāyāti evaṃ cittena cittaṃ paricchinditvā viditaṃ. **Devatāpi meti** bhante Anuruddha ajja ayyo Nandiyatthero, ajja ayyo Kimilatthero imāya ca imāya ca samāpattiyā vītināmesīti evamārocesunti attho. **Pañhābhipuṭṭhenā**ti tampi mayā sayāṃ viditanti vā devatāhi ārocitanti vā ettakeneva mukhaṃ me sajjanti kathaṃ samuṭṭhāpetvā apuṭṭheneva me na kathitaṃ. Bhagavatā pana pañhābhipuṭṭhena pañhaṃ abhipucchitena satā byākatāṃ, tatra me kim na rocathāti āha.

331. **Dīghoti** “maṇi māṇivaro dīgho, atho serīsako sahā”ti¹ evaṃ āgato aṭṭhavīsatiyā yakkhasenāpatīnaṃ abbhantaro eko devarājā. **Parajanoti** tasseva yakkhassa nāmaṃ. **Yena Bhagavā tenupasaṅkamīti** so kira Vessavaṇena pesito etaṃ ṭhānaṃ gacchanto Bhagavantāṃ sayāṃ pattacīvaram gahetvā giṅjakāvasathato Gosīngasālavanassa antare disvā Bhagavā attanā pattacīvaram gahetvā gosīngasālavane tiṇṇaṃ kulaputtānaṃ santikaṃ gacchati. Ajja mahatī dhammadesanā bhavissati. Mayāpi tassā desanāya bhāginā bhavitabbanti adissamānena² kāyena Satthu padānupadiko gantvā avidūre ṭhatvā dhammaṃ sutvā Satthari gacchantepi na gato, “ime therā kim karissanti”ti dassanatthaṃ pana tattheva ṭhito. Atha te dve there Anuruddhattheraṃ paliveṭhente³ disvā “ime therā Bhagavantāṃ nissāya pabbajjādayo sabbaguṇe adhigantvāpi Bhagavatova maccharāyanti⁴, na sahanti, ativiya niliyanti paṭicchādentī, na dāni tesāṃ paṭicchādetuṃ dassāmi, pathavito

1. Dī 3. 173 piṭṭhe.

3. Palibodhante (Syā), palivedhente (Ka)

2. Dissamānena (Sī, Syā)

4. Maccharāyantā (Syā)

yāva brahmalokā etesaṃ guṇe pakāsessāmī”ti cintetvā yena Bhagavā tenupasaṅkami.

Lābhā vata bhanteti ye bhante Vajjiraṭṭhavāsino Bhagavantañca ime ca tayo kulaputte passitum labhanti, vanditum labhanti, deyyadhammaṃ dātum labhanti, dhammaṃ sotum labhanti, tesam lābhā bhante Vajjīnanti attho. **Saddam sutvā**ti so kira attano yakkhānubhāvena mahantaṃ saddam katvā sakalam Vajjiraṭṭham ajjhottharanto taṃ vācam nicchāresi. Tena cassa tesu rukkhapabbatādīsu adhivatthā bhummā devatā saddam assosum. Tam sandhāya vuttam “saddam sutvā”ti. **Anussāvesunti** mahantaṃ saddam sutvā sāvesum. Esa nayo sabbattha. **Yāva brahmalokā**ti yāva Akaniṭṭhabrahmalokā. **Tañcepi kulanti** “amhākam kulato nikkhamitvā ime kulaputtā pabbajitvā evam sīlavanto guṇavanto ācārasampannā kalyāṇadhammā”ti evam tañcepi kulam ete tayo kulaputte pasannacittam anussareyyāti evam sabbattha attho daṭṭhabbo. Iti Bhagavā yathānusandhināva desanaṃ niṭṭhapesīti.

Papañcasūdaniyā Majjhimanikāyaṭṭhakathāya

Cūḷagosiṅgasuttavaṇṇanā niṭṭhitā.

2. Mahāgosiṅgasuttavaṇṇanā

332. **Evam me sutanti** Mahāgosiṅgasuttam. Tattha **Gosiṅgasālavanadāyeti** idam vasanaṭṭhānadassanattam vuttam. Aññesu hi suttesu “Sāvattiyam viharati Jetavane Anāthapiṇḍikassa ārāme”ti evam paṭhamam gocaragāmam dassetvā pacchā vasanaṭṭhānam dasseti. Imasmim pana Mahāgosiṅgasutte Bhagavato gocaragāmo anibaddho, kocideva gocaragāmo bhavissati. Tasmā vasanaṭṭhānameva paridīpitaṃ. Araññanidānakam nāmetaṃ suttanti. **Sambahulehī**ti bahukehi. **Abhiññātehi abhiññātehi**ti sabbattha vissutehi pākātehi. **Therehi sāvakehi saddhinti** pātimokkhasamvarādīhi thirakārakeheva dhammehi samannāgatattā therehi, savanante jātattā sāvakehi saddhim ekato. Idāni te

there sarūpato dassento **āyasmata ca Sāriputtenā**ti-ādimāha. Tatthāyasmā Sāriputto attano sīlādīhi guṇehi Buddhasāsane abhiññāto. Cakkhumantānaṃ gaganamajjhe ʘhito sūriyo viya, cando viya, samuddatīre ʘhitānaṃ sāgaro viya ca pākaṭo paññato. Na kevalañcassa imasmim̄ sutte āgataguṇavaseneva mahantatā veditabbā, ito aññesaṃ Dhammadāyādasuttaṃ Anaṅgaṇasuttaṃ Sammādiṭṭhisuttaṃ Sihanādasuttaṃ rathavinītaṃ mahāhatthipadopamaṃ mahāvedallaṃ Cātumasuttaṃ¹ Dīghanakhaṃ Anupadasuttaṃ Sevitaḃbāsevitabbaḃsuttaṃ Saccavibhaṅgasuttaṃ piṇḃapātapārisuddhi sampasādanīyaṃ Saṅgītisuttaṃ Dasuttarasuttaṃ Pavāraṇāsuttaṃ² Susimasuttaṃ Therapañhasuttaṃ³ Mahāniddeḃo Paṭisambhidāmaggo Therasīhanādasuttaṃ abhinikkhamaṃ etadagganti imesampi sutṭānaṃ vasena therassa mahantatā veditabbā. Etadaggasmim̄ hi “etadaggaṃ bhikkhave mama sāvakānaṃ bhikkhūnaṃ mahāpaññānaṃ yadidaṃ Sāriputto”ti⁴ vuttaṃ.

Mahāmoggallānopi sīlādiguṇehi ceva imasmim̄ sutte āgataguṇehi ca thero viya abhiññāto pākaṭo mahā. Apicassa Anumānasuttaṃ Cūḃataṇḃhāsāṅkhayasuttaṃ Māratajjaniyasuttaṃ pāsādakampanaṃ sakalaṃ iddhipādasam̄yuttaṃ Nandopanandadamaṃaṃ yamakapāṭihāriyakāle devalokagamaṃaṃ Vimānavatṭhu Petavatṭhu therassa abhinikkhamaṃaṃ etadagganti imesampi vasena mahantabhāvo veditabbo. Etadaggasmim̄ hi “etadaggaṃ bhikkhave mama sāvakānaṃ bhikkhūnaṃ iddhimantānaṃ yadidaṃ Mahāmoggallāno”ti⁴ vuttaṃ.

Mahākassapopi sīlādiguṇehi ceva imasmim̄ sutte āgataguṇehi ca thero viya abhiññāto pākaṭo mahā. Apicassa Cīvaraparivattanasuttaṃ⁵ Jiṇṇacīvarasuttaṃ⁶ candopamaṃ sakalaṃ Kassapasam̄yuttaṃ Mahā-ariyavaṃsasuttaṃ therassa abhinikkhamaṃaṃ etadagganti imesampi vasena mahantabhāvo veditabbo. Etadaggasmim̄ hi “etadaggaṃ bhikkhave mama sāvakānaṃ bhikkhūnaṃ dhutavādānaṃ yadidaṃ Mahākassapo”ti⁴ vuttaṃ.

1. Vatthupamasuttaṃ (Syā), tuvaṭaṃ (Ka)

3. Khu 1. 426 piṭṭhe.

5. Saṃ 1. 399 piṭṭhe.

2. Saṃ 1. 192 piṭṭhe.

4. Aṃ 1. 23 piṭṭhe.

6. Saṃ 1. 418 piṭṭhe.

Anuruddhattheropi sīlādiguṇehi ceva imasmim̐ sutte āgataguṇehi ca thero viya abhiññāto pākaṭo mahā. Apicassa Cūlagosiṅgasuttam̐ Naḷakapānasuttam̐ Anuttariyasuttam̐ Upakkilesasuttam̐ Anuruddhasamyuttam̐ Mahāpurisavitakkasuttam̐ therassa abhinikkhamanam̐ etadagganti imesampi vasena mahantabhāvo veditabbo. Etadaggasmim̐ hi “etadaggaṃ bhikkhave mama sāvakānam̐ bhikkhūnam̐ dibbacakkhukānam̐ yadidaṃ Anuruddho”¹ti¹ vuttam̐.

Āyasmatā ca Revatenāti ettha pana dve Revatā Khadiravanियarevato ca Kaṅkhārevato ca. Tattha Khadiravanियarevato Dhammasenāpatittherassa kaniṭṭhabhātiko, na so idha adhippeto. “Akappiyo guḷo, akappiyā muggā”²ti² evaṃ kaṅkhābahulo pana thero idha revatoti adhippeto. Sopi sīlādiguṇehi ceva imasmim̐ sutte āgataguṇehi ca thero viya abhiññāto pākaṭo mahā. Apicassa abhinikkhamanenapi etadaggenapi mahantabhāvo veditabbo. Etadaggasmim̐ hi “etadaggaṃ bhikkhave mama sāvakānam̐ bhikkhūnam̐ jhāyīnam̐ yadidaṃ Kaṅkhārevato”³ti³ vuttam̐.

Ānandattheropi sīlādiguṇehi ceva imasmim̐ sutte āgataguṇehi ca thero viya abhiññāto pākaṭo mahā. Apicassa Sekkhasuttam̐ Bāhitikasuttam̐ āneñjasappāyam̐ gopakamoggallānam̐ bahudhātukam̐ cūlasuññatam̐ mahāsuññatam̐ Acchariyabbhutasuttam̐ bhaddekarattam̐ mahānidānam̐ mahāparinibbānam̐ Subhasuttam̐ Cūḷanīyalokadhātusuttam̐ abhinikkhamanam̐ etadagganti imesampi vasena mahantabhāvo veditabbo. Etadaggasmim̐ hi “etadaggaṃ bhikkhave mama sāvakānam̐ bhikkhūnam̐ bahussutānam̐ yadidaṃ Ānando”⁴ti⁴ vuttam̐.

Aññehi ca abhiññātehi abhiññātehīti na kevalañca etheva, aññehi ca mahāguṇatāya pākaṭehi abhiññātehi bahūhi therehi sāvakehi saddhim̐ Bhagavā Gosiṅgasālanadāye viharatīti attho. Āyasmā hi Sāriputto sayam̐ mahāpañño aññepi bahū mahāpaññe bhikkhū gahetvā tadā Dasabalam̐ parivāretvā vihāsi.

1. Am̐ 1. 23 piṭṭhe.

3. Am̐ 1. 24 piṭṭhe.

2. Vi 3. 303 piṭṭhe.

4. Am̐ 1. 25 piṭṭhe.

Āyasmā Mahāmoggallāno sayam iddhimā, āyasmā Mahākassapo sayam dhutavādo, āyasmā Anuruddho sayam dibbacakkhuko, āyasmā Revato sayam jhānābhirato, āyasmā Ānando sayam bahussuto aññepi bahū bahussute bhikkhū gahetvā tadā Dasabalam parivāretvā vihāsi, evam tadā ete ca aññe ca abhiññātā mahātherā timsasahassamattā bhikkhū Dasabalam parivāretvā vihariṃsūti veditabbā.

Paṭisallānā vuṭṭhitoti phalasamāpattivivekato vuṭṭhito. Yenāyasmā Mahākassapo tenupasaṅkamīti thero kira paṭisallānā vuṭṭhito pacchimalokadhātuṃ olokeno vanante kīḷantassa mattakhattiyassa kaṇṇato patamānaṃ kuṇḍalaṃ viya, saṃharitvā samugge pakkhipamānaṃ rattakambalaṃ viya, maṇināgadantato patamānaṃ satasahassagghanikaṃ suvaṇṇapātīṃ viya ca atthaṃ gacchamānaṃ paripuṇṇapaṇṇāsayojanaṃ sūriyamaṇḍalaṃ addasa. Tadanantaraṃ pācīnalokadhātuṃ olokeno nemiyā gahetvā parivattayamānaṃ rajatacakkam viya, rajatakūṭato nikkhamantaṃ khīradhārāmaṇḍam¹ viya, sapakkhe papphoṭetvā gaganatale pakkhandamānaṃ setahaṃsaṃ viya ca meghavaṇṇāya samuddakucchito uggantvā pācīnacakkavāḷapabbatamatthake sasalakkhaṇappaṭimaṇḍitaṃ ekūnapaṇṇāsayojanaṃ candamaṇḍalaṃ addasa. Tato Sālavanaṃ olokesi. Tasmīṃ hi samaye sālarukkā mūlato paṭṭhāya yāva aggā sabbapāliphullā dukūlapārutā viya, muttākālāpavinaddhā viya ca virocimsu. Bhūmitalaṃ pupphasantharapūjāya paṭimaṇḍitaṃ viya, tattha tattha nipatantena pupphareṇunā lākhārasena siñcamānaṃ viya ca ahosi. Bhamaramadhukaragaṇā kusumareṇumadamattā upagāyamānā viya vanantaresu vicaranti. Tadā ca uposathadivasova hoti. Atha thero “kāya nu kho ajja ratiyā vītināmessāmī”ti cintesi, ariyasāvaka ca nāma piyadhammassavanā honti. Athassa etadahosi “ajja mayhaṃ jeṭṭhabhātikassa Dhammasenāpatittherassa santikaṃ gantvā dhammaratiyā vītināmessāmī”ti. Gacchanto pana ekakova agantvā “mayhaṃ piyasahāyaṃ Mahākassapattheraṃ gahetvā gamissāmī”ti nisinnaṭṭhānato vuṭṭhāya cammakhaṇḍam papphoṭetvā yenāyasmā Mahākassapo tenupasaṅkami.

1. Khīradhārāmaṇḍalaṃ (Sī, Syā)

Evamāvusoti kho āyasmā Mahākassapoti theropi yasmā piyadhammassavanova ariyasāvako, tasmā tassa vacanaṃ sutvā gacchāvuso tvaṃ, mayhaṃ sīsaṃ vā rujjati piṭṭhi vāti kiñci lesāpadesaṃ akatvā tuṭṭhahadayova “evamāvuso”ti-ādimāha. Paṭissutvā ca nisinnaṭṭhānato vuṭṭhāya cammakhaṇḍaṃ papphoṭetvā Mahāmoggallānaṃ anubandhi. Tasmim̐ samaye dve mahātherā paṭipāṭiyā ṭhitāni dve candamaṇḍalāni viya, tasmim̐ samaye dve mahātherā paṭipāṭiyā ṭhitāni dve candamaṇḍalāni viya, dve sūriyamaṇḍalāni viya, dve Chaddantanāgarājāno viya, dve sīhā viya, dve byagghā viya ca virocimsu. Anuruddhattheropi tasmim̐ samaye divāṭṭhāne nisinno dve mahāthere Sāriputtattherassa santikaṃ gacchante disvā pacchimalokadhātuṃ olokento sūriyaṃ vanantaṃ pavisantaṃ viya, pācīnalokadhātuṃ olokento candāni vanantato uggacchantaṃ viya, Sālavanaṃ olokento sabbapāliphullameva Sālavanañca disvā ajja uposathadivaso, ime ca me jeṭṭhabhātikā Dhammasenāpatissa santikaṃ gacchanti, mahantena dhammassavanena bhavitabbaṃ, ahampi dhammassavanassa bhāgī bhavissāmīti nisinnaṭṭhānato vuṭṭhāya cammakhaṇḍaṃ papphoṭetvā mahātherānaṃ padānupadiko hutvā nikkhami. Tena vuttaṃ “atha kho āyasmā ca Mahāmoggallāno āyasmā ca Mahākassapo āyasmā ca Anuruddho yenāyasmā Sāriputto tenupasaṅkamimsū”ti. **Upasaṅkamimsūti** paṭipāṭiyā ṭhitā tayo candā viya, sūriyā viya, sīhā viya ca virocamaṇā upasaṅkamimsu.

333. Evaṃ upasaṅkamante pana te mahāthere āyasmā Ānando attano divāṭṭhāne nisinnoyeva disvā “ajja mahantaṃ dhammassavanaṃ bhavissati, mayāpi tassa bhāginā bhavitabbaṃ, na kho pana ekakova gamissāmi, mayhaṃ piyasahāyampi Revatattheraṃ gahetvā gamissāmi”ti sabbāni Mahāmoggallānassa Mahākassapassa Anuruddhassa upasaṅkamane vuttanayeneva vitthārato veditabbaṃ. Iti te dve janā paṭipāṭiyā ṭhitā dve candā viya, sūriyā viya, sīhā viya ca virocamaṇā upasaṅkamimsu. Tena vuttaṃ “addasā kho āyasmā Sāriputto”ti-ādi. **Disvāna āyasmantaṃ Ānandaṃ etadavocāti** dūratova disvā anukkamena kathā-upacāraṃ sampattaṃ etaṃ “etu kho āyasmā”ti-ādivacanaṃ avoca. **Ramaṇīyaṃ āvusoti** ettha duvidhaṃ rāmaṇeyyakaṃ vanarāmaṇeyyakaṃ puggalarāmaṇeyyakaṃ. Tattha vanaṃ nāma

nāgasalaḷasālacampakādīhi sañchannaṃ hoti bahalacchāyaṃ
pupphaphalūpagaṃ vividharukkhaṃ udakasampannaṃ gāmato nissaṭṭhaṃ,
idaṃ vanarāmaṇeyyakaṃ nāma. Yaṃ sandhāya vuttaṃ—

“Ramaṇīyāni araññāni, yattha na ramatī jano.
Vītarāgā ramissanti, na te kāmagavesino”¹.

Vanaṃ pana sacepi ujjāṅgale² hoti nirudakaṃ viralacchāyaṃ
kaṇṭakasamākiṇṇaṃ, Buddhādayopettha ariyā viharanti, idaṃ
puggalarāmaṇeyyakaṃ nāma. Yaṃ sandhāya vuttaṃ—

“Gāme vā yadi vāraññe, ninne vā yadi vā thale.
Yattha arahanto viharanti, taṃ bhūmirāmaṇeyyakan”³.

Idha pana taṃ duvidhampi labbhati. Tadā hi Gosiṅgasālavanaṃ
sabbapāliphullaṃ hoti kusumagandhasugandhaṃ, sadevake cettha loke
aggapuggalo Sammāsambuddho tiṃsasahassamattehi abhiññātabhikkhūhi
saddhiṃ viharati. Taṃ sandhāya vuttaṃ “ramaṇīyaṃ āvuso Ānanda
Gosiṅgasālavanā”^{ti}.

Dosināti dosāpagatā, abbaṃ mahikā dhūmo rajo rāhūti imehi pañcahi
upakkilesehi virahitāti vuttaṃ hoti. **Sabbapāliphullāti** sabbattha pāliphullā,
mūlato paṭṭhāya yāva aggā apupphitaṭṭhānaṃ nāma natthi. **Dibbā maññe
gandhā sampavantīti** dibbā
mandārapupphakoviḷārapāricchattakacandanacuṇṇagandhā viya samantā
pavāyanti, Sakkasuyāmasantusitanimmānaratiparanimmitamahābrahmānaṃ
otiṇṇaṭṭhānaṃ viya vāyantīti vuttaṃ hoti.

Katharūpena āvuso Ānandāti Ānandatthero tesāṃ pañcannaṃ
therānaṃ saṃghanavakova. Kasmā therō taṃyeva paṭṭhamaṃ pucchati?
Mamāyitattā. Te hi dve therā aññamaññaṃ mamāyimsu, Sāriputtatthero
“mayā kattabbaṃ Satthu upaṭṭhānaṃ karotī”^{ti} Ānandattheraṃ mamāyi.
Ānandatthero Bhagavato sāvakānaṃ aggoti Sāriputtattheraṃ mamāyi,
kuladārake pabbājetvā Sāriputtattherassa santike upajjhaṃ gaṇhāpesi.
Sāriputtattheropi tatheva akāsi. Evaṃ ekamekena attano

1. Khu 1. 28 piṭṭhe.

2. Ujjaṅgalaṃ (Sī, Syā)

3. Khu 1. 27 piṭṭhe.

pattacīvaram datvā pabbājetvā upajjham gaṇhāpitāni pañca bhikkhusatāni ahesum. Āyasmā Ānando paṇitāni cīvarādīnipi labhitvā therasseva deti.

Eko kira brāhmaṇo cintesi “Buddharatanassa ca saṅgharatanassa ca pūjā paññāyati, katham nu kho dhammaratanam pūjitam nāma hoti”ti, so Bhagavantam upasaṅkamitvā etamattham pucchi. Bhagavā āha “sacesi brāhmaṇa dhammaratanam pūjitukāmo, ekam bahussutam pūjehi”ti, bahussutam bhante ācikkhathāti. Bhikkhusaṅgham pucchāti. So bhikkhusaṅgham upasaṅkamitvā bahussutam bhante ācikkhathāti āha. Ānandatthero brāhmaṇāti. Brāhmaṇo theram saḥassagghanikena cīvarena pūjesi. Thero tam gahetvā Bhagavato santikam agamāsi. Bhagavā “kuto Ānanda laddhan”ti āha. Ekena bhante brāhmaṇena dinnam, idam panāham āyasmato Sāriputtassa dātukāmoti. Dehi Ānandāti. Cārikam pakkanto bhanteti. Āgatakāle dehīti. Sikkhāpadam bhante paññattanti. Kadā pana Sāriputto āgamissatīti. Dasāhamattena bhanteti. “Anujānāmi Ānanda dasāhaparamam atirekacīvaram nikkhipitun”ti¹ sikkhāpadam paññapesi. Sāriputtattheropi tatheva yaṅkiñci manāpam labhati², tam Ānandattherassa deti. Evaṃ te therā aññamaññam mamāyimsu, iti mamāyitattā paṭhamam pucchi.

Apica anumati-pucchā nāmesā khuddakato paṭṭhāya pucchitabbā hoti. Tasmā thero cintesi “aham paṭhamam Ānadam pucchissāmi, Ānando attano paṭibhānam byākarissati, tato Revatam, Anuruddham, Mahākassapam, Mahāmogallānam pucchissāmi, Mahāmogallāno attano paṭibhānam byākarissati, tato pañcapi therā mam pucchissanti, ahampi attano paṭibhānam byākarissāmi”ti. Ettāvatāpi ayam dhammadesanā sikhāpattā vepullappattā na bhavissati, atha mayam sabbepi Dasabalam upasaṅkamitvā pucchissāma, Satthā sabbaññutaññāṇena byākarissati. Ettāvatā ayam dhammadesanā sikhāpattā vepullappattā bhavissati. Yathā hi janapadamhi uppanno aṭṭo³ gāmahojakam pāpuṇāti, tasmim nicchitum asakkonte janapadabhojakam pāpuṇāti, tasmim asakkonte mahāvinicchaya-amaccam, tasmim

1. Vi 1. 295; Vi 3. 403 piṭṭhesu.

2. Labhitvā (Syā, Ka)

3. Aṭṭe uppanne (Syā, Ka)

asakkonte senāpatiṃ, tasmim̐ asakkonte uparājam̐, tasmim̐ vinicchitum̐ asakkonte rājānam̐ pāpuṇāti, raññā vinicchitakā lato paṭṭhāya aṭṭo aparāparam̐ na sañcarati, rājavacaneneva chijjati. Evamevaṃ ahaṃ hi paṭṭhamam̐ Ānandam̐ pucchissāmi -pa- atha mayam̐ sabbepi Dasabalam̐ upasaṅkamitvā pucchissāma, Satthā sabbaññutaññāṇena byākarissati. Ettāvataṃ ayaṃ dhammadesanā sikhāppattā vepullappattā bhavissati, evam̐ anumati-puccham̐ pucchanto thero paṭṭhamam̐ Ānandattheram̐ pucchi.

Bahussuto hotīti bahu assa sutam̐ hoti, navaṅgam̐ Satthusāsanam̐ Pāli-anusandhipubbāparavasena uggahitam̐ hotīti attho. **Sutadharoti** sutassa ādhārabhūto. Yassa hi ito gahitam̐ ito palāyati, chiddaghaṭe udakam̐ viya na tiṭṭhati, parisamajjhe ekaṃ sutam̐ vā jātakam̐ vā kathetum̐ vā vāceturam̐ vā na sakkoti, ayaṃ **na sutadharo** nāma. Yassa pana uggahitam̐ Buddhavacanam̐ uggahitakālasadisameva hoti, dasapi vīsati-pi vassāni sajjhāyam̐ akarontassa na nassati, ayaṃ **sutadharo** nāma. **Sutasannicayoti** sutassa sannicayabhūto. Yathā hi sutam̐ hadayamañjūsāya sannicitam̐¹ silāyam̐ lekhā viya, suvaṇṇaghaṭe pakkhittasīhavasā viya ca ajjhosāya tiṭṭhati², ayaṃ **sutasannicayo** nāma. **Dhātāti**³ ṭhitā paguṇā⁴. Ekaccassa hi uggahitam̐ Buddhavacanam̐ dhātam̐ paguṇam̐ niccalitam̐⁵ na hoti, asukasuttam̐ va jātakam̐ vā kathēhīti vutte sajjhāyitvā saṃsanditvā samanuggāhitvā jānissāmīti vadati. Ekaccassa dhātam̐ paguṇam̐ bhavaṅgasotasadisam̐ hoti, asukasuttam̐ vā jātakam̐ vā kathēhīti vutte uddharitvā tameva katheti. Tam̐ sandhāya vuttam̐ “dhātā”ti.

Vacasā paricitāti suddasakavaggadasakapaṇṇāsadasakānam̐ vasena vācāya sajjhāyitā. **Manāsānupekkhitāti** cittena anupekkhitā, yassa vācāya sajjhāyitam̐ Buddhavacanam̐ manasā cintentassa tattha tattha pākātam̐ hoti. Mahādīpaṃ jāletvā ṭhitassa rūpagatam̐ viya paññāyati. Tam̐ sandhāya vuttam̐ “vacasā paricitā manasānupekkhitā”ti. **Diṭṭhiyā suppaṭividdhāti** atthato ca kāraṇato ca paññāya suppaṭividdhā.

1. Sannicitam̐ viya (Syā, Ka)

2. Pakkhittasīhavasā viya ca tiṭṭhati (Sī, Syā)

3. Dhātāti (Sī, Syā)

4. Dhātā paguṇā (Sī), ṭhitā dhātā paguṇā (Syā)

5. Niccalikam̐ (Sī)

Parimaṇḍalehi padabyañjanehīti ettha padameva atthassa byañjanato padabyañjanam, taṃ akkharapāripūrim katvā dasavidhabyañjanabuddhiyo aparihāpetvā vuttaṃ parimaṇḍalam nāma hoti, evarūpehi padabyañjanehīti attho. Apica yo bhikkhu parisati¹ dhammaṃ desento suttam vā jātakam vā nikkhipitvā aññam upārambhakaram suttam āharati, tassa upamaṃ katheti, tadattham ohāreti, evaṃ idam gahetvā ettha khipanto² ekapasseneva pariharanto kālam ñatvā vuṭṭhahati. Nikkhittasuttam pana nikkhattamattameva hoti, tassa kathā aparimaṇḍalā nāma hoti. Yo pana suttam vā jātakam vā nikkhipitvā bahi ekapadampi agantvā Pāliya anusandhiñca pubbāparañca amakkhento ācariyehi dinnanaye ṭhatvā tulikāya paricchindanto viya, gambhīramātikāya udakam pesento viya, padam koṭṭento sindhavājāniyo viya gacchati, tassa kathā parimaṇḍalā nāma hoti. Evarūpim³ katham sandhāya “parimaṇḍalehi padabyañjanehī”ti vuttam.

Anuppabandhehī⁴ ettha yo bhikkhu dhammaṃ kathento suttam vā jātakam vā ārabhitvā āradhakālato paṭṭhāya turitaturito araṇim manthento viya, uṇhakhādaniyam khādanto viya, Pāliya anusandhipubbāparesu gahitam gahitameva aggahitam aggahitameva ca katvā purāṇapaṇṇantaresu caramānam godham uṭṭhapento viya tattha tattha paharanto osāpento⁵ ohāya gacchati. Yopi dhammaṃ kathento kālena sīgham kālena dandham⁶ kālena mahāsaddam kālena khuddakasaddam karoti. Yathā petaggi kālena jalati, kālena nibbāyati, evameva idha **petaggidhammakathiko**⁷ nāma hoti, parisāya uṭṭhātukāmāya punappunam ārabhati. Yopi kathento tattha tattha vitthāyati, nitthunanto kandanto viya katheti, imesam sabbesampi kathā appabandhā⁸ nāma hoti. Yo pana suttam ārabhitvā ācariyehi dinnanaye ṭhito acchinnadhāram katvā nadīsotam⁹ viya pavatteti, ākāsagaṅgato bhassamānam udakam viya nirantaram katham pavatteti, tassa kathā anuppabandhā¹⁰ hoti. Tam sandhāya

-
- | | | |
|---------------------------|--------------------------|-----------------------|
| 1. Parisatim (Sī) | 2. Nikkhipento (Syā, Ka) | 3. Evarūpam (Syā, Ka) |
| 4. Appabaddhehīti (Sī) | 5. Osāpetvā (Sī) | 6. Mandam (Sī) |
| 7. Petadhammakathiko (Sī) | 8. Pabaddhā (Sī) | 9. Nadīsoto (Syā, Ka) |
| 10. Appabaddhā (Sī) | | |

vuttaṃ “anuppabandhehī”ti. **Anusayasamugghātāyāti** sattannaṃ anusayānaṃ samugghātattāya. **Evarūpenāti** evarūpena bahussutena bhikkhunā tathārūpeneva bhikkhusatena bhikkhusahassena vā saṃghāṭikaṇṇena vā saṃghāṭikaṇṇaṃ, pallaṅkena vā pallaṅkaṃ āhacca nisinnena Gosīṅgasālavanaṃ sobheyya. Iminā nayena sabbavāresu attho veditabbo.

334. Paṭisallānaṃ assa ārāmoti **paṭisallānārāmo**. Paṭisallāne ratoti **paṭisallānarato**.

335. **Sahassaṃ lokānanti** sahassaṃ lokadhātūnaṃ. Ettakaṃ hi therassa dhuvasevanaṃ¹ āvajjanapaṭibaddhaṃ, ākaṅkhamāno pana thero anekānipi cakkavālasahassāni voloketiyeva. **Uparipāsādavaragatoti** sattabhūmakassa vā navabhūmakassa vā pāsādavarassa upari gato. **Sahassaṃ nemimaṇḍalānaṃ volokeyyāti** pāsādapariveṇe nābhiyā paṭiṭṭhitānaṃ nemivaṭṭiyā nemivaṭṭim āhacca ṭhitānaṃ nemimaṇḍalānaṃ sahassaṃ vātapānaṃ vivarivā olokeyya, tassa nābhiyopi pākaṭā honti, arāpi arantarānipi nemiyo. **Evameva kho āvusoti** āvuso evaṃ ayampi dibbacakkhuko bhikkhu dibbena cakkhunā atikkantamānusakena sahassaṃ lokānaṃ voloketi. Tassa pāsāde ṭhitapurisassa cakkanābhiyo viya cakkavālasahassee Sinerusahassaṃ pākaṭaṃ hoti. Arā viya dīpā pākaṭā honti. Arantarāni viya dīpaṭṭhitamanussā pākaṭā honti. Nemiyo viya cakkavālapabbatā pākaṭā honti.

336. **Āraññīkoti** samādiṇṇa-araññadhutaṅgo. Sesapadesupi eseva nayo.

337. **No ca saṃsādentīti** na osādentī². Sahetukañhi sakāraṇaṃ katvā pañhaṃ pucchitum vissajjitumpi asakkonto saṃsādeti³ nāma, evaṃ na karontīti attho. **Pavattinī hotīti** nadīsotodakaṃ viya pavattati.

1. Dhuvāsevanaṃ (Sī), dhurasevanaṃ (Syā)

2. No ca saṃsārentīti na osārenti (Ka)

3. Samsāreti (Ka)

338. **Yāya vihārasamāpattiyāti** yāya lokiyāya vihārasamāpattiyā, yāya lokuttarāya vihārasamāpattiyā.

339. **Sādhu sādhu Sāriputtāti** ayaṃ sādhu kārō Ānandattherassa dinno. Sāriputtattherena pana saddhim Bhagavā ālapati. Esa nayo sabbattha. **Yathā taṃ Ānandovāti** yathā Ānandova sammā byākaraṇamāno byākareyya, evaṃ byākataṃ Ānandena attano anucchavikameva ajjhāsayanurūpameva byākatanti attho. Ānandatthero hi attanāpi bahussuto, ajjhāsayopissa evaṃ hoti “aho vata sāsane sabrahmacārī bahussutā bhaveyyun”ti. Kasmā? Bahussutassa hi kappiyākappiyaṃ sāvajjānavajjaṃ garukalahukaṃ satekicchātekkicchaṃ pākaṭaṃ hoti. Bahussuto uggahitabuddhavacanaṃ āvajjitvā imasmim ṭhāne sīlaṃ kathitaṃ, imasmim samādhi, imasmim vipassanā, imasmim maggaphalanibbānānīti sīlassa āgataṭṭhāne sīlaṃ pūretvā samādhissa āgataṭṭhāne samādhim pūretvā vipassanāya āgataṭṭhāne vipassanāgabbhaṃ gaṇhāpetvā maggaṃ bhāvetvā phalaṃ sacchikaroti. Tasmā therassa evaṃ ajjhāsayo hoti “aho vata sabrahmacārī ekaṃ vā dve vā tayo vā cattāro vā pañca vā nikāye uggahetvā āvajjantā sīlādīnaṃ āgataṭṭhānesu sīlādīni paripūretvā anukkamena maggaphalanibbānāni sacchikareyyun”ti. Sesavāresupi eseva nayo.

340. Āyasmā hi Revato jhānajjhāsayo jhānābhirato, tasmāssa¹ evaṃ hoti “aho vata sabrahmacārī ekikā nisīditvā kaṣiṇaparikkammaṃ katvā aṭṭha samāpattiyō nibbattetvā jhānapadaṭṭhānaṃ vipassanaṃ vaḍḍhetvā lokuttaradhammaṃ sacchikareyyun”ti. Tasmā evaṃ byākāsi.

341. Āyasmā Anuruddho dibbacakkhuko, tassa² evaṃ hoti “aho vata sabrahmacārī ālokaṃ vaḍḍhetvā dibbena cakkhunā anekesu cakkavālasahassesu cavamāne ca upapajjamāne ca satte disvā vaṭṭabhayena cittaṃ samvejetvā vipassanaṃ vaḍḍhetvā lokuttaradhammaṃ sacchikareyyun”ti. Tasmā evaṃ byākāsi.

1. Tassa (Sī), tasmā tassa (Syā), tasmā sā (Ka)

2. Tasmāssa (?)

342. Āyasmā Mahākassapo dhutavādo, tassa evaṃ hoti “aho vata sabrahmacārī dhutavādā hutvā dhutaṅgānubhāvena paccayataṇhaṃ¹ milāpetvā aparepi nānappakāre kilese dhunitvā vipassanaṃ vaḍḍhetvā lokuttaradhammaṃ sacchikareyyun”ti. Tasmā evaṃ byākāsi.

343. Āyasmā Mahāmoggallāno samādhipāramiyā matthakaṃ patto, sukhumaṃ pana cittantaraṃ khandhntaraṃ dhātvantaraṃ āyatanantaraṃ jhānokkantaṃ ārammaṇokkantaṃ aṅgavavatthānaṃ ārammaṇavavatthānaṃ aṅgasaṅkanti āramaṇasaṅkanti² ekatovaḍḍhanaṃ ubhatovaḍḍhananti ābhidhammikadhammakathikasessa pākāṭaṃ. Anābhidhammiko hi dhammaṃ kathento “ayaṃ sakavādo ayaṃ paravādo”ti na jānāti. Sakavādaṃ dīpessāmīti paravādaṃ dīpeti paravādaṃ dīpessāmīti sakavādaṃ dīpeti, dhammantaraṃ visaṃvādeti. Ābhidhammiko sakavādaṃ sakavādaniyāmeneva paravādaṃ paravādaniyāmeneva dīpeti, dhammantaraṃ na visaṃvādeti, tasmā therassa evaṃ hoti “aho vata sabrahmacārī ābhidhammikā hutvā sukhumesu ṭhānesu ñāṇaṃ otāretvā vipassanaṃ vaḍḍhetvā lokuttaradhammaṃ sacchikareyyun”ti. Tasmā evaṃ byākāsi.

344. Āyasmā Sāriputto paññāpāramiyā matthakaṃ patto, paññāvāyeva ca cittaṃ attano vasse vattetuṃ sakkoti, na duppañño. Duppañño hi uppannassa cittassa vasse vattetvā ito cito ca vipphanditvāpi katipāheneva gihibhāvaṃ patvā anayabyasanaṃ pāpuṇāti, tasmā therassa evaṃ hoti “aho vata sabrahmacārī acittavasikā hutvā cittaṃ attano vasse vattetvā³ sabbānassa visevitavipphanditāni bhañjitvā īsakampi bahi nikkhamituṃ adentā vipassanaṃ vaḍḍhetvā lokuttaradhammaṃ sacchikareyyun”ti. Tasmā evaṃ byākāsi.

345. **Sabbesaṃ vo Sāriputta subhāsitaṃ pariyāyenāti** Sāriputta yasmā Saṃghārāmassa nāma bahussutabhikkhūhipi sobhanakāraṇaṃ atthi, jhānābhiratehipi, dibbacakkhukehipi, dhutavādehipi, ābhidhammikehipi, acittavasikehipi sobhanakāraṇaṃ atthi. Tasmā

1. Sappaccayataṇhaṃ (Syā, Ka)

2. Aṅgasaṅkantaṃ ārammaṇasaṅkantaṃ (Sī, Syā)

3. Ṭhapetvā (Ka)

sabbesaṃ vo subhāsitaṃ pariyāyena, tena tena kāraṇena subhāsītaṃ eva, no dubbhāsitaṃ. **Apica mamapi suṇāthā**ti apica mamapi vacanaṃ suṇātha. **Na tāvāhaṃ imaṃ pallaṅkaṃ bhindissāmi**ti na tāva ahaṃ imaṃ caturaṅgavīriyaṃ adhiṭṭhāya ābhujitaṃ pallaṅkaṃ bhindissāmi, na mocessāmi ti attho. Idam kira Bhagavā paripākagate ñāṇe¹ rajjasirīṃ pahāya katābhinikkhamano anupubbena Bodhimaṇḍaṃ āruya caturaṅgavīriyaṃ adhiṭṭhāya Aparājitapallaṅkaṃ ābhujitvā daḷhasamādāno hutvā nisīno tiṇṇaṃ mārānaṃ matthakaṃ bhinditvā paccūsasamaye dasasahassilokadhātum unnādentō sabbaññutaññāṇaṃ paṭivijjhi, taṃ attano Mahābodhipallaṅkaṃ sandhāya evamāha. Apica pacchimaṃ janataṃ anukampamānōpi paṭipattisāraṃ puthujjanakalyāṇakaṃ dassento evamāha. Passati hi Bhagavā “anāgate evaṃ ajjhāsaya kulaputtā iti paṭisañcikkhissanti ‘Bhagavā Mahāgosiṅgasuttaṃ kathento idha Sāriputta bhikkhu pacchābhataṃ -pa- evarūpena kho Sāriputta bhikkhunā Gosīṅgasālavanaṃ sobheyyāti āha, mayaṃ Bhagavato ajjhāsayaṃ gaṇhissāma’ ti pacchābhataṃ piṇḍapātaṭṭhikāntā caturaṅgavīriyaṃ adhiṭṭhāya daḷhasamādānā hutvā ‘arahattaṃ appatvā imaṃ pallaṅkaṃ na bhindissāma’ ti samaṇadhammaṃ kātabbaṃ maññissanti, te evaṃ paṭipannā katipāheneva jātijarāmarāṇassa antaṃ karissanti”ti, imaṃ pacchimaṃ janataṃ anukampamānō paṭipattisāraṃ puthujjanakalyāṇakaṃ dassento evamāha. **Evarūpena kho Sāriputta bhikkhunā Gosīṅgasālavanaṃ sobheyyāti** Sāriputta evarūpena bhikkhunā nipariyāyeneva Gosīṅgasālavanaṃ sobheyyāti yathānusandhināva desanaṃ niṭṭhapesīti.

Papañcasūdaniyā Majjhimanikāyaṭṭhakathāya

Mahāgosiṅgasuttavaṇṇanā niṭṭhitā.

3. Mahāgopālakasuttavaṇṇanā

346. **Evaṃ me sutanti** Mahāgopālakasuttaṃ. Tattha tisso kathā ekanālikā, caturassā, nisinnavattikāti. Tattha Pāḷiṃ vatvā ekekapadassa atthakathanā **ekanaḷikā** nāma. Apaṇḍitaṃ gopālakaṃ dassetvā,

1. Paripākakathena ñāṇena (Syā, Ka)

apaṇḍitaṃ bhikkhuṃ dassetvā, paṇḍitaṃ gopālakaṃ dassetvā, paṇḍitaṃ bhikkhuṃ dassetvāti catukkaṃ bandhitvā kathanāṃ **caturassā** nāma. Apaṇḍitaṃ gopālakaṃ dassetvā pariyoṣānagamaṇaṃ, apaṇḍitaṃ bhikkhuṃ dassetvā pariyoṣānagamaṇaṃ, paṇḍitaṃ gopālakaṃ dassetvā pariyoṣānagamaṇaṃ, paṇḍitaṃ bhikkhuṃ dassetvā pariyoṣānagamaṇanti ayaṃ **nisinnavattikā** nāma. Ayaṃ idha sabbācariyaṇaṃ āciṇṇā.

Ekādasahi bhikkhave aṅgehīti ekādasahi aguṇakoṭṭhāsehi. **Gogaṇanti** gomaṇḍalam. **Pariharitunti** pariggahetvā vicarituṃ. **Phātiraṃ kātunti** vaḍḍhiṃ āpādetuṃ. **Idhāti** imasmiṃ loke. **Na rūpaññū hotīti** gaṇanato vā vaṇṇato vā rūpaṃ na jānāti. **Gaṇanato** na jānāti nāma attano gunnaṃ satam vā sahaṣsaṃ vāti saṅkhyāṃ na jānāti. So gāvīsu haṭṭāsu vā palātāsu vā gogaṇaṃ gaṇetvā ajja ettikā na dissantīti dve tīṇi gāmantarāni vā aṭṭavim vā vicaranto na pariyesati, aññesaṃ gāvīsu attano gogaṇaṃ paviṭṭhāsopi gogaṇaṃ gaṇetvā “imā ettikā gāvo na amhākaṃ”ti yaṭṭhiyā pothetvā na nīharati, tassa naṭṭhā gāvīyo naṭṭhāva honti, paraḡāvīyo gaṇetvā vicarantaṃ¹ gosāmikā disvā “ayaṃ ettakaṃ kālaṃ amhākaṃ dhenuṃ gaṇhāti”ti² tajjetvā attano gāvīyo gaṇetvā gacchanti. Tassa gogaṇopi parihāyati, pañcagorasaparibhogatopi paribāhiro hoti. **Vaṇṇato** na jānāti nāma “ettikā gāvo setā, ettikā rattā, ettikā kāḷā, ettikā kabarā, ettikā nīlā”ti³ na jānāti, so gāvīsu haṭṭāsu vā -pa- pañcagorasaparibhogatopi paribāhiro hoti.

Na lakkhaṇakusalo hotīti gāvīnaṃ sarīre kataṃ dhanusattisūlādibhedam lakkhaṇaṃ na jānāti, so gāvīsu haṭṭāsu vā palātāsu vā ajja asukalakkhaṇā ca asukalakkhaṇā ca gāvo na dissanti -pa- pañcagorasaparibhogatopi paribāhiro hoti.

Na āsāṭikam hāretāti gunnaṃ khāṇukaṇṭakādīhi pahaṭṭaṭṭhānesu vaṇo hoti. Tattha nīlamakkhikā aṇḍakāni pāṭenti, tesam āsāṭikāti nāma. Tāni daṇḍena apanetvā bhesajjam dātabbam hoti.

1. Carati (Sī, Syā)

2. Duhīti (Sī), duhatīti (Syā)

3. Kāḷā ettikā pāḷāṭi (Sī)

Bālo gopālako tathā na karoti, tena vuttaṃ “na āsāṭikam hāretā hoti”ti. Tassa gunnaṃ vaṇā vaḍḍhanti, gambhīrā honti, pāṇakā kucchim pavisanti, gāvo gelaññābhibhūtā neva yāvadattham tiṇāni khāditum, na pāṇiyam pātum sakkonti. Tattha gunnaṃ khīram chijjati, goṇānam javo hāyati, ubhayesaṃ jīvitantarāyo hoti. Evamassa gogaṇopi parihāyati, pañcagorasatopi paribāhiro hoti.

Na vaṇam paṭicchādetā hotīti gunnaṃ vuttanayeneva sañjāto vaṇo bhesajjam datvā vākena vā cīrakena vā bandhitvā paṭicchādetabbo hoti. Bālo gopālako tathā na karoti, athassa¹ gunnaṃ vaṇehi yūsā paggharanti, tā aññamaññam nighamsenti, tena aññesampi vaṇā jāyanti. Evaṃ gāvo gelaññābhibhūtā neva yāvadattham tiṇāni khāditum -pa- paribāhiro hoti.

Na dhūmam kattā hotīti antovasse ḍamsamakasādīnam ussannakāle gogaṇe vajaṃ pavitṭhe tattha tattha dhūmo kātabbo hoti, apaṇḍito gopālako taṃ na karoti. Gogaṇo sabbarattim ḍamsādīhi upadduto niddam alabhitvā punadivase araññe tattha tattha rukkhāmūlādīsu nipajjitvā niddāyati, neva yāvadattham tiṇāni khāditum -pa- pañcagorasaparibhogatopi paribāhiro hoti.

Na tittham jānātīti tittham samanti vā visamanti vā sagāhanti vā niggāhanti vā na jānāti, so atitthena gāviyo otāreti, tāsam visamatitthe pāsāṇādīni akkamantīnam pādā bhijjanti, sagāham gambhīram tittham otiṇṇā kumbhīlādayo gāhā gaṇhanti, ajja ettikā gāvo naṭṭhā ajja ettikāti vattabbatam āpajjati, evamassa gogaṇopi parihāyati, pañcagorasatopi paribāhiro hoti.

Na pītam jānātīti pītampi apītampi na jānāti. Gopālakena hi “imāya gāviyā pītam, imāya na pītam, imāya pāṇiyatitthe okāso laddho, imāya na laddho”ti evaṃ pītāpītam jānitabbaṃ hoti. Ayaṃ pana divasabhāgam araññe gogaṇam rakkhitvā pāṇiyam pāyessāmīti nadim

1. Avassam (Sī)

vā taḷākam̐ vā gahetvā gacchati. Tattha mahā-usabhā ca anu-usabhā ca balavagāviyo¹ ca dubbalāni ceva mahallakāni ca gorūpāni siṅgehi vā phāsukāhi vā paharivā attano okāsam̐ katvā ūruppamāṇam̐ udakam̐ pavisitvā yathākāmam̐ pivanti, avasesā okāsam̐ alabhamānā tīre ṭhatvā kalalamissakam̐ udakam̐ pivanti, apītā eva vā honti. Atha ne² gopālako piṭṭhiyam̐ paharivā puna araṇṇam̐ paveseti, tattha apītagāviyo pipāsāya sukkhamānā yāvadattham̐ tiṇāni khādītum̐ na sakkonti, tattha gunnam̐ khīram̐ chijjati, goṇānam̐ javo hāyati -pa- paribāhiro hoti.

Na vīthim̐ jānātīti “ayam̐ maggo samo khemo, ayam̐ visamo sāsaṅko sappaṭibhayo”ti na jānāti. So samam̐ khemam̐ maggam̐ vajjetvā gogaṇam̐ itaram̐ maggam̐ paṭipādeti, tattha gāvo sīhabyagghādīnam̐ gandhena coraparissayena vā abhibhūtā bhantamigasappaṭibhāgā gīvam̐ ukkhipitvā tiṭṭhanti, neva yāvadattham̐ tiṇāni khādanti, na pānīyam̐ pivanti, tattha gunnam̐ khīram̐ chijjati -pa- paribāhiro hoti.

Na gocarakusalo hotīti gopālakena hi gocarakusalena bhavitabbam̐, pañcāhikavāro vā sattāhikavāro vā jānitabbo, ekadisāya gogaṇam̐ cāretvā punadivase tattha na cāretabbo. Mahatā hi gogaṇena ciṇṇaṭṭhānam̐ bheritalam̐ viya suddham̐ hoti nittiṇam̐, udakampi āluḷiyati. Tasmā pañcame vā sattame vā divase puna tattha cāretum̐ vaṭṭati, ettakena hi tiṇampi paṭiviruhati, udakampi pasīdati. Ayam̐ pana imam̐ pañcāhikavāram̐ vā sattāhikavāram̐ vā na jānāti, divase divase rakkhitaṭṭhāneyeva rakkhati, athassa gogaṇo haritatiṇam̐ na labhati, sukkhatiṇam̐ khādanto kalalamissakam̐ udakam̐ pivati, tattha gunnam̐ khīram̐ chijjati -pa- paribāhiro hoti.

Anavasesadohī ca hotīti paṇḍitagopālakena yāva vacchakassa maṃsalohitam̐ saṅṭhāti, tāva ekam̐ dve thane ṭhapetvā sāvasesadohinā bhavitabbam̐. Ayam̐ vacchakassa kiñci anavasesetvā duhati, khīrapako³ vaccho khīrapipāsāya sukkhati, saṅṭhātum̐ asakkonto

1. Mahā-usabhā ca balavagāviyo (Sī)

2. So (Sī)

3. Khīrūpago (Ka)

kampamāno mātu purato pativā kālaṅkaroti. Mātā puttakaṃ disvā “mayhaṃ puttako attano mātukhīraṃ pātumpi na labhatī”ti puttasokena na yāvadatthaṃ tiṇāni khādītum, na pāṇiyam pātum sakkoti, thanesu khīraṃ chijjati, evamassa gogaṇopi parihāyati, pañcagorasatopi paribāhiro hoti.

Gunnaṃ pituṭṭhānaṃ karontīti **gopitaro**. Gāvo pariṇayanti yathārucim gahetvā gacchantīti **gopariṇāyakā**. Na atirekapūjāyāti paṇḍito hi gopālako evarūpe usabhe atirekapūjāya pūjeti, paṇītaṃ gobhattaṃ deti, gandhapañcaṅgulikehi maṇḍeti, mālāṃ pilandheti, siṅge suvaṇṇarajatakosake ca dhāreti, rattim dīpaṃ jāletvā celavitānassa heṭṭhā sayāpeti. Ayaṃ pana tato ekasakkārampi na karoti, usabhā atirekapūjaṃ alabhamānā gogaṇaṃ na rakkhanti, parissayaṃ na vārenti, evamassa gogaṇo parihāyati, pañcagorasato paribāhiro hoti.

347. **Idhāti** imasmim sāsane. Na rūpaññū hotīti “cattāri mahābhūtāni catunnaṅca mahābhūtānaṃ upādāyarūpan”ti evaṃ vuttarūpaṃ dvīhākārehi na jānāti gaṇanato vā samuṭṭhānato vā. **Gaṇanato** na jānāti nāma “cakkhāyatanam sota, ghāna, jivhā, kāyāyatanam, rūpa, sadda, gandha, rasa, phoṭṭhabbāyatanam, itthindriyam, purisindriyam, jīvitindriyam, kāyaviññatti, vacīviññatti, ākāśadhātu, āpodhātu, rūpassa lahutā, mudutā, kammaññatā, upacayo, santati, jaratā, rūpassa lahutā, mudutā, kammaññatā, upacayo, santati, jaratā, rūpassa aniccatā, kabalīkāro āhāro”ti evaṃ Pāḷiyam āgatā pañcavīsati rūpakoṭṭhāsāti na jānāti. Seyyathāpi so gopālako gaṇanato gunnaṃ rūpaṃ na jānāti, tathūpamo ayaṃ bhikkhu. So gaṇanato rūpaṃ ajānanto rūpaṃ pariggahetvā arūpaṃ vavatthapetvā rūpārūpaṃ pariggahetvā paccayaṃ sallakkhetvā lakkhaṇaṃ āropetvā kammaṭṭhānaṃ matthakaṃ pāpetum na sakkoti. So yathā tassa gopālakassa gogaṇo na vaḍḍhati, evaṃ imasmim sāsane sīlasamādhivipassanāmaggaḥalanibbānehi na vaḍḍhati, yathā ca so gopālako pañcahi gorasehi paribāhiro hoti, evaṃ asekkhena sīlakkhandhena, asekkhena samādhī, paññā, vimutti, vimuttiñāṇadassanakkhandhenāti pañcahi dhammakkhandhehi paribāhiro hoti.

Samuṭṭhānato na jānāti nāma “ettakaṃ rūpaṃ ekasamuṭṭhānaṃ, ettakaṃ dvisamuṭṭhānaṃ, ettakaṃ tisamuṭṭhānaṃ, ettakaṃ catusamuṭṭhānaṃ, ettakaṃ na kutocisamuṭṭhāti”ti na jānāti. Seyyathāpi so gopālako vaṇṇato gunnaṃ rūpaṃ na jānāti, tathūpamo ayaṃ bhikkhu. So samuṭṭhānato rūpaṃ ajānanto rūpaṃ pariggahetvā arūpaṃ vavatthapetvā -pa- paribāhiro hoti.

Na lakkhaṇakusalo hotīti kammalakkhaṇo bālo, kammalakkhaṇo paṇḍitoti evaṃ vuttam kusalākusalaṃ kammaṃ paṇḍitabālalakkhaṇanti na jānāti. So evaṃ ajānanto bāle vajjetvā paṇḍite na sevati, bāle vajjetvā paṇḍite asevanto kappiyākappiyaṃ kusalākusalaṃ sāvajjānavajjam garukalahukaṃ satekiccha-atekicchaṃ kāraṇākāraṇaṃ na jānāti, taṃ ajānanto kammaṭṭhānaṃ gahetvā vaḍḍhetuṃ na sakkoti. So yathā tassa gopālakassa gogaṇo na vaḍḍhati, evaṃ imasmiṃ sāsane yathāvutthehi sīlādīhi na vaḍḍhati, gopālako viya ca pañcahi gorasehi pañcahi dhammakhandhehi paribāhiro hoti.

Na āsātikaṃ hāretā hotīti uppannaṃ kāmavitakkanti evaṃ vutte kāmavitakkādike na vinodeti, so imaṃ akusalavitakkaṃ āsātikaṃ ahāretvā¹ vitakkavasiko hutvā vicaranto kammaṭṭhānaṃ gahetvā vaḍḍhetuṃ na sakkoti, so yathā tassa gopālakassa -pa- paribāhiro hoti.

Na vaṇaṃ paṭicchādetā hotīti cakkhunā rūpaṃ disvā nimittaggāhī hotīti-ādinā nayena sabbārammaṇesu nimittaṃ gaṇhanto yathā so gopālako vaṇaṃ na paṭicchādeti, evaṃ saṃvaram na sampādeti, so vivaṭadvāro vicaranto kammaṭṭhānaṃ gahetvā vaḍḍhetuṃ na sakkoti -pa- paribāhiro hoti.

Na dhūmaṃ kattā hotīti so gopālako dhūmaṃ viya dhammadesanādhūmaṃ na karoti, dhammakathaṃ vā sarabhaññaṃ vā upanisinnakathaṃ vā anumodanaṃ vā na karoti, tato naṃ manussā bahussuto guṇavāti na jānanti, te guṇāguṇaṃ ajānantā catūhi paccayehi saṅgahaṃ na karonti, so

1. Asāṭetvā (Sī), asāretvā (Syā, Ka)

paccayehi kilamamāno Buddhavacanaṃ sajjhāyaṃ kātuṃ vattapaṭipattim pūretuṃ kammaṭṭhānaṃ gahetvā vaḍḍhetuṃ na sakkoti -pa- paribāhiro hoti.

Na titthaṃ jānāti titthabhūte bahussutabhikkhū na upasaṅkamati, upasaṅkamanto “idaṃ bhante byañjanaṃ kathaṃ ropetabbaṃ, imassa bhāsitaṃ ko attho, imasmim ṭhāne Pāḷi kiṃ vadeti, imasmim ṭhāne attho kiṃ dīpeti”ti evaṃ na paripucchati na paripaṇhāti, na jānāpetīti attho. Tassa te evaṃ aparipucchato¹ avivaṭaṅgeva na vivaranti, bhājetvā na dassenti, anuttānikataṅge na uttānikaronti, apākaṭaṃ na pākaṭaṃ karonti.

Anekavihitesu ca kaṅkhāṭṭhāniyesu dhammesūti anekavidhāsu kaṅkhāsu ekaṃ kaṅkhampi na paṭivinodenti. Kaṅkhā eva hi kaṅkhāṭṭhāniyā dhammā nāma. Tattha ekaṃ kaṅkhampi na nīharantīti attho. So evaṃ bahussutatitthaṃ anupasaṅkamitvā sakaṅkho kammaṭṭhānaṃ gahetvā vaḍḍhetuṃ na sakkoti. Yathā ca so gopālako titthaṃ na jānāti, evaṃ ayampi bhikkhu dhammatitthaṃ na jānāti, ajānanto avisaye paṇhaṃ pucchati, ābhiddhammikaṃ upasaṅkamitvā kappiyākappiyaṃ pucchati, vinayadharaṃ upasaṅkamitvā rūpārūpaparicchedaṃ pucchati, te avisaye puṭṭhā kathetuṃ na sakkonti, so attanā sakaṅkho kammaṭṭhānaṃ gahetvā vaḍḍhetuṃ na sakkoti -pa- paribāhiro hoti.

Na pītaṃ jānātiti yathā so gopālako pītāpītaṃ na jānāti, evaṃ dhammūpasaṅghitaṃ pāmojjaṃ na jānāti na labhati, savanamayaṃ puñṇakiriyavatthuṃ nissāya ānisaṃsaṃ na vindati, dhammassavanaggaṃ gantvā sakkaccaṃ na suṇāti, nisinno niddāyati, kathaṃ katheti, aññavihitako hoti, so sakkaccaṃ dhammaṃ asuṇanto kammaṭṭhānaṃ gahetvā vaḍḍhetuṃ na sakkoti -pa- paribāhiro hoti.

Na vīthim jānātiti so gopālako maggāmaggaṃ viya “ayaṃ lokiyo ayaṃ lokuttaro”ti ariyaṃ aṭṭhaṅgikaṃ maggaṃ yathābhūtaṃ na pajānāti, ajānanto lokiyamagge abhinivisitvā lokuttaraṃ nibbattetuṃ na sakkoti -pa- paribāhiro hoti.

Na gocarakusalo hotīti so gopālako pañcāhikavāre sattāhikavāre viya cattāro satipaṭṭhāne “ime lokiyā ime lokuttarā”ti yathābhūtaṃ na pajānāti, ajānanto sukhumaṭṭhānesu

1. Aparipucchitā (Syā, Ka)

attano ñāṇaṃ carāpetvā lokiyasatipaṭṭhāne abhinivisitvā lokuttaraṃ nibbattetuṃ na sakkoti -pa- paribāhiro hoti.

Anavasesadohī ca hotīti paṭiggahaṇe mattaṃ ajānanto anavasesaṃ duhati. Niddesavāre panassa **abhihaṭṭhuṃ pavārentīti** abhiharitvā pavārenti. Ettha dve abhihārā vācābhihāro ca paccayābhihāro ca. **Vācābhihāro** nāma manussā bhikkhussa santikaṃ gantvā “vadeyyātha bhante yenattho”ti pavārenti. **Paccayābhihāro** nāma vatthādīni vā¹ telaphāṇitādīni vā gahetvā bhikkhussa santikaṃ gantvā “gaṇhatha bhante yāvatakena attho”ti vadanti. **Tatra bhikkhu mattaṃ na jānātīti** bhikkhu tesu paccayesu pamāṇaṃ na jānāti, “dāyakassa vaso veditabbo, deyyadhammassa vaso veditabbo, attano thāmo veditabbo”ti rathavinīte vuttanayena pamāṇayuttaṃ aggahetvā yaṃ āharanti, taṃ sabbaṃ gaṇhātīti attho. Manussā vippaṭṭisārino na puna abhiharitvā pavārenti, so paccayehi kilamanto kammaṭṭhānaṃ gahetvā vaḍḍhetuṃ na sakkoti -pa- paribāhiro hoti.

Te na atirekapūjāya pūjetā hotīti so gopālako mahā-usabhe viya te there bhikkhū imāya āvi ceva raho ca mettāya kāyakammādikāya atirekapūjāya na pūjeti. Tato therā “ime amhesu garucittikāraṃ na karontī”ti navake bhikkhū dvīhi saṅgahēhi na saṅgaṇhanti, na āmisasaṅgahena cīvarena vā pattena vā pattapariyāpannena vā vasanaṭṭhānena vā. Kilamante milāyantepi nappaṭijagganti. Pāḷim vā Aṭṭhakathaṃ vā dhammakathābandhaṃ vā gūyaganthaṃ vā na sikkhāpentī. Navakā therānaṃ santikā sabbaso ime dve saṅgahē alabhamānā imasmim sāsane paṭiṭṭhātuṃ na sakkonti. Yathā tassa gopālakassa gogaṇo na vaḍḍhati, evaṃ sīlādīni na vaḍḍhanti. Yathā ca so gopālako pañcahi gorasehi paribāhiro hoti, evaṃ pañcahi dhammakhandhehi paribāhirā honti. Sukkapakkho kaṇhapakkhe vuttavipallāsavasena yojetvā veditabboti.

Papañcasūdaniyā Majjhimanikāyaṭṭhakathāya

Mahāgopālakasuttavaṇṇanā niṭṭhitā.

1. Vatthāni vā (Syā, Ka)

4. Cūlagopālakasuttavaṇṇanā

350. **Evam me sutanti** Cūlagopālakasuttaṃ. Tattha **Ukkacelāyanti** evamṇāmake nagare. Tasmim kira māpiyamāne rattim Gaṅgāsotato maccho thalam patto, manussā celāni telapātiyam¹ temetvā ukkā katvā maccham gaṇhimṣu, nagare niṭṭhite tassa nāmaṃ karonte amhehi nagaraṭṭhānassa² gahitadivase celukkāhi maccho gahitoti **Ukkacelā**tevassa nāmaṃ akaṃsu. **Bhikkhū āmantesi**ti yasmim ṭhāne nisinnassa sabbā Gaṅgā pākāṭa hutvā paññāyati, tādise vālikussade Gaṅgātithe sāyanhasamaye mahābhikkhusaṅghaparivuto nisīditvā Mahāgaṅgam paripuṇṇam sandamānaṃ olovento “atthi nu kho imaṃ Gaṅgam nissāya koci pubbe vaḍḍhiparihāniṃ patto”ti āvajjivā pubbe ekaṃ bālagopālakaṃ nissāya anekasatasahassā gogaṇā imissā Gaṅgāya āvaṭṭe patitvā samuddameva pavitṭhā, aparaṃ pana paṇḍitagopālakaṃ nissāya anekasatasahassagogaṇassa sotthi jātā vaḍḍhi jātā ārogyaṃ jātanti addasa, disvā imaṃ kāraṇaṃ nissāya bhikkhūnaṃ dhammaṃ desessāmīti cintetvā bhikkhū āmantesi.

Māgadhakoti Magadharatṭhavāsī. **Duppaññajātikoti** nippaññasabhāvo dandho mahājaḷo³. **Asamavekkhitvāti**⁴ asallakkhetvā anupadhāretvā. **Patāresi**ti tāretum ārabhi. **Uttaraṃ tīraṃ suvidehānanti** Gaṅgāya orime tīre Magadharatṭham, pārime tīre Videharatṭham, gāvo Magadharatṭhato Videharatṭham netvā rakkhissāmīti uttaraṃ tīraṃ patāresi. Tam sandhāya vuttam “uttaraṃ tīraṃ suvidehānaṃ”ti. **Āmaṇḍalikaṃ karitvāti** maṇḍalikaṃ katvā. **Anayabyasanaṃ āpajjimsūti** avaḍḍhim vināsaṃ pāpuṇṇimṣu, mahāsamuddameva pavisiṃsu. Tena hi gopālakena gāvo otārentena Gaṅgāya orimatīre samatitthaṅca visamatitthaṅca oloketabbaṃ assa, majjhe Gaṅgāya gunnaṃ vissamatṭhānatthaṃ dve tīṇi vālikatthalāni sallakkhetabbāni assu. Tathā pārimatīre tīṇi cattāri titthāni, imasmā titthā bhaṭṭhā imaṃ titthaṃ gaṇhissanti, imasmā bhaṭṭhā imanti. Ayaṃ pana bālagopālako orimatīre gunnaṃ otaraṇatitthaṃ samaṃ vā visamaṃ vā anoloketvāva

1. Telacātiyam (Sī)

2. Nagarassa (Syā, Ka)

3. Andho mahājano (Syā, Ka)

4. Asamapekkhitvāti (Sī, Syā)

majjhe Gaṅgāya gunnaṃ vissamaṭṭhānatthaṃ dve tīṇi vālikatthalānīpi asallakkhetvāva paratīre cattāri pañca uttaraṇatitthāni asamavekkhitvāva atittheneva gāvo otāresi. Athassa mahā-usabho javanasampannatāya ceva thāmasampannatāya ca tiriyaṃ Gaṅgāya sotaraṃ chetvā pārimaṃ tīraṃ patvā chinnatatañceva kaṇṭakagumbagahanañca disvā “dubbiniviṭṭhaṃ¹ etan”ti ñatvā dhuraggapatiṭṭhānokāsampi alabhitvā paṭinivatti. Gāvo mahā-usabho nivatto mayampi nivattissāmāti nivattā. Mahato² gogaṇassa nivattaṭṭhāne udakaṃ chijjivā majjhe Gaṅgāya āvaṭṭaṃ uṭṭhapesi. Gogaṇo āvaṭṭaṃ pavisitvā samuddameva patto. Ekopi goṇo arogo nāma³ nāhosi. Tenāha “tattheva anayabyasanaṃ āpajjimsū”ti.

Akusalā imassa lokassāti idha loke khandhadhātāyatanesu akusalā achekā, paralokepi eseva nayo. **Māradheyyaṃ** vuccati tebhūmakadhammā. **Amāradheyyaṃ** nava lokuttaradhammā. **Maccudheyyampi** tebhūmakadhammāva. **Amaccudheyyaṃ** nava lokuttaradhammā. Tattha **akusalā** achekā. Vacanatthato pana mārasa dheyyaṃ **māradheyyaṃ**. **Dheyyanti** ṭhānaṃ vatthu nivāso gocaro. **Maccudheyyapi** eseva nayo. **Tesanti** tesam evarūpānaṃ samaṇabrāhmaṇānaṃ, iminā cha satthāro dassitāti veditabbā.

351. Evaṃ kaṇhapakkhaṃ niṭṭhapetvā sukkapakkhaṃ dassento **bhūtapubbaṃ bhikkhavi**te-ādimāha. Tattha **balavagāvoti** dantagoṇe ceva dhenuyo ca. **Dammagāvoti** dametabbagoṇe ceva avijātagāvo ca. **Vacchatareti** vacchabhāvaṃ taritvā ṭhite balavavacche. **Vacchaketi** dhenupake⁴ taruṇavacchake. **Kisābalaketi**⁵ appamaṃsalohite mandathāme. **Tāvadeva jātakoti** taṃdivase jātako⁶. **Mātugoravakena vuyhamānoti** mātā purato purato huṃhanti goravaṃ katvā saññaṃ dadamānā urena udakaṃ chindamānā gacchati, vacchako tāya goravasaññāya dhenuyā vā urena chinnodakena gacchamāno “mātugoravakena vuyhamāno”ti vuccati.

1. Dubbinivijjhaṃ (Syā, Ka)

2. Tato (Ka)

3. Ekampi golomaṃ arogaṃ nāma (Sī), ekampi goṇaṃ ārogyaṃ (Ka)

4. Dhenupage (Syā, Ka)

5. Kisabalaketi (Sī), kisabaliketi (Syā)

6. Taṃdivasaṃ jātako (Sī), taṃdivasajātako (Syā)

352. **Mārassa sotam chetvā**ti arahattamaggena mārassa taṇhāsotam chetvā. **Pāram gatā**ti mahā-usabhā nadīpāram viya saṃsārapāram nibbānam gatā. **Pāram agamaṃsūti** mahā-usabhānam pāraṅgatakkhaṇe Gaṅgāya sotassa tayo koṭṭhāse atikkamma ṭhitā mahā-usabhe pāram patte disvā tesam gatamaggaṃ paṭipajjitvā pāram agamaṃsu. **Pāram gamissantīti** catumaggaṃvājjhānam kilesānam tayo koṭṭhāse khepetvā ṭhitā idāni arahattamaggena avasesam taṇhāsotam chetvā balavagāvo viya nadīpāram saṃsārapāram nibbānam gamissantīti iminā nayena sabbavāresu attho veditabbo. **Dhammānusārino saddhānusārinoti** ime dve paṭhamamaggasamaṅgino.

Jānatāti sabbadhamme jānantena Buddhena. **Suppakāsītōti** sukathito. **Vivaṭanti** vivaritam. **Amatadvāranti** ariyamaggo. **Nibbānapattiyā**ti tadatthāya vivaṭam¹. **Vinaḷikatanti** vigatamānanaḷam katam. **Khemam patthethā**ti kattukamyatāchandena arahattam patthetha, kattukāmā nibbattetukāmā hothāti attho. “Patta’tthā”tipi pāṭho, evarūpaṃ Satthāram labhitvā tumhe pattāyeva nāmāti attho. Sesam sabbattha uttānameva. Bhagavā pana yathānusandhināva desanam niṭṭhapesīti.

Papañcasūdaniyā Majjhimanikāyaṭṭhakathāya

Cūḷagopālakasuttavaṇṇanā niṭṭhitā.

5. Cūḷasaccakasuttavaṇṇanā

353. **Evaṃ me sutanti** Cūḷasaccakasuttam. Tattha **Mahāvane** **Kūṭāgārasālāyanti** Mahāvanam nāma sayamjātam aropimam saporicchedam mahantam vanam. Kapilavatthusāmantā pana Mahāvanam Himavantena saha ekābaddham aparicchedam hutvā mahāsamuddam āhacca ṭhitam. Idam tādisam na hoti. Saporicchedam mahantam vananti **Mahāvanam**. **Kūṭāgārasālā** pana Mahāvanam nissāya kate ārāme kūṭāgāram antokatvā haṃsavaṭṭakacchannena katā sabbākārasampannā Buddhassa Bhagavato gandhakuṭi veditabbā.

1. Nibbānapatti-atthāya (Sī)

Saccako Nigaṇṭhaputtoti pubbe kira eko Nigaṇṭho ca Nigaṇṭhī ca pañca pañca vādasatāni uggahetvā vādam āropessāmāti Jambudīpe vicarantā Vesāliyam samāgatā, Licchavirājāno disvā “tvaṃ ko, tvaṃ kā”ti pucchimsu. Nigaṇṭho “ahaṃ vādam āropessāmāti Jambudīpe vicarāmī”ti āha. Nigaṇṭhīpi tathā āha. Licchavino “idheva aññamaññaṃ vādam āropethā”ti āhaṃsu. Nigaṇṭhī attanā uggahitāni pañcavādasatāni pucchi, Nigaṇṭho kathesi. Nigaṇṭhena pucchitepi Nigaṇṭhī kathesiyeva. Ekassapi na jayo, na parājayo, ubho samasamāva ahesuṃ. Licchavino “tumhe¹ ubhopi samasamā āhiṇḍitvā kiṃ karissatha, idheva vasathā”ti gehaṃ datvā balim paṭṭhapesuṃ. Tesam samvāsamanvāya catasso dhītarō jātā ekā Saccā nāma, ekā Lolā nāma, ekā Paṭācārā nāma, ekā Ācāravati² nāma, tāpi paṇḍitāva ahesuṃ, mātāpitūhi uggahitāni pañca pañca vādasatāni uggahesuṃ. Tā vayapattā mātāpitāro avocuṃ “amhākaṃ ammā kule dārikā nāma hiraññasuvaṇṇādīni datvā kulagharaṃ pesitapubbā nāma natthi. Yo pana agāriko tāsam vādam maddituṃ sakkoti, tassa pādapariārikā honti. Yo pabbajito tāsam vādam maddituṃ sakkoti, tassa santike pabbajanti, tumhe kiṃ karissathā”ti. Mayampi evameva karissāmāti, catassopi paribbājikavesam gahetvā “ayam Jambudīpo nāma jambuyā paññāyati”ti jambusākhaṃ gahetvā cārikaṃ pakkamiṃsu. Yam gāmaṃ pāpuṇanti, tassa dvāre paṃsupuñje vā vālikapuñje vā jambudhajaṃ³ ṭhapetvā “yo vādam āropetuṃ sakkoti, so imaṃ maddatū”ti vatvā gāmaṃ pavisanti. Evaṃ gāmena gāmaṃ vicarantiyo Sāvattim pāpuṇitvā tatheva gāmadvāre jambudhajaṃ ṭhapetvā sampattamanussānaṃ ārocetvā antonagaraṃ pavitṭhā.

Tenā समयena Bhagavā Sāvattim nissāya Jetavane viharati. Athāyasmā Sāriputto gilāne pucchanto ajaggitaṭṭhānaṃ jagganto attano kiccamahantaṭṭāya aññehi bhikkhūhi divātaraṃ gāmaṃ piṇḍāya pavisanto gāmadvāre jambudhajaṃ disvā “kiṃ idan”ti dārake pucchi. Te tamattham ārocesuṃ. Tena hi maddathāti. Na sakkoma bhante bhāyāmāti.

1. Licchavino āhaṃsu tumhe (Syā, Ka)

2. Sivāvaticā (Sī), silāvatakā (Syā)

3. Jambusākhaṃ (Sī) imasmimyeva ṭhāne, na aññesu.

“Kumārā mā bhāyatha, ‘kena amhākaṃ jambudhajo maddāpito’ti vutte Buddhasāvakena Sāriputtattherena maddāpito, vādaṃ āropetukāmā Jetavane therassa santikaṃ gacchathāti vadeyyāthā”ti āha. Te therassa vacanaṃ sutvā jambudhajaṃ madditvā chaḍḍesuṃ. Thero piṇḍāya caritvā vihāraṃ gato. Paribbājikāpi gāmato nikkhamitvā “amhākaṃ dhajo kena maddāpito”ti pucchiṃsu. Dārakā tamatthaṃ ārocesuṃ. Paribbājikā puna gāmaṃ pavisitvā ekekaṃ vīthiṃ gahetvā “Buddhasāvako kira Sāriputto nāma amhehi saddhiṃ vādaṃ karissati, sotukāmā nikkhamathā”ti ārocesuṃ. Mahājano nikkhami, tena saddhiṃ paribbājikā Jetavanaṃ agamiṃsu.

Thero “amhākaṃ vasanaṭṭhāne mātugāmassa āgamaṇaṃ nāma aphāsukaṃ”ti vihāramajjhe nisīdi. Paribbājikāyo gantvā theram pucchiṃsu “tumhehi amhākaṃ dhajo maddāpito”ti. Āma mayā maddāpitoti. Mayaṃ tumhehi saddhiṃ vādaṃ karissāmāti. Sādhu karotha kassa pucchā kassa vissajjanaṃ hotūti. Pucchā nāma amhākaṃ pattā, tumhe pana mātugāmā nāma paṭhamam pucchathāti āha. Tā catassopi catūsu disāsu ṭhatvā mātāpitūnaṃ santike uggahitaṃ vādasahassaṃ pucchiṃsu. Thero khaggena kumudanāḷaṃ chindanto viya pucchitaṃ pucchitaṃ nijjaṭaṃ niggaṇṭhiṃ katvā kathesi, kathetvā puna pucchathāti āha. Ettakameva bhante mayaṃ jānāmāti. Thero āha “tumhehi vādasahassaṃ pucchitaṃ mayā kathitaṃ, ahaṃ pana ekaṃyeva pañhaṃ pucchissāmi, taṃ tumhe kathetā”ti. Tā therassa visayaṃ disvā “pucchatha bhante byākarissāmā”ti vattum nāsakkhiṃsu. “Vada bhante jānamānā byākarissāmā”ti puna āhaṃsu.

Thero ayaṃ pana kulaputte pabbājetvā paṭhamam sikkhāpetabbapañhoti vatvā “ekaṃ nāma kin”ti pucchi, tā neva antaṃ, na koṭiṃ addasaṃsu. Thero kathethāti āha. Na passāma bhanteti. Tumhehi vādasahassaṃ pucchitaṃ mayā kathitaṃ, mayhaṃ tumhe ekaṃ pañhampi kathetuṃ na sakkotha, evaṃ sante kassa jayo kassa parājayoti. Tumhākaṃ bhante jayo, amhākaṃ parājayoti. Idāni kiṃ karissathāti. Tā mātāpitūhi vuttavacanaṃ ārocetvā “tumhākaṃ santike pabbajissāmā”ti āhaṃsu. Tumhe mātugāmā nāma amhākaṃ santike pabbajituṃ na vaṭṭati, amhākaṃ pana sāsanaṃ

gahetvā bhikkhuni-upassayaṃ gantvā pabbajathāti. Tā sādḥūti therassa sāsanaṃ gahetvā bhikkhunisaṃghassa santikaṃ gantvā pabbajimsu, pabbajitā ca pana appamattā ātāpiniyo hutvā nacirasseva arahattaṃ pāpuṃsu.

Ayaṃ Saccako tāsāṃ catunnampi kaniṭṭhabhātiko, tāhi catūhipi uttaritarapañño, mātāpitūnampi santikā vādasahassaṃ, tato bahutarañca bāhiraṣamayaṃ uggahetvā katthaci agantvā rājadārake sippaṃ sikkhāpento tattheva Vesāliyaṃ vasati, paññāya atipūritattā kucchi me bhijjeyyāti bhīto ayapaṭṭena kucchiṃ parikkhipitvā carati, imaṃ sandhāya vuttaṃ “Saccako Nigaṇṭhaputto”ti.

Bhassappavādakoti bhassaṃ vuccati kathāmaggo, taṃ pavadati kathetīti bhassappavādako. **Paṇḍitavādoti** ahaṃ paṇḍitoti evaṃ vādo. **Sādhusammato bahujanassāti** yaṃ yaṃ nakkhattacārena ādisati, taṃ taṃ yebhuyyena tattheva hoti, tasmā ayaṃ sādḥuladdhiko bhaddakoti evaṃ sammato mahājanassa. **Vādena vādaṃ samāradḍhoti** kathāmaggena dosaṃ āropito. **Āyasmā Assajīti** Sāriputtattherassa ācariyo Assajitthero. **Jaṅghāvihāraṃ anucaṅkamamānoti** tato tato licchavirājagehato taṃ taṃ gehaṃ gamanattḥāya anucaṅkamamāno. **Yenāyasmā Assaji tenupasaṅkamīti** kasmā upasaṅkami? Samayaajānanatthaṃ.

Evaṃ kirassa ahosi “ahaṃ ‘samaṇassa Gotamassa vādaṃ āropessāmī’ti āhiṇḍāmi, ‘samayaṃ panassa na jānāmī’ti na āropesiṃ. Parassa hi samayaṃ ñatvā āropito vādo svāropito nāma hoti. Ayaṃ pana samaṇassa Gotamassa sāvako paññāyati Assajitthero, so attano Satthu samaye kovido, etāhaṃ pucchitvā kathaṃ patiṭṭhāpetvā samaṇassa Gotamassa vādaṃ āropessāmī”ti. Tasmā upasaṅkami. **Vinetīti** kathaṃ vineti, kathaṃ sikkhāpetīti pucchati. Thero pana yasmā dukkhanti vutte upārambhassa okāso hoti, maggaphalānipi pariyāyena dukkhanti āgatāni, ayañca dukkhanti vutte therāṃ puccheyya “bho Assaji kimatthaṃ tumhe pabbajitā”ti. Tato “maggaphalattḥāyā”ti vutte “nayidaṃ bho Assaji tumhākaṃ sāsanaṃ nāma, mahā-āghātanaṃ nāmetaṃ, nirayussado nāmesa, natthi tumhākaṃ sukhāsā, utṭhāyutṭhāya dukkhameva jirāpentā āhiṇḍathā”ti dosaṃ āropeyya,

tasmā paravādissa pariyāyakatham kātum na vaṭṭati. Yathā esa appatitṭho hoti, evamassa nipariyāyakatham kathessāmīti cintetvā “rūpam bhikkhave aniccan”ti imam aniccānattavaseneva katham katheti. **Dussutanti** sotum ayuttam.

354. **Santhāgāreti**¹ rājakulānam atthānusāsanasanthāgāra²sālāyam. **Yena te Licchavī tenupasaṅkamīti** evam kirassa ahosi “aham pubbe samayam ajānanabhāvena samaṇassa Gotamassa vādam na āropesiṃ, idāni panassa mahāsāvakena kathitam samayam jānāmi, ime ca mama antevāsikā pañcasatā Licchavī sannipatitā, etehi saddhim gantvā samaṇassa Gotamassa vādam āropessāmī”ti. Tasmā upasaṅkami. **Ñātaññatarenāti** ñātesu abhiññātesu pañcavaggiyattheresu aññatarena. **Patitṭhitanti** yathā tena patitṭhitam. Sace evam patitṭhissati, atha pana aññadeva vakkhati, tatra mayā kim sakkā kātunti idāneva piṭṭhim parivattento āha. **Ākaḍḍheyyāti** attano abhimukham kaḍḍheyya. **Parikaḍḍheyyāti** purato paṭipaṇameyya. **Samparikaḍḍheyyāti** kālena ākaḍḍheyya, kālena parikaḍḍheyya. **Soṇḍikākilañjanti** surāghare piṭṭhakilañjam. **Soṇḍikādhutto**ti surādhutto. **Vālam**³ **kaṇṇe gahetvāti** surāparissāvanatthavikam dhovitukāmo kasaṇanidhunanattham ubhosu kaṇṇesu gahetvā. **Odhuneyyāti** adhomukham katvā dhuneyya. **Niddhuneyyāti** uddhammukham katvā dhuneyya. **Nipphoṭeyyāti** punappunam papphoṭeyya. **Sāṇadhovikam nāmāti** ettha manussā sāṇasātakakaraṇattham sāṇavāke gahetvā muṭṭhim muṭṭhim bandhitvā udake pakkhipanti. Te tatiyadivase suṭṭhu kilinnā honti. Atha manussā ambilayāgusurādīni ādāya tattha gantvā sāṇamuṭṭhim gahetvā dakkhiṇato vāmato sammukhā cāti⁴ tisu phalakesu sakim dakkhiṇaphalake, sakim vāmaphalake, sakim sammukhaphalake paharantā ambilayāgusurādīni bhuñjantā pivantā khādantā dhovanti. Mahantā kīlā hoti. Rañño nāgo tam kīlam disvā gambhīram udakam anupavisitvā soṇḍāya udakam gahetvā sakim kumbhe sakim piṭṭhiyam sakim ubhosu passesu sakim antarasatthiyam pakkhipanto kīlittha, tadupādāya tam kīlitajātam sāṇadhovikam⁵ nāma

1. Sandhāgāreti (Ka)

2. ...sandhāgāra (Ka)

3. Thālam (Syā, Ka)

4. Vāti (Syā, Ka)

5. Sāṇadhovanam (Syā, Ka)

vuccati, taṃ sandhāya vuttaṃ “sāṇadhovikaṃ nāma kīḷitajātaṃ kīḷatī”ti.

Kiṃ so bhavamāno Saccako Nigaṇṭhaputto, yo Bhagavato vādaṃ āropessatīti yo Saccako Nigaṇṭhaputto Bhagavato vādaṃ āropessati, so kiṃ bhavamāno kiṃ yakkho bhavamāno udāhu Indo, udāhu brahmā bhavamāno Bhagavato vādaṃ āropessati. Na hi sakkā pakatimanussena Bhagavato vādaṃ āropetunti ayamettha adhippāyo.

355. **Tena kho pana samayenāti** yasmim̐ samaye Saccako ārāmaṃ pāvīsi, tasmim̐. Kismim̐ pana samaye pāvīsīti? Mahāmajjhanhikasamaye. Kasmā pana tasmim̐ samaye caṅkamantīti? Paṇṭabhojanapaccayassa thinamiddhassa vinodanattaṃ. Divāpadhānikā vā te. Tādisānañhi pacchābhattaṃ caṅkamitvā nhatvā sarīraṃ utum̐ gaṇhāpetvā nisajja samaṇadhammaṃ karontānaṃ cittaṃ ekaggaṃ hoti. **Yena te bhikkhūti** so kira kuhiṃ samaṇo Gotamoti pariveṇato pariveṇaṃ gantvā pucchitvā pavississāmīti vilokento araññe hatthī viya caṅkame caṅkamamāne paṃsukūlikabhikkhū disvā tesāṃ santikaṃ agamāsi. Taṃ sandhāya “yena te bhikkhū”ti-ādi vuttaṃ. **Kahaṃ nu kho bhoti** katarasmim̐ āvāse vā maṇḍape vāti attho. **Esa Aggivessana Bhagavāti** tadā kira Bhagavā paccūsakāle mahākaruṇāsamaṇapattim̐ samāpajjitvā dasasahassacakkavāḷe sabbaññūtaññāṇajālaṃ pattharivā bodhaneyyasattaṃ olokento addasa “sve Saccako Nigaṇṭhaputto mahatiṃ licchavipariṣaṃ gahetvā mama vādaṃ āropetukāmo āgamissatī”ti. Tasmā pātova sarīrapaṭijagganaṃ katvā bhikkhusaṃghaparivāro Vesāliyaṃ piṇḍāya caritvā piṇḍapātaṭaṭikkanto mahāpariṣāya nisīditum̐ sukhaṭṭhāne nisīdissāmīti Gandhakuṭim̐ apavisitvā Mahāvane aññatarasmim̐ rukkhamūle divāvihāraṃ nisīdi, te bhikkhū Bhagavato vattaṃ dassetvā āgatā, Saccakena puṭṭhā dūre nisinnaṃ Bhagavantaṃ dassentā “esa Aggivessana Bhagavā”ti āhaṃsu.

Mahatiyā licchavipariṣāya saddhinti heṭṭhā pañcamattehi licchavisatehi parivutoti vuttaṃ. Te etassa antevāsikāyeva, antovesāliyaṃ pana Saccako pañcamattāni licchavirājasatāni gahetvā “vādatthiko Bhagavantaṃ upasaṅkamanto”ti sutvā dvinnaṃ paṇḍitānaṃ kathāsallāpaṃ

sossāmāti yebhuyyena manussā nikkhantā, evaṃ sā parisā mahatī aparicchinnagaṇanā ahoṣi. Taṃ sandhāyetaṃ vuttaṃ. **Añjalim paṇāmetvāti** ete ubhatopakkhikā, te evaṃ cintesuṃ “sace no micchādiṭṭhikā codessanti ‘kasmā tumhe samaṇaṃ Gotamaṃ vanditthā’ti, tesāṃ ‘kiṃ añjalimattakaraṇenapi vanditaṃ hoti’ti vakkhāma. Sace no sammādiṭṭhikā codessanti ‘kasmā Bhagavantaṃ na vanditthā’ti, ‘kiṃ sīsena bhūmiṃ paharanteneva vanditaṃ hoti, nanu añjalikammampi vandanā evā’ti vakkhāma”ti. **Nāma gottanti** bho Gotama ahaṃ asukassa putto Datto nāma Mitto nāma idha āgatoti vadantā nāmaṃ sāventi nāma. Bho Gotama ahaṃ Vāsiṭṭho nāma Kaccāno nāma idha āgatoti vadantā gottaṃ sāventi nāma. Ete kira daliddā jiṇṇakulaputtā parisamajjhe nāmagottavasena pākaṭā bhavissāmāti evaṃ akāmsu. Ye pana tuṇhībhūtā nisīdimṣu, te kerāṭikā ceva andhabālā ca. Tattha kerāṭikā “ekaṃ dve kathāsallāpe karonto vissāsiko hoti, atha vissāse sati ekaṃ dve bhikkhā adātuṃ na yuttan”ti tato attānaṃ mocentā tuṇhī nisīdanti. Andhabālā aññānatāyeva avakkhittamattikāpiṇḍo viya yattha katthaci tuṇhībhūtā nisīdanti.

356. **Kiñcideva desanti** kañci okāsaṃ kiñci kāraṇaṃ, athassa Bhagavā pañhapucchane ussāhaṃ janento āha **puccha Aggivessana yadākaṅkhasīti**. Tassattho—“puccha yadi ākaṅkhasi, na me pañhavissajjane bhāro atthi”. Atha vā “puccha yaṃ ākaṅkhasi, sabbaṃ te vissajjessāmi”ti sabbaññupavāraṇaṃ pavāresi asādhāraṇaṃ Paccekabuddha-aggasāvaka mahāsāvakehi. Te hi yadākaṅkhasīti na vadanti, sutvā vedissāmāti vadanti. Buddhā pana “pucchāvuso yadākaṅkhasī”ti¹ vā, “puccha mahārāja, yadākaṅkhasī”ti² vā,

“Puccha Vāsava maṃ pañhaṃ, yaṃ kiñci manasicchasi.

Tassa tasseva pañhassa, ahaṃ antaṃ karomi te” itī³ vā,

“tena hi tvaṃ bhikkhu sake āsane nisīditvā puccha yadākaṅkhasī”ti⁴ vā,

1. Saṃ 1. 209 piṭṭhe.

3. Dī 2. 220 piṭṭhe.

2. Dī 1. 48 piṭṭhe.

4. Ma 3. 66 piṭṭhe.

“Bāvarissa ca tuyhaṃ vā, sabbesaṃ sabbasaṃsayaṃ.
 Katāvakaśā pucchavho, yaṃ kiñci manasicchathā”¹ vā,
 “Puccha maṃ sabhiya pañhaṃ, yaṃ kiñci manasicchasi.
 Tassa tasseva pañhassa, ahaṃ antaṃ karomi te”² vā,

Tesaṃ tesaṃ yakkhanarindadevasamaṇabrāhmaṇaparibbājakānaṃ
 sabbaññupavāraṇaṃ pavārenti. Anacchariyañcetaṃ, yaṃ Bhagavā
 Buddhabhūmiṃ patvā etaṃ pavāraṇaṃ pavāreyya. Yo bodhisattabhūmiyaṃ
 padesaññepi ʒhito

“Koṇḍañña pañhāni viyākarohi,
 Yācanti taṃ isayo sādhurūpā.
 Koṇḍañña eso manujesu dhammo,
 Yaṃ vuddhamāgacchati esa bhāro”³—

Evam sakkādīnaṃ atthāya isihi yācito

“Katāvakaśā pucchantu bhonto,
 Yaṃ kiñci pañhaṃ manasābhipatthitaṃ.
 Ahaṃ hi taṃ taṃ vo viyākarissaṃ,
 Ñatvā sayam lokamimaṃ parañcā”³—

Evam sarabhaṅgakāle, sambhavajātake ca sakalajambudīpaṃ
 tikkhattuṃ vicaritvā pañhānaṃ antakaraṃ adisvā suciratena⁴ brāhmaṇena
 pañhaṃ puṭṭho okāse kārite jātiyā sattavasso rathikāyaṃ paṃsum kīlanto
 pallaṅkaṃ ābhujitvā antaravīthiyaṃ nisinnova—

“Taggha te ahamakkhissaṃ, yathāpi kusalo tathā.
 Rājā ca kho taṃ jānāti, yadi kāhati vā na vā”⁵—

Sabbaññupavāraṇaṃ pavāresi.

Evam Bhagavatā sabbaññupavāraṇāya pavāritāya attamano pañhaṃ
 pucchanto “kathaṃ pana bho Gotamā”^{ti}—ādīmāha.

1. Khu 1. 433 piṭṭhe.

2. Khu 1. 357 piṭṭhe.

3. Khu 6. 7 piṭṭhe.

4. Sucirakena (Syā, Ka)

5. Khu 5. 380 piṭṭhe.

Athassa Bhagavā “passatha bho aññaṃ sāvakena kathitaṃ, aññaṃ Sathā katheti, nanu mayā paṭikacceva vuttaṃ ‘sace tathā paṭiṭṭhissati, yathāssa sāvakena paṭiṭṭhitaṃ, evāhaṃ vādaṃ āropessāmi’ti. Ayaṃ pana aññaṃeva katheti, tattha kiṃ mayā sakkā kātun”ti evaṃ Nigaṇṭhassa vacanokāso mā hotūti heṭṭhā Assajittherena kathitaniyāmenaeva kathento **evaṃ kho ahaṃ Aggivessanāti-ādimāha. Upamā maṃ bho Gotama paṭibhātī**ti bho Gotama mayhaṃ ekā upamā upaṭṭhātī, āharāmi taṃ upamanti vadati. **Paṭibhātu taṃ Aggivessanāti** upaṭṭhātu te Aggivessana, āhara taṃ upamaṃ visatthoti Bhagavā avoca. **Balakaraṇīyāti** bāhubalena kattabbā kasivāṇijjādikā kammantā. **Rūpattāyaṃ purisapuggaloti** rūpaṃ attā assāti **rūpattā**, rūpaṃ attāti gahetvā ṭhitapuggalaṃ dīpeti. **Rūpe paṭiṭṭhāyāti** tasmīṃ attāti gahitarūpe paṭiṭṭhahitvā. **Puññaṃ vā apuññaṃ vā pasavatīti** kusalaṃ vā akusalaṃ vā paṭilabhati. **Vedanattādisupi** eseva nayo. Iminā kiṃ dīpeti? Ime pañcakkhandhā imesaṃ sattānaṃ pathavī viya paṭiṭṭhā¹, te imesu pañcasu khandhesu paṭiṭṭhāya kusalākusalakammaṃ nāma āyūhanti. Tumhe evarūpaṃ vijjamānameva attānaṃ paṭisedhento pañcakkhandhā anattāti dipethāti ativiya sakāraṇaṃ katvā upamaṃ āhari. Iminā ca Nigaṇṭhena āhaṭa-opammaṃ niyatameva, Sabbaññubuddhato añño tassa kathaṃ chinditvā vāde dosaṃ dātuṃ samattho nāma natthi. Duvidhā hi puggalā Buddhaveneyyā ca sāvakaveneyyā ca. Sāvakaveneyye sāvakāpi vinenti Buddhāpi. Buddhaveneyye pana sāvakā vinentuṃ na sakkonti, Buddhāva vinenti. Ayampi Nigaṇṭho Buddhaveneyyo, tasmā etassa vādaṃ chinditvā añño dosaṃ dātuṃ samattho nāma natthi. Tenassa Bhagavā sayameva vāde dosadassanattaṃ **nanu tvaṃ Aggivessanāti-ādimāha.**

Atha Nigaṇṭho cintesi “ativiya samaṇo Gotamo mama vādaṃ paṭiṭṭhapeti, sace upari koci doso bhavissati, mamaṃ ekakaṃyeva niggaṇhissati, handāhaṃ imaṃ vādaṃ mahājanassāpi matthake pakkhipāmi”ti, tasmā evamāha **ahampi bho Gotama evaṃ vadāmi rūpaṃ me attā -pa- viññānaṃ me attāti, ayañca mahatī janatāti.** Bhagavā pana Nigaṇṭhato

1. Paṭiyattā (Ka)

sataguṇenapi saḥassaguṇenapi sataḥassaguṇenapi vādīvarataro, tasmā cintesi “ayaṃ Nigaṇṭho attānaṃ mocetvā mahājanassa matthake vādaṃ pakkhipati, nāssa attānaṃ mocetuṃ dassāmi, mahājanato nivattetvā ekakaṃyeva naṃ niggaṇhissāmi”ti. Atha naṃ **kiṃ hi te Aggivessanāti-**ādimāha. Tassattho—nāyaṃ janatā mama vādaṃ āropetuṃ āgatā, tvaṃyeva sakalaṃ Vesāliṃ saṃvaṭṭitvā¹ mama vādaṃ āropetuṃ āgato, tasmā tvaṃ sakameva vādaṃ niveṭhehi, mā mahājanassa matthake pakkhipasīti. So paṭijānanto **ahañhi bho Gotamāti-**ādimāha.

357. Iti Bhagavā Nigaṇṭhassa vādaṃ patitṭhapetvā **tena hi Aggivessanāti** puccham ārabhi. Tattha **tena hīti** kāraṇatthe nipāto. Yasmā tvaṃ pañcakkhandhe attato paṭijānāsi, tasmāti attho. **Sakasmim vijiteti** attano raṭṭhe. **Ghātetāyaṃ vā ghātetunti** ghātārahaṃ ghātetabbayuttakaṃ ghātetuṃ. **Jāpetāyaṃ vā jāpetunti** dhanaajānirahaṃ jāpetabbayuttam jāpetuṃ jīṇṇadhanam² kātuṃ. **Pabbājetāyaṃ vā pabbājetunti** sakaraṭṭhato pabbājanārahaṃ pabbājetuṃ nīharituṃ. **Vattituñca arahatīti** vattati ceva vattituñca arahati, vattituṃ yuttoti dīpeti. Iti Nigaṇṭho attano vādabhedanattham āhaṭakāraṇameva attano māraṇatthāya āvudham tikhiṇam karonto viya visesetvā dīpeti, yathā taṃ bālo. **Evaṃ me rūpaṃ hotūti** mama rūpaṃ evaṃvidham hotu, pāsādikam abhirūpaṃ alaṅkatappaṭiyattam suvaṇṇatoraṇam viya susajjitacittapaṭo viya ca manāpadassananti. **Evaṃ me rūpaṃ mā ahoṣīti** mama rūpaṃ evaṃvidham mā hotu, dubbaṇṇam dussaṇṭhitam valitapalitam tilakasamākiṇṇanti.

Tuñhī ahoṣīti Nigaṇṭho imasmim ṭhāne³ viruddhabhāvam⁴ ṇatvā “samaṇo Gotamo mama vādaṃ bhindanattāya kāraṇam āhari, aham bālatāya tameva visesetvā dīpesim, idāni naṭṭhomhi, sace vattatīti vakkhāmi, ime rājāno uṭṭahitvā ‘Aggivessana tvaṃ mama rūpe vaso vattatīti vadasi, yadi te rūpe vaso vattati, kasmā tvaṃ yathā ime

1. Vesāliṃ saṃvijjetvā (Sī), vesāliparisam gahetvā (?)

2. Niddhanam (Sī)

3. Vāde (Syā), vāre (Ka)

4. Viruddhabhāvam (Syā, Ka)

Licchavirājāno Tāvatiṃsadevasadisehi attabhāvehi virocanti abhirūpā pāsādikā, evaṃ na virocasi'ti. Sace na vattatīti vakkhāmi, samaṇo Gotamo uṭṭhahitvā 'Aggivessana tvam pubbe vattati me rūpasmim vasoti vatvā idāni paṭikkhipasi'ti vādaṃ āropessati. Iti vattatīti vuttepi eko doso, na vattatīti vuttepi eko doso'ti tuṇhī ahoṣi. Dutiyampi Bhagavā pucchi, dutiyampi tuṇhī ahoṣi. Yasmā pana yāvatiyaṃ Bhagavatā pucchite abyākarontassa sattadhā muddhā phalati, Buddhā ca nāma sattānaṃyeva atthāya kappasatasahassādhikāni cattāri asaṅkhyeyyāni pāramīnaṃ pūritattā sattesu balava-anuddayā honti. Tasmā yāvatiyaṃ apucchitvā atha kho Bhagavā Saccakaṃ Nigaṇṭhaputtaṃ etadavoca, etaṃ "byākarohi dāni'ti-ādivacanam avoca.

Tattha **sahadhammikanti** sahetukaṃ sakāraṇaṃ. Vajiraṃ paṇimhi assāti **vajirapāṇi**. **Yakkhoti** na yo vā so vā yakkho, Sakko devarājāti veditabbo. **Ādittanti** aggivaṇṇaṃ. **Sampajjalitanti** suṭṭhu pajjalitaṃ. **Sajotibhūtanti**¹ samantato jotibhūtaṃ, ekaggi jālabhūtanti attho. **Ṭhito hotīti** mahantaṃ sīsaṃ, kandalamakulasadisā² dāṭhā, bhayānakāni akkhināsādīnīti evaṃ virūparūpaṃ māpetvā ṭhito. Kasmā panesa āgatoti? Diṭṭhivissajjāpanatthaṃ. Apica "ahañceva kho pana dhammaṃ deseyyaṃ, pare ca me na ājāneyyūn'ti evaṃ dhammadeśanāya appossukkabhāvaṃ āpanne Bhagavati Sakko mahābrahmunā saddhiṃ āgantvā "Bhagavā dhammaṃ desetha, tumhākaṃ āṇāya avattamāne mayaṃ vattāpessāma, tumhākaṃ dhammacakkaṃ hotu, amhākaṃ āṇācakkan'ti paṭiññaṃ akāsi. Tasmā "ajja Saccakaṃ tāsetvā pañhaṃ vissajjāpessāmi'ti āgato.

Bhagavā ceva passati, Saccako ca Nigaṇṭhaputtoti yadi hi taṃ aññepi passeyyūṃ. ³Taṃ kāraṇaṃ agaru assa³, "samaṇo Gotamo Saccakaṃ attano vāde anotarantaṃ ñatvā yakkhaṃ āvāhetvā⁴ dassesi, tato Saccako bhayena kathesi'ti vadeyyūṃ. Tasmā Bhagavā ceva passati Saccako ca. Tassa taṃ disvāva sakalasarīrato sedā muccīṃsu, antokucchi viparivattamānā mahāravaṃ ravi. So "aññepi nu kho passanti'ti

1. Sañjotibhūtanti (Syā)

3-3. Taṃ kāraṇaṃ (Ka)

2. Kadalimakulasadisā (Syā, Ka)

4. Avhetvā (Sī)

olokento kassaci lomahaṃsamattampi na addasa. Tato “idaṃ bhayaṃ mameva uppannaṃ. Sacāhaṃ yakkhoti vakkhāmi, ‘kiṃ tuyhameva akkhīni atthi, tvameva yakkhaṃ passasi, paṭhamam yakkham adisvā samaṇena Gotamena vādasamghāṭe khittova yakkham passasi’ti vadeyyūn”ti cintetvā “na dāni me idha aññaṃ paṭisaraṇam atthi, aññatra samaṇā Gotamā”ti maññamāno atha kho Saccako Nigaṇṭhaputto -pa- Bhagavantam etadavoca. **Tāṇam gavesīti** tāṇanti gavesamāno. **Leṇam gavesīti** leṇanti gavesamāno. **Saraṇam gavesīti** saraṇanti gavesamāno. Ettha ca tāyati rakkhatīti **tāṇam**. Nilīyanti etthāti **leṇam**. Saratīti **saraṇam**, bhayaṃ himsati viddhamsetīti attho.

358. **Manasi karitvāti** manamhi katvā paccavekkhitvā upadhāretvā. **Evam me vedanā hotūti** kusalāva hotu, sukhāva hotu. **Evam me saññā hotūti** kusalāva hotu, sukhāva hotu, somanassasampayuttāva hotūti. **Saṅkharaviññāṇesupi** eseva nayo. **Mā ahoṣīti** ettha pana vuttavipariyāyena attho veditabbo. **Kallam nūti** yuttam nu. **Samanupassituntī** “etaṃ mama esohamasmi eso me attā”ti evam taṇhāmānadiṭṭhivasena passitum. **No hidaṃ bho Gotamāti** na yuttametam bho Gotama. Iti Bhagavā yathā nāma cheko ahituṇḍiko sappadaṭṭhavisam teneva sappena puna ḍamsāpetvā ubbāheyya¹, evam tassamyeva parisati Saccakam Nigaṇṭhaputtam teneva mukhena pañcakkhandhā aniccā dukkhā anattāti vadāpesi. **Dukkham allīnoti** imam pañcakkhandhadukkham taṇhādiṭṭhīhi allīno. **Upagato ajjhositotipi** taṇhādiṭṭhivaseneva veditabbo. **Dukkham etaṃ mamāti**-ādīsu pañcakkhandhadukkham taṇhāmānadiṭṭhivasena samanupassatīti attho. **Parijāneyyāti** aniccam dukkham anattāti tiraṇapariññāya parito jāneyya. **Parikkhepetvāti** khayam vayam anuppādam upanetvā.

359. **Navanti taruṇam**. **Akukkukajātanti** pupphaggahaṇakāle anto aṅguṭṭhappamāno eko ghanadaṇḍako nibbattati, tena virahitanti attho. **Rittoti** suñño antosāravirahito. Rittattāva **tuccho**. **Aparaddhoti** parājito. **Bhāsītā kho pana teti** idaṃ Bhagavā tassa

1. Ubbāmeyya (Sī), ubbāteyya (Syā)

mukharabhāvaṃ pakāsetvā niggaṇhanto āha. So kira pubbe Pūraṇādayo cha sathāro upasaṅkamtivā pañhaṃ pucchati. Te vissajjetuṃ na sakkonti. Atha nesaṃ parisamajjhe mahantaṃ vippakāraṃ āropetvā uṭṭhāya jayaṃ pavedento gacchati. So Sammāsambuddhampi tatheva viheṭhessāmīti saññāya upasaṅkamtivā—

“Ambho ko nāma yaṃ rukkho, sinnapatto sakaṇṭako.

Yattha ekappahārena, uttamaṅgaṃ vibhijjitaṃ”ti¹.

Ayaṃ khadiraṃ āhacca asāra karukkhaparicito mudutuṇḍasakuṇo viya sabbaññutaññānasāraṃ āhacca ñāṇatuṇḍabhedāṃ patto sabbaññutaññāṇassa thaddhabhāvaṃ aññāsi. Tadassa parisamajjhe pakāsetto **bhāsītā kho pana teti-ādimāha. Natthi etarahīti** upādinnakasarīre sedo nāma natthīti na vattabbaṃ, etarahi pana natthīti vadati. **Suvaṇṇavaṇṇaṃ kāyaṃ vivarīti** na sabbaṃ kāyaṃ vivari. Buddhā nāma gaṇṭhikaṃ paṭimuṅcivā paṭicchannasarīrā parisati dhammaṃ desenti, atha Bhagavā galavāṭakasammukhaṭṭhāne cīvaraṃ gahetvā caturaṅgulamattaṃ otāresi. Otāritamatte pana tasmaṃ suvaṇṇavaṇṇā rasmiyo puñjapuñjā hutvā suvaṇṇaghaṭato rattasuvaṇṇarasadhārā viya, rattavaṇṇavalāhakato vijjulātā viya ca nikkhamitvā suvaṇṇamurajasadisāṃ mahākhandhaṃ uttamasiraṃ² padakkhiṇaṃ kurumānā ākāse pakkhandimsu. Kasmā pana Bhagavā evamakāsīti? Mahājanassa kaṅkhāvinodanattaṃ. Mahājano hi samaṇo Gotamo mayhaṃ sedo natthīti vadati, Saccakassa tāva Nigaṇṭhaputtassa yantāruḷhassa viya sedā paggharanti. Samaṇo pana Gotamo ghanadupaṭṭacīvaraṃ pārūpitvā nisinno, anto sedassa atthitā vā natthitā vā kathaṃ sakkā ñātunti kaṅkhaṃ kareyya, tassa kaṅkhāvinodanattaṃ evamakāsi. **Maṅkubhūto**ti nittejabhūto. **Pattakkhandhoti** patitakkhandho. **Appaṭibhānoti** uttari appassanto. **Nisīdīti** pādaṅguṭṭhakena bhūmim kasamāno nisīdi.

360. **Dummukhoti** na virūpamukho, abhirūpo hi so pāsādiko. Nāmaṃ panassa etaṃ³. **Abhabbo taṃ pokkharāṇim puna otaritunti** sabbesaṃ

1. Visāritaṃ (Sī), viphāritaṃ (Syā, Ka) Khu 5. 56 piṭṭhe.

2. Uttamasiravaraṇca (Ka), uttaracīvaraṃ (Syā)

3. Evanti (Syā), etanti (Ka)

aḷānaṃ bhaggattā pacchinnagamano otarituṃ abhabbo, tattheva kākakulalādīnaṃ bhattaṃ hotīti dasseti. **Visūkāyikānīti** diṭṭhivisūkāni¹. **Visevitānīti** diṭṭhisañcaritāni. **Vipphanditānīti** diṭṭhivipphanditāni. **Yadidaṃ vādādhippāyoti** ettha **yadidanti** nipātamattaṃ, vādādhippāyo hutvā vādaṃ āropessāmīti ajjhāsayena upasaṅkamituṃ abhabbo, dhammassavanāya pana upasaṅkameyyāti dasseti. **Dummukhaṃ licchaviputtaṃ etadavocāti** kasmā avoca? Dummukhassa kirassa upamāharaṇakāle sesalicchavikumārāpi cintesuṃ “iminā Nigaṇṭhena amhākaṃ sippugghaṇaṭṭhāne ciraṃ avamāno kato, ayaṃ dāni amittassa piṭṭhiṃ passituṃ kālo. Mayampi ekekaṃ upamaṃ āharitvā pāṇipahārena patitaṃ muggarena pothento viya tathā naṃ karissāma, yathā na puna parisamajjhe sīsaṃ ukkhipituṃ sakkhissatī”ti, te opammāni karitvā dummukhassa kathāpariyosānaṃ āgamayamānā nisīdimīsu. Saccako tesaṃ adhippāyaṃ ñatvā ime sabbeva gīvaṃ ukkhipitvā oṭṭhehi calamānehi ṭhitā, sace paccekā upamā harituṃ labhissanti, puna mayā parisamajjhe sīsaṃ ukkhipituṃ na sakkā bhavissati, handāhaṃ dummukhaṃ apasādetvā yathā aññassa okāso na hoti, evaṃ kathāvāraṃ pacchinditvā samaṇaṃ Gotamaṃ pañhaṃ pucchissāmīti tasmā etadavoca. Tattha **āgamehīti** tiṭṭha, mā puna bhaṇāhīti attho.

361. **Tiṭṭhatesā bho Gotamāti** bho Gotama esā amhākaṃ ceva aññesañca puthusamaṇabrāhmaṇānaṃ vācā tiṭṭhatu. **Vilāpaṃ vilapitaṃ maññeti** etaṃ hi vacanaṃ vilapitaṃ viya hoti, vippalapitamattaṃ hotīti attho. Atha vā **tiṭṭhatesāti** ettha kathāti āharitvā vattabbā. **Vācāvilāpaṃ vilapitaṃ maññeti** ettha pana idaṃ vācānicchāraṇaṃ vilapitamattaṃ maññe hotīti attho.

Idāni pañhaṃ pucchanto **kittāvatāti**-ādimāha. Tattha **vesārajapattoti** ñāṇapatto. **Aparappaccayoti** aparappattiyo. Athassa Bhagavā pañhaṃ vissajjento **idha Aggivessanāti**-ādimāha, taṃ uttānatthameva. Yasmā panettha passatīti vuttattā sekkhabhūmi dassitā. Tasmā uttari asekkhabhūmim pucchanto dutiyaṃ pañhaṃ pucchi, tampissa Bhagavā byākāsi.

1. Diṭṭhivisūkāyitāni (Sī)

Tattha **dassanānuttariyenāti**-ādīsu **dassanānuttariyanti** lokiyalokuttarā paññā. **Paṭipadānuttariyanti** lokiyalokuttarā paṭipadā. **Vimuttānuttariyanti** lokiyalokuttarā vimutti. Suddhalokuttarameva vā gahetvā **dassanānuttariyanti** arahattamaggasammādiṭṭhi. **Paṭipadānuttariyanti** sesāni maggaṅgāni. **Vimuttānuttariyanti** aggaphalavimutti¹. Khīṇāsavassa vā nibbānadassanaṃ **dassanānuttariyaṃ** nāma. Maggaṅgāni² **paṭipadānuttariyaṃ**. Aggaphalaṃ **vimuttānuttariyanti** veditabbaṃ. **Buddho so Bhagavāti** so Bhagavā sayampi cattāri saccāni Buddho. **Bodhāyāti** paresampi catusaccabodhāya dhammaṃ deseti. **Dantoti**-ādīsu **dantoti** nibbisevano. **Damathāyāti** nibbisevanatthāya. **Santoti** sabbakilesavūpasameṇa santo. **Samathāyāti** kilesavūpasamāya. **Tiṇṇoti** caturoghatiṇṇo. **Taraṇāyāti** caturoghataraṇāya. **Parinibbutoti** kilesaparinibbānena parinibbuto. **Parinibbānāyāti** kilesaparinibbānatthāya.

362. **Dhamsīti** guṇadhamsakā. **Pagabbāti** vācāpāgabbhiyena³ samannāgatā. **Āsādetabbanti** ghaṭṭetabbaṃ. **Āsajjāti** ghaṭṭetvā. **Natveva bhavantaṃ Gotamanti** bhavantaṃ Gotamaṃ āsajja kassaci attano vādaṃ anupahataṃ sakalaṃ ādāya pakkamituṃ thāmo natthīti dasseti, na hi Bhagavā hatthi-ādāyo viya kassaci jīvitantarāyaṃ karoti. Ayaṃ pana Nigaṇṭho imā tisso upamā na Bhagavato ukkaṃsanatthaṃ āhari, attukkaṃsanatthameva āhari. Yathā hi rājā kañci paccatthikaṃ ghātetvā evaṃ nāma sūro evaṃ thāmasampanno puriso bhavissatīti paccatthikaṃ thomentopi attānameva thometi, evameva sopi **siyā hi bho Gotama hatthim pabhinnanti**-ādīhi Bhagavantaṃ ukkaṃsentopi mayameva sūrā mayaṃ paṇḍitā mayaṃ bahussutāyeva evaṃ pabhinnahatthim viya, jalita-aggikkhandhaṃ viya, phaṇakata-āsīvisaṃ viya ca vādatthikā Sammāsambuddhaṃ upasaṅkamimhāti attānameveva ukkaṃseti, evaṃ attānaṃ ukkaṃsetvā Bhagavantaṃ nimantayamāno **adhivāsetu meti**-ādīmāha. Tattha **adhivāsetūti** sampatīcchatu. **Svātanāyāti** yaṃ me tumhesu kāraṃ⁴ karoto sve bhavissati puññaṅca pītipāmojjaṅca, tadatthāya. **Adhivāsesi Bhagavā tuṅhībhāvenāti**

1. Maggaphalavimutti (Sī, Syā) 2. Aṭṭha maggaṅgāni (Sī, Syā, Ka) Ṭikā oloketabbā.

3. Pagabbhāti vācāpāgabbhiyena (Sī, Syā)

4. Sakkāraṃ (Syā, Ka)

Bhagavā kāyaṅgaṃ vā vācaṅgaṃ vā acopetvā abbhantareyeva khantiṃ dhārento tuṅhībhāvena adhivāsesi, Saccakassa anuggahakaraṇatthaṃ manasāva sampaṭicchīti vuttaṃ hoti.

363. **Yamassa patirūpaṃ maññeyyāthā**ti te kira Licchavī tassa pañcathālipākasaṭṭhāni niccabhattaṃ āharanti. Tadeva sandhāya esa sve tumhe yaṃ assa samaṇassa Gotamassa patirūpaṃ kappiyanti maññeyyātha, taṃ āhareyyātha, samaṇassa hi Gotamassa tumhe paricārakā kappiyākappiyaṃ yuttāyuttaṃ jānāthāti vadati. **Bhattābhihāraṃ abhihariṃsūti** abhiharitabbaṃ bhattaṃ abhihariṃsu. **Paṇītenā**ti uttamena. **Sahatthā**ti sahatthena. **Santappetvā**ti tappetvā, paripuṇṇaṃ suhitaṃ yāvadatthaṃ katvā. **Smavāretvā**ti suṭṭhu pavāretvā, alaṃ alanti hattasaññāya paṭikkhipāpetvā. **Bhuttāvinti** bhuttavantaṃ. **Onītapattapāṇinti** pattato onītapāṇiṃ, apanītahatthanti vuttaṃ hoti. “Onītapattapāṇiṃ”¹tipi¹ pāṭho, tassattho, onittaṃ nānābhūtaṃ pattaṃ pāṇito assāti onītapattapāṇī. Taṃ onītapattapāṇiṃ, hatthe ca pattañca dhovivā ekamante pattaṃ nikkhipivā nisinnanti attho. **Ekamantaṃ nisīdīti** Bhagavantaṃ evambhūtaṃ ṇatvā ekasmiṃ okāse nisīdīti attho. **Puññañcā**ti yaṃ imasmiṃ dāne puññaṃ, āyatīṃ vipākakkhandhāti attho. **Puññaamahī**ti vipākakkhandhānaṃyeva parivāro. **Taṃ dāyakaṇaṃ sukhāya hotūti** taṃ imesaṃ Licchavīnaṃ sukhathāya hotu. Idaṃ kira so ahaṃ pabbajito nāma, pabbajitena ca na yuttaṃ attano dānaṃ niyyātetunti tesaṃ niyyātentō evamāha. Atha Bhagavā yasmā Licchavīhi Saccakassa dinnāṃ, na Bhagavato. Saccakena pana Bhagavato dinnāṃ, tasmā tamatthaṃ dīpento **yaṃ kho Aggivessaṇā**ti-ādimāha. Iti Bhagavā Nigaṇṭhassa matena² vināyeva attano dinnāṃ dakkhiṇaṃ nigaṇṭhassa niyyātesī, sā cassa anāgate vāsanaṃ bhavissatīti.

Papañcasūdanīyā Majjhimanikāyaṭṭhakathāya

Cūlasaccakasuttavaṇṇanā niṭṭhitā.

1. Ohītapattapāṇīntipi (Sī)

2. Manāṃ (Sī, Syā)

6. Mahāsaccakasuttavaṇṇanā

364. **Evam me sutanti** Mahāsaccakasuttam. Tattha **ekam samayanti** ca **tena kho pana samayenāti** ca **pubbaṇhasamayanti** ca tīhi padehi ekova samayo vutto. Bhikkhūnaṃ hi vattapaṭipattim¹ katvā mukhaṃ dhovivā paccācivaramādāya cetiyam vanditvā katarāṃ gāmaṃ pavississāmāti vitakkamālake ṭhitakālo nāma hoti, Bhagavā evarūpe samaye rattadupaṭṭam nivāsetvā kāyabandhanaṃ bandhitvā paṃsukūlacivaram ekaṃsaṃ pārupitvā Gandhakuṭṭito nikkhamma bhikkhusaṃghaparivuto Gandhakuṭṭipamukhe aṭṭhāsi, taṃ sandhāya “ekam samayanti ca tena kho pana samayenāti ca pubbaṇhasamayan”ti ca vuttam. **Pavisitukāmoti** piṇḍāya pavississāmīti evam katasanniṭṭhāno. **Tenupasaṅkamīti** kasmā upasaṅkamīti? Vādāropanajjhāsayena. Evam kirassa ahosi “pubbepāhaṃ apaṇḍitatāya sakalam vesāliparisam gahetvā samaṇassa Gotamassa santikaṃ gantvā parisamajjhe maṅku jāto, idāni tathā akatvā ekakova gantvā vādaṃ āropessāmi, yadi samaṇaṃ Gotamaṃ parājetum sakkhissāmi, attano laddhim dīpetvā jayam karissāmi, yadi samaṇassa Gotamassa jayo bhavissati, andhakāre naccam viya na koci jānissati”ti, niddāpaṇhaṃ nāma² gahetvā iminā vādajjhāsayena upasaṅkami.

Anukampaṃ upādāyāti Saccakassa Niṅaṇṭhaputtassa anukampaṃ paṭicca. Therassa kirassa evam ahosi “Bhagavati muhuttam nisinne Buddhadassanaṃ dhammassavanaṃ ca labhissati, tadassa dīgharattam hitāya sukhāya saṃvattissati”ti, tasmā Bhagavantaṃ yācitvā paṃsukūlacivaram catugguṇaṃ paṇṇapetvā **nisīdatu Bhagavāti** āha. “Kāraṇam Ānando vadatī”ti sallakkhetvā nisīdi Bhagavā paṇṇatte āsane. **Bhagavantaṃ etadavocāti** yaṃ pana paṇhaṃ ovaṭṭikasāraṃ katvā ādāya āgato taṃ ṭhapetvā passena tāva pariharanto etaṃ **santi bho Gotamāti**-ādivacanaṃ avoca.

365. **Phusanti hi te bho Gotamāti** te samaṇabrāhmaṇā sarīre uppannaṃ sarīrikaṃ dukkhaṃ vedanaṃ phusanti labhanti, anubhavantīti attho. **Ūrukkhambhoti** khambhakata-ūrubbhāvo, ūruthaddhatāti attho. Vimhayatthavasena panettha **bhavissatīti** anāgatavacanaṃ kataṃ. **Kāyanvayaṃ hotīti**

1. Vattapaṭivattam (Sī), attapaṭipattim (Syā)

2. Naggipaṇhaṃ nāma (Ka)

kāyānugataṃ hoti kāyassa vasavatti. **Kāyabhāvanā**ti pana vipassanā vuccati, tāya cittavikkhepaṃ pāpuṇanto nāma natthi, iti Nigaṇṭho asantaṃ abhūtaṃ yaṃ natthi, tadevāha. **Cittabhāvanā**tipi samatho vuccati, samādhiyuttassa ca puggalassa ūrukkhambhādayo nāma natthi, iti Nigaṇṭho idaṃ abhūtaṃ eva āha. Atthakathāyaṃ pana vuttaṃ “yatheva ‘bhūtapubban’ti vatvā ‘ūrukkhambhopi nāma bhavissatī’ti-ādīni vadato anāgatarūpaṃ na sameti, tathā atthopi na sameti, asantaṃ abhūtaṃ yaṃ natthi, taṃ kathetī”ti.

No kāyabhāvananti pañcātapatappanādim¹ attakilamathānuyogaṃ sandhāyāha. Ayaṃ hi tesāṃ kāyabhāvanā nāma. Kim pana so disvā evamāha? So kira divādivassa² vihāraṃ āgacchati, tasmim kho pana samaye bhikkhū pattacīvaraṃ paṭisāmetvā attano attano rattiṭṭhānadvāṭṭhānesu paṭisallānaṃ upagacchanti. So te paṭisallīne disvā cittabhāvanāmatthaṃ ete anuyuñjanti, kāyabhāvanā panetesāṃ natthīti maññamāno evamāha.

366. Atha naṃ Bhagavā anuyuñjanto **kinti pana te Aggivessana kāyabhāvanā sutā**ti āha. So taṃ vitthārento **seyyathidaṃ, Nando vacchoti-**ādīmāha. Tattha **Nandoti** tassa nāmaṃ. **Vacchoti** gottaṃ. **Kisoti** nāmaṃ. **Sarikkicoti** gottaṃ. **Makkhaligosālo** heṭṭhā āgatova. **Eteti** ete tayo janā, te kira kiliṭṭhatapānaṃ matthakapattā ahesuṃ. **Uḷārāni uḷārānī**ti paṇītāni paṇītāni. **Gāhenti nāmā**ti balaṃ gaṇhāpenti nāma. **Brūhentī**ti vaḍḍhenti. **Medentī**ti jātamedāṃ karonti. **Purimaṃ pahāyā**ti purimaṃ dukkarakāraṃ pahāya. **Pacchā upacinantī**ti pacchā uḷārakhādaniyādīhi santappenti vaḍḍhenti. **Ācayāpacayo hotī**ti vaḍḍhi ca avaḍḍhi ca hoti, iti imassa kāyassa kālena vaḍḍhi, kālena parihānīti vaḍḍhiparihānimattameva paññāyati, kāyabhāvanā pana na paññāyatīti dīpetvā cittabhāvanāṃ pucchanto “kinti pana te Aggivessana cittabhāvanā sutā”ti āha. **Na sampāyāsī**ti sampādetvā kathetuṃ nāsakkhi, yathā taṃ bālaputhujjano.

1. Pañcātapakaraṇādi (Syā, Ka)

2. Divādivasaṃ (Syā, Ka)

367. **Kuto pana tvanti** yo tvaṃ evaṃ oḷārikaṃ dubbalaṃ kāyabhāvanāṃ na jānāsi, so tvaṃ kuto saṅhaṃ sukhamaṃ cittabhāvanāṃ jānissasīti. Imasmim̄ pana ṭhāne Codanālayatthero¹ “abuddhavacanaṃ nāmetam padan”ti bījanim̄ ṭhapetvā pakkamitum̄ ārabhi². Atha naṃ Mahāsīvatthero āha “dissati bhikkhave imassa cātumahābhūtikassa kāyassa ācayopi apacayopi ādānampi nikkhepanampi”ti³. Tam̄ sutvā sallakkhesi “oḷārikaṃ kāyaṃ pariggaṇhantassa uppannavipassanā oḷārikāti vattum̄ vaṭṭati”ti.

368. **Sukhasārāgīti** sukhasāsrāgena samannāgato. **Sukhāya vedanāya nirodhā uppajjati dukkhā vedanāti** na anantarāva uppajjati, sukhadukkhānaṃ hi anantarapaccayatā paṭṭhāne⁴ paṭisiddhā. Yasmā pana sukhe aniruddhe dukkhaṃ nuppajjati, tasmā idha evaṃ vuttaṃ. **Pariyādāya tiṭṭhati**ti khepetvā gaṇhitvā tiṭṭhati. **Ubhatopakkhanti** sukhaṃ ekaṃ pakkhaṃ dukkhaṃ ekaṃ pakkhanti evaṃ ubhatopakkhaṃ hutvā.

369. **Uppannāpi sukhā vedanā cittaṃ na pariyādāya tiṭṭhati, bhāvitattā kāyassa. Uppannāpi dukkhā vedanā cittaṃ na pariyādāya tiṭṭhati, bhāvitattā cittassāti** ettha kāyabhāvanā vipassanā, cittabhāvanā samādhī. Vipassanā ca sukhassa paccanīkā, dukkhassa āsannā. Samādhī dukkhassa paccanīko, sukhassa āsanno. Kathaṃ? Vipassanaṃ paṭṭhapetvā nisinnassa hi addhāne gacchante gacchante tattha tattha aggi-uttānaṃ viya hoti, kacchehi sedā muccanti, matthakato usumavaṭṭi-uttānaṃ viya hotīti cittaṃ haññati vihaññati vipphandati. Evaṃ tāva vipassanā sukhassa paccanīkā, dukkhassa āsannā. Uppanne pana kāyike vā cetasike vā dukkhe taṃ dukkhaṃ vikkhambhetvā samāpattiṃ samāpannassa samāpattikkhaṇe dukkhaṃ dūrāpagataṃ hoti, anappakaṃ sukhaṃ okkamati, evaṃ samādhī dukkhassa paccanīko, sukhassa āsanno. Yathā vipassanā sukhassa paccanīkā, dukkhassa āsannā, na tathā samādhī. Yathā samādhī dukkhassa paccanīko, sukhassa āsanno, na ca tathā vipassanāti. Tena vuttaṃ “uppannāpi sukhā vedanā cittaṃ na

1. Goṇaraviyatthero (Sī)

3. Sam̄ 1. 320 piṭṭhe.

2. Ṭhapetvā pakkāmi (Sī, Syā)

4. Abhi 8. 312 piṭṭhe.

pariyādāya tiṭṭhati, bhāvitattā kāyassa. Uppannāpi dukkhā vedanā cittaṃ na pariyādāya tiṭṭhati, bhāvitattā cittaṃ”ti.

370. **Āsajja upanīyāti** guṇe ghaṭṭetvā ceva upanetvā ca. **Taṃ vata meti** taṃ vata mama cittaṃ.

371. **Kim hi no siyā Aggivessanāti** Aggivessana kiṃ na bhavissati, bhavissateva, mā evaṃ saññī hohi, uppajjiyeva¹ me sukhāpi dukkhāpi vedanā, uppannāya panassā ahaṃ cittaṃ pariyādāya ṭhātuṃ na demi. Idānissa tamatthaṃ pakāsetuṃ upari pasādāvahaṃ dhammadesanaṃ desetukāmo mūlato paṭṭhāya mahābhinnikkhamaṇaṃ ārabhi. Tattha **idha me Aggivessana pubbeva sambodhā -pa- tattheva nisīdim, alamidaṃ padhānāyāti** idaṃ sabbaṃ heṭṭhā Pāsārāsīsutte vuttanayeneva veditabbaṃ. Ayaṃ pana vireso, tattha Bodhipallaṅke nisajjā, idha dukkarakārikā.

374. **Allakaṭṭhanti** allāṃ udumbarakaṭṭhaṃ. **Sasnehanti** sakhīraṃ. **Kāmehi**ti vatthukāmehi. **Avūpakaṭṭhāti** anapagatā. **Kāmacchandoti-ādīsu** kilesakāmoḥ chandakaraṇavasena **chando**. Sinehakaraṇavasena **sneho**. Mucchākaraṇavasena **mucchā**. Pipāsākaraṇavasena **pipāsā**. Anudahanavasena **pariḷāhoti** veditabbo. **Opakkamikāti** upakkamanibbattā. **Ñāṇāya dāssanāya**² **anuttarāya sambodhāyāti** sabbaṃ lokuttaramaggavevacanameva.

Idaṃ panettha opammasāmsandanā—allāṃ sakhīraṃ udumbarakaṭṭhaṃ viya hi kilesakāmena vatthukāmato anissaṭapuggalā, udake pakkhittabhāvo viya kilesakāmena tintatā, manthanenāpi aggino anabhinibbattaṃ viya kilesakāmena vatthukāmato anissaṭāṇaṃ opakkamikāhi vedanāhi lokuttaramaggassa anadhigamo, amanthanenāpi aggino anabhinibbattaṃ viya tesāṃ puggalāṇaṃ vināpi opakkamikāhi vedanāhi lokuttaramaggassa anadhigamo. Duttiya-upamāpi imināva nayena veditabbā. Ayaṃ pana vireso, purimā saputtabhariyapabbajjāya upamā, pacchimā brāhmaṇadhammikapabbajjāya.

1. Uppajjatiyeva (Syā, Ka)

2. Ñāṇadāssanāya (Ma-Ṭṭha 1. 328 piṭṭhe)

376. Tatiya-upamāya **koḷāpanti** chinnaśinehaṃ nirāpaṃ. **Thale nikkhittanti** pabbatathale vā bhūmithale vā nikkhittaṃ. Etthāpi idaṃ opammasamsandanam—sukkhakoḷāpakaṭṭham viya hi kilesakāmena vatthukāmato nissaṭapuggalā, ārakā udakā thale nikkhittabhāvo viya kilesakāmena atintatā. Manthanenāpi aggino abhinibbattanaṃ viya kilesakāmena vatthukāmato nissaṭānaṃ abbhokāsikanesaṃjikkādivasena opakkamikāhipi vedanāhi lokuttaramaggassa adhigamo, aññassa rukkhassa sukhasākhāya saddhiṃ ghaṃsanamatteneva aggino abhinibbattanaṃ viya vināpi opakkamikāhi vedanāhi sukhāyeva paṭipadāya lokuttaramaggassa adhigamoti. Ayaṃ upamā Bhagavatā attano atthāya āhaṭā.

377. Idāni attano dukkarakārikaṃ dassento **tassa mayhanti**-ādimāha. Kiṃ pana Bhagavā dukkaraṃ akatvā Buddhō bhavituṃ na samatthoti. Katvāpi akatvāpi samatthova. Atha kasmā akāsīti? Sadevakassa lokassa attano parakkamaṃ dassessāmi. So ca maṃ vīriyanimmathanaguṇo hāsessatīti. Pāsāde nisinnoyeva hi paveṇi-āgataṃ rajjaṃ labhitvāpi khattiyō na tathāpamudito hoti, yathā balakāyaṃ gahetvā saṅgāme dve tayo sampahāre datvā amittamathanam katvā pattarajjo, evaṃ pattarajjassa hi rajjasiriṃ anubhavantassa parisam oloketvā attano parakkamaṃ anussarivā “asukatṭhāne asukakammaṃ katvā asukañca asukañca amittaṃ evaṃ vijjhivā evaṃ paharivā imaṃ rajjasiriṃ pattosmī”ti cintayato balavasomanassaṃ uppajjati, evamevaṃ Bhagavāpi sadevakassa lokassa parakkamaṃ dassessāmi, so hi maṃ parakkamo ativiya hāsessati, somanassaṃ uppādessatīti dukkaraṃ akāsi.

Apica pacchimaṃ janataṃ anukampamānopi akāsiyeva, pacchimā hi janatā Sammāsambuddho kappasatasahassādhikāni cattāri asaṅkhyeyyāni pāramiyo pūretvāpi padhānaṃ padahitvāva sabbaññutaññāṇaṃ patto, kimaṅgaṃ pana mayanti padhānavīriyaṃ kattabbaṃ maññissati, evaṃ sante khippameva jātijarāmarañassa antaṃ karissatīti pacchimaṃ janataṃ anukampamāno akāsiyeva.

Dantebhidantamādhāyāti heṭṭhādante uparidantaṃ ṭhapetvā. **Cetasā cittanti** kusalaṭṭhena akusalaṭṭhitaṃ. **Abhiniggaṇheyyanti** niggaṇheyyaṃ.

Abhinippīleyyanti nippīleyyaṃ. **Abhisantāpeyyanti** tāpetvā vīriyanimmathanāṃ kareyyaṃ. **Sāraddhoti** sadaratho. **Padhānābhitunnassāti** padhānena abhitunnassa, viddhassa satoti attho.

378. **Appāṇakanti** nirassāsakaṃ. **Kammāragaggariyāti** kammārassa gaggaranāliyā. **Sīsavedanā hontīti** kutoci nikkhamitum alabhamānehi vātehi samuṭṭhāpitā balavatiyo sīsavedanā honti. **Sīsaveṭṭhaṃ dadeyyāti** sīsaveṭṭhanāṃ dadeyya. **Devatāti** bodhisattassa caṅkamanakoṭṭiyaṃ, paṇṇasālapariveṇasāmantā ca adhivatthā devatā.

Tadā kira bodhisattassa adhimatte kāyadāhe uppanne mucchā udapādi. So caṅkameva nisinno hutvā papati. Taṃ disvā devatā evamāhaṃsu “vihārotveva so arahato”ti, “arahanto nāma evarūpā honti matakasadisā”ti laddhiyā vadanti. Tattha yā devatā “kālaṅkato”ti āhaṃsu, tā gantvā **Suddhodanamahārājassa** ārocesum “tumahākaṃ putto kālaṅkato”ti. Mama putto **Buddho** hutvā kālaṅkato, no ahutvāti. **Buddho** bhavitum nāsakkhi, padhānabhūmiyaṃyeva patitvā kālaṅkatoti. Nāhaṃ saddahāmi, mama puttassa bodhim apatvā kālaṅkiriyaṃ nāma natthīti.

Aparabhāge **Sammāsambuddhassa** dhammacakkaṃ pavattetvā anupubbena **Rājagahaṃ** gantvā **Kapilavatthum** anuppattassa **Suddhodanamahārājā** pattam gahetvā pāsādam āropetvā yāgukhajjakaṃ datvā antarābhattasamaye etamattham ārocesi, tumhākaṃ **Bhagavā** padhānakaraṇakāle devatā āgantvā “putto te mahārāja kālaṅkato”ti āhaṃsūti. Kim saddahasi mahārājāti. Na **Bhagavā** saddahinti. Idāni mahārāja supinappaṭiggahaṇato paṭṭhāya acchariyāni passanto kim saddahissasi, ahampi **Buddho** jāto, tvampi **Buddhapitā** jāto, pubbe pana mayhaṃ aparipakke nāṇe bodhicariyaṃ carantassa **Dhammapālakumārakālepi** sippaṃ uggahetum gatassa “tumahākaṃ putto **Dhammapālakumāro** kālaṅkato, idamassa aṭṭhī”ti eḷakatthim āharitvā dassetum, tadāpi tumhe “mama puttassa antarāmaraṇaṃ nāma natthi, nāhaṃ saddahāmi”ti avocuttha mahārājāti imissā aṭṭhuppattiyā **Bhagavā Mahādhammapālajātakaṃ** kathesi.

379. **Mā kho tvaṃ mārisāti** sampiyāyamānā āhaṃsu. Devatānaṃ kirāyaṃ piyamanāpavohāro, yadidaṃ mārisāti. **Ajajjītaṃ**¹ abhojanaṃ. **Halanti vadāmīti** alanti vadāmi, alaṃ iminā evaṃ mā karittha, yāpessāmahanti evaṃ paṭisedhemīti attho.

380-1. **Maṅguracchavīti** maṅguramacchacchavi. **Etāva paramanti** tāsampi vedanānaṃ etaṃyeva paramaṃ uttamaṃ pamāṇaṃ. **Pitu sakkassa kammante -pa- paṭhamaṃ jhānaṃ upasampajja viharitāti** rañño kira vappamaṅgaladivaso nāma hoti, tadā anekappakāraṃ khādanīyaṃ bhojanīyaṃ paṭiyādentī, nagaravīthiyo sodhāpetvā puṇṇaghaṭe ṭhapāpetvā dhajapaṭākādayo ussāpetvā sakalanagaraṃ devavimānaṃ viya alaṅkaronti, sabbe dāsakammakarādayo ahatavatthanivatthā gandhamālādīpaṭimaṇḍitā rājakule sannipatanti. Rañño kammante naṅgalasatasahassaṃ yojjīyati, tasmim̐ pana divase ekena ūnaṃ aṭṭhasataṃ yojenti, sabbanaṅgalāni saddhim̐ balibaddarasmiyottehi jāṇussoṇissa ratho viya rajataparikkhittāni honti, rañño ālambananaṅgalaṃ rattasuvaṇṇaparikkhitaṃ hoti, balibaddānaṃ siṅgānipi rasmipatodāpi suvaṇṇaparikkhittā honti, rājā mahāparivārena nikkhamanto puttaṃ gahetvā agamāsi.

Kammantaṭṭhāne eko jamburukkho bahalapattapalāso sandacchāyo² ahosi, tassa heṭṭhā kumārassa sayanaṃ paññāpetvā upari suvaṇṇatārakakhacitaṃ vitānaṃ bandhāpetvā sāṇipākārena parikkhipāpetvā ārakkhaṃ ṭhapetvā rājā sabbālaṅkāraṃ alaṅkaritvā amaccagaṇaparivuto naṅgalakaraṇaṭṭhānaṃ agamāsi, tattha rājā suvaṇṇanaṅgalaṃ gaṇhāti. Amaccā ekenūna-aṭṭhasatarajātanaṅgalāni gahetvā ito cito ca kasanti, rājā pana orato pāraṃ gacchati, pārato vā oraṃ gacchati, etasmim̐ ṭhāne mahāsampatti hoti, bodhisattaṃ parivāretvā nisinnā dhātiyo rañño sampattim̐ passissāmāti antosāṇito bahi nikkhantā. Bodhisatto ito cito ca olokento kañci adisvā vegena uṭṭhāya pallaṅkaṃ ābhujitvā ānāpāne pariggahetvā paṭhamajjhānaṃ nibbattesi. Dhātiyo khajjabhojjantare vicaramānā thokaṃ cirāyimsu,

1. Ajaddhukanti (Sī)

2. Ghanacchāyo (Ka)

sesarukkhānaṃ chāyā nivattā, tassa pana rukkhassa parimaṇḍalā hutvā aṭṭhāsi. Dhātiyo ayyaputto ekakoti vegena sāṇim ukkhipitvā anto pavisaṃānā bodhisattaṃ sayane pallaṅkena nisinnaṃ taṅca pāṭihāriyaṃ disvā gantvā rañño ārocayimsu “kumāro deva evaṃ nisinna aññesaṃ rukkhānaṃ chāyā nivattā, jamburukkhassa parimaṇḍalā ṭhitā”ti. Rājā vegenāgantvā pāṭihāriyaṃ disvā “idaṃ te tāta dutiyaṃ vandanaṃ”ti puttaṃ vandi. Idametaṃ sandhāya vuttaṃ “pitu sakkassa kammante -pa- paṭhamajjhānaṃ upasampajja viharitā”ti. **Siyā nu kho eso maggo bodhāyāti** bhaveyya nu kho etaṃ ānāpānassatipaṭhamajjhānaṃ bujjanatthāya maggoti. **Satānusāriviññāṇanti** nayidaṃ bodhāya maggo bhavissati, ānāpānassatipaṭhamajjhānaṃ pana bhavissatīti evaṃ ekaṃ dve vāre uppannasatiyā anantaraṃ uppannaviññāṇaṃ satānusāriviññāṇaṃ nāma. **Yaṃ taṃ sukhanti** yaṃ taṃ ānāpānassatipaṭhamajjhānasukhaṃ.

382. **Paccupaṭṭhitā hontīti** paṇṇasālapariveṇasammajjanādivattakaraṇena upaṭṭhitā honti. **Bāhullikoti** paccayabāhulliko. **Āvatto bāhullāyāti** rasagiddho hutvā paṇītaṇḍapātādīnaṃ atthāya āvatto. **Nibbijja pakkamimsūti** ukkaṇṭhitvā dhammaniyāmena eva pakkantā bodhisattassa sambodhiṃ pattakāle¹ kāyavivekassa okāsadānatthaṃ dhammatāya gatā, gacchantā ca aññatṭhānaṃ agantvā Bārāṇasimeva agamaṃsu. Bodhisatto tesu gatesu addhamāsaṃ kāyavivekaṃ labhitvā Bodhimaṇḍe Aparājitapallaṅke² nisīditvā sabbaññutaññāṇaṃ paṭivijjhi.

383. **Vivicceva kāmehīti**-ādi bhayabherave vuttanayeneva veditabbaṃ.

387. **Abhijānāmi kho panāhanti** ayaṃ pāṭiyekko anusandhi. Nigaṇṭho kira cintesi “ahaṃ samaṇaṃ Gotamaṃ ekaṃ paṇhaṃ pucchim, samaṇo Gotamo ‘aparāpi maṃ Aggivessana aparāpi maṃ Aggivessana’ti pariyoṣānaṃ adassento kathetiyeva, kupito nu kho”ti. Atha Bhagavā Aggivessana Tathāgate anekasatāya parisāya dhammaṃ desente

1. Sambodhisattakāle (Ka)

2. Aparājitapallaṅkena (Sī, Syā)

kupito samaṇo Gotamoti ekopi vattā natthi, paresaṃ bodhanatthāya paṭivijjanatthāya eva Tathāgato dhammaṃ desetīti dassento imaṃ dhammadesanaṃ ārabhi. Tattha **ārabbhāti** sandhāya. **Yāvadevāti** payojanavidhi¹ paricchedaniyamaṇaṃ. Idaṃ vuttaṃ hoti—paresaṃ viññāpanameva Tathāgatassa dhammadesanāya payojanaṃ, tasmā na ekasseva deseti, yattakā viññātāro atthi, sabbesaṃ desetīti. **Tasmimīyeva purimasinti** iminā kiṃ dassetīti? Saccako kira cintesi “samaṇo Gotamo abhirūpo pāsādiko suphusitaṃ dantāvaraṇaṃ, jivhā mudukā, madhuraṃ vākkaraṇaṃ, parisāṃ rañjento² maññe vicarati, anto panassa cittekaggatā natthi”ti. Atha Bhagavā Aggivessana na Tathāgato parisāṃ rañjento vicarati, cakkavāḷapariyantāyapi parisāya Tathāgato dhammaṃ deseti, asallīno anupalitto ettakaṃ ekavihārī suññataphalasaṃpattim anuyuttoti dassetuṃ evamāha.

Ajjhattamevāti gocarajjhattameva. **Sannisādemīti** sannisīdāpemi, Tathāgato hi yasmiṃ khaṇe parisā sādhuḥkāraṃ deti, tasmim khaṇe pubbābhogena paricchinditvā phalasaṃpattim samāpajjati, sādhuḥkārasaddassa nigghose avicchinneyeva³ samāpattito vuṭṭhāya tḥitaṭṭhānato paṭṭhāya dhammaṃ deseti, Buddhānaṃ hi bhavaṅgaparivāso lahuḥko hotīti assāsavāre passāsavāre samāpattim samāpajjanti. **Yena sudaṃ niccakappanti** yena suññena phalasaṃpattimā niccakālaṃ viharāmi, tasmim samāpattimā cittaṃ saṅghapemi samādahāmīti dasseti.

Okappaniyametanti saddahaniyametaṃ. Evaṃ Bhagavato ekaggacittataṃ sampaṭicchitvā idāni attano ovaṭṭikasāraṃ katvā ānītapāṇhaṃ pucchanto **abhijānāti kho pana bhavaṃ Gotamo divā supitāti** āha. Yathā hi sunakho nāma asambhinnakhīrapakkapāyasaṃ sappinā yojetvā udarapūraṃ bhojitopi gūthaṃ disvā akhāditvā gantuṃna sakkā, akhādamāno ghāyitvāpi gacchati, aghāyitvāva gatassa kirassa sīsaṃ rujjati, evamevaṃ imassapi Satthā asambhinnakhīrapakkapāyasaṃ abhinikkhamaṇato paṭṭhāya yāva āsavakkhayā pasādanīyaṃ dhammadesanaṃ desetīti. Etassa pana evarūpaṃ

1. Payojanāvadhi (Sī)

2. Rajjanto (Syā)

3. Anupacchinneyeva (Sī), aparicchinneyeva (Syā)

dhammadesanaṃ sutvā Satthari pasādamattampi na uppannaṃ, tasmā ovaṭṭikasāraṃ katvā ānītapañhaṃ apucchitvā gantum asakkonto evamaḥa. Tattha yasmā thinamiddhaṃ sabbakhīṇāsavānaṃ arahattamaggeneva pahīyati, kāyadaratho pana upādinnakepi hoti anupādinnakepi. Tathā hi kamaluppalādīni ekasmiṃ kāle vikasanti, ekasmiṃ makulāni honti, sāyaṃ kesañci rukkhaṇampi pattāni patilīyanti, pāto vipphārikāni honti. Evaṃ upādinnakassa kāyassa darathoyeva darathavasena bhavaṅgasotañca idha niddāti adhippetam, taṃ khīṇāsavānampi hoti. Taṃ sandhāya “abhi jānāmaḥan”ti-ādimāha. **Sammohavihārasmiṃ vadantīti sammohavihāroti vadanti.**

389. **Āsajja āsajjāti** ghaṭṭetvā ghaṭṭetvā. **Upanītehi**ti upanetvā kathitehi. **Vacanapatthehi**ti vacanehi. **Abhinanditvā anumoditvā**ti alanti cittena sampañcchanto abhinanditvā vācāyapi pasaṃsanto anumoditvā. Bhagavatā imassa Nigaṇṭhassa dve suttāni kathitāni. Purimasuttaṃ eko bhāṇavāro, idaṃ diyadḍho, iti adḍhatiye bhāṇavāre sutvāpi ayaṃ Nigaṇṭho neva abhisamayam patto, na pabbajito, na saraṇesu paṭiṭṭhito. Kasmā etassa Bhagavā dhammaṃ desesīti? Anāgate vāsanatthāya. Passati hi Bhagavā “imassa idāni upanissayo natthi, mayhaṃ pana parinibbānato samadhikānaṃ dvinnaṃ vassasatānaṃ accayena Tambapaṇṇidīpe sāsanaṃ paṭiṭṭhahissati, tatrāyaṃ kulaghare nibbattitvā sampatte kāle pabbajitvā tīṇi piṭakāni uggahetvā vipassanaṃ vadḍhetvā saha paṭisambhidāhi arahattaṃ patvā Kālabuddharakkhito nāma mahākhīṇāsavo bhavissatī”ti. Idaṃ disvā anāgate vāsanatthāya dhammaṃ desesi.

Sopi tattheva Tambapaṇṇidīpamhi sāsane paṭiṭṭhite devalokato cavitvā Dakkhināgirivihārassa bhikkhācāragāme ekasmiṃ amaccakule nibbatto pabbajjāsamatthayobbane¹ pabbajitvā tepiṭakaṃ Buddhavacanaṃ uggahetvā gaṇaṃ pariharanto mahābhikkhusaṅghaparivuto upajjhāyaṃ passitum agamāsi, athassa upajjhāyo saddhivihārikaṃ codessāmīti Tepiṭakaṃ Buddhavacanaṃ uggahetvā āgatena tena saddhiṃ mukhaṃ datvā kathāmatampī na akāsi. So paccūsasamaye vuṭṭhāya therassa santikaṃ gantvā “tumhe bhante mayi ganthakammaṃ katvā tumhākaṃ santike āgate mukhaṃ² datvā kathāmatampī

1. Pabbajjāsamatthe vaye (Sī)

2. Āgate kasmā mukhaṃ (Syā, Ka)

na karittha, ko mayhaṃ doso”ti pucchi. Thero āha “tvaṃ āvuso Buddharakkhita ettakeneva ‘pabbajjākiccaṃ me matthakaṃ pattan’ti saññaṃ karosi”ti. Kiṃ karomi bhanteti. Gaṇaṃ vinodetvā tvaṃ papañcaṃ chinditvā Cetiya-pabbatavihāraṃ¹ gantvā samaṇadhammaṃ karohīti. So upajjhāyassa ovāde ṭhatvā saha paṭisambhidāhi arahattaṃ patvā puññaṃ rājapūjito hutvā mahābhikkhusaṅghaparivāro Cetiya-pabbatavihāre vasi.

Tasmim hi kāle Tissamahārājā uposathakammaṃ karonto Cetiya-pabbate rājalēṇe vasati. So therassa upaṭṭhākabhikkhuno saññaṃ adāsi “yadā mayhaṃ ayyo pañhaṃ vissajjeti, dhammaṃ vā katheti, tadā me saññaṃ dadeyyāthā”ti. Theropi ekasmiṃ dhammassavanadivase bhikkhusaṅghaparivāro² kaṇṭakacetiyaṅgaṇaṃ āruyha cetiyaṃ vanditvā kāḷatimbarurukkhamūle³ aṭṭhāsi. Atha naṃ eko Piṇḍapātikatthero Kāḷakārāmasuttante⁴ pañhaṃ pucchi. Thero nanu āvuso ajja dhammassavanadivasoti āha. Āma bhante dhammassavanadivasoti. Tena hi pīṭhakaṃ ānetha, idheva nisinnā dhammassavanaṃ karissāmāti. Athassa rukkhamūle āsanaṃ paññapetvā adamsu. Thero pubbagāthā vatvā Kāḷakārāmasuttaṃ ārabhi. Sopissa upaṭṭhākadaharo rañño saññaṃ dāpesi⁵. Rājā pubbagāthāsu anīṭṭhitāsuyeva pāpuṇi, patvā ca aññātakaveseneva parisante ṭhatvā tiyāmarattim ṭhitakova dhammaṃ sutvā therassa idamavoca Bhagavāti vacanakāle sādhu-kāraṃ adāsi. Thero ñatvā kadā āgatosi mahārājāti pucchi. Pubbagāthā osāraṇakāleyeva bhanteti. Dukkaraṃ te mahārāja katanti. Nayidaṃ bhante dukkaraṃ, yadi pana me ayyassa dhammakathaṃ āraddhakāḷato paṭṭhāya ekapadepi aññāvihitabhāvo ahoṣi, tambapaṇṇidīpassa patodayaṭṭhinitudanamattepi ṭhāne sāmibhāvo nāma me mā hotūti sapathaṃ akāsi.

Tasmim pana sutte Buddhaguṇā paridīpitā, tasmā rājā pucchi “ettakāva bhante Buddhaguṇā, udāhu aññepi atthi”ti. Mayā kathitato mahārāja akathitameva bahu appamaṇanti. Upamaṃ bhante karoṭhāti. Yathā

1. Vātakasitapabbatavihāraṃ (Sī)

2. Bhikkhusaṅghaparivuto (Syā)

3. Kāḷambarirukkhamūle (Ka), kāḷadumbarirukkhamūle (Syā)

4. Kāḷāmasuttante (Syā)

5. Adāsi (Syā, Ka)

mahārāja karīsasahassamatte sālīkkhette ekasālīsīto avasesasālīyeva bahū, evaṃ mayā kathitagunā appā, avasesā bahūti. Aparampi bhante upamaṃ karoṭhāti. Yathā mahārāja Mahāgaṅgāya oghapuṇṇāya sūcipāsaṃ sammukhaṃ kareyya, sūcipāseṇa gata-udakaṃ appaṃ, sesaṃ bahu, evameva mayā kathitagunā appā, avasesā bahūti. Aparampi bhante upamaṃ karoṭhāti. Idha mahārāja cātakaṣakuṇā¹ nāma ākāse kiḷantā vicaranti, khuddakā sā ṣakuṇajāti, kiṃ nu kho tassa ṣakuṇassa ākāse pakkhapaṣāraṇaṭṭhānaṃ bahu, avaseso ākāso appoti. Kiṃ bhante vadatha, appo tassa pakkhapaṣāraṇokāso, avasesova bahūti. Evameva mahārāja appakā mayā Buddhaguṇā kathitā, avasesā bahū anantā appameyyāti. Sukathitaṃ bhante anantā Buddhaguṇā ananteneva ākāseṇa upamitā, pasannā mayaṃ ayyassa, anucchavikaṃ pana kātuṃ na sakkoma, ayaṃ me duggatapaṇṇākāro, imasmiṃ Tambapaṇṇidīpe imaṃ tiyojanasatikaṃ² rajjaṃ ayyassa demāti. Tumhehi mahārāja attano pasannākāro kato, mayaṃ pana amhākaṃ dinnāṃ rajjaṃ tumhākaṃyeva dema, dhammena samena rajjaṃ kārehi mahārājāti.

Papañcasūdaniyā Majjhimanikāyaṭṭhakathāya

Mahāsaccakasuttavaṇṇanā niṭṭhitā.

7. Cūḷataṇhāsaṅkhayasuttavaṇṇanā

390. **Evaṃ me sutanti** Cūḷataṇhāsaṅkhayasuttaṃ. Tattha **Pubbārāme Migāramātupāsādeti** Pubbārāmasaṅkhāte vihāre Migāramātuyā pāsāde. Tatrāyaṃ anupubbīkathā—atīte satasahassakappamatthake ekā upāsikā Padumuttaraṃ Bhagavantaṃ nimantetvā Buddhappamukhassa bhikkhusaṃghassa satasahassaṃ dānaṃ datvā Bhagavato pādamūle nipajjitvā “anāgate tumhādisassa Buddhassa aggupaṭṭhāyikā homī”ti patthanaṃ akāsi. Sā kappasatasahassaṃ devesu ceva manussesu ca saṃsaritvā amhākaṃ

1. Vātakasakuṇā (Sī, Syā)

2. Yojanasatikaṃ (Sī, Syā, Ka)

Bhagavato kāle Bhaddiyanagare Meṇḍakaseṭṭhiputtassa Dhanañjayassa seṭṭhino gehe Sumanadeviyā kucchimhi paṭisandhim gaṇhi, jātakāle cassā **Visākhā**ti nāmaṃ akamsu. Sā yadā Bhagavā Bhaddiyanagaram agamāsi, tadā pañcahi dārikāsatehi saddhim Bhagavato paccuggamanam katvā paṭhamadassanamhiyeva sotāpannā ahoṣi. Aparabhāge Sāvattiyam Migāraseṭṭhiputtassa Puñṇavaddhanakumārassa geham gatā, tattha nam Migāraseṭṭhi mātuṭṭhāne ṭhapesi, tasmā **Migāramātā**ti vuccati.

Patikulam gacchantiyā cassā pitā **Mahālatāpīlandhanam** nāma kārāpesi, tasmim piḷandhane catasso vajiranāḷiyo upayogam agamaṃsu, muttānam ekādasa nāḷiyo, pavāḷānam dvāvīsati nāḷiyo, maṇīnam tettiṃsa nāḷiyo, iti etehi ca aññehi ca sattavaṇṇehi ratanehi niṭṭhānam agamaṃsi, tam sīse paṭimukkam yāva pādapiṭṭhiyā bhassati, pañcannam hatthīnam balam dhārayamānāva nam itthi dhāretum sakkoti. Sā aparabhāge Dasabalassa aggupatṭhāyikā hutvā tam pasādhanam vissajjetvā navahi koṭṭhi Bhagavato vihāram kārayamānā karīsamatte bhūmibhāge pāsadam¹ kāresi, tassa uparibhūmiyam pañca gabbhasatāni honti, heṭṭhābhūmiyam pañcāti gabbhasahassappaṭimaṇḍito ahoṣi, sā “suddhapāsādova na sobhatī”ti tam parivāretvā pañca dvikūṭagehasatāni pañca cūlapāsādasatāni pañca dīghasālasatāni ca kārāpesi, vihāramaho catūhi māsehi niṭṭhānam agamaṃsi.

Mātugāmattabhāve ṭhitāya Visākhāya viya aññissā Buddhasāsane dhanapariccāgo nāma natthi, purisattabhāve ṭhitassa ca Anāthapiṇḍikassa viya aññassa Buddhasāsane dhanapariccāgo nāma natthi. So hi catupaññāsakoṭṭiyo vissajjetvā Sāvattiyā dakkhiṇabhāge Anurādhapurassa mahāvihārasadise ṭhāne Jetavanamahāvihāram nāma kāresi. Visākhā Sāvattiyā pācīnabhāge Uttamadevīvihārasadise ṭhāne **Pubbārāma**m nāma kāresi. Bhagavā imesam dvinnam kulānam anukampāya Sāvattim nissāya viharanto imesu dvīsu vihāresu nibaddhavāsam vasi, ekaṃ antovassam Jetavane vasati, ekaṃ Pubbārāme, etasmim pana samaye Bhagavā Pubbārāme viharati. Tena vuttam “Pubbārāme Migāramātupāsāde”ti.

1. Vihāram (Sī)

Kittāvatā nu kho bhanteti kittakena nu kho bhante. **Samkhittena taṇhāsaṅkhayavimutto hotīti** taṇhāsaṅkhaye nibbāne taṃ ārammaṇaṃ katvā vimuttacittatāya taṇhāsaṅkhayavimutto nāma samkhittena kittāvatā hoti. Yāya paṭipattiyā taṇhāsaṅkhayavimutto hoti, taṃ me khīṇāsavassa bhikkhuno pubbabhāgappaṭipadaṃ samkhittena desethāti pucchati. **Accantaniṭṭho**ti khayavayasaṅkhātaṃ antaṃ atītāti accantā. Accantā niṭṭhā assāti **accantaniṭṭho**, ekantaniṭṭho satataniṭṭhoti attho. Accantaṃ yogakkhemīti **accantayogakkhemī**, niccayogakkhemīti attho. Accantaṃ brahmacārīti **accantabrahmacārī**, niccabrahmacārīti attho, accantaṃ pariyoṣānamassāti purimanayeneva **accantapariyoṣāno**. **Seṭṭho devamanussānanti** devānaṅca manussānaṅca seṭṭho uttamo. Evarūpo bhikkhu kittāvatā hoti, khippametassa saṅkhepeneva paṭipattiṃ kathethāti Bhagavantaṃ yācati. Kasmā panesa evaṃ vegāyatīti? Kīlaṃ anubhavitukāmatāya.

Ayaṃ kira uyyānakīlaṃ āṇāpetvā catūhi mahārājūhi catūsu disāsu ārakkhaṃ gāhāpetvā dvīsu devalokesu devasaṅghena parivuto aḍḍhatiyāhi nāṭakakoṭīhi saddhim Erāvaṇaṃ āruyha uyyānavāre ṭhito imaṃ pañhaṃ sallakkhesi “kittakena nu kho taṇhāsaṅkhayavimuttassa khīṇāsavassa saṅkhepato āgamaniyapubbabhāgappaṭipadā hotī”ti. Athassa etadahosi “ayaṃ pañho ativiya sassiriko, sacāhaṃ imaṃ pañhaṃ anuggaṇhitvāva uyyānaṃ pavisissāmi, chadvārikehi ārammaṇehi nimmathito na puna imaṃ pañhaṃ sallakkhessāmi, tiṭṭhatu tāva uyyānakīlaṃ, Satthu santikaṃ gantvā imaṃ pañhaṃ pucchitvā uggahitapañho uyyāne kīlissāmi”ti hatthikkhandhe antarahito Bhagavato santike pāturahosi. Tepi cattāro mahārājāno ārakkhaṃ gahetvā ṭhitatṭhāneyeva ṭhitā, paricārikadevasaṅghāpi nāṭakānīpi Erāvaṇopi nāgarājā tattheva uyyānavāre aṭṭhāsi, evamesa kīlaṃ anubhavitukāmatāya vegāyanto evamāha.

Sabbe dhammā nālaṃ abhinivesāyāti ettha sabbe dhammā nāma pañcakkhandhā dvādasāyatanāni aṭṭhārasa dhātuyo, te sabbepi taṇhādiṭṭhivasena

abhinivesāya nālaṃ na pariyattā na samatthā na yuttā, kasmā? Gahitākārena atitṭhanato. Te hi niccāti gahitāpi aniccāva sampajjanti, sukhāti gahitāpi dukkhāva sampajjanti, attāti gahitāpi anattāva sampajjanti, tasmā nālaṃ abhinivesāya. **Abhijānātīti** aniccaṃ dukkhaṃ anattāti nātāpariññāya abhijānāti. **Parijānātīti** tatheva tīraṇāpariññāya parijānāti. **Yamkiñci vedananti** antamaso pañcaviññāṇasampayuttampi yamkiñci appamattakampi vedanaṃ anubhavati. Iminā Bhagavā Sakkassa Devānamindassa vedanāvasena nibbattetvā arūpapariggahaṃ dasseti. Sace pana vedanākammaṭṭhānaṃ heṭṭhā na kathitaṃ bhaveyya, imasmim̐ ṭhāne kathetabbaṃ siyā. Heṭṭhā pana kathitaṃ, tasmā satipaṭṭhāne vuttanayeneva veditabbaṃ. **Aniccānupassīti** ettha aniccaṃ veditabbaṃ, aniccānupassanā veditabbā, aniccānupassī veditabbo. Tattha **aniccanti** pañcakkhandhā, te hi uppādavayaṭṭhena aniccā. **Aniccānupassanāti** pañcakkhandhānaṃ khayato vayo dassanaññaṃ. **Aniccānupassīti** tena ñāṇena samannāgato puggalo, tasmā “aniccānupassī viharatī”ti aniccato anupassanto viharatīti ayamettha attho.

Virāgānupassīti ettha dve virāgā khayavirāgo ca accantavirāgo ca. Tattha saṅkhārānaṃ khayavayo anupassanāpi, accantavirāgaṃ nibbānaṃ virāgato dassanamaggaññaṃampi **virāgānupassanā**. Tadubhayasamaṅgīpuggalo virāgānupassī nāma, taṃ sandhāya vuttaṃ “virāgānupassī”ti, virāgato anupassantoti attho. **Nirodhānupassimhipi** eseva nayo, nirodhopi hi khayanirodho ca accantanirodho cāti duvidhoyeva. **Paṭinissaggānupassīti** ettha **paṭinissaggo** vuccati vossaggo, so ca pariccāgavossaggo pakkhandanavossaggoti duvidho hoti. Tattha **pariccāgavossaggoti** vipassanā, sā hi tadaṅgavasena kilese ca khandhe ca vossajjati. **Pakkhandanavossaggoti** maggo, so hi nibbānaṃ ārammaṇaṃ ārammaṇato pakkhandati. Dvīhipi vā kāraṇehi vossaggoyeva, samucchēdavasena khandhānaṃ kilesānaṅca vossajjanato nibbānaṅca pakkhandanato. Tasmā kilese ca khandhe ca pariccajātīti pariccāgavossaggo, nirodhe nibbānadhātuyā cittaṃ pakkhandatīti pakkhandanavossaggoti ubhayampetaṃ magge sameti. Tadubhayasamaṅgīpuggalo imāya paṭinissaggānupassanāya samannāgatattā paṭinissaggānupassī nāma hoti, taṃ sandhāya vuttaṃ “paṭinissaggānupassī”ti. **Na kiñci loke**

upādiyatīti kiñci ekampi saṅkhāragataṃ taṇhāvasena na upādiyati na gaṇhāti na parāmasati. **Anupādiyaṃ na paritassatī**ti aggaṇhanto taṇhāparitassanāya na paritassati. **Paccattaññeva parinibbāyatī**ti sayameva kilesaparinibbānena parinibbāyati. **Khīṇā jātī**-ādinā panassa paccavekkhaṇāva dassitā. Iti Bhagavā Sakkassa Devānamindassa saṅkhittena khīṇāsavassa pubbabhāgappaṭipadaṃ pucchito sallahukaṃ katvā saṅkhitteneva khippaṃ kathesi.

391. **Avidūre nisinno hotī**ti anantare Kūṭāgāre nisinno hoti.

Abhisameccāti nāṇena abhisamāgantvā, jānitvāti attho. Idaṃ vuttaṃ hoti—kiṃ nu kho esa jānitvā anumodi, udāhu ajānitvā vāti. Kasmā panassa evamahosīti? Thero kira na Bhagavato pañhavissajjanasaddaṃ assosi, Sakkassa pana devarañño “evametaṃ Bhagavā evametaṃ Sugatā”ti anumodanasaddaṃ assosi. Sakko kira devarājā mahatā saddena anumodi. Atha kasmā na Bhagavato saddaṃ assosīti? Yathāparisaviññāpakattā. Buddhānaṃ hi dhammaṃ kathentānaṃ ekābaddhāya cakkavāḷapariyantāyapi parisāya saddo suyyati, pariyaṇtaṃ pana muñcitvā aṅgulimattampi bahiddhā na niccharati. Kasmā? Evarūpā madhurakathā mā niratthakā agamāsīti. Tadā Bhagavā Migāramātupāsāde sattaratanamaye Kūṭāgāre sirigabbhamhi nisinno hoti, tassa dakkhiṇapasse Sāriputtattherassa vasanakūṭāgāraṃ, vāmapasse Mahāmoggallānassa, antare chiddavivarokāso natthi, tasmā thero na Bhagavato saddaṃ assosi, sakkasseva assosīti.

Pañcahi tūriyasatehīti pañcaṅgikānaṃ tūriyānaṃ pañcahi satehi.

Pañcaṅgikaṃ tūriyaṃ nāma ātataṃ vitataṃ ātatavitataṃ susiraṃ ghananti imehi pañcahi aṅgehi samannāgataṃ. Tattha **ātataṃ** nāma cammapariyonaddhesu bheri-ādīsu ekatalatūriyaṃ, **vitataṃ** nāma ubhayatalaṃ. **Ātatavitataṃ** nāma tantibaddhapaṇavādi. **Susiraṃ** vamsādi. **Ghanaṃ** sammādi. **Samappitoti** upagato. **Samaṅgībhūtoti** tasseva vevacanaṃ. **Paricāretī**ti taṃ sampattiṃ anubhavanto tato tato indriyāni cāreti. Idaṃ vuttaṃ hoti—parivāretvā¹ vajjamānehi pañcahi tūriyasatehi samannāgato hutvā

1. Paricāretvā (Syā, Ka)

dibbasampattiṃ anubhavatīti. **Paṭipañāmetvā**ti apanetvā, nissaddāni kārapetvāti attho. Yatheva hi idāni saddhā rājāno garubhāvaniyaṃ bhikkhum disvā “asuko nāma ayyo āgacchati, mā tātā gāyatha, mā vādettha, mā naccathā”ti nāṭakāni paṭivinenti, Sakkopi theram disvā evamakāsi. **Cirassam kho mārisa Moggallāna imam pariyāyamakāsīti** evarūpaṃ loke pakatiyā piyasamudāhāravacanam hoti, lokiyā hi cirassam āgatampi anāgatapubbampi manāpajātiyaṃ āgataṃ disvā “kuto bhavaṃ āgato, cirassam bhavaṃ āgato, katham te idhāgamanamaggo ñāto maggamūḷhosī”ti-ādīni vadanti. Ayaṃ pana āgatapubbattāyeva evamāha. Thero hi kālena kālam devacārikam gacchatiyeva. Tattha **pariyāyamakāsīti** vāram akāsi. **Yadidam idhāgamanāyāti** yo ayaṃ idhāgamanāya vāro, tam bhante cirassamakāsīti vuttam hoti. **Idamāsanam paññattanti** yojanikam maṇipallaṅkam paññapāpetvā evamāha.

392. **Bahukiccā bahukaraṇīyāti** ettha yesam bahūni kiccāni, te bahukiccā. **Bahukaraṇīyāti** tasseva vevacanam. **Appeva sakena karaṇīyenāti** sakaraṇīyameva appam mandam, na bahu, devānam karaṇīyam pana bahu, pathavito paṭṭhāya hi kapparukkhamaṭugāmādīnam atthāya aṭṭā Sakkassa santike chijjanti, tasmā niyamento āha **apica devānamyeva Tāvatiṃsānam karaṇīyenāti**. Devānam hi dhītā ca puttā ca aṅke nibbattanti, pādaparicārikā itthiyo sayane nibbattanti, tāsam maṇḍanapasādhanakārikā devadhītā sayanam parivāretvā nibbattanti, veyyāvaccakarā antovimāne nibbattanti, etesam atthāya aṭṭakaraṇam natthi. Ye pana sīmantare nibbattanti, te “mama santakā tava santakā”ti nicchetum asakkontā aṭṭam karonti, Sakkam devarājānam pucchanti, so yassa vimānam āsannataram, tassa santakoti vadati. Sace dvepi samaṭṭhāne honti, yassa vimānam olovento¹ ṭhito, tassa santakoti vadati. Sace ekampi na oloketi, tam ubhinnaṃ kalahupacchedanattam attano santakam karoti. Tam sandhāya “devānamyeva Tāvatiṃsānam karaṇīyenā”ti āha. Apicassa evarūpaṃ kīḷākiccampi karaṇīyameva.

1. Ullovento (Syā, Ka)

Yaṃ no khippameva antaradhāyatīti yaṃ amhākaṃ sīghameva andhakāre rūpagataṃ viya na dissati, iminā “ahaṃ bhante taṃ pañhavissajjanaṃ na sallakkhemī”ti dīpeti. Thero “kasmā nu kho ayaṃ yakkho asallakkhaṇabhāvaṃ dīpeti, passena pariharatī”ti āvajjanto “devā nāma mahāmūḷhā honti. Chadvārikehi ārammaṇehi nimmathīyamānā attano bhuttābhuttabhāvampi pītāpītabhāvampi na jānanti, idha kataṃ ettha pamussantī”ti aññāsi. Keci panāhu “thero etassa garu bhāvaniyo, tasmā ‘idāneva loke aggapuggalassa santike pañhaṃ uggahetvā āgato, idāneva nāṭakānaṃ antaraṃ pavitṭhoti evaṃ maṃ thero tajjeyyā’ti bhayena evamāhā”ti. Etaṃ pana kohaññaṃ nāma hoti, na ariyasāvakaṃ evarūpaṃ kohaññaṃ nāma hoti, tasmā mūḷhabhāveneva na sallakkhesīti veditabbaṃ. Upari kasmā sallakkhesīti? Thero tassa somanassasaṃvegaṃ janayitvā tamaṃ nīhari, tasmā sallakkhesīti.

Idāni Sakko pubbe attano evaṃ bhūtakāraṇaṃ therassa ārocetuṃ **bhūtapubbanti-ādimāha**. Tattha **samupabyūḷhoti** sannipatito rāsibhūto. **Asurā parājiniṃsūti** asurā parājayaṃ pāpuṇṇiṃsu. Kadā panete parājitāti? Sakkassa nibbattakāle. Sakko kira anantare attabhāve Magadharaṭṭhe Macalagāme **Magho**¹ nāma māṇavo ahoṣi paṇḍito byatto, bodhisattacariyā viyassa cariyā ahoṣi. So tettimsa purise gahetvā kalyāṇamakāsi, ekadivasāṃ attanova paññāya upaparikkhitvā gāmamajjhe mahājanassa sannipatitaṭṭhāne kacavaraṃ ubhayato apabbahitvā² taṃ ṭhānaṃ atiramaṇīyaṃ akāsi, puna tattheva maṇḍapaṃ kāresi, puna gacchante kāle sālaṃ kāresi, gāmato ca nikkhamitvā gāvutampi aḍḍhajojanampi tigāvutampi yojanampi vicaritvā tehi sahāyehi saddhim visamaṃ samaṃ akāsi, te sabbepi ekacchandā tattha tattha setuyuttaṭṭhānesu setuṃ, maṇḍapasālāpokkharaṇīmālāgaccharopanādīnaṃ yuttaṭṭhānesu maṇḍapādīni karontā bahum puññaṃakāmsu. Magho satta vatapadāni³ pūretvā kāyassa bhedaṃ saddhim sahāyehi Tāvatiṃsabhavane nibbatti.

1. Māgho (Syā, Ka)

2. Pabyūhetvā (Syā), pabyūhitvā (Ka)

3. Vattapadāni (Syā, Ka)

Tasmiṃ kāle asuragaṇā Tāvatiṃsadevaloke paṭivasanti, sabbe te devānaṃ samānāyukā samānavaṇṇā ca¹ honti, te Sakkaṃ sapaṇisaṃ disvā adhunā nibbattā navakadevaputtā āgatāti mahāpānaṃ sajjayimsu. Sakko devaputtānaṃ saññaṃ adāsi “amhehi kusalaṃ karontehi na parehi saddhiṃ sādharmaṇaṃ kataṃ, tumhe gaṇḍapānaṃ mā pivittha, pītamattameva karoṭhā”ti. Te tathā akaṃsu. Bāla-asurā gaṇḍapānaṃ pivitvā mattā niddaṃ okkamimsu. Sakko devānaṃ saññaṃ datvā te pādesu gāhāpetvā Sinerupāde khipāpesi, Sinerussa heṭṭhimatale **Asurabhavanaṃ** nāma atthi, Tāvatiṃsadevalokappamāṇameva, tattha asurā vasanti, tesampi **Cittapāṭali** nāma rukkho atthi, te tassa pupphanakāle jānanti “nāyaṃ Tāvatiṃsā, Sakkena vañcitā mayā”ti. Te gaṇhatha nanti vatvā Sineruṃ pariharamānā deve vuṭṭhe vammikapādato vammikamakkhikā viya abhiruhimsu. Tattha kālena devā jinanti, kālena asurā. Yadā devānaṃ jayo hoti, asure yāva samuddapiṭṭhā anubandhanti. Yadā asurānaṃ jayo hoti, deve yāva vedikapādā anubandhanti. Tasmiṃ pana saṅgāme devānaṃ jayo ahosi, devā asure yāva samuddapiṭṭhā anubandhimsu. Sakko asure palāpetvā pañcasu ṭhānesu ārakkhaṃ ṭhapesi, evaṃ ārakkhaṃ datvā vedikapāde vajirahatthā indapaṭimāyo ṭhapesi. Asurā kālena kālaṃ uṭṭhahitvā tā paṭimāyo disvā “Sakko appamatto tiṭṭhatī”ti tatova nivattanti. **Tato paṭinivattitvāti** vijitaṭṭhānato nivattivā. **Paricārikāyoti** mālāgandhādikammakārikāyo.

393. **Vessavaṇo ca mahārājāti** so kira Sakkassa vallabho balavavissāsiko, tasmā Sakkena saddhiṃ agamāsi. **Purakkhatvāti** purato katvā. **Pavisimsūti** pavisitvā pana upaḍḍhapihitāni dvārāni katvā olokayamānā aṭṭhaṃsu. **Idampi mārisa Moggallāna passa Vejayantassa pāsādassa rāmaṇeyyakanti** mārisa Moggallāna idampi Vejayantassa pāsādassa rāmaṇeyyakaṃ passa, suvaṇṇatthambhe passa, rajatatthambhe maṇitthambhe pavāḷatthambhe lohitaṅgatthambhe masāragallatthambhe muttatthambhe sattaratanatthambhe, tesāmyeva suvaṇṇādīmāye ghaṭake vālarūpakāni ca

1. Samānavaṇṇāva (Sī)

passāti evaṃ thambhapantiyo ādiṃ katvā rāmaṇeyyakam dassento evamāha. **Yathā taṃ pubbekatapuññassāti** yathā pubbe katapuññassa upabhogaṭṭhānena sobhitabbaṃ, evamevaṃ sobhatīti attho. **Atibālham kho ayaṃ yakkho pamatto viharatīti** attano pāsāde¹ nāṭakaparivārena sampattiyā vasena ativiya matto.

Iddhābhisankhāram abhisankhāsīti iddhiṃ akāsi. Āpokasiṇaṃ samāpajjitvā pāsādapatitṭhitokāsaṃ udakaṃ hotūti iddhiṃ adhiṭṭhāya pāsādakaṇṇike pādaṅguṭṭhakena pahari, so pāsādo yathā nāma udakapitṭhe ṭhapitapattam mukhavaṭṭiyam aṅgulyā pahaṭam aparāparam kampati calati na santiṭṭhati, evamevaṃ saṅkampi sampakampi sampavedhi, thambhapiṭṭhasaṅghāṭakaṇṇikagopānasi-ādīni karakarāti saddam muñcantāni patitum viya āradhāni. Tena vuttam “saṅkampesi sampakampesi sampavedhesī”ti. **Acchariyabbhutacittajātāti** aho acchariyam aho abbhutanti evam sañjāta-acchariya-abbhutā ceva sañjātatuṭṭhino ca ahesum uppanabalavasomanassā. **Samvigganti** ubbiggam calitam. **Lomahaṭṭhajātanti** jātalomahaṃsam, kañcanabhittiyam ṭhapitamaṇināgadantehi viya uddhaggehi lomehi ākiṇṇasarīranti attho. Lomahaṃso ca nāmesa somanassenapi hoti domanassenapi, idha pana somanassena jāto. Thero hi Sakkassa somanassavegena saṃvejetum taṃ pāṭihāriyamakāsi. Tasmā somanassavegena saṃviggalomahaṭṭham veditvāti attho.

394. **Idhāham mārīsāti** idānissa yasmā therena somanassasaṃvegam janayitvā tamaṃ vinoditam, tasmā sallakkhetvā evamāha. **Eso nu te mārīsa so Bhagavā Satthāti** mārīsa tvaṃ kuhiṃ gatosīti vutte mayham Satthu santikanti vadesi, imasmim devaloke ekapādakena viya tiṭṭhasi, yaṃ tvaṃ evam vadesi, eso nu te mārīsa so Bhagavā Satthāti pucchimsu. **Sabrahmacārī me esoti** ettha kiñcāpi thero anagāriyo abhinīhārasampanno aggasāvako, Sakko agāriyo, maggabrahmacariyavasena panete sabrahmacārino honti, tasmā evamāha.

1. Pāsādena (Syā, Ka)

Aho nūna te so Bhagavā Satthāti sabrahmacārī tāva te evaṃmahiddhiko, so pana te Bhagavā Satthā aho nūna mahiddhikoti Satthu iddhipāḥihāriyadassane jātabhilāpā hutvā evamāhamso.

395. **Ñātaññatarassā**ti¹ paññātaññatarassa, Sakko hi paññātānaṃ aññataro. Sesam sabbattha pākaṭameva, desanaṃ pana Bhagavā yathānusandhināva niṭṭhapesīti.

Papañcasūdaniyā Majjhimanikāyaṭṭhakathāya

Cūḷaṭaṇhāsāṅkhayasuttavaṇṇanā niṭṭhitā.

8. Mahātaṇhāsāṅkhayasuttavaṇṇanā

396. **Evaṃ me sutanti** Mahātaṇhāsāṅkhayasuttaṃ. Tattha **diṭṭhigatanti** Alagaddūpamasutte laddhimattaṃ diṭṭhigatanti vuttaṃ, idha sassatadiṭṭhi. So ca bhikkhu bahussuto, ayaṃ appassuto jātakabhāṇako Bhagavantaṃ jātakam² kathetvā “ahaṃ bhikkhave tena samayena Vessantaro ahoṣim, Mahosadho, Vidhurapaṇḍito, Senakapaṇḍito, Mahājanako rājā ahoṣin”ti samodhānentaṃ suṇāti. Athassa etadahosi “ime rūpavedanāsaññāsāṅkhārā tattha tattheva nirujjhanti, viññānaṃ pana idhalokato paralokaṃ, paralokato imaṃ lokaṃ sandhāvati saṃsarati”ti sassatadassanaṃ uppannaṃ. Tenāha “tadevidaṃ viññānaṃ sandhāvati saṃsarati anaññaṃ”ti.

Sammāsambuddhena pana “viññānaṃ paccayasambhavaṃ³, sati paccaye uppajjati, vinā paccayaṃ natthi viññāṇassa sambhavo”ti vuttaṃ. Tasmā ayaṃ bhikkhu Buddhena akathitaṃ katheti, Jinacakke pahāraṃ deti, vesārajaññaṃ paṭibāhati, sotukāmaṃ janaṃ visaṃvādeti, ariyapathe tiriyaṃ nipatitvā mahājanassa ahitāya dukkhāya paṭipanno. Yathā nāma rañño rajje mahācoro uppajjamāno mahājanassa ahitāya dukkhāya uppajjati, evaṃ Jinasāsane

1. Aññātaññatarassāti (Sī), aññatarassāti (I, Ma-Ṭṭha 2. 30 piṭṭhe)

2. Jātakakathaṃ (Syā, Ka)

3. Viññāṇasambhavo (Ka)

coro hutvā mahājanassa ahitāya dukkhāya uppannoti veditabbo. **Sambahulā bhikkhūti** janapadavāsino piṇḍapātikabhikkhū. **Tenupasaṅkamirṃsūti** ayam̃ parisam̃ labhitvā sāsanaṃpi antaradhāpeyya, yāva pakkhaṃ na labhati, tāvadeva nam̃ diṭṭhigatā vivecemāti sutasutaṭṭhānatoyeva aṭṭhatvā anisīditvā upasaṅkamirṃsu.

398. **Katamaṃ taṃ sāti viññāṇanti** sāti yaṃ tvaṃ viññāṇaṃ sandhāya vadesi, katamaṃ taṃ viññāṇanti. **Yvāyaṃ bhante vado vedeyyo tatra tatra kalyāṇapāpakānaṃ kammānaṃ vipākāṃ paṭisaṃvedetīti** bhante yo ayam̃ vadati vedayati, so cāyaṃ tahiṃ tahiṃ kusalākusalakammānaṃ vipākāṃ paccanubhoti. Idaṃ bhante viññāṇaṃ, yamaṃ sandhāya vademīti. **Kassa nu kho nāmāti** kassa khattiyassa vā brāhmaṇassa vā vessasuddagahaṭṭhapabbajitadevamanussānaṃ vā aññatarassa.

399. **Atha kho Bhagavā bhikkhū āmantesīti** kasmā āmantesi? Sātissa kira evaṃ ahosi “Sattā maṃ ‘moghapuriso’ti vadati, na ca moghapurisoti vuttamatteneva maggaphalānaṃ upanissayo na hoti. Upasenampi hi Vaṅgantaṃputtaṃ ‘atīluṃ kho tvaṃ moghapurisa bāhullāya āvatto’¹ti Bhagavā moghapurisaṃvādena ovadi. Thero aparabhāge ghaṭento vāyamaṃto cha abhiññā sacchākāsi. Ahampi tathārūpaṃ vīriyaṃ paggaṇhitvā maggaphalāni nibbattessāmi”ti. Athassa Bhagavā chinnapaccayo ayam̃ sāsane avirūhadhammoti dassento bhikkhū āmantesi. **Usmīkatoti**-ādi heṭṭhā vuttādhippāyameva. **Atha kho Bhagavāti** ayampi pāṭiyekko anusandhi. Sātissa kira etadahosi “Bhagavā mayhaṃ maggaphalānaṃ upanissayo natthīti vadati, kiṃ sakkā upanissaye asati kātum², na hi Tathāgatā sa-upanissayasseva dhammaṃ desenti, yassa kassaci desentiyeva, ahaṃ Buddhassa santikā Sugatovādaṃ labhitvā saggasampattūpagaṃ kusalaṃ karissāmi”ti. Athassa Bhagavā “nāhaṃ moghapurisa tuyhaṃ ovādaṃ vā anusāsaniṃ vā demī”ti Sugatovādaṃ paṭippassambhento imaṃ desanaṃ ārabhi, tassattho heṭṭhā vuttanayeneva veditabbo. Idāni

1. Vi 3. 74 piṭṭhe.

2. Asati upanissayo patikātum (Syā, Ka)

parisāya laddhiṃ sodhento “idhāhaṃ bhikkhū paṭipucchissāmi”ti-ādimāha. Tam sabbampi heṭṭhā vuttanayeneva veditabbaṃ.

400. Idāni viññāṇassa sappaccayabhāvaṃ dassetuṃ **yaṃ yadeva bhikkhaveti**-ādimāha. Tattha **manañca paṭicca dhamme cāti** sahāvajjanena bhavaṅgamañca tebhūmakadhamme ca paṭicca. **Kaṭṭhañca paṭiccāti**-ādi opammanidassanattamaṃ vuttaṃ. Tena kiṃ dīpeti? Dvārasaṅkantiyā abhāvaṃ. Yathā hi kaṭṭhaṃ paṭicca jalamāno aggi upādānapaccaye satiyeva jalati, tasmim̐ asati paccayavekallena tattheva vūpasammati, na sakalikādīni saṅkamitvā sakalikaggīti-ādisaṅkhyam̐ gacchati, evameva cakkhuñca paṭicca rūpe ca uppannaṃ viññāṇaṃ tasmim̐ dvāre cakkhurūpa-ālokamanasikārasaṅkhāte paccayamhi satiyeva uppajjati, tasmim̐ asati paccayavekallena tattheva nirujjhati, na sotādīni saṅkamitvā sotaviññāṇanti-ādisaṅkhyam̐ gacchati. Esa nayo sabbavāresu. Iti Bhagavā nāhaṃ viññāṇappavatte dvārasaṅkantimattampi vadāmi, ayaṃ pana sāti moghapuriso bhavasāṅkantiṃ vadatīti sātīm̐ niggahesi.

401. Evaṃ viññāṇassa sappaccayabhāvaṃ dassetvā idāni pana pañcannampi khandhānaṃ sappaccayabhāvaṃ dassento **bhūtamidanti**-ādimāha. Tattha **bhūtamidanti** idaṃ khandhapañcakaṃ jātaṃ bhūtaṃ nibbattaṃ, tumhepi taṃ bhūtamidanti bhikkhave passathāti. **Tadāhārasambhavanti** taṃ panetaṃ khandhapañcakaṃ āhārasambhavaṃ paccayasambhavaṃ, sati paccaye uppajjati evaṃ passathāti pucchati. **Tadāhāranirodhāti** tassa paccayassa nirodhā. **Bhūtamidaṃ nossūti** bhūtaṃ nu kho idaṃ, na nu kho bhūtanti. **Tadāhārasambhavaṃ nossūti** taṃ bhūtaṃ khandhapañcakaṃ paccayasambhavaṃ nu kho, na nu khoti. **Tadāhāranirodhāti** tassa paccayassa nirodhā. **Nirodhadhammaṃ nossūti** taṃ dhammaṃ nirodhadhammaṃ nu kho, na nu khoti. **Sammappaññāya passatoti** idaṃ khandhapañcakaṃ jātaṃ bhūtaṃ nibbattanti yāthāvasarasalakkhaṇato vipassanāpaññāya sammā passantassa. **Paññāya sudiṭṭhanti** vuttanayeneva vipassanāpaññāya suṭṭhu diṭṭhaṃ. Evaṃ ye ye taṃ puccham̐ sallakkhesuṃ, tesam̐ tesam̐ paṭiññam̐ gaṇhanto pañcannaṃ khandhānaṃ sappaccayabhāvaṃ dassesi.

Idāni yāya paññāya tehi taṃ sappaccayam̐ sanirodhaṃ khandhapañcakaṃ sudiṭṭhaṃ, tattha nittaṇhabhāvaṃ pucchanto **imaṃ ce tumheti**-ādimāha. Tattha **diṭṭhinti**

vipassanāsammādiṭṭhiṃ. Sabhāvadassanena **parisuddhaṃ**. Paccayadassanena **pariyodātaṃ**. **Alliyethāti** taṇhādiṭṭhihi alliyitvā vihareyyātha. **Kelāyethāti** taṇhādiṭṭhihi kīlamānā vihareyyātha. **Dhanāyethāti** dhanam viya icchantā gedham āpajjeyyātha. **Mamāyethāti** taṇhādiṭṭhihi mamattaṃ uppādeyyātha. **Nittharaṇatthāya no gahaṇatthāyāti** yo so mayā caturghanittharaṇatthāya kullūpamo dhammo desito, no nikantivasena gahaṇatthāya. Api nu taṃ tumhe ājāneyyāthāti. Vipariyāyena sukkapakkho veditabbo.

402. Idāni tesam khandhānam paccayam dassento **cattārome bhikkhave āhārāti**-ādimāha, tampi vuttatthameva. Yathā pana eko imaṃ jānāsīti vutto “na kevalam imaṃ, mātarampissa jānāmi, mātu mātarampī”ti evaṃ paveṇivasena jānanto suṭṭhu jānāti nāma, evamevaṃ Bhagavā na kevalam khandhamattameva jānāti, khandhānam paccayampi tesampi paccayānam paccayanti evaṃ sabbapaccayaparamparaṃ jānāti, so taṃ Buddhabalam dīpento idāni paccayaparamparaṃ dassetuṃ¹ **ime ca bhikkhave cattāro āhārāti**-ādimāha, taṃ vuttatthameva. **Iti kho bhikkhave avijjāpaccayā saṅkhārā -pa- dukkhakkhandhassa samudayo hotīti** ettha pana paṭiccasamuppādakathā vitthāretabbā bhaveyya, sā Visuddhimagge vitthāritāva.

404. **Imasmim sati idam hotīti** imasmim avijjādike paccaye sati idam saṅkhārādikaṃ phalam hoti. **Imassuppādā idam uppajjātīti** imassa avijjādikassa paccayassa uppādā idam saṅkhārādikaṃ phalam uppajjati, tenevāha “yadidaṃ avijjāpaccayā saṅkhārā -pa- samudayo hotī”ti. Evaṃ vaṭṭam dassetvā idāni vivaṭṭam dassento **avijjāya tveva asesavirāgaṇirodhāti**-ādimāha. Tattha **avijjāya tvevāti** avijjāya eva tu. **Asesavirāgaṇirodhāti** virāgasāṅkhātena maggena asesanirodhā anuppādanirodhā. **Saṅkhāranirodhoti** saṅkhārānam anuppādanirodho hoti, evaṃ niruddhānam pana saṅkhārānam nirodhā viññāṇanirodho hoti, viññāṇādīnam ca nirodhā nāmarūpādīni niruddhāniyeva hotīti dassetuṃ **saṅkhāranirodhā viññāṇanirodhoti**-ādim vātvā **evametassa kevalassa dukkhakkhandhassa**

1. Nidānaparamparaṃ dassento (Ka)

nirodho hotīti vuttam. Tattha **kevalassāti** sakalassa, suddhassa vā, sattavirahitassāti attho. **Dukkakkhandhassāti** dukkharāsissa. **Nirodho hotīti** anuppādo hoti.

406. **Imasmim asatīti**-ādi vuttapaṭipakkhanayena veditabbam.

407. Evam vaṭṭavivaṭṭam kathetvā idāni imam dvādasaṅgappaccayavaṭṭam saha vipassanāya maggena jānantassa yā paṭidhāvanā pahiyati, tassā abhāvam pucchanto **api nu tumhe bhikkhaveli**-ādimāha. Tattha **evam jānantāti** evam saha vipassanāya maggena jānantā. **Evam passantāti** tasveva vevacanam. **Pubbantanti** purimakoṭṭhāsam, atītakhandhadhātu-āyatanānīti attho. **Paṭidhāveyyāthāti** taṇhādīṭṭhivasena paṭidhāveyyātha. Sesam Sabbāsavasutte vitthāritameva.

Idāni nesam tattha niccalabhāvam pucchanto **api nu tumhe bhikkhave evam jānantā evam passantā evam vadeyyātha, Satthā no garūti**-ādimāha. Tattha **garūti** bhāriko akāmā anuvattitabbo. **Samaṇoti** Buddhasamaṇo. **Aññam Satthāram uddiseyyāthāti** ayam Satthā amhākam kiccam sādhetum na sakkotīti api nu evamsaññino hutvā aññam bāhirakam Satthāram uddiseyyātha. **Puthusamaṇabrāhmaṇānanti** evamsaññino hutvā puthūnam tiṭṭhisamaṇānam ceva brāhmaṇānañca. **Vatakotūhalamaṅgalānīti** vatasamādānāni ca diṭṭhikutūhalāni ca diṭṭhasutamutamaṅgalāni ca. **Tāni sārato paccāgaccheyyāthāti** etāni sāranti evamsaññino hutvā paṭi-āgaccheyyātha, evam nissaṭṭhāni ca puna gaṇheyyāthāti attho. **Sāmarānāntanti** sayam nāṇena nātā. **Sāmarānāntanti** sayam paññācakkhunā diṭṭham. **Sāmarānāntanti** sayam vibhāvitam pākaṭam katam. **Upanītā kho me tumheti** mayā bhikkhave tumhe iminā sandiṭṭhikādisabhāvena dhammena nibbānam upanītā, pāpitāti attho. **Sandiṭṭhikoti**-ādīnamattho Visuddhimagge vitthārito. **Idametam paṭicca vuttanti** etam vacanam idam tumhehi sāmam nātādibhāvam paṭicca vuttam.

408. **Tiṇṇam kho pana bhikkhaveli** kasmā ārabhi? Nanu heṭṭhā vaṭṭavivaṭṭavasena desanā matthakam pāpitāti. Āma pāpitā. Ayam pana paṭi-ekko

anusandhi, “ayañhi lokasannivāso paṭisandhisammūlho, tassa sammohaṭṭhānaṃ viddhamsetvā pākaṭaṃ karissāmi”ti imaṃ desanaṃ ārabhi. Apica vaṭṭamūlaṃ avijjā, vivaṭṭamūlaṃ Buddhuppādo, iti vaṭṭamūlaṃ avijjaṃ vivaṭṭamūlaṃ ca Buddhuppādaṃ dassetvāpi “puna ekavāraṃ vaṭṭavivaṭṭavasena desanaṃ matthakaṃ pāpessāmi”ti imaṃ desanaṃ ārabhi. Tattha **sannipātā**ti samodhānena piṇḍabhāvena. **Gabbhassā**ti gabbhe nibbattanakasattassa. **Avakkanti hotī**ti nibbatti hoti. Katthaci hi **gabbhoti** mātukucchi vutto. Yathāha—

“Yamekarattim paṭhamaṃ, gabbhe vasati māṇavo.
Abbhutṭhitova so yāti, sa gacchaṃ na nivattatī”ti¹.

Katthaci gabbhe nibbattanasatto. Yathāha “yathā kho panānanda aññā itthikā nava vā dasa vā māse gabbhaṃ kucchinaṃ pariharitvā vijāyantī”ti². Idha satto adhippeto, taṃ sandhāya vuttaṃ “gabbhassa avakkanti hotī”ti.

Idhāti imasmim satta-loke. **Mātā ca utunī hotī**ti idaṃ utusamayaṃ sandhāya vuttaṃ. Mātugāmassa kira yasim okāse dārako nibbattati, tattha mahatī lohitaṭṭhākaṃ saṅghahitvā bhijjitvā paggharati, vatthu suddhaṃ hoti, suddhe vatthumhi mātāpitūsu ekavāraṃ sannipatitesu yāva satta divasāni khettameva hoti. Tasmim samaye hatthaggaḥaveniggāhādinaṃ aṅgaparāmasanenapi dārako nibbattatiyeva. **Gandhabboti** tatrūpagasatto. **Paccupaṭṭhito hotī**ti na mātāpitūnaṃ sannipātaṃ olokayamāno samīpe ṭhito paccupaṭṭhito nāma hoti. Kammayantayantito pana eko satto tasmim okāse nibbattanako hotīti ayamettha adhippāyo. **Saṃsayenā**ti “arogo nu kho bhavissāmi ahaṃ vā, putto vā me”ti evaṃ mahantena jīvitasāsayena. **Lohitañhetam bhikkhaveti** tadā kira mātulohitaṃ taṃ ṭhānaṃ sampattaṃ puttasiṅghaṃ paṇḍaraṃ hoti. Tasmā evamāha. **Vaṅkanti** gāmadārakānaṃ kīlanakaṃ khuddakanaṅgalaṃ. **Ghaṭikā** vuccati dīghadaṇḍena rassadaṇḍakaṃ paharaṇakīlā. **Mokkhacikanti** samparivattakakīlā, ākāse vā daṇḍakaṃ gahetvā bhūmiyaṃ vā sīsaṃ ṭhapetvā heṭṭhupariyabhāvena parivattanakīlananti vuttaṃ hoti. **Cīngulakaṃ** vuccati tālapaṇṇādīhi kataṃ vātappahārena

1. Khu 5. 353 Jātaka.

2. Ma 3. 163 piṭṭhe.

paribbhamanacakkaṃ. **Pattālhakaṃ** vuccati paṇṇanālikā, tāya vālikādīni minantā kīlanti. **Rathakanti** khuddakaratham. **Dhanukampi** khuddakadhanumeva.

409. **Sārajjatī** rāgaṃ uppādeti. **Byāpajjatī** byāpādam uppādeti. **Anupaṭṭhitakāyasatī** kāye sati kāyasati, taṃ anupaṭṭhapetvāti attho. **Parittacetasoti** akusalacitto. **Yatthassa te pāpakā**ti yassaṃ phalasaṃpattiyāṃ ete nirujjhanti, taṃ na jānāti nādhigacchatīti attho. **Anurodhavirodhanti** rāgañceva dosañca. **Abhinandatī** taṇhāvasena abhinandati, taṇhāvaseneva aho sukhanti-ādīni vadanto abhivadati. **Ajjhosāya tiṭṭhatī** taṇhā-ajjhosānagahaṇena gilivā pariniṭṭhapetvā gaṇhāti. Sukhaṃ vā adukkhamasukhaṃ vā abhinandatu, dukkhaṃ kathaṃ abhinandatīti. “Ahaṃ dukkhito mama dukkhaṃ”ti gaṇhanto abhinandati nāma. **Uppajjati nandī**ti taṇhā uppajjati. **Tadupādānanti** sāva taṇhā gahaṇaṭṭhena upādānaṃ nāma, tassa upādānapaccayā bhavo -pa- samudayo hotīti, idaṃ hi Bhagavatā puna ekavāraṃ dvisandhi tisaṅkhepaṃ¹ paccayākāraṇaṭṭhaṃ dassitaṃ.

410-4. Idāni vivaṭṭhaṃ dassetuṃ **idha bhikkhave Tathāgato loke uppajjatī**-ādīmāha. Tattha **appamāṇacetasoti** appamāṇaṃ lokuttaraṃ ceto assāti appamāṇacetaso, maggacittasamaṅgīti attho. **Imaṃ kho me tumhe bhikkhave saṅkhittena taṇhāsaṅkhayavimuttiṃ dhārethāti** bhikkhave imaṃ saṅkhittena desitaṃ mayhaṃ taṇhāsaṅkhayavimuttidesanaṃ tumhe niccakālaṃ dhāreyyātha mā pamajjeyyātha. Desanā hi ettha vimuttiṇṇābhahetuto **vimuttī**ti vuttā. **Mahātaṇhājāla taṇhāsaṅghāṭapaṭimukkanti** taṇhāva saṃsibbitaṭṭhena mahātaṇhājālaṃ, saṅghāṭitaṭṭhena saṅghāṭanti vuccati, iti etasmiṃ mahātaṇhājāle taṇhāsaṅghāṭe ca imaṃ sātīṃ bhikkhuṃ kevattaṭṭhaṃ paṭimukkaṃ dhāretha, anupaviṭṭho antogadhoti naṃ dhārethāti attho. Sesaṃ sabbattha uttānatthamevāti.

Papañcasūdaniyā Majjhimanikāyaṭṭhakathāya

Mahātaṇhāsaṅkhayasuttavaṇṇanā niṭṭhitā.

1. Tisandhi catusaṅkhepaṃ (Syā, Ka)

9. Mahā-assapurasuttavaṇṇanā

415. **Evaṃ me sutanti** Mahā-assapurasuttam. Tattha **aṅgesūti** aṅgā nāma jānapadino rājakumārā, tesam nivāso ekopi janapado ruḥhīsaddena “Aṅgā”ti vuccati, tasmim Aṅgesu janapade. **Assapuram nāma Aṅgānam nigamoti assapuranti** nagaranāmena laddhavohāro Aṅgānam janapadassa eko nigamo, tam gocaragāmaṃ katvā viharatīti attho. **Bhagavā etadavocāti** etaṃ “samaṇā samaṇāti vo bhikkhave jano sañjānāti”ti-ādivacanavoca.

Kasmā pana evaṃ avocāti. Tasmim kira nigame manussā saddhā pasannā Buddhamāmakā dhammāmamakā saṃghamāmakā, tadahupabbajitasāmaṇerampi vassasatikattherasadisam katvā pasamsanti, pubbaṇhasamayam bhikkhusamgham piṇḍāya pavisantam disvā bījanaṅgalādīni gahetvā khettaṃ gacchantāpi, pharasu-ādīni gahetvā araṇṇam pavisantāpi tāni upakaraṇāni nikkhipitvā bhikkhusamghassa nisīdanaṭṭhānam āsanasālam vā maṇḍapam vā rukkhamūlam vā sammajjitvā āsanāni pañṇapetvā arajapānīyam¹ paccupaṭṭhāpetvā bhikkhusamgham nisīdāpetvā yāgukhajjakādīni datvā katabhattakiccam bhikkhusamgham uyyojetvā tato tāni upakaraṇāni ādāya khettaṃ vā araṇṇam vā gantvā attano kammāni karonti, kammantaṭṭhānēpi nesam añṇā kathā nāma natthi, cattāro maggaṭṭhā cattāro phalaṭṭhāti aṭṭha puggalā ariyasamgho nāma, te “evarūpena sīlena evarūpena ācārena evarūpāya paṭipattiyā samannāgatā lajjino pesalā uḷāraguṇā”ti bhikkhusamghasseva vaṇṇam kathenti, kammantaṭṭhānato āgantvā bhuttasāyamāsā gharadvāre nisinnāpi sayanigharam pavisitvā nisinnāpi bhikkhusamghasseva vaṇṇam kathenti. Bhagavā tesam manussānam nipaccakāram disvā bhikkhusamgham piṇḍapātāpacāyane niyojetvā etadavoca.

Ye dhammā samaṇakaraṇā ca brāhmaṇakaraṇā cāti ye dhammā samādāya paripūritā samitapāpasamaṇam ca bāhitapāpabrāhmaṇam ca karontīti attho. “Tīṇimāni bhikkhave samaṇassa samaṇiyāni

1. Āvarake ca pānīyam (Syā), ādhārake ca pānīyam ca (Sī)

samaṇakaraṇīyāni. Katamāni tīṇi, adhisīlasikkhāsamādānaṃ, adhiccittasikkhāsamādānaṃ, adhipaññāsikkhāsamādānaṃ”¹ ettha pana samaṇena kattabbadhammā vuttā, tepi ca samaṇakaraṇā hontiyeva. Idha pana hirottappādivasena desanā vitthāritā. **Evaṃ no ayaṃ amhākanti** ettha **noti** nipātamattaṃ, evaṃ ayaṃ amhākanti attho. **Mahapphalā mahānisamsāti** ubhayampi atthato ekameva. **Avañjhāti** amoghā. **Saphalāti** ayaṃ tasseva attho. Yassā hi phalaṃ natthi, sā vañjhā nāma hoti. **Sa-udrayāti** savaḍḍhi, idaṃ saphalatāya vevacanaṃ. **Evaṃ hi vo bhikkhave sikkhitabbanti** bhikkhave evaṃ tumhehi sikkhitabbaṃ, iti Bhagavā iminā ettakena ṭhānena hirottappādīnaṃ dhammānaṃ vaṇṇaṃ kathesi. Kasmā? Vacanapathapacchindanattaṃ. Sace hi koci acirapabbajito bālabhikkhu evaṃ vadeyya “Bhagavā hirottappādidhamme samādāya vattathāti vadati, ko nu kho tesaṃ samādāya vattane ānisamsa”²ti, tassa vacanapathapacchindanattaṃ. Ayañca ānisamsa, ime hi dhammā samādāya paripūritā samitapāpasamaṇaṃ nāma bāhitapāpabrāhmaṇaṃ nāma karonti, catupaccayalābhaṃ uppādentī, paccayadāyakānaṃ mahapphalataṃ sampādentī, pabbajjaṃ avañjhaṃ saphalaṃ sa-udrayaṃ karontīti vaṇṇaṃ abhāsi, ayamettha saṅkhepo. Vitthārato pana vaṇṇakathā Satipaṭṭhāne² vuttanayeneva veditabbā.

416. **Hirottappenāti** “yaṃ hiriyati hiriyitabbena, ottappati ottappitabbenā”³ti³ evaṃ vitthāritāya hiriyā ceva ottappena ca. Apicettha ajjhattasamuṭṭhānā **hirī**, bahiddhāsamuṭṭhānaṃ **ottappaṃ**. Attādhipeyyā hirī, lokādhipeyyaṃ ottappaṃ. Lajjāsabhāvasaṅghitā hirī, bhayasabhāvasaṅghitaṃ ottappaṃ, vitthārakathā panettha sabbākārena Visuddhimagge vuttā. Apica ime dve dhammā lokaṃ pālanato **lokapāladhammā** nāmāti kathitā. Yathāha “dveme bhikkhave sukkā dhammā lokaṃ pārenti. Katame dve, hirī ca ottappañca. Ime kho bhikkhave dve sukkā dhammā lokaṃ pārenti. Ime ca kho bhikkhave dve sukkā dhammā lokaṃ na pāleyyuṃ, nayidha paññāyetha ‘mātā’^{ti} vā ‘mātucchā’^{ti} vā ‘mātulānī’^{ti} vā ‘ācariyabhariyā’^{ti} vā ‘garūnaṃ dārā’^{ti} vā,

1. Am 1. 230 piṭṭhe.

2. Dī-Ṭṭha 2. 342; Ma-Ṭṭha 1. 241 piṭṭhesu.

3. Abhi 1. 258 piṭṭhe.

sambhedam loko agamissa, yathā ajeḷakā kukkuṭasūkarā soṇasiṅgālā”ti¹.
Imeyeva jātake “devadhammā”ti kathitā. Yathāha—

“Hirī-ottappasampannā, sukkadhammasamāhitā.
Santo sappurisā loke, devadhammāti vuccare”ti².

Mahācundattherassa pana kilesasallekhanapaṭipadāti katvā dassitā. Yathāha “pare ahirikā bhavissanti, mayamettha hirimanā bhavissāmāti sallekho karaṇīyo. Pare anottāpī bhavissanti, mayamettha ottāpī bhavissāmāti sallekho karaṇīyo”ti³. Imeva Mahākassapattherassa ovādūpasampadāti katvā dassitā. Vuttañhetam “tasmātiha te Kassapa evam sikkhitabban, tibban me hirottappam paccupaṭṭhitam bhavissati theresu navesu majjhimesūti. Evam hi te Kassapa sikkhitabban”ti⁴. Idha panete **samaṇadhammā nāmāti** dassitā.

Yasmā pana ettāvatā sāmāññattho matthakam patto nāma hoti, tasmā aparepi samaṇakaraṇadhamme dassetuṃ **siyā kho pana bhikkhave tumhākanti**-ādimāha. Tattha **sāmāññattho**ti samyuttake tāva⁵ “katamañca bhikkhave sāmāññam, ayameva ariyo aṭṭhaṅgiko maggo. Seyyathidam, sammādiṭṭhi -pa- sammāsamādhi, idam vuccati bhikkhave sāmāññam. Katamo ca bhikkhave sāmāññattho, yo bhikkhave rāgakkhayo dosakkhayo mohakkhayo, ayam vuccati bhikkhave sāmāññattho”ti⁶ maggo “sāmāññan”ti, phalanibbānāni “sāmāññattho”ti vuttāni. Imasmim pana ṭhāne maggampi phalampi ekato katvā sāmāññattho kathitoti veditabbo. **Ārocayāmīti** kathemi. **Paṭivedayāmīti** jānāpemi.

417. **Parisuddho no kāyasamācāro**ti ettha kāyasamācāro parisuddho aparisuddhoti duvidho. Yo hi bhikkhu pāṇam hanati, adinnam ādiyati, kāmesu micchā⁷ carati, tassa kāyasamācāro aparisuddho nāma, ayam pana kamma pathavaseneva vārito. Yo pana pāṇinā vā

1. Am 1. 53 piṭṭhe.

2. Khu 5. 2 piṭṭhe.

3. Ma 1. 52 piṭṭhe.

4. Saṃ 1. 420 piṭṭhe.

5. Sāmāññam tāva (Ka)

6. Saṃ 3. 20 piṭṭhe.

7. Micchā (Sī, Ka)

leḍḍunā vā daṇḍena vā satthena vā param̐ potheti¹ viheṭṭeti, tassa kāyasamācāro aparisuddho nāma, ayampi sikkhāpadabaddheneva² paṭikkhitto. Imasmim̐ sutte ubhayampetaṃ akathetvā paramasallekho nāma kathito. Yo hi bhikkhu pāṇiyaghaṭe vā pāṇiyam̐ pivantānam̐, patte vā bhattam̐ bhujjantānam̐ kākānam̐ nivāraṇavasena hattham̐ vā daṇḍam̐ vā leḍḍum̐ vā uggirati, tassa kāyasamācāro aparisuddho. Viparīto parisuddho nāma. **Uttānoti** uggato pākaṭo. **Vivaṭoti** anāvaṭo asaṅchanno, ubhayenāpi parisuddhatam̐yeva dīpeti. **Na ca chiddavāti** sadā ekasadiṣo antarantare chiddarahito. **Sam̐vutoti** kilesānam̐ dvāram̐ pidahanena pidahito, na vajjapaṭicchādanatthāya.

418. **Vacīsamācārepi** yo bhikkhu musā vadati, piṣuṇam̐ katheti, pharusam̐ bhāsati, sampham̐ palapati, tassa vacīsamācāro aparisuddho nāma, ayam̐ pana kammaṭṭhavasena vārito. Yo pana gahapatikāti vā dāsāti vā pessāti vā ādīhi khumsento vadati, tassa vacīsamācāro aparisuddho nāma, ayam̐ pana sikkhāpadabaddheneva paṭikkhitto. Imasmim̐ sutte ubhayampetaṃ akathetvā paramasallekho nāma kathito. Yo hi bhikkhu daharena vā sāmaṇerena vā “kacci bhante amhākaṃ upajjhāyam̐ passathā”^{ti} vutte “sambahulā āvuso bhikkhubhikkhuniyo³ ekasmim̐ padese vivadiṃsu⁴, upajjhāyo te vikkāyikasākabhaṇḍikaṃ ukkhipitvā gato bhavissati”^{ti}-ādinaṃ nayena hasādhippāyopi evarūpaṃ katham̐ katheti, tassa vacīsamācāro aparisuddho. Viparīto parisuddho nāma.

419. **Manosamācāre** yo bhikkhu abhijjhālu byāpannacitto micchādīṭṭhiko hoti, tassa manosamācāro aparisuddho nāma, ayam̐ pana kammaṭṭhavaseneva vārito. Yo pana upanikkhittam̐ jātarūparajataṃ sādīyati, tassa manosamācāro aparisuddho nāma, ayampi sikkhāpadabaddheneva paṭikkhitto. Imasmim̐ sutte ubhayampetaṃ akathetvā paramasallekho nāma kathito. Yo pana bhikkhu kāmavitakkaṃ vā

1. Heṭṭeti (Sī)

3. Bhikkhuniyo (Sī, Syā)

2. Sikkhāpadakkhandheneva (Sī)

4. Vicariṃsu (Sī), vasim̐su (Syā)

byāpādavitakkaṃ vā vihiṃsāvitakkaṃ vā vitakketi, tassa manosamācāro aparisuddho. Viparīto parisuddho nāma.

420. Ājīvasmiṃ yo bhikkhu ājīvahetu vejjakammaṃ paṇḍagamaṇaṃ gaṇḍaphālaṇaṃ¹ karoti, arumakkhanaṃ deti, telaṃ pacatīti ekavīsati-anesanāvasena jīvikaṃ kappeti. Yo vā pana viññāpetvā bhuñjati, tassa ājīvo aparisuddho nāma, ayaṃ pana sikkhāpadabaddheneva paṭikkhitto. Imasmiṃ sutte ubhayampetaṃ akathetvā paramasallekko nāma kathito. Yo hi bhikkhu sappinavanītatelamadhuphāṇitādīni labhitvā “sve vā punadivase vā bhavissati”ti sannidhikāraṇaṃ paribhuñjati, yo vā pana nimbaṅkurādīni dīsvā sāmaṇere vadati “aṅkure khādathā”ti, sāmaṇerā thero khādītukāmoti kappiyaṃ katvā denti, dahare pana sāmaṇere vā pānīyaṃ pivatha āvusoti vadati, te thero pānīyaṃ pivītukāmoti pānīyasaṅkhaṃ dhovivā denti, tampi paribhuñjantassa ājīvo aparisuddho nāma hoti. Viparīto parisuddho nāma.

422. **Mattaññū**ti pariyesanapaṭiggahaṇaparibhogesu mattaññū yuttaññū pamāṇaññū.

423. **Jāgariyamanuyuttā**ti rattindivaṃ cha koṭṭhāse katvā ekasmiṃ koṭṭhāse niddāya okāsaṃ katvā pañca koṭṭhāse jāgariyamhi yuttā payuttā. **Sihaseyyanti** ettha kāma bhogiseyyā petaseyyā sīhaseyyā Tathāgataseyyāti catasso seyyā. Tattha “yebhuyyena bhikkhave kāma bhogī sattā vāmena passena senti”ti² ayaṃ **kāma bhogiseyyā**, tesu hi yebhuyyena dakkhiṇapassena sayāno³ nāma natthi.

“Yebhuyyena bhikkhave peṭā uttānā senti”ti² ayaṃ **petaseyyā**, peṭā hi appamaṃsalohitattā aṭṭhisāṅghātajaṭitā⁴ ekena passena sayitum na sakkonti, uttānāva senti.

1. Bhaṇḍapālaṇaṃ (Sī)

3. Seyyānā (Syā), sayanto (Ka)

2. Am 1. 567 piṭṭhe.

4. Aṭṭhisāṅghātaghaṭitā (Sī)

“Yebhuyyena bhikkhave sīho migarājā naṅguṭṭham antarasatthimhi anupakkhipitvā dakkhiṇena passena seti”¹ ayam **sīhaseyyā**, tejussadattā hi sīho migarājā dve purimapāde ekasmiṃ ṭhāne pacchimapāde ekasmiṃ ṭhapetvā naṅguṭṭham antarasatthimhi pakkhipitvā purimapādapacchimapādanaṅguṭṭhānaṃ ṭhitokāsaṃ sallakkhetvā dvinnam purimapādānaṃ matthake sīsaṃ ṭhapetvā sayati, divasampi sayitvā pabujjhamāno na utrāsanto pabujjhati, sīsaṃ pana ukkhipitvā purimapādānaṃ ṭhitokāsaṃ sallakkheti, sace kiñci ṭhānaṃ vijahitvā ṭhitaṃ hoti, “nayidaṃ tuyhaṃ jātiyā, na sūrabhāvassa anurūpan”²ti anattamano hutvā tattheva sayati, na gocarāya pakkamati. Avijahitvā ṭhite pana “tuyhaṃ jātiyā sūrabhāvassa ca anurūpamidānaṃ”²ti haṭṭhatuṭṭho uṭṭhāya sīhaviyambhitānaṃ vijambhitvā kesarabhāraṃ vidhunitvā tikkhattum sīhanādaṃ naditvā gocarāya pakkamati, catutthajjhānaseyyā pana **Tathāgataseyyā**ti vuccati. Tāsu idha sīhaseyyā āgatā, ayam hi tejussada-iriyāpathattā uttamaseyyā nāma. **Pāde pādanti** dakkhiṇapāde vāmapādaṃ. **Accādhāyā**ti ati-ādhāya īsakaṃ atikkamma ṭhapetvā, gopphakena hi gopphake, jāṇunā vā jāṇumhi saṅghaṭṭiyamāne abhiṇhaṃ vedanā uppajjati, cittaṃ ekaggaṃ na hoti, seyyā aphāsukā hoti. Yathā pana na saṅghaṭṭeti, evaṃ atikkamma ṭhapite vedanā nuppajjati, cittaṃ ekaggaṃ hoti, seyyā phāsukā hoti, tasmā evamāha.

425. **Abhijjhaṃ loketi**-ādi Cūlahatthipade vitthāritaṃ.

426. Yā panāyaṃ **seyyathāpi bhikkhaveti** upamā vuttā. Tattha **īṇaṃ ādāyā**ti vaḍḍhiyā dhanāṃ gahetvā. **Byantī kareyyā**ti vīgatantāni² kareyya, yathā tesāṃ kākaṇikamattopi pariyanto nāma nāvasissati, evaṃ kareyya, sabbaso patiniyyāteyyāti attho. **Tatonidānanti** āṇaṇyanidānaṃ, so hi āṇaṇomhīti āvajjanto balavaṇṇāmojjaṃ labhati, balavasomanassamadhigacchati, tena vuttam “labhetha pāmojjaṃ, adhigaccheyya somanassan”²ti.

Visabhāgavedanuppattiyā kakaceneva catu-iriyāpathaṃ chindanto ābādhatīti ābādho, svāssa atthīti **ābādhiko**. Tāmsamuṭṭhānena

1. Am 1. 567 piṭṭhe.

2. Vīgatantaṃ (Sī)

dukkhena **dukkhito**. **Adhimattagilān**oti bālhagilāno. **Nacchādeyyāti** adhimattabyādhiparetatāya na ruceyya. **Balamattāti** balameva, balañcassa kāye na bhaveyyāti attho. **Tatonidānanti** ārogyanidānaṃ, tassa hi arogomhīti āvajjayato tadubhayaṃ hoti. Tena vuttaṃ “labhetha pāmojjaṃ, adhigaccheyya somanassan”ti. **Na cassa kiñci bhogānaṃ vayo**ti kākaṇikamattampi bhogānaṃ vayo na bhaveyya. **Tatonidānanti** bandhanāmokkhanidānaṃ, sesaṃ vuttanayeneva sabbapadesu yojetabbaṃ. **Anattādhīn**oti na attani adhīno, attano ruciyā kiñci kātumaṃ na labhati. **Parādhīn**oti paresu adhīno, parasseva ruciyā pavattati. **Na yena kāmaṃ gamoti** yena disābhāgenassa kāmo¹ hoti, icchā uppajjati gamanāya, tena gantumaṃ na labhati. **Dāsabyāti** dāsabhāvā. **Bhujissoti** attano santako. **Tatonidānanti** bhujissanidānaṃ. **Kantāraddhānamagganti** kantāraṃ addhānamaggaṃ, nirudakaṃ dīghamagganti attho. **Tatonidānanti** khemantabhūminidānaṃ.

Ime pañca nīvaraṇe appahīneti ettha Bhagavā appahīnaṃ kāmaccandanivaraṇaṃ iṇasadisaṃ, sesāni rogādisadisāni katvā dasseti. Tatrāyaṃ sadisatā—yo hi paresaṃ iṇaṃ gahetvā vināseti, so tehi iṇaṃ dehīti vuccamānopi pharusaṃ vuccamānopi bajjhamānopi pahariyamānopi² kinci paṭibāhitumaṃ³ na sakkoti, sabbamaṃ titikkhati, titikkhakāraṇaṇhissa taṃ iṇaṃ hoti. Evamevaṃ yo yamhi kāmaccandena rajjati, taṇhāgahaṇena taṃ vatthumaṃ gaṇhāti, so tena pharusaṃ vuccamānopi bajjhamānopi pahariyamānopi sabbamaṃ titikkhati, titikkhakāraṇaṇhissa so kāmaccando hoti gharasāmikehi vadhīyamānānaṃ itthīnaṃ viyāti, evaṃ iṇaṃ viya **kāmaccando** daṭṭhabbo.

Yathā pana pittarogāturo madhusakkarādīsopi dinnesu pittarogāturatāya tesamaṃ rasaṃ na vindati, tittakamaṃ tittakanti uggiratiyeva. Evamevaṃ byāpannacitto hitakāmehi ācariyupajjhāyehi appamattakampi ovadīyamāno ovādaṃ na gaṇhāti, “ati viya me tumhe upaddavethā”ti-ādīni vatvā vibbhamati, pittarogāturatāya so puriso madhusakkarādirasaṃ viya

1. Gantukāmatā (Dī-Ṭṭha 1. 190 piṭṭhe.) 2. Vidhīyamānopi (Dī-Ṭṭha 1. 191 piṭṭhe)
3. Paṭippharitumaṃ (Sī, Syā), paṭiharitumaṃ (Ka)

kodhāturatāya jhānasukhādibhedam sāsanasam na vindatīti, evam rogo viya **byāpādo** daṭṭhabbo.

Yathā pana nakkhattadivase bandhanāgāre baddho puriso nakkhattassa neva ādim, na majjham, na pariyosānam passati, so dutiyadivase mutto “aho hiyyo nakkhattam manāpam, aho naccam, aho gītan”ti-ādīni sutvāpi paṭivacanam na deti. Kim kāraṇā? Nakkhattassa ananubhūtattā. Evamevam thinamiddhābhibhūto bhikkhu vicittanayepi dhammassavane pavattamāne neva tassa ādim, na majjham, na pariyosānam jānāti. So utthite dhammassavane “aho dhammassavanam, aho kāraṇam, aho upamā”ti dhammassavanassa vaṇṇam bhaṇamānānam sutvāpi paṭivacanam na deti. Kim kāraṇā? Thinamiddhavasena dhammakathāya ananubhūtattāti, evam bandhanāgāram viya **thinamiddham** daṭṭhabbam.

Yathā pana nakkhattam kīlantopi dāso “idam nāma accāyikam karaṇīyam atthi, sīgham tattha gaccha, no ce gacchasi, hatthapādam vā te chindāmi kaṇṇanāsam vā”ti vutto sīgham gacchatiyeva, nakkhattassa ādimajjhapariyosānam anubhavitum na labhati. Kasmā? Parādhīnatāya. Evamevam vinaye appakataññunā vivekatthāya araṇṇam pavitṭhenāpi kismiñcīdeva antamaso kappiyamaṇsepi akappiyamaṇsasaññāya uppannāya vivekam pahāya sīlavisodhanattham vinayadharassa santike gantabbam hoti, vivekasukham anubhavitum na labhati. Kasmā? Uddhaccakukkuccābhibhūtatāyāti, evam dāsabyam viya **uddhaccakukkucam** daṭṭhabbam.

Yathā pana kantāraddhānamaggapaṭipanno puriso corehi manussānam viluttokāsam pahatokāsaṇca¹ disvā daṇḍakasaddenapi sakuṇasaddenapi corā āgatāti ussankitaparisaṅkito hoti, gacchatipi, tiṭṭhatipi nivattatipi, gataṭṭhānato agataṭṭhānameva bahutaram hoti. So kicchena kasirena khemantabhūmim pāpuṇāti vā, na vā pāpuṇāti. Evamevam yassa aṭṭhasu ṭhānesu vicikicchā uppannā hoti. So “Buddho nu kho, na nu kho Buddho”ti-ādīnā nayena vicikicchanto adhimuccitvā saddhāya gaṇhitum na sakkoti, asakkonto maggam vā phalam vā na pāpuṇatīti

1. Gatokāsam (Sī)

yathā kantāraddhānamagge “corā atthi natthī”ti punappunam
 āsappanaparisappanam ariyogāhanam chambhitattam cittassa uppādentō
 khemantapattiyā antarāyam karoti, evam **vicikicchāpi** “Buddho nu kho na
 Buddho”ti-ādinā nayena punappunam āsappanaparisappanam
 ariyogāhanam chambhitattam cittassa uppādayamānā ariyabhūmippattiyā¹
 antarāyam karotīti kantāraddhānamaggo viya daṭṭhabbā.

Idāni **seyyathāpi bhikkhave āṇanyanti** ettha Bhagavā
 pahīnakāmacchandanivaraṇam āṇanyasadisaṃ, sesāni ārogyādisadisāni
 katvā dasseti. Tatrāyam sadisatā—yathā hi puriso iṇam ādāya kammante
 payojetvā samiddhakammanto “idam iṇam nāma palibodhamūlan”ti cintetvā
 savaḍḍhikam iṇam niyyātetvā paṇṇam phālāpeyya, athassa tato paṭṭhāya
 neva koci dūtam pesesi, na paṇṇam, so iṇasāmike disvāpi sace icchati, āsanā
 uṭṭhahati, no ce, na uṭṭhahati. Kasmā? Tehi saddhim nillepatāya alaggatāya.
 Evameva bhikkhu “ayam kāmacchando nāma palibodhamūlan”ti
 Satipaṭṭhāne vuttanayeneva cha dhamme bhāvetvā kāmacchandanivaraṇam
 pajahati, tassevam pahīnakāmacchandassa yathā iṇamuttassa purisassa
 iṇasāmike disvā neva bhayam na chambhitattam hoti. Evameva
 paravatthumhi neva saṅgo na bandho² hoti. Dibbānīpi rūpāni passato kilesō
 na samudācarati. Tasmā Bhagavā āṇanyamiva kāmacchandappahānam āha.

Yathā pana so pittarogāturo puriso bhesajjakiriyāya tam rogam
 vūpasametvā tato paṭṭhāya madhusakkarādīnam rasam vindati. Evamevam
 bhikkhu “ayam byāpādo nāma anattakārako”ti cha dhamme bhāvetvā
 byāpādanīvaraṇam pajahati, so evam pahīnabyāpādo yathā pittarogavimutto
 puriso madhusakkarādīni madhurāni sampiyāyamāno paṭisevati. Evamevam
 ācārapaṇṇatti-ādīni sikkhāpiyamāno sirasā sampaṭicchitvā sampiyāyamāno
 sikkhati. Tasmā Bhagavā ārogyamiva byāpādappahānam āha.

1. Ariyamaggappattiyā (Syā), ariyabhūmikhemapattiyā (Ka)

2. Gedho (Ka)

Yathā so nakkhattadivase bandhanāgāraṃ pavesito puriso aparasmim nakkhattadivase “pubbepi ahaṃ pamādadosena baddho taṃ nakkhattaṃ nānubhavāmi, idāni appamatto bhavissāmi”ti yathāssa paccatthikā okāsaṃ na labhanti, evaṃ appamatto hutvā nakkhattaṃ anubhavivā “aho nakkhattaṃ aho nakkhattaṃ”ti udānaṃ udānesi. Evameva bhikkhu “idaṃ thinamiddhaṃ nāma mahā-anatthakaraṃ”ti cha dhamme bhāvetvā thinamiddhanīvaraṇaṃ pajahati. So evaṃ pahīnathinamiddho yathā bandhanā mutto puriso sattāhampi nakkhattassa ādimajjhapariyosānaṃ anubhavati, evamevaṃ bhikkhu dhammanakkhattassa ādimajjhapariyosānaṃ anubhavanto saha paṭisambhidāhi arahattaṃ pāpuṇāti. Tasmā Bhagavā bandhanā mokkhamiva thinamiddhappahānaṃ āha.

Yathā pana dāso kañcideva mittāṃ upanissāya sāmikānaṃ dhanāṃ datvā attānaṃ bhujissaṃ katvā tato paṭṭhāya yaṃ icchati, taṃ kareyya. Evameva bhikkhu “idaṃ uddhaccakukkuccaṃ nāma mahā-anatthakaraṃ”ti cha dhamme bhāvetvā uddhaccakukkuccaṃ pajahati. So evaṃ pahīnuddhaccakukkucco yathā bhujisso puriso yaṃ icchati, taṃ karoti. Na taṃ koci balakkārena tato nivatteti. Evamevaṃ bhikkhu yathāsukhaṃ nekkhammapaṭipadaṃ paṭipajjati, na naṃ uddhaccakukkuccaṃ balakkārena tato nivatteti. Tasmā Bhagavā bhujissaṃ viya uddhaccakukkucappahānaṃ āha.

Yathā balavā puriso hatthasāraṃ gahetvā sajjāvudho saparivāro kantāraṃ paṭipajjeyya, taṃ corā dūratova disvā palāyeyyūṃ. So sotthinā taṃ kantāraṃ nittharivā khemantaṃ patto haṭṭhatuṭṭho assa. Evamevaṃ bhikkhu “ayaṃ vicikicchā nāma anatthakārikā”ti cha dhamme bhāvetvā vicikicchaṃ pajahati. So evaṃ pahīnavicikiccho yathā balavā sajjāvudho saparivāro puriso nibbhayo core tiṇaṃ viya agaṇetvā sotthinā nikkhamivā khemantabhūmiṃ pāpuṇāti, evamevaṃ duccharitakantāraṃ nittharivā paramakhemantabhūmiṃ amataṃ nibbānaṃ pāpuṇāti. Tasmā Bhagavā khemantabhūmiṃ viya vicikicchāpahānaṃ āha.

427. **Imameva kāyanti** imaṃ karajakāyaṃ. **Abhisandhetīti** temeti sneheti, sabbattha pavattapītisukhaṃ karoti. **Parisandētīti** samantato sandeti. **Paripūretīti** vāyunaṃ bhasaṃ viya pūreti. **Parippharātīti** samantato

phusati. **Sabbāvato kāyassāti** assa bhikkhuno sabbakoṭṭhāsavato kāyassa. Kiñci upādinnakasantatipavattiṭṭhāne¹ chavimāmsalohitānugataṃ aṇumattampi ṭhānaṃ paṭhamajjhānasukhena aphuṭaṃ nāma na hoti. **Dakkhoti** cheko paṭibalo nhānīyacunṇāni kātuṃ ceva yojetuṃ ca sannetuṃ² ca. **Kāmsathāleti** yena kenaci lohena katabhājane. Mattikabhājanāṃ pana thiraṃ na hoti, sannentassa³ bhijjati, tasmā taṃ na dasseti. **Paripphosakaṃ paripphosakanti** siñcitvā siñcitvā. **Sanneyyāti** vāmahatthena kāmsathālaṃ gahetvā dakkhiṇena hatthena pamāṇayuttaṃ udakaṃ siñcitvā siñcitvā parimaddanto piṇḍaṃ kareyya. **Snehānugatāti** udakasinehena anugatā. **Snehaparetāti** udakasinehena parigatā. **Santarabāhirāti** saddhiṃ antopadesena ceva bahipadesena ca, sabbatthakameva udakasinehena phuṭāti attho. **Na ca pagghariṇīti** na bindu bindu udakaṃ paggharati, sakkā hoti hatthenapi dvīhipi tīhipi aṅgulīhi gahetuṃ ovaṭṭikampi⁴ kātunti attho.

428. Dutiyajjhānasukha-upamāyaṃ **ubbhidodakoti** ubbhinna-udako, na heṭṭhā ubbhijjivā uggacchana-udako, antoyeva pana ubbhijjana-udakoti attho. **Āyamukhanti** āgamanamaggo. **Devoti** megho. **Kālenakālanti** kāle kāle, anvaddhamāsaṃ vā anudasāhaṃ vāti attho. **Dhāranti** vuṭṭhiṃ. **Nānuppavecceyyāti** na paveseyya, na vasseyyāti attho. **Sītā vāridhārā ubbhijjivāti** sītaṃ vāri taṃ udakarahadaṃ pūrayamānaṃ ubbhijjivā. Heṭṭhā uggacchana-udakañhi uggantvā uggantvā bhijjantaṃ udakaṃ khobheti, catūhi disāhi pavisana-udakaṃ purāṇapaṇṇatiṇakaṭṭhadaṇḍakādīhi udakaṃ khobheti, vuṭṭhi-udakaṃ dhārānipātapupphulaṅkehi⁵ udakaṃ khobheti, sannisinnameva pana hutvā iddhinimmitamiva uppajjamānaṃ udakaṃ imaṃ padesaṃ pharati, imaṃ padesaṃ na pharātīti natthi, tena aphuṭokāso nāma na hotīti. Tattha rahado viya karajakāyo, udakaṃ viya dutiyajjhānasukhaṃ. Sesāṃ purimanayeneva veditabbaṃ.

1. Upādinnakasantānanibbattiṭṭhāne (Ka)

2. Sandetuṃ (Ka)

3. Sannantassa (Sī), maddantassa (Syā), sandentassa (Ka)

4. Ovaṭṭikāyampi (Ka)

5. ...bubbuḷakehi (Sī)

429. Tatiyajjhānasukha-upamāyaṃ uppalāni ettha santīti **uppalinī**. Sesapadadvayesu eveda nayo. Ettha ca setarattanīlesu yaṃkiñci uppalāni uppalameva, ūnakaśatapaṭṭaṃ puṇḍarīkaṃ, śatapaṭṭaṃ padumaṃ. Paṭṭaniyamaṃ vā vināpi śetaṃ padumaṃ, raṭṭaṃ puṇḍarīkaṃti ayamettha vinicchayo. **Udakaṇuggatānī**ti udakato na uggaṭāni. **Antonimuggaposaṇī**ti udakataṭṭassa anto nimuggāniyeva hutvā poṣiṇi, vaḍḍhīnī¹ attho. Śeṣaṃ purimaṇayeneva veditaṭṭaṃ.

430. Catutthajjhānasukha-upamāyaṃ **parisuddhena cetasaṃ pariyaḍātenā**ti ettha nirupaḅkilesaṭṭhena parisuddhaṃ. Paḅharaṭṭhena pariyaḍātaṃ veditaṭṭaṃ. **Odātena vatthenā**ti idaṃ utupaḅaraṇaṭṭhaṃ vuttaṃ. Kiliṭṭhavaṭṭhena hi utupaḅaraṇaṃ na hoti, taṅkhaṇadhotapaḅaraṇaṃ utupaḅaraṇaṃ balavaṃ hoti. Imiśā hi upamāya vaṭṭhaṃ viya karaḅakāyo, utupaḅaraṇaṃ viya catutthajjhānasukhaṃ. Taśmā yaṭṭhā sunhāṭassa puriśassa parisuddhaṃ vaṭṭhaṃ saśiśaṃ pārupitvā niśinnassa sarīrato utu śabbameva vaṭṭhaṃ phaḅati, na koci vaṭṭhassa aphaṭokāśo hoti. Evaṃ catutthajjhānasukhena bhikkhuno karaḅakāyassa na koci okāśo aphaṭo hotīti evamettha attho daṭṭhabbo. Catutthajjhānacittameva vā vaṭṭhaṃ viya², taṃśamuṭṭhānarūpaṃ utupaḅaraṇaṃ viya. Yaṭṭhā hi kaṭṭhaci oḍātaṭṭhe kāyaṃ apphaśanteḅi taṃśamuṭṭhānena utunā śabbatṭhakaṃmeva kāyo phaṭṭho hoti, evaṃ catutthajjhānaśamuṭṭhiteṇa sukumaḅūpeṇa śabbatṭhakaṃmeva bhikkhuno karaḅakāyo phaṭo hotīti evamettha attho daṭṭhabbo.

431. Pubbeṇivaśāṇāṇa-upamāyaṃ **taṃdivasaṃ katakiriyaṃ pākaṭā hotī**ti taṃdivasaṃ gaṭagaṃattayaṃmeva gaḅitaṃ. Taṭṭha gaṃattayaṃ gaṭapuriso viya pubbeṇivaśāṇāṇalābhī daṭṭhabbo. Tayo gaṃā viya tayo bhavaṃ daṭṭhabbā. Taśsa puriśassa tiśu gaṃeśu taṃdivasaṃ katakiriyaṃ āvibhāvo viya pubbeṇivaśāya cittaṃ abhinīḅarivā niśinnassa bhikkhuno tiśu bhaveśu katakiriyaṃ āvibhāvo daṭṭhabbo.

1. Puśānti vaḍḍhantīti (Śi), phaśānti vaḍḍhantīti (Śya)

2. Pāruṭavaṭṭhaṃ viya (Śi, Śya)

432. Dibbacakkhu-upamāyaṃ **dve agārāti** dve gharā. **Sadvārāti** sammukhadvārā¹. **Anucaṅkamanteti** aparāparam sañcarante. **Anu vicaranteti** ito cito ca vicarante, ito pana gehā nikkhamitvā etaṃ gehaṃ, etasmā vā nikkhamitvā imaṃ gehaṃ pavisanavasena pi daṭṭhabbā. Tattha dve agārā sadvārā viya cutipaṭisandhiyo, cakkhumā puriso viya dibbacakkhuñṇalābhī, cakkhumato purisassa dvinnāṃ gehānaṃ antare ṭhatvā passato dve agāre pavisa nikkhamanaka purisānaṃ pākāṭakālo viya dibbacakkhulābhino ālokaṃ vaḍḍhetvā olokentassa cavanaka-upapajjanakasattānaṃ pākāṭakālo. Kiṃ pana te ñāṇassa pākāṭā, puggalassāti? Ñāṇassa. Tassa pākāṭattā pana puggalassa pākāṭāyevāti.

433. Āsavakkhayañāṇa-upamāyaṃ **pabbatasāṅkhepeti** pabbatamatthake. **Anāviloti** nikkaddamo. Sippiyo ca sambukā ca **sippisambukam**. Sakkharā ca kathalā ca **sakkharakathalam**. Macchānaṃ gumbā ghaṭṭāti **macchagumbam**. **Tiṭṭhantampi carantampi** ettha sakkharakathalam tiṭṭhatiyeva, itarāni carantipi tiṭṭhantipi. Yathā pana antarantarā ṭhitāsupi nisinnāsupi vijjamānāsupi² “etā gāvo caranti”ti carantiyo upādāya itarāpi caranti vuccanti. Evaṃ tiṭṭhantameva sakkharakathalam upādāya itarampi dvayaṃ tiṭṭhantanti vuttam. Itarañca dvayaṃ carantaṃ upādāya sakkharakathalampi carantanti vuttam, tattha cakkhumato purisassa tīre ṭhatvā passato sippisambukādīnaṃ vibhūtakālo viya āsavānaṃ khayāya cittaṃ nīharitvā nisinnassa bhikkhuno catunnaṃ saccānaṃ vibhūtakālo daṭṭhabbo.

434. Idāni sattahākārehi salīngato saṅgato khīṇāsavassa nāmaṃ gaṇhanto **ayaṃ vuccati bhikkhave bhikkhu samaṇo itipīti**-ādimāha. Tattha **evaṃ kho bhikkhave bhikkhu samaṇo hotīti**-ādīsu bhikkhave evaṃ bhikkhu samitapāpattā **samaṇo** hoti. Bāhitapāpattā **brāhmaṇo** hoti. Nhātakilesattā **nhātako** hoti, dhotakilesattāti attho. Catumaggañāṇasaṅkhātehi vedehi akusaladhammaṇaṃ gatattā **vedagū** hoti, viditattāti attho. Teneva **viditāssa hontīti**-ādimāha. Kilesānaṃ sutattā **sottiyo** hoti,

1. Sannadvārābhi sammukhadvārā pannadvārā (Ka)

2. Nipajjamānāsupi (Sī, Syā, Ka)

nissutattā apahatattā¹ attho. Kilesānaṃ ārakattā **ariyo** hoti, hatattāti attho. Tehi ārakattā **Araham** hoti, dūrībhūtattāti attho. Sesāṃ sabbattha pākaṭamevāti.

Papañcasūdaniyā Majjhimanikāyaṭṭhakathāya

Mahā-assapurasuttavaṇṇanā niṭṭhitā.

10. Cūḷa-assapurasuttavaṇṇanā

435. **Evam me sutanti** Cūḷa-assapurasuttaṃ. Tassa desanākāraṇaṃ purimasadisameva. **Samaṇasāmīcippaṭipadā**ti samaṇānaṃ anucchavikā samaṇānaṃ anulomappaṭipadā.

436. **Samaṇamalānanti**-ādīsu ete dhammā uppajjamānā samaṇe maline karonti malaggahite, tasmā “samaṇamalā”ti vuccanti. Etehi samaṇā dussanti padussanti, tasmā **samaṇadosā**ti vuccanti. Ete uppajjitvā samaṇe kasaṭe niroje karonti milāpentī, tasmā **samaṇakasaṭā**ti vuccanti. **Āpāyikānaṃ ṭhānānanti** apāye nibbattāpakānaṃ kāraṇānaṃ. **Duggativedaniyānanti** duggatiyaṃ vipākavedanāya paccayānaṃ. **Matajaṃ nāmā**ti manussā tikhīnaṃ ayaṃ ayena sughaṃsitvā taṃ ayacuṇṇaṃ maṃsena saddhiṃ madditvā koñcasakuṇe khādāpentī, te uccāraṃ kātuṃ asakkontā maranti. No ce maranti, paharivā mārentī. Atha tesāṃ kucchim phāletvā naṃ udakena dhovivā cuṇṇaṃ gahetvā maṃsena saddhiṃ madditvā puna khādāpentīti evaṃ satta vāre khādāpetvā gahitena ayacuṇṇena āvudhaṃ karonti, susikkhitā ca naṃ ayakārā bahuhattakammamūlaṃ labhitvā karonti, taṃ matasakuṇato jātattā “matajan”ti vuccati, atitikhīnaṃ hoti. **Pītanisitanti** udakapītaṃ ceva silāya ca sunighaṃsitāṃ. **Saṅghāṭiyāti** kosiyā. **Sampārutanti** pariyaonaddhaṃ. **Sampaliveṭhitanti** samantato veṭhitāṃ.

1. Apagattattāti (Sī), āhatattāti (Syā, Ka)

437. **Rajojallikassāti** rajojalladhārino. **Udakorohakassāti** divasassa tikkhattum udakam orohantassa. **Rukkhamūlikassāti** rukkhamūlavāsino. **Abbhokāsikassāti** abbhokāsavāsino. **Ubbhaṭṭhakassāti** uddham ṭhitakassa. **Pariyāyabhattikassāti** māsavārena vā aḍḍhamāsavārena vā bhuñjantassa. Sabbametam bāhirasamayeneva kathitam. Imasmim hi sāsane cīvaradharo bhikkhu saṅghāṭikoti na vuccati. Rajojalladhāraṇādivatāni¹ imasmim sāsane natthiyeva. Buddhavacanassa Buddhavacanameva nāmam, na mantāti. Rukkhamūliko abbhokāsikoti ettakamyeva pana labbhati. Tampi bāhirasamayeneva kathitam. **Jātameva nanti** tamdivase jātamattamyeva nam. **Saṅghāṭikam kareyyunti** saṅghāṭikam vattham nivāsetvā ca pārupitvā ca saṅghāṭikam kareyyum. Esa nayo sabbattha.

438. **Visuddhamattānam samanupassatīti** attānam visujjhantaṃ passati, visuddhoti pana na tāva vattabbo. **Pāmojjam āyatīti** tuṭṭhākāro jāyati. **Pamuditassa pītīti** tuṭṭhassa sakalasarīram khobhayamānā pīti jāyati. **Pītimanassa kāyoti** pītisampayuttassa puggalassa nāmakāyo. **Passambhatīti** vigatadaratho hoti. **Sukham vedetīti** kāyikampi cetasikampi sukham vediyati. **Cittam samādhiyatīti** iminā nekkhammasukhena sukhitassa cittam samādhiyati, appanāpattam viya hoti. **So mettāsahagatena cetasāti** heṭṭhā kilesavasena āradhā desanā pabbate vuṭṭhavuṭṭhi² viya nadim yathānusandhinā brahmavihārabhāvanam otiṇṇā. Tatha yaṃ vattabam siyā, tam sabbam Visuddhimagge vuttameva. **Seyyathāpi bhikkhave pokkaraṇīti** Mahāsīhanādasutte maggo pokkharāṇiyā upamito, idha sāsanaṃ upamitanti veditabam. **Āsavānam khayā samaṇo hotīti** sabbakilesānam samitattā paramatthasamaṇo hotīti. Sesam sabbattha uttānamevāti.

Papañcasūdaniyā Majjhimanikāyaṭṭhakathāya

Cūḷa-assapurasuttavaṇṇanā niṭṭhitā.

Catutthavaggavaṇṇanā niṭṭhitā.

1. Rajojalladhāraṇādīni ca kānici (Ka)

2. Vuṭṭhavuṭṭhi (Si)

5. Cūlayamakavagga

1. Sāleyyakasuttavaṇṇanā

439. **Evam me sutanti** Sāleyyakasuttaṃ. Tattha **Kosalesūti** Kosalā nāma jānapadino rājakumārā. Tesam nivāso ekopi janapado ruḥhīsaddena Kosalāti vuccati, tasmim Kosalesu janapade. Porāṇā panāhu—yasmā pubbe Mahāpanādam rājakumāram nānānāṭakāni disvā sitamattampi akarontam sutvā rājā āha “yo mama puttam hasāpeti, sabbālaṅkārena nam alaṅkaromī”ti. Tato naṅgalānipi chaḍḍetvā mahājanakāye sannipatite¹ manussā sātirekāni² sattavassāni nānākīḷikāyo dassetvā nam hasāpetum nāsakkhimṃsu. Tato Sakko devanaṭam pesesi, so dibbanāṭakam dassetvā hasāpesi. Atha te manussā attano attano vasanokāsābhimukhā pakkamimṃsu. Te paṭipathe mittasuhajjādayo disvā paṭisanthāram karontā “kacci bho kusalam, kacci bho kusalan”ti āhamṃsu, tasmā tam “kusalam kusalan”ti vacanam upādāya so padeso Kosalāti vuccatīti.

Cārikam caramānoti aturita-cārikam caramāno. **Mahatā bhikkhusaṅghena saddhinti** sataṃ vā sahasam vā satahasam vāti evam aparicchinnena mahatā bhikkhusaṅghena saddhim. **Brāhmaṇagāmoti** brāhmaṇānam samosaraṇagāmopi brāhmaṇagāmoti vuccati brāhmaṇānam bhogaṅgāmopi. Idha samosaraṇagāmo³ adhippeto. **Tadavasari**ti tam avasari, sampattoti attho. Vihāro panettha aniyāmito, tasmā tassa avidūre Buddhānam anucchaviko eko vanasaṅḍo bhavissati, Satthā tam vanasaṅḍam gatoti veditabbo. **Assosunti** suṇimṃsu upalabhimṃsu. Sotadvārasampattavacananiḅghosānusārena jānimṃsu. **Khoti** avadhāraṇatthe padapūraṇamatte vā nipāto. Tattha avadhāraṇatthena

1. Mahājanakāyo sannipati, te (Ka)

2. Atirekāni (Si, Syā, Ka)

3. Idha samosaraṇagāmoti brāhmaṇānam vasanaḅgāmo (Ka)

assosumīyeva, na nesaṃ koci savanantarāyo ahoṣīti ayamatto veditabbo. Padapūraṇena byañjanasiliṭṭhatāmattameva.

Idāni yamattham assosum, taṃ pakāsetum **samaṇo khalu bho Gotamoti-** ādi vuttam. Tattha samitapāpattā **samaṇoti** veditabbo. **Khalūti** anussavanatthe nipāto. **Bhoti** tesam aññamaññaṃ ālapanamattam. **Gotamoti** Bhagavato gottavasena paridīpanam. Tasmā **samaṇo khalu bho Gotamoti** ettha samaṇo kira bho Gotamagottoti evamattho daṭṭhabbo. **Sakyaputtoti** idaṃ pana Bhagavato uccākulaparidīpanam. **Sakyakulā pabbajitoti** saddhāpabbajitabhāvādīpanam, kenaci pārijuññaena anabhibhūto aparikkhīṇamīyeva taṃ kulam pahāya saddhāpabbajitoti vuttam hoti. Tato param vuttatthameva. **Taṃ kho panāti** itthambhūtākhyānatthe upayogavacanam, tassa kho pana bhoto Gotamassāti attho. **Kalyāṇoti** kalyāṇaguṇasamannāgato, seṭṭhoti vuttam hoti. **Kittisaddoti** kittiyeva, thutighoso vā. **Abbhuggatoti** sadevakam lokam ajjhottharivā uggato. Kinti? “Itipi so Bhagavā -pa- Buddho Bhagavā”ti.

Tatrāyam padasambandho—so Bhagavā itipi araham, itipi Sammāsambuddho -pa- itipi Bhagavāti. Iminā ca iminā ca kāraṇenāti vuttam hoti. Tattha ārakattā, arīnam, arānam ca hatattā, paccayādīnam arahattā, pāpakaraṇe rahābhāvāti imehi tāva kāraṇehi so Bhagavā arahanti veditabboti-ādinā nayena mātikam nikkhipivā sabbāneva etāni padāni Visuddhimagge Buddhānussatiniddese vitthāritānīti tato tesam vitthāro gahetabbo.

Sādhu kho panāti sundaram kho pana, atthāvaham sukhāvahanti vuttam hoti. **Tathārūpānam arahantanti** yathārūpo so bhavam Gotamo, evarūpānam anekhipi kappakoṭisatasahasseehi dullabhadassanānam byāmapabhāparikkhittehi asīti-anubyañjanaratanapaṭimaṇḍitehi dvattiṃsamahāpurisalakkhaṇavarehi samākiṇṇamanoramasarīrānam atappakadassanānam atimadhuradhammanigghosānam yathābhūtaguṇādhigamena loke arahantoti laddhasaddānam arahatam. **Dassanam hotīti** pasādasommāni akkhīni ummīletvā dassanamattampi sādhu hoti. Sace pana aṭṭhaṅgasamannāgatena brahmassarena

dhammaṃ desentassa ekaṃ padampi sotuṃ labhissāma, sādhutaraṃyeva bhavissatīti evaṃ ajjhāsayam katvā.

Yena Bhagavā tenupasaṅkamimsūti sabbakiccāni pahāya tuṭṭhamānasā āgamaṃsu. **Etadvocuntī** duvidhā hi pucchā agārikapucchā anagārikapucchā ca. Tattha “kiṃ bhante kusalam, kiṃ akusalan”ti iminā nayena agārikapucchā āgatā. “Ime kho bhante pañcupādānakkhandhā”ti iminā nayena anagārikapucchā. Ime pana attano anurūpaṃ agārikapuccham pucchantā etaṃ “ko nu kho bho Gotama hetu ko paccayo”ti-ādivacanaṃ avocuṃ, tesaṃ Bhagavā yathā na sakkonti sallakkhetuṃ, evaṃ saṃkhitteneva tāva pañham vijjento **adhammacariyāvisamacariyāhetu kho gahapatayoti**-ādimāha. Kasmā pana Bhagavā yathā na sallakkhenti, evaṃ vijjesīti. Paṇḍitamānikā hi te āditova mātikaṃ aṭṭhapetvā yathā sallakkhenti, evaṃ atthe vitthārite desanaṃ uttānikāti maññantā avajānanti, mayampi kathentā evameva katheyyāmāti vattāro bhavanti, tena nesaṃ Bhagavā yathā na sakkonti sallakkhetuṃ, evaṃ saṃkhitteneva tāva pañham vijjesīti, tato sallakkhetuṃ asakkontehi vitthāradesanaṃ yācīti vitthārena desetum **tena hi gahapatayoti**-ādimāha. Tattha **tena hīti** kāraṇatthe nipāto, yasmā maṃ tumhe yācatha, tasmāti attho.

440. **Tividhanti** tihi koṭṭhāsehi. **Kāyenāti** kāyadvārena.

Adhammacariyāvisamacariyāti adhammacariyasāṅkhātā visamacariyā. Ayaṃ panettha padattho, adhammassa cariyā adhammacariyā, adhammakaraṇanti attho. Visamā cariyā, visamassa vā kammassa cariyāti visamacariyā. Adhammacariyā ca sā visamacariyā cāti adhammacariyāvisamacariyā. Etenupāyena sabbesu kaṇhasukkapadesu attho veditabbo. **Luddoti** kakkhaḷo. **Dāruṇoti** sāhasiko. **Lohitapāṇīti** param jīvitā voropentassa pāṇī¹ lohītena lippanti². Sacepi na lippanti², tathāvidho lohītapāṇītveva vuccati. **Hatappahate niviṭṭhoti** hate ca parassa

1. Pāṇi (Ka)

2. Limpati (Syā, Ka)

pahāradāne, pahate ca paramāraṇe nivīṭṭho. **Adayāpannoti** nikkaruṇataṃ āpanno.

Yaṃ taṃ parassāti yaṃ taṃ parassa santakaṃ. **Paravittūpakaraṇanti** tasseva parassa vittūpakaraṇaṃ tuṭṭhijanaṃ parikkhārabhaṇḍakaṃ. **Gāmagataṃ vāti** antogāme vā ṭhapitaṃ. **Araññagataṃ vāti** araññe rukkhaḡapabbatamatthakādīsū vā ṭhapitaṃ. **Adinnanti** tehi parehi kāyena vā vācāya vā adinnaṃ. **Theyyasaṅkhātanti** ettha **thenoti** coro. Thenassa bhāvo theyyaṃ, avaharaṇacittassetāṃ adhivacanaṃ. Saṅkhā saṅkhātanti atthato ekaṃ, koṭṭhāsassetāṃ adhivacanaṃ, “saññānidānā hi papañcasaṅkhā”ti-ādīsū¹ viya. Theyyañca taṃ saṅkhātañcāti theyyasaṅkhātaṃ, theyyacittasaṅkhāto eko cittaakoṭṭhāsoti attho. Karaṇatthe cetāṃ paccattavacanaṃ, tasmā theyyasaṅkhātenāti atthato daṭṭhabbaṃ.

Māturakkhitāti-ādīsū yaṃ pitari naṭṭhe vā mate vā ghāsacchādanādīhi paṭijaggamānā² vayapattaṃ kulaghare dassāmīti³ mātā rakkhati, ayaṃ māturakkhitā nāma. Etenupāyena **piturakkhitā**dayopi veditabbā. Sabhāgakulāni pana kucchigatesupi gabbhesu katikaṃ karonti “sace mayhaṃ putto hoti, tuyhaṃ dhītā, aññattha gantuṃ na labhissati, mayhaṃ puttasseva hotū”ti. Evaṃ gabbhepi pariggahitā **sassāmikā** nāma. “Yo itthannāmaṃ itthiṃ gacchati, tassa ettako daṇḍo”ti evaṃ gāmaṃ vā⁴ gehaṃ vā vīthiṃ vā uddissa ṭhapitadaṇḍā, sā **saparidaṇḍā** nāma. **Antamaso mālāguṇaparikkhittāpīti**⁵ yā sabbantimena paricchēdena “esā me bhariyā bhavissati”ti saññāya tassā upari kenaci mālāguṇaṃ khipantena mālāguṇamattenāpi parikkhittā hoti. **Tathārūpāsu cārittaṃ āpajjitā hotīti** evarūpāsu itthīsu sammādiṭṭhisutte vuttamicchācāralakkhaṇavasena vītikkamaṃ kattā hoti.

Sabhāgatoti⁶ sabhāyaṃ ṭhito. **Parisāgatoti**⁷ parisāyaṃ ṭhito. **Ñātimajjhagatoti** dāyādānaṃ majjhe ṭhito. **Pūgamajjhagatoti** senīnaṃ majjhe ṭhito. **Rājakulamajjhagatoti** rājakulassa majjhe mahāvīnicchaye

1. Khu 1. 411 piṭṭhe.

4. Nāmaṃ vā (Syā, Ka)

6. Sabhāgatoti (Sī, Syā)

2. Paṭijaggiyamānaṃ (Ka)

5. Mālāguṇaparikkhittāpīti (Ka)

7. Parisāgatoti (Sī, Syā)

3. Nessāmīti (Syā)

ṭhito. **Abhinītoti** pucchanatthāya nīto. **Sakkipuṭṭhoti** sakkhiṃ katvā pucchito. **Ehambho purisāti** ālapanametam¹. **Attahetu vā parahetu vāti** attano vā parassa vā hatthapādādihetu vā dhanahetu vā. **Āmisakiñcikkahetu vāti** ettha āmisanti lābho adhippeto. **Kiñcikkhanti** yaṃ vā taṃ vā appamattakaṃ, antamaso tittiravaṭṭakasappipiṇḍanavanītapīṇḍādimmattakassapi lañjassa hetūti attho. **Sampajānamusā bhāsītā hotīti** jānantoyeva musāvādaṃ kattā hoti.

Imesaṃ bhedāyāti yesaṃ itoti vuttānaṃ santike sutam hoti, tesam bhedāya. **Amūsaṃ bhedāyāti** yesaṃ amutrāti vuttānaṃ santike sutam hoti, tesam bhedāya. **Iti samaggānaṃ vā bhedakāti** evaṃ samaggānaṃ vā dvinnam saḥāyakānaṃ bhedaṃ kattā. **Bhinnānaṃ vā anuppadātāti** suṭṭu kataṃ tayā, taṃ pajahantena katipāheneva te mahantaṃ anattaṃ kareyyāti evaṃ bhinnānaṃ puna asaṃsandanāya anuppadātā upatthambhetā kāraṇaṃ dassetāti attho. Vaggo ārāmo abhiratiṭṭhānamassāti **vaggārāmo**. **Vaggaratoti** vaggesu rato. Vagge disvā vā sutvā vā nandatīti **vagganandī**. **Vaggakaraniṃ vācanti** yā vācā samaggepi satte vage karoti bhindati, taṃ kalahakāraṇaṃ vācaṃ bhāsītā hoti.

Aṇḍakāti² yathā sadose rukkhe aṇḍakāni uṭṭhahanti, evaṃ sadosatāya khuṃsanāvambhanādivacanehi aṇḍakā jātā. **Kakkasāti** pūtikā. Yathā nāma pūtikarukkho kakkaso hoti paggharitaṇṇo, evaṃ kakkasā hoti, sotaṃ ghaṃsamānā viya pavisati. Tena vuttaṃ “kakkasā”ti. **Parakaṭukāti** paresaṃ kaṭukā amanāpā dosajananī. **Parābhisajjanīti** kuṭilakaṇṭakasākhā viya mamesu vijjhivā paresaṃ abhisajjanī gantukāmānampi gantuṃ adatvā lagganakārī. **Kodhasāmantāti** kodhassa āsannā. **Asamādhisaṃvattanikāti** appanāsamādhissa vā upacārasamādhissa vā asaṃvattanikā. Iti sabbāneva tāni sadosavācāya vevacanāni.

Akālavādīti akālena vattā. **Abhūtavādīti** yaṃ natthi, tassa vattā. **Anatthavādīti** akāraṇanissitaṃ vattā. **Adhammavādīti** asabhāvaṃ

1. Ālapanamattaṃ (Ka)

2. Kaṇḍakāti (Ka) Abhi-Ṭṭha 1. 425 piṭṭhe passitabban.

vattā. **Avinayavādīti** asaṃvaravinayapaṭisaṃyuttassa vattā. **Anidhānavati vācanti** hadayamañjūsāyaṃ nidhetuṃ ayuttaṃ vācaṃ bhāsitaṃ hoti. **Akālenāti** vattabbakālassa pubbe vā pacchā vā ayuttakāle vattā hoti. **Anapadesanti** suttāpadesavirahitaṃ. **Apariyantavatinti** aparicchedaṃ, suttam vā jātakam vā nikkhipitvā tassa upalabbhaṃ vā upamaṃ vā vatthum vā āharitvā bāhirakathāyeva katheti, nikkhittaṃ nikkhittameva hoti. “Suttam nu kho katheti jātakam nu kho, nassa antaṃ vā koṭim vā passāmā”¹ti vattabbataṃ āpajjati. Yathā vaṭarukkhasākhānaṃ gatagataṭṭhāne pārohā otaranti, otiṇṇotiṇṇaṭṭhāne sampajjitvā puna vaḍḍhantiyeva. Evaṃ aḍḍhajojanampi yojanampi gacchantiyeva, gacchante gacchante pana mūlarukkho vinassati, pavenijātakāva tiṭṭhanti. Evamayampi Nigrodhadhammakathiko nāma hoti, nikkhittaṃ nikkhittamattameva ¹katvā passeneva pariharanto gacchati¹. Yo pana bahumpi bhaṇanto etadatthamidaṃ vuttanti āharitvā jānāpetuṃ sakkoti, tassa kathetuṃ vaṭṭati. **Anatthasaṃhitanti** na atthanissitaṃ.

Abhijjhātā hotīti abhijjhāya oloketā hoti. **Aho vatāti** patthanatthe nipāto. Abhijjhāya olokitamattakena cettha kammaṭṭhabhedo na hoti. Yadā pana “aho vatidaṃ mama santakam assa, ahaṃ ettha vasaṃ vatteyyan”²ti attano pariṇāmeti, tadā kammaṭṭhabhedo hoti, ayamidha adhippeto.

Byāpannacittoti vipannacitto pūtibhūtacitto. **Paduṭṭhamanasāṅkappoti** dosena duṭṭhacittasaṅkappo. **Haññantūti** ghātiyantu. **Vajjhantūti** vadhaṃ pāpuṇantu. **Mā vā ahesunti** kiñcipi mā ahesuṃ. Idhāpi kopamattakena kammaṭṭhabhedo na hoti. Haññantūti-ādicintaneneva hoti, tasmā evaṃ vuttaṃ.

Micchādiṭṭhikoti akusaladassano. **Viparītadassanoti** vipallatthadassano. **Natthi dinnanti** dinnassa² phalābhāvaṃ sandhāya vadati. **Yiṭṭhaṃ** vuccati mahāyāgo. **Hutanti** paheṇakasakkāro³ adhippeto, tampi ubhayaṃ

1-1. Katvā katipaye passeneva pariharanto katipaye gacchati (Ka)

2. Dānassa (Ka)

3. Pahonakasakkāro (Syā, Ka)

phalābhāvameva sandhāya paṭikkhipati. **Sukatadukkaṭānanti** sukatadukkaṭānaṃ¹, kusalākusalānanti attho. **Phalaṃ vipākoti** yaṃ phalanti vā vipākoti vā vuccati, taṃ natthīti vadati. **Natthi ayam lokoti** paraloke ṭhitassa ayam loko natthi. **Natthi paro lokoti** idha loke ṭhitassapi paraloko natthi, sabbe tatha tattheva ucchijjantīti dasseti. **Natthi mātā natthi pitāti** tesu sammāpaṭipattimicchapaṭipattīnaṃ phalābhāvavasena vadati. **Natthi sattā opapātikāti** cavitvā upapajjanakasattā nāma natthīti vadati. **Sayam abhiññā sacchikatvā pavedentīti** ye imaṅca lokam paraṅca lokam abhivisiṭṭhāya paññāya sayam paccakkhaṃ katvā pavedenti, te natthīti Sabbaññubuddhānaṃ abhāvaṃ dīpeti, ettāvataṃ dasavatthukā micchādīṭṭhi kathitā hoti.

441. **Pāṇātipātaṃ pahāyāti**-ādayo satta kammaṭṭhā Cūlahatthipade vittharītā. Anabhijjhādayo uttānatthāyeva.

442. **Sahabyataṃ upapajjeyyanti** sahabhāvaṃ upagaccheyyaṃ. **Brahmakāyikānaṃ devānanti** paṭhamajjhānabhūmidevānaṃ. **Ābhānaṃ devānanti** ābhā nāma visuṃ natthi, parittābha-appamaṇābha-ābhassarānaṃ etaṃ adhivacanaṃ. **Parittābhānanti**-ādi pana ekato aggahetvā tesameva bhedato gahaṇaṃ. **Parittasubhānanti**-ādīsipi eseva nayo. Iti Bhagavā āsavakkhayaṃ dassetvā arahattanikūṭena desanaṃ niṭṭhapesi.

Idha ṭhatvā pana devalokā samānetabbā, tissannaṃ tāva jhānabhūmīnaṃ vasena nava brahmalokā, pañca suddhāvāsā, catūhi arūpehi saddhiṃ navāti aṭṭhārasa, vehapphalehi saddhiṃ ekūnavīsati, te asaṅṅānaṃ² pakkhipitvā vīsati brahmalokā honti, evaṃ chahi kāmāvacarehi saddhiṃ chabbīsati devalokā nāma, tesam sabbesampi Bhagavatā dasakusalakammaṭṭhehi nibbatti dassitā.

Tatha chasu tāva kāmāvacaresu tiṇṇaṃ sucaritānaṃ vipākeneva nibbatti hoti. Uparidevalokānaṃ pana ime kammaṭṭhā upanissayavasena

1. Sukatadukkaṭānanti sukatadukkaṭānaṃ (Sī), sukatadukkaṭānanti sukatadukkaṭānaṃ (Syā)

2. Asaṅṅe (Ka)

kathitā. Dasa kusalakammapathā hi sīlaṃ, sīlavato ca kasiṇaparikkammaṃ ijjhātīti. Sīle patitṭhāya kasiṇaparikkammaṃ katvā paṭhamajjhānaṃ nibbattetvā paṭhamajjhānabhūmiyaṃ nibbattati, dutiyādīni bhāvetvā dutiyajjhānabhūmi-ādīsu nibbattati, rūpāvacarajjhānaṃ pādakaṃ katvā vipassanaṃ vaḍḍhetvā anāgāmiṃphale patitṭhito pañcasu Suddhāvāsesu nibbattati, rūpāvacarajjhānaṃ pādakaṃ katvā arūpāvacarasamāpattim nibbattetvā catūsu Arūpesu nibbattati, rūpārūpajjhānaṃ pādakaṃ katvā vipassanaṃ vaḍḍhetvā arahattaṃ pāpuṇāti. Asaññabhavo pana bāhirakānaṃ tāpasaparibbājakānaṃ āciṇṇoti idha na nidditṭho. Sesam sabbattha uttānatthamevāti.

Papañcasūdaniyā Majjhimanikāyaṭṭhakathāya

Sāleyyakasuttavaṇṇanā niṭṭhitā.

2. Verañjakasuttavaṇṇanā

444. **Evam me sutanti** Verañjakasuttaṃ. Tattha **Verañjakāti** Verañjavāsino. **Kenacideva karaṇīyenāti** kenacideva aniyamitakiccena. Sesam sabbam purimasutte vuttanayeneva veditabbam. Kevalam hi idha **adhammacārī visamacārī**ti evam puggalādhiṭṭhānā desanā katā. Purimasutte dhammādhiṭṭhānāti ayaṃ viseso. Sesam tādisamevāti.

Papañcasūdaniyā Majjhimanikāyaṭṭhakathāya

Verañjakasuttavaṇṇanā niṭṭhitā.

3. Mahāvedallasuttavaṇṇanā

449. **Evam me sutanti** Mahāvedallasuttaṃ. Tattha **āyasmāti** sagāravasappatissavacanametam. **Mahākoṭṭhikoti** tassa therassa nāmam. **Paṭisallānā vuṭṭhitoti** phalasaṃpattito vuṭṭhito. **Duppañño duppaññoti** ettha paññāya duṭṭham nāma natthi, appañño nippaññoti attho. **Kittāvatā nu khoti** karaṇaparicchedapucchā, kittakena nu kho evam

vuccatīti attho. Pucchā ca nāmesā adiṭṭhajotanāpucchā
diṭṭhasaṃsandanāpucchā vimaticchedanāpucchā anumatipucchā
kathetukamyatāpucchāti pañcavidhā hoti. Tāsam idam nānakaraṇam—

“Katamā **adiṭṭhajotanāpucchā**, pakatiyā lakkhaṇam aññātam hoti
adiṭṭham atulitam atīritam avibhūtam avibhāvitam, tassa nāṇāya dassanāya
tulanāya tīraṇāya vibhūtāya vibhāvanatthāya pañham pucchati, ayam
adiṭṭhajotanāpucchā.

Katamā **diṭṭhasaṃsandanāpucchā**, pakatiyā lakkhaṇam nātam hoti
diṭṭham tulitam tīritam vibhūtam vibhāvitam, aññehi paṇḍitehi saddhim
saṃsandanatthāya pañham pucchati, ayam diṭṭhasaṃsandanāpucchā.

Katamā **vimaticchedanāpucchā**, pakatiyā saṃsayapakkhando¹ hoti
vimatipakkhando dvelhakajāto “evam nu kho, na nu kho, kim nu kho,
katham nu kho”ti, so vimaticchedanatthāya pañham pucchati, ayam
vimaticchedanāpucchā”².

“Tam kim maññatha bhikkhave rūpam niccam vā aniccam vāti, aniccam
bhante”ti³ evarūpā anumatiṃ gahetvā dhammadesanākāle pucchā
anumatipucchā nāma.

“Cattārome bhikkhave satipaṭṭhānā, katame cattāro”ti⁴ evarūpā
bhikkhusaṃgham sayameva pucchitvā sayameva vissajjetukāmassa pucchā
kathetukamyatāpucchā nāma. Tāsu idha diṭṭhasaṃsandanāpucchā adhippetā.

Thero hi attano divāṭṭhāne nisīditvā sayameva pañham samuṭṭhapetvā
sayam vinicchinanto idam suttam ādito paṭṭhāya matthakam pāpesi. Ekacco
hi pañham samuṭṭhāpetumyeva sakkoti na nicchetum, ekacco nicchetum
sakkoti na samuṭṭhāpetum, ekacco ubhayampi na sakkoti, ekacco ubhayampi
sakkoti. Tesu thero ubhayampi sakkotiyeva. Kasmā? Mahāpaññatāya.
Mahāpaññam nissāya hi imasmim sāsane Sāriputtatthero,
Mahākaccānatthero, Puṇṇatthero, Kumārakassapatthero, Ānandatthero,
ayameva āyasmāti sambahulā therā visesaṭṭhānam adhigatā, na hi sakkā
yāya vā tāya vā appamattikāya paññāya samannāgatena

1. Saṃsayapakkhanno (Sī, Syā)

3. Vi 3. 19 piṭṭhe.

2. Khu 7. 263; Khu 8. 50 piṭṭhādīsu.

4. Saṃ 3. 150 piṭṭhe.

bhikkhunā sāvakaṇāpāramiṇāṇassa matthakaṃ pāpuṇituṃ, mahāpaṇṇena pana sakkāti¹ mahāpaṇṇatāya **Sāriputtathero** taṃ ṭhānaṃ adhigato, paṇṇāya hi therena sadiso natthi, teneva naṃ Bhagavā etadagge ṭhapesi “etadaggaṃ bhikkhave mama sāvakaṇānaṃ bhikkhūnaṃ mahāpaṇṇānaṃ yadidaṃ Sāriputto”ti².

Tathā na sakkā yāya vā tāya vā appamattikāya paṇṇāya samannāgatena bhikkhunā Bhagavatā saṃkhittena bhāsitaṃ sabbaṇṇūtaṇṇāṇena saddhim saṃsanditvā samānetvā vitthārena atthaṃ vibhajetuṃ, mahāpaṇṇena pana sakkāti mahāpaṇṇatāya **Mahākaccānatthero** tattha paṭibalo jāto, teneva naṃ Bhagavā etadagge ṭhapesi “etadaggaṃ bhikkhave mama sāvakaṇānaṃ bhikkhūnaṃ saṃkhittena bhāsitaṃ vitthārena atthaṃ vibhajantānaṃ yadidaṃ Mahākaccāno”ti³.

Tathā na sakkā yāya vā tāya vā appamattikāya paṇṇāya samannāgatena bhikkhunā dhammakathaṃ kathentena dasa kathāvattthūni āharitvā⁴ satta visuddhiyo vibhajantena dhammakathaṃ kathetuṃ, mahāpaṇṇena pana sakkāti mahāpaṇṇatāya **Puṇṇathero** catuparisamajjhe alaṅkatadhammāsane cittabījaniṃ gahetvā nisinno liḷāyanto Puṇṇacando viya dhammaṃ kathesi, teneva naṃ Bhagavā etadagge ṭhapesi “etadaggaṃ bhikkhave mama sāvakaṇānaṃ bhikkhūnaṃ dhammakathikānaṃ yadidaṃ Puṇṇo Mantāṇiputto”ti³.

Tathā yāya vā tāya vā appamattikāya paṇṇāya samannāgato bhikkhu dhammaṃ kathento ito vā etto vā anukkamitvā yaṭṭhikoṭiṃ gahetvā andho viya ekapadikaṃ daṇḍakasetuṃ āruḷho viya ca gacchati, mahāpaṇṇo pana catuppadikaṃ gāthaṃ nikkhipitvā upamā ca kāraṇāni ca āharitvā⁵ Tepiṭakaṃ Buddhavacanaṃ gahetvā heṭṭhupariyaṃ karonto kathesi, mahāpaṇṇatāya pana **Kumārakassapatthero** catuppadikaṃ gāthaṃ nikkhipitvā upamā ca kāraṇāni ca āharitvā tehi saddhim yojento jātassare pañcavaṇṇāni kusumāni phullāpento viya Sinerumatthake vaṭṭisahassaṃ telapadīpaṃ jālento viya Tepiṭakaṃ Buddhavacanaṃ heṭṭhupariyaṃ

1. Sakkoti (Ka) evamuparipi.

2. Am 1. 13 piṭṭhe.

3. Am 1. 24 piṭṭhe.

4. Ārabhitvā (Syā, Ka)

5. Osāretvā (Sī, Syā)

karonto kathesi, teneva naṃ Bhagavā etadagge ṭhapesi “etadaggaṃ bhikkhave mama sāvakānaṃ bhikkhūnaṃ cittakathikānaṃ yadidaṃ Kumārakassapo”¹.

Tathā yāya vā tāya vā appamattikāya paññāya samannāgato bhikkhu catūhi māsehi catuppadikampi gāthaṃ gahetuṃ na sakkoti, mahāpañño pana ekapade ṭhatvā padasatampi padasahassampi gaṇhāti, **Ānandatthero** pana mahāpaññatāya ekapaduddhāre ṭhatvā sakimyeva sutvā puna apucchanto saṭṭhi padasahassāni pannarasa gāthāsahassāni valliya pupphāni ākaḍḍhitvā gaṇhanto viya ekappahārenea gaṇhāti, gahitagahitaṃ pāsāṇe khatalekhā viya, suvaṇṇaghaṭe pakkhittasīhavasā viya ca gahitākārenea tiṭṭhati, teneva naṃ Bhagavā etadagge ṭhapesi “etadaggaṃ bhikkhave mama sāvakānaṃ bhikkhūnaṃ gatimantānaṃ yadidaṃ Ānando. Satimantānaṃ. Dhitimantānaṃ. Bahussutānaṃ. Upaṭṭhākānaṃ yadidaṃ Ānando”¹.

Na hi sakkā yāya vā tāya vā appamattikāya paññāya samannāgatena bhikkhunā catupaṭṭisambhidāpabhedassa matthakaṃ pāpuṇituṃ, mahāpaññaena pana sakkāti mahāpaññatāya **Mahākoṭṭhitatthero**² adhigamaparipucchāsavanapubbayogaṇaṃ vasena anantanayussadaṃ paṭṭisambhidāpabhedam patta, teneva naṃ Bhagavā etadagge ṭhapesi “etadaggaṃ bhikkhave mama sāvakānaṃ bhikkhūnaṃ paṭṭisambhidāpattānaṃ yadidaṃ Mahākoṭṭhito”¹.

Iti thero mahāpaññatāya pañhaṃ samuṭṭhāpetumpi nicchetumpi ubhayampi sakkoti, so divāṭṭhāne nisīditvā sayameva sabbapañhe samuṭṭhāpetvā sayam vinicchinto idaṃ suttaṃ ādito paṭṭhāya matthakaṃ pāpetvā “sobhanā vata ayaṃ dhammadesanā, jeṭṭhabhātikena naṃ Dhammasenāpatinā saddhiṃ saṃsandissāmi, tato ayaṃ dvinnampi amhākaṃ ekamatiyā ekajjhāsayena ca ṭhapitā atigarukā bhavissati pāsāṇacchattasadisā, caturoghanittharaṇatthikānaṃ titthe ṭhapitanāvā viya maggagamanatthikānaṃ³ saḥassayutta-ājaññaratho viya bahupakārā bhavissati”¹ ti diṭṭhasaṃsandanatthaṃ pañhaṃ pucchi. Tena vuttam “tāsu idha diṭṭhasaṃsandanaṃpucchā adhippetā”¹ ti.

1. Am 1. 25 piṭṭhe.

2. Mahākoṭṭhitatthero (Syā, Ka)

3. Saggagamanatthikānaṃ (Si, Syā)

Nappajānātīti ettha yasmā nappajānāti, tasmā duppaññoti vuccatīti ayamatto. Esa nayo sabbattha. **Idaṃ dukkhanti nappajānātī**ti idaṃ dukkhaṃ, ettakaṃ dukkhaṃ, ito uddhaṃ natthīti dukkhasaccam yāthāvasarasalakkhaṇato na pajānāti. **Ayaṃ dukkhasamudayo**ti ito dukkhaṃ samudetīti pavattidukkhapabhāvikā¹ taṇhā samudayasaccanti yāthāvasarasalakkhaṇato na pajānāti. **Ayaṃ dukkhanirodho**ti idaṃ dukkhaṃ ayaṃ dukkhasamudayo ca idaṃ nāma ṭhānaṃ patvā nirujjhatīti ubhinnaṃ appavatti nibbānaṃ nirodhasaccanti yāthāvasarasalakkhaṇato na pajānāti. **Ayaṃ dukkhanirodhagāminī paṭipadā**ti ayaṃ paṭipadā dukkhanirodhaṃ gacchatīti maggasaccam yāthāvasarasalakkhaṇato na pajānātīti. Anantaravārepi imināva nayena attho veditabbo. Saṅkhepato panettha catusaccakammaṭṭhāniko puggalo kathitoti veditabbo.

Ayaṃ hi ācariyasantike cattāri saccāni savanato uggaṇhāti, ṭhapetvā taṇhaṃ tebhūmakā dhammā dukkhasaccam, taṇhā samudayasaccam, ubhinnaṃ appavatti nibbānaṃ nirodhasaccam, dukkhasaccam pari jānanto samudayasaccam pajahanto nirodhapāpano maggo maggasaccanti evaṃ uggaṇhetvā abhinivisati. Tattha purimāni dve saccāni vaṭṭam, pacchimāni vivaṭṭam, vaṭṭe abhiniveso hoti, no vivaṭṭe, tasmā ayaṃ abhinivisamāno dukkhasacce abhinivisati.

Dukkhasaccam nāma rūpādayo pañcakkhandhāti vavatthapetvā dhātukammaṭṭhānavasena otaritvā “cattāri mahābhūtāni catunnañca mahābhūtānaṃ upādāyarūpaṃ rūpan”ti vavatthapeti. Tadārammaṇā vedanā saññā saṅkhārā viññāṇaṃ nāmanti evaṃ yamakataḷakkhandham bhindanto viya “dveva ime dhammā nāmarūpan”ti vavatthapeti. Taṃ panetaṃ na ahetukaṃ sahetukaṃ sappaccayaṃ, ko cassa paccayo avijjādayo dhammāti evaṃ paccaye ceva paccayuppannadhamme ca vavatthapetvā “sabbepi dhammā hutvā abhāvaṭṭhena aniccā”ti aniccalakkhaṇaṃ āropeti, tato udayavayappaṭipīḷanākārena dukkhā, avasavattanākārena anattāti tilakkhaṇaṃ āropetvā vipassanāpaṭipāṭiyā sammasanto lokuttaramaggaṃ pāpuṇāti.

1. Samudeti pavattetīti dukkhapabhāvikā (Sī)

Maggakkaṇe cattāri saccāni ekapaṭivedhena paṭivijjhati, ekābhisamayena abhisameti. Dukkhaṃ pariññāpaṭivedhena paṭivijjhati, samudayaṃ pahānapaṭivedhena, nirodhaṃ sacchikiriyāpaṭivedhena, maggaṃ bhāvanāpaṭivedhena paṭivijjhati. Dukkhaṃ pariññābhisamayena abhisameti, samudayaṃ pahānābhisamayena, nirodhaṃ sacchikiriyābhisamayena, maggaṃ bhāvanābhisamayena abhisameti. So tīni saccāni kiccato paṭivijjhati, nirodhaṃ ārammaṇato. Tasmim̐ cassa khaṇe ahaṃ dukkhaṃ pariñānāmi, samudayaṃ pajahāmi, nirodhaṃ sacchikaromi, maggaṃ bhāvemīti ābhogasamannāhāramanasikārapaccavekkhānā natthi. Etassa pana pariggaṇhantasseva maggo tīsu saccesu pariññādikiccaṃ sādhentova nirodhaṃ ārammaṇato paṭivijjhatīti.

Tasmā paññavāti vuccatīti ettha heṭṭhimakoṭiyā sotāpanno uparimakoṭiyā khīṇāsavo paññavāti niddiṭṭho. Yo pana Tepiṭakaṃ Buddhavacanaṃ Pāḷito ca atthato ca anusandhito ca pubbāparato ca uggahetvā heṭṭhupariyaṃ karonto vicarati, aniccadukkhānattavasena pariggahamattampi natthi, ayaṃ paññavā nāma, duppañño nāmāti? Viññāṇacarito nāmesa, paññavāti na vattabbo. Atha yo tilakkhaṇaṃ āropetvā vipassanāpaṭipāṭiyā sammasanto ajja ajjeva arahattanti carati, ayaṃ paññavā nāma, duppañño¹ nāmāti? Bhajāpiyamāno paññavāpakkaṃ bhajati. Sutte pana paṭivedhova kathito.

Viññāṇaṃ viññāṇanti idha kiṃ pucchati? Yena viññāṇena saṅkhāre sammasitvā esa paññavā nāma jāto, tassa āgamanavipassanā viññāṇaṃ kamma-kāracittaṃ² pucchāmīti² pucchāmīti pucchati. **Sukhantipi vijānātīti** sukhavedanampi vijānāti. Uparipadadvayepi eseva nayo. Iminā thero “sukhaṃ vedanaṃ vedayamāno sukhaṃ vedanaṃ vedayāmīti pajānātī”³ti³ādinā nayena āgatavedanāvasena arūpakammaṭṭhānaṃ kathesi. Tassattho Satipaṭṭhāne vuttanayeneva veditabbo.

1. Na duppañño (Sī, Syā)

2. Tadassa āgamanīyavipassanāvīññāṇa kamma-kāracittaṃ (Sī), tadassa āgamanīyavipassanāvīññāṇaṃ kamma-kāracittaṃ (Syā)

3. Ma 1. 75; Dī 2. 236 piṭṭhesu.

Saṃsaṭṭhāti ekuppādādilakkhaṇena saṃyogaṭṭhena¹ saṃsaṭṭhā, udāhu visāsaṭṭhāti pucchati. Ettha ca thero maggapaññaṇa vipassanāvīññaṇaṇcāti ime dve lokiyalokuttaradhamme missetvā bhūmantaraṃ bhinditvā samayaṃ aṅānanto viya pucchati na veditaḃbo. Maggapaññaṇa pana maggaviññaṇaṇa, vipassanāpaññaṇa ca vipassanāvīññaṇaṇeṇa saddhiṃ saṃsaṭṭhabhāvaṃ pucchati veditaḃbo. Theropissa tamevatthaṃ vissajjento **ime dhammā saṃsaṭṭhāti**-ādimāha. Tattha **na ca labbhā imesaṃ dhammānanti** imesaṃ lokiyamaggakkhaṇepi lokuttaramaggakkhaṇepi ekato uppannaṃ dvinnāṃ dhammānaṃ. **Vinibbhujitvā vinibbhujitvāti** visuṃ visuṃ katvā vinivaṭṭetvā, ārammaṇato vā vatthuto vā uppādato vā nirodhato vā nānākaraṇaṃ dassetuṃ na sakkāti attho. Tesāṃ tesāṃ pana dhammānaṃ visayo nāma atthi. Lokiyadhammaṃ patvā hi cittaṃ jeṭṭhakaṃ hoti pubbaṅgamaṃ, lokuttaraṃ patvā paññaṃ.

Sammāsambuddhopi hi lokiyadhammaṃ pucchanto “bhikkhu tvaṃ katamaṃ paññaṃ adhigato, kiṃ paṭhamamaggapaññaṃ, udāhu dutiya tatiya catuttha maggapaññaṃ”ti na evaṃ pucchati. Kiṃ phasso tvaṃ bhikkhu kiṃ vedano kiṃ saññaṃ kiṃ cetanoti na ca pucchati, cittavasena pana “kiṃ citto tvaṃ bhikkhū”ti² pucchati. Kusalākusalaṃ paññaṇapetopi “manopubbaṅgamaṃ dhammā, manoseṭṭhā manomayā”ti¹ ca, “katame dhammā kusalā. Yasmiṃ samaye kāmāvacaraṃ kusalaṃ cittaṃ uppannaṃ hoti”ti⁴ ca evaṃ cittavaseneva paññaṇepeti. Lokuttaraṃ pucchanto pana kiṃ phasso tvaṃ bhikkhu, kiṃ vedano, kiṃ saññaṃ, kiṃ cetanoti na pucchati. Katamā te bhikkhu paññaṃ adhigatā, kiṃ paṭhamamaggapaññaṃ, udāhu dutiyatatiyacatutthamaggapaññaṇāti evaṃ paññaṇavaseneva pucchati.

Indriyasāmyuttepi “pañcimāni bhikkhave indriyāni, katamāni pañca, saddhindriyaṃ vīriyindriyaṃ satindriyaṃ samādhindriyaṃ paññaṇindriyaṃ. Kattha ca bhikkhave saddhindriyaṃ daṭṭhabbaṃ, catūsu sotāpattiyaṅgesu ettha saddhindriyaṃ daṭṭhabbaṃ. Kattha ca bhikkhave vīriyindriyaṃ daṭṭhabbaṃ, catūsu sammappadhānesu ettha vīriyindriyaṃ daṭṭhabbaṃ. Kattha ca bhikkhave satindriyaṃ daṭṭhabbaṃ, catūsu satipaṭṭhānesu ettha satindriyaṃ daṭṭhabbaṃ. Kattha ca bhikkhave samādhindriyaṃ daṭṭhabbaṃ, catūsu jhānesu ettha samādhindriyaṃ daṭṭhabbaṃ. Kattha ca bhikkhave paññaṇindriyaṃ daṭṭhabbaṃ, catūsu ariyasaccesu ettha

1. Saṃsaggena (Sī)

3. Khu 1. 13 Dhammapade.

2. Vi 1. 72 piṭṭhe.

4. Abhi 1. 17 piṭṭhe.

paññindriyaṃ daṭṭhabban”ti¹. Evaṃ savisayasmimyeva lokiyalokuttarā dhammā kathitā.

Yathā hi cattāro seṭṭhiputtā rājāti rājapañcomesu sahāyesu nakkhattaṃ kīḷissāmāti vīthim otiṇṇesu ekassa seṭṭhiputtassa gehaṃ gatakāle itare cattāro tuṇhī nisīdanti, gehasāmikova “imesaṃ khādanīyaṃ bhojanīyaṃ detha, gandhamālālaṅkāradīni dethā”ti gehe vicāreti. Dutiyassa tatiyassa catutthassa gehaṃ gatakāle itare cattāro tuṇhī nisīdanti, gehasāmikova “imesaṃ khādanīyaṃ bhojanīyaṃ detha, gandhamālālaṅkāradīni dethā”ti gehe vicāreti. Atha sabbapacchā rañño gehaṃ gatakāle kiñcāpi rājā sabbattha issarova, imasmiṃ pana kāle attano geheyeva “imesaṃ khādanīyaṃ bhojanīyaṃ detha, gandhamālālaṅkāradīni dethā”ti vicāreti, evamevaṃ kho saddhāpañcamakesu indriyesu tesu sahāyesu ekato vīthim otarantesu viya ekārammaṇe uppajjamānesupi yathā paṭhamassa gehe itare cattāro tuṇhī nisīdanti, gehasāmikova vicāreti, evaṃ sotāpattiyaṅgāni patvā adhimokkhalakkhaṇaṃ saddhindriyameva jeṭṭhakaṃ hoti pubbaṅgamaṃ, sesāni tadanvayāni honti. Yathā dutiyassa gehe itare cattāro tuṇhī nisīdanti, gehasāmikova vicāreti, evaṃ sammappadhānāni patvā paggaḥaṇalakkhaṇaṃ vīriyindriyameva jeṭṭhakaṃ hoti pubbaṅgamaṃ, sesāni tadanvayāni honti. Yathā tatiyassa gehe itare cattāro tuṇhī nisīdanti, gehasāmikova vicāreti, evaṃ satipaṭṭhānāni patvā upaṭṭhānalakkhaṇaṃ satindriyameva jeṭṭhakaṃ hoti pubbaṅgamaṃ, sesāni tadanvayāni honti. Yathā catutthassa gehe itare cattāro tuṇhī nisīdanti, gehasāmikova vicāreti, evaṃ jhānavimokkhe patvā avikkhepalakkhaṇaṃ samādhindriyameva jeṭṭhakaṃ hoti pubbaṅgamaṃ, sesāni tadanvayāni honti. Sabbapacchā rañño gehaṃ gatakāle pana yathā itare cattāro tuṇhī nisīdanti, rājāva gehe vicāreti, evameva ariyasaccāni patvā pajānalakkhaṇaṃ paññindriyameva jeṭṭhakaṃ hoti pubbaṅgamaṃ, sesāni tadanvayāni honti.

Iti paṭisambhidāpattānaṃ agge ṭhapito Mahākoṭṭhitatthero lokiyadhammaṃ pucchanto cittaṃ jeṭṭhakaṃ cittaṃ pubbaṅgamaṃ katvā pucchi, lokuttaradhammaṃ

1. Saṃ 3. 172 piṭṭhe.

pucchanto paññaṃ jeṭṭhakaṃ paññaṃ pubbaṅgamaṃ katvā pucchi,
Dhammasenāpatisāriputtattheropi tatheva vissajjesīti.

Yaṃ hāvuso pajānāti yaṃ catusaccadhammaṃ idaṃ dukkhanti-ādinā
nayena maggapaññaṃ pajānāti. **Taṃ vijānāti** maggaviññāṇampi tatheva taṃ
vijānāti. **Yaṃ vijānāti** yaṃ saṅkhāragataṃ aniccanti-ādinā nayena
vipassanāviññāṇaṃ vijānāti. **Taṃ pajānāti** vipassanāpaññaṃpi tatheva taṃ
pajānāti. **Tasmā ime dhammā** tena kāraṇena ime dhammā. **Sam̐saṭṭhāti**
ekuppāda-ekanirodha-ekavatthuka-ekārammaṇatāya sam̐saṭṭhā.

Pañña bhāvetabbāti idaṃ maggapaññaṃ sandhāya vuttaṃ,
taṃsampayuttaṃ pana viññāṇaṃ tāya saddhiṃ bhāvetabbameva hoti.
Viññāṇaṃ pariññeyyanti idaṃ vipassanāviññāṇaṃ sandhāya vuttaṃ,
taṃsampayuttā pana paññaṃ tena saddhiṃ pariññitabbāva hoti.

450. **Vedanā vedanāti** idaṃ kasmā pucchati? Vedanālakkhaṇaṃ
pucchissāmīti pucchati. Evaṃ santepi tebhūmikasammasanacāravedanāva¹
adhippetāti sallakkhetabbā. **Sukhampi vedetīti** sukhaṃ ārammaṇaṃ vedeti
anubhavati. Parato padadvayepi eseva nayo. “Rūpaṅca hidam Mahāli
ekantadukkhaṃ abhavissa, dukkhānupatitaṃ dukkhāvakkantaṃ
anavakkantaṃ sukhena, na yidaṃ sattā rūpasmiṃ sārājjeyyuṃ. Yasmā ca
kho Mahāli rūpaṃ sukhaṃ sukhānupatitaṃ sukhāvakkantaṃ anavakkantaṃ
dukkhena, tasmā sattā rūpasmiṃ sārājanti, sārāgā saṃyujjanti, saṃyogā
saṃkilissanti. Vedanā ca hidam, saññaṃ, saṅkhārā, viññāṇaṃ ca hidam
Mahāli ekantadukkhaṃ abhavissa -pa- saṃkilissanti”²ti² iminā hi³
Mahālisuttapariyāyena idha ārammaṇaṃ sukhaṃ dukkhaṃ
adukkhamasukhanti kathitaṃ. Apica purimaṃ sukhaṃ vedanaṃ
ārammaṇaṃ katvā aparā sukhā vedanā vedeti, purimaṃ dukkhaṃ vedanaṃ
ārammaṇaṃ katvā aparā dukkhā vedanā vedeti, purimaṃ
adukkhamasukhaṃ vedanaṃ ārammaṇaṃ katvā aparā adukkhamasukhā
vedanā vedetīti evamettha attho daṭṭhabbo. Vedanāyeva hi vedeti, na añña
koci veditā nāma atthīti vuttametaṃ.

1. Tebhūmakasammasanavāre vedanāva (Sī)

2. Sam̐ 2. 57 piṭṭhe.

3. Imināpi (Sī, Ka)

Saññā saññāti idha kim pucchati? Sabbasaññāya¹ lakkhaṇaṃ. Kim sabbatthakasaññāyāti? Sabbasaññāya lakkhaṇantipi sabbatthakasaññāya lakkhaṇantipi ekamevetam, evaṃ santepi tebhūmikasammasanacārasaññāva adhippetāti sallakkhetabbā. **Nīlakampi sañjānātīti** nīlapupphe vā vatthe vā parikammaṃ katvā upacāraṃ vā appanaṃ vā pāpento sañjānāti. Imasmim hi atthe parikammasaññāpi upacārasaññāpi appanāsaññāpi vaṭṭati. Nīle nīlanti uppajjanakasaññāpi vaṭṭatiyeva. **Pītakādīsipi** eseva nayo.

Yā cāvuso vedanāti ettha vedanā saññā viññāṇanti imāni tīṇi gahetvā paññā kasmā na gahitāti? Asabbasaṅgāhikattā. Paññāya hi gahitāya paññāya sampayuttāva vedanādayo labbhanti, no vippayuttā. Tam pana aggahetvā imesu gahitesu paññāya sampayuttā ca vippayuttā ca antamaso dve pañcaviññāṇadhammāpi labbhanti. Yathā hi tayo purisā suttaṃ suttanti vadeyyuṃ, catuttho ratanāvutasuttanti. Tesu purimā tayo takkagatampi paṭivaṭṭakādīgatampi yaṃkiñci bahuṃ suttaṃ labhanti antamaso makkaṭakasuttampi. Ratanāvutasuttaṃ pariyesanto mandaṃ labhati, evaṃsampadamidaṃ veditabbaṃ. Heṭṭhato vā paññā viññāṇena saddhim sampayogaṃ labhāpitā vissaṭṭhattāva² idha na gahitāti vadanti. **Yaṃ hāvuso vedetīti** yaṃ ārammaṇaṃ vedanā vedeti, saññāpi tadeva sañjānāti. **Yaṃ sañjānātīti** yaṃ ārammaṇaṃ saññā sañjānāti, viññāṇampi tadeva vijānātīti attho.

Idāni sañjānāti vijānāti pajānātīti ettha viseso³ veditabbo. Tattha upasaggamattameva viseso, jānātīti padaṃ pana aviseso. Tassāpi jānanatthe viseso veditabbo. Saññā hi nīlādivasena ārammaṇaṃ sañjānanamattameva, aniccaṃ dukkhaṃ anattāti lakkhaṇapaṭivedhaṃ pāpetuṃ na sakkoti. Viññāṇaṃ nīlādivasena ārammaṇaṃ ceva sañjānāti, aniccādilakkhaṇapaṭivedhañca pāpeti, ussakkivā pana maggapātubhāvaṃ pāpetuṃ na sakkoti. Paññā nīlādivasena ārammaṇampi sañjānāti,

1. Saññāya (Sī, Syā)

2. Labhāpetvā vissaṭṭhāti vissaṭṭhattā ca (Sī), labhitvā vissaṭṭhāti vissaṭṭhattā ca (Syā)

3. Visesāviseso (Sī, Syā)

aniccādivasena lakkhaṇapaṭivedhampi pāpeti, ussakkitvā maggapātubhāvaṃ pāpetumpi sakkoti.

Yathā hi heraññīkaphalake kahāpaṇarāsīmhi kate ajātabuddhi dārako gāmikapuriso mahāheraññīkoti tīsu janesu oloketvā ṭhitesu ajātabuddhi dārako kahāpaṇānaṃ cittavicittacaturassamaṇḍalabhāvameva¹ jānāti, idaṃ manussānaṃ upabhogaparibhogaṃ ratanasammatanti na jānāti. Gāmikapuriso cittādibhāvaṃ ceva jānāti manussānaṃ upabhogaparibhogaratanasammatabhāvaṃca. “Ayaṃ kūṭo ayaṃ cheko ayaṃ karato² ayaṃ saṅho”ti pana na jānāti. Mahāheraññīko cittādibhāvampi ratanasammatabhāvampi kūṭādibhāvampi jānāti, jānanto ca pana naṃ rūpaṃ disvāpi jānāti, ākoṭitassa saddaṃ sutvāpi, gandhaṃ ghāyitvāpi, rasaṃ sāyitvāpi, hatthena garukalahukabhāvaṃ upadhāretvāpi asukagāme katotipi jānāti, asukanigame asukanagare asukapabbatacchāyāya asukanadīṭṭe katotipi, asukācariyena katotipi jānāti. Evamevaṃ saññā ajātabuddhidārakassa kahāpaṇadassanaṃ viya nīlādivasena ārammaṇamattameva sañjānāti. Viññānaṃ gāmikapurissa kahāpaṇadassanaṃ viya nīlādivasena ārammaṇampi sañjānāti, aniccādivasena lakkhaṇapaṭivedhampi pāpeti. Paññā mahāheraññīkassa kahāpaṇadassanaṃ viya nīlādivasena ārammaṇampi sañjānāti, aniccādivasena lakkhaṇapaṭivedhampi pāpeti, ussakkitvā maggapātubhāvampi pāpeti, so pana nesāṃ viseso duppaṭivijjho.

Tenāha āyasmā Nāgaseno “dukkaraṃ mahārāja Bhagavatā katanti. Kiṃ bhante Nāgasena Bhagavatā dukkaraṃ katanti. Dukkaraṃ mahārāja Bhagavatā kataṃ, imesaṃ arūpīnaṃ cittacetāsikānaṃ dhammānaṃ ekārammaṇe pavattamānānaṃ vavatthānaṃ akkhātānaṃ, ayaṃ phasso, ayaṃ vedanā, ayaṃ saññā, ayaṃ cetanā, idaṃ cittaṃ”ti³. Yathā hi tilatelaṃ, sāsapatelaṃ, madhukatelaṃ, eraṇḍakatelaṃ, vasātelanti imāni pañca telāni ekacāṭiyaṃ pakkhipitvā divasaṃ yamakamanthehi manthetvā tato idaṃ tilatelaṃ, idaṃ sāsapatelanti ekekassa pāṭiyekkaṃ uddharaṇaṃ nāma dukkaraṃ, idaṃ

1. ...maṇḍalabhedameva (Syā)

2. Akūṭo (Sī), pharusō (Syā, Ka) Ṭīkā oloketabbā.

3. Khu 11. 94 Milindapañhe.

tato dukkaratarāṃ. Bhagavā pana sabbaññutaññāṇassa suppaṭividdhattā Dhammissaro Dhammarājā imesaṃ arūpīnaṃ dhammānaṃ ekārammaṇe pavattamānānaṃ vavattānaṃ akkhāsi. Pañcannaṃ mahānadīnaṃ samuddaṃ pavittāṭṭhāne “idaṃ Gaṅgāya udakaṃ idaṃ Yamunāyā”ti evaṃ pāṭiyekkaṃ udaka-uddharaṇēpi ayamatto veditabbo.

451. **Nissatṭhenā**ti nissatena pariccattena vā. Tattha **nissatēnā**ti atthe sati pañcahi indriyehīti nissakkavacanaṃ. **Pariccattēnā**ti atthe sati karaṇavacanaṃ veditabbaṃ. Idaṃ vuttaṃ hoti—pañcahi indriyehi nissarivā manodvāre pavattena pañcahi vā indriyehi tassa vatthubhāvam anupagamanatāya pariccattēnāti. **Parisuddhenā**ti nirupakkilesena. **Manoviññāṇēnā**ti rūpāvacaracattutthajjhānacittena. **Kim neyyanti** kim jānitabbaṃ. “Yamkiñci neyyaṃ nāma atthi dhamman”ti-ādīsu¹ hi jānitabbaṃ neyyanti vuttaṃ. **Ākāsānañcāyatanaṃ neyyanti** kathaṃ rūpāvacaracattutthajjhānacittena arūpāvacarasaṃpatti neyyāti? Rūpāvacaracattutthajjhāne ṭhitena arūpāvacarasaṃpattiṃ nibbattetuṃ sakkā hoti. Ettha ṭhitassa hi sā ijjhāti, tasmā “ākāsānañcāyatanaṃ neyyan”ti-ādīmāha. Atha nevasaññānāsaññāyatanaṃ kasmā na vuttanti? Pāṭiyekkaṃ abhinivesābhāvato. Tattha hi kalāpato nayato sammasaṇaṃ labbhati, Dhammasenāpatisadisassāpi hi bhikkhuno pāṭiyekkaṃ abhiniveso na jāyati, tasmā theropi “evaṃ kirame dhammā ahutvā sambhonti, hutvā paṭiventī”ti² kalāpato nayato sammāsivā vissajjesīti. Bhagavā pana sabbaññutaññāṇassa hatthagatattā nevasaññānāsaññāyatanaṃsaṃpattiyampi paropaññāsa dhamme pāṭi-ekkaṃ aṅguddhāreṇeva uddharitvā “yāvatā saññāsaṃpattiyo, tāvatā aññāpāṭivedho”ti āha.

Paññācakkhunā pajānātiti dassanapariṇāyakaṭṭhena cakkhubhūtāya paññāya pajānāti. Tattha dve paññā samādhipaññā vipassanāpaññā ca. Samādhipaññāya kiccato asammoḥato ca pajānāti. Vipassanāpaññāya lakkhaṇapaṭivedhena ārammaṇato jānanaṃ kathitaṃ. **Kimatthiyāti** ko etissā attho. **Abhiññatthāti**-ādīsu abhiññeyye dhamme abhi-

1. Khu 7. 138 piṭṭhe.

2. Ma 3. 75 piṭṭhādīsu.

jānātīti **abhiññatthā**. Pariññeyye dhamme pari jānātīti **pariññatthā**. Pahātabbe dhamme pajahatīti **pahānatthā**. Sā panesā lokiyāpi abhiññatthā ca pariññatthā ca vikkhambhanato pahānatthā. Lokuttarāpi abhiññatthā ca pariññatthā ca samucchato pahānatthā. Tattha lokiyā kiccato asammohato ca pajānāti, lokuttarā asammohato.

452. **Sammādiṭṭhiyā uppādāyāti** vipassanāsammādiṭṭhiyā ca maggasammādiṭṭhiyā ca. **Parato ca ghosoti** sappāyadhammassavanam. **Yoniso ca manasikāroti** attano upāyamanasikāro. Tattha sāvakesu api Dhammasenāpatino dve paccayā laddhum vaṭṭantiyeva. Thero hi kappasatasahassādhikam ekam asaṅkhyeyyam pāramiyo pūretvāpi attano dhammatāya aṇumattampi kilesam pajahitum nāsakki. “Ye dhammā hetuppabhavā”¹ti Assajittherato imam gātham sutvāvassa paṭivedho jāto. Paccakabuddhānam pana Sabbaññubuddhānaṅca paratoghosakammaṁ natthi, yonisomanasikārasmiṁyeva ṭhatvā paccakabodhiṅca sabbaññutaññāṅca nibbattenti.

Anuggahitāti laddhupakārā. **Sammādiṭṭhīti** arahattamaggasammādiṭṭhi. Phalakkhaṇe nibbattā cetovimutti phalam assāti **cetovimutti phalā**. Tadeva cetovimuttisaṅkhātam phalam ānisaṁso assāti cetovimutti phalaṅnisaṁsā. Dutiyapadepe eseva nayo. Ettha ca catutthaphalapaññā paññāvimutti nāma, avasesā dhammā cetovimuttīti veditabbā. **Sīlānuggahitāti**-ādīsu **sīlanti** catupārisuddhisīlam. **Sutanti** sappāyadhammassavanam. **Sākacchāti** kammaṭṭhāne khalanapakkhalanacchedanakathā. **Samathoti** vipassanāpādikā aṭṭha samāpattiyō. **Vipassanāti** sattavidhā anupassanā. Catupārisuddhisīlam hi pūrentassa, sappāyadhammassavanam suṇantassa, kammaṭṭhāne khalanapakkhalanam chindantassa, vipassanāpādikāsu aṭṭhasamāpattīsu kammaṁ karontassa, sattavidham anupassanam bhāventassa arahattamaggo uppajjitvā phalam deti.

Yathā hi madhuram ambapakkam paribhuñjitukāmo ambapotakassa samantā udakakoṭṭhakam thiram katvā bandhati. Ghaṭam gahetvā kālena kālam udakam āsiṅcati. Udakassa anikkhamanattam mariyādam thiram karoti. Yā

hoti samīpe valli vā sukkhadaṇḍako vā kipillikapuṭo vā makkāṭakajālaṃ vā, taṃ apaneti. Khaṇittim gahetvā kālena kālaṃ mūlāni parikhaṇati. Evamassa appamattassa imāni pañca kāraṇāni karoto so ambo vaḍḍhitvā phalaṃ deti. Evamsampadamidaṃ veditabbaṃ. Rukkhasa samantato koṭṭhakabandhanaṃ viya hi sīlaṃ daṭṭhabbaṃ, kālena kālaṃ udakasiñcanaṃ viya dhammassavanaṃ, mariyādāya thirabhāvakaraṇaṃ viya samatho, samīpe valli-ādīnaṃ haraṇaṃ viya kammaṭṭhāne khalenapakkhalanacchedanaṃ, kālena kālaṃ khaṇittim gahetvā mūlakhaṇanaṃ viya sattannaṃ anupassanānaṃ bhāvanā, tehi pañcahi kāraṇehi anuggahitassa ambarukkhasa madhuraphaladānakālo viya imassa bhikkhuno imehi pañcahi dhammehi anuggahitāya sammādiṭṭhiyā arahattaphaladānaṃ veditabbaṃ.

453. **Kati panāvuso bhavāti** idha kiṃ pucchati? Mūlameva gato anusandhi, duppaṇṇo yehi bhavehi na uṭṭhāti, te pucchissāmīti pucchati. Tattha **kāmabhavoti** kāmabhavūpagaṃ kammaṃ kammābhiniḃbattā upādinnakkhandhāpīti ubhayamekato katvā kāmabhavoti āha. Rūpārūpabhavesupī eseva nayo. **Āyatinti** anāgate. Punabbhavassa abhiniḃbattīti **punabbhavābhiniḃbatti**. Idha vaṭṭaṃ pucchissāmīti pucchati. **Tatratatrābhinandaṇāti** rūpābhinandaṇā saddābhinandaṇāti evaṃ tahiṃ tahiṃ abhinandaṇā, karaṇavacane cetāṃ paccattaṃ. Tatratatrābhinandaṇāya punabbhavābhiniḃbatti hotīti attho. Ettāvataṃ hi gamanaṃ hoti, āgamaṇaṃ hoti, gamanāgamaṇaṃ hoti, vaṭṭaṃ vattatīti vaṭṭaṃ matthakaṃ pāpetvā dassesi. Idāni vivaṭṭaṃ pucchanto “kathaṃ panāvuso”ti-ādimāha. Tassa vissajjane **avijjāvirāgāti** avijjāya khayanirodhena. **Vijjuppādāti** arahattamaggavijjāya uppādena. Kiṃ avijjā pubbe niruddhā, atha vijjā pubbe uppānāti? Ubhayameṭaṃ na vattabbaṃ. Padīpujjalanena andhakāravigamo viya vijjuppādena avijjā niruddhāva hoti. **Taṇhānirodhāti** taṇhāya khayanirodhena. **Punabbhavābhiniḃbatti na hotīti** evaṃ āyatim punabbhavassa abhiniḃbatti na hoti, gamanaṃ āgamaṇaṃ gamanāgamaṇaṃ upacchiḃjati, vaṭṭaṃ na vattatīti vivaṭṭaṃ matthakaṃ pāpetvā dassesi.

454. **Katamaṃ panāvusoti** idha kiṃ pucchati? Ubhatobhāgavimutto bhikkhu kālena kālaṃ nirodhaṃ samāpajjati, tassa nirodhapāḍakaṃ paṭhamajjhānaṃ pucchissāmīti pucchati. **Paṭhamaṃ jhānanti** idha kiṃ pucchati? Nirodhaṃ

samāpajjanakena bhikkhunā aṅgavavathhānaṃ koṭṭhāsaparicchedo nāma jānitabbo, idaṃ jhānaṃ pañcaṅgikaṃ caturaṅgikaṃ tivaṅgikaṃ duvaṅgikanti aṅgavavathhānaṃ koṭṭhāsaparicchedaṃ pucchissāmīti pucchati. **Vitakkoti**-ādīsu pana abhiniropanalakkhaṇo vitakko, anumajjanalakkhaṇo vicāro, pharaṇalakkhaṇā pīti, sātālakkhaṇaṃ sukhaṃ, avikkhepalakkhaṇā cittelkaggaṭāti ime pañca dhammā vattanti. **Kataṅgavippahīnanti** idha pana kiṃ pucchati? Nirodhaṃ samāpajjanakena bhikkhunā upakārānupakārāni aṅgāni jānitabbāni, tāni pucchissāmīti pucchati, vissajjanaṃ panettha pākaṭameva. Iti heṭṭhā nirodhapādakaṃ paṭhamajjhānaṃ gahitaṃ, upari tassa anantarapaccayaṃ nevasaññānāsaññāyatanaṃ samāpattiṃ pucchissati, antarā pana cha samāpattiyo saṃkhittā, nayaṃ vā dassetvā vissatṭhāti veditabbā.

455. Idāni viññāṇanissaye pañca pasāde pucchanto **pañcimāni āvusoti**-ādīmāha. Tattha **gocaravisayanti** gocarabhūtaṃ visayaṃ. **Aññamaññassāti** cakkhu sotassa sotaṃ vā cakkhussāti evaṃ ekekassa gocaravisayaṃ na paccanubhoti. Sace hi nīlādibhedā rūpārammaṇaṃ samodhānetvā sotindriyassa upaneyya “iṅgha tāva naṃ vavathhapehi vibhāvehi, kiṃ nāmetaṃ ārammaṇaṃ”ti. Cakkhuvīññāṇaṃ hi vināpi mukhena attano dhammatāya evaṃ vadeyya “are andhabāla vassasatampi vassasahassampi paridhāvamaṇo aññatra mayā khuhim etassa jānanaṃ labhissasi, āhara naṃ cakkhupasāde upanehi, ahametaṃ ārammaṇaṃ jānissāmi yadi vā nīlaṃ yadi vā pītakaṃ, na hi eso aññassa visayo, mayheveso visayo”ti. Sesadvāresupi eseva nayo. Evametāni aññamaññassa gocaraṃ visayaṃ na paccanubhonti nāma. **Kimpaṭisaraṇanti** etesaṃ kiṃ paṭisaraṇaṃ, kiṃ etāni paṭisaraṇtīti pucchati. **Mano paṭisaraṇanti** javanamano paṭisaraṇaṃ. **Mano ca nesanti** manodvārikajavanamano vā pañcadvārikajavanamano vā etesaṃ gocaravisayaṃ rajjanādivasena anubhoti, cakkhuvīññāṇaṃ hi rūpadassanamattameva, ettha rajjanaṃ vā dussanaṃ vā muyhanaṃ vā natthi, etasmim̐ pana dvāre javanaṃ rajjati vā dussati vā muyhati vā. Sotaviññāṇādīsipi eseva nayo.

Tatrāyaṃ upamā—pañca kira dubbalabhojakā rājānaṃ sevitvā kicchena kasirena ekasmim̐ pañcakulike gāme parittakaṃ āyaṃ labhimsu, tesam̐

tattha macchabhāgo maṁsabhāgo yuttikahāpaṇo¹ vā bandhakahāpaṇo² vā māpahārahāpaṇo³ vā aṭṭhakahāpaṇo vā soḷasakahāpaṇo vā bāttimsakahāpaṇo vā catusaṭṭhikahāpaṇo vā daṇḍoti ettakamattameva pāpuṇāti, satavatthukam pañcasatavatthukam sahasavatthukam mahābalim rājāva gaṇhāti. Tattha pañcakulikagāmo viya pañca pasādā daṭṭhabbā, pañca dubbalabhojakā viya pañca viññāṇāni, rājā viya javanam, dubbalabhojakānam parittakam āyapāpuṇanam viya⁴ cakkhuviññāṇādīnam rūpadassanādimmattam, rajjanādīni pana etesu natthi, rañño mahābaliggahaṇam viya tesu dvāresu javanassa rajjanādīni veditabbāni.

456. **Pañcimāni āvusoti idha kim pucchati?** Antonirodhasmim pañca pasāde. Kiriyaamayapavattasmim hi vattamāne arūpadhammā pasādānam balavapaccayā honti. Yo pana tam pavattam nirodhetvā nirodhasamāpattim samāpanno, tassa antonirodhe pañca pasādā kim paṭicca tiṭṭhantīti idam pucchissāmīti pucchati. **Āyum paṭiccāti** jīvitindriyam paṭicca tiṭṭhanti. **Usmam paṭiccāti** jīvitindriyam kammajatejam paṭicca tiṭṭhati. Yasmā pana kammajatejopi jīvitindriyena vinā na tiṭṭhati, tasmā “usmā āyum paṭicca tiṭṭhati”ti āha. **Jhāyatoti** jalato. **Accim paṭiccāti** jālasikhā paṭicca. **Ābhā paññāyatīti** āloko nāma paññāyati. **Ābham paṭicca accīti** tam ālokaṁ paṭicca jālasikhā paññāyati.

Evameva kho āvuso āyu usmam paṭicca tiṭṭhatīti ettha jālasikhā viya kammajatejo, āloko viya jīvitindriyam. Jālasikhā hi uppajjamānā ālokaṁ gahetvāva uppajjati, sā tena attanā janita-ālokeneva sayampi aṇu thūlā dīghā rassāti pākaṭā hoti, tattha jālapavattiyā janita-ālokena tassāyeva jālapavattiyā pākaṭabhāvo viya usmam paṭicca nibbattena kammajamahābhūtasambhavena jīvitindriyena usmāya anupālanam. Jīvitindriyañhi dasapi vassāni -pa- vassasatampi kammajatejapavattam pāleti, iti mahābhūtāni upādārūpanam nissāyapaccayādivasena paccayāni hontīti āyu usmam paṭicca tiṭṭhati,

1. Yottakahāpaṇo (Sī, Syā)

3. Māsakahāpaṇo (Sī, Syā)

2. Andukahāpaṇo (Sī, Syā)

4. Āyaggahaṇam viya (Ka)

jīvitindriyaṃ mahābhūtāni pāletīti usmā āyumaṃ paṭicca tiṭṭhatīti veditabbā.

457. **Āyusañkhārā**ti āyumeva. **Vedaniyā dhammā**ti vedanā dhammāva. **Vuṭṭhānaṃ paññāyatī**ti samāpattito vuṭṭhānaṃ paññāyati. Yo hi bhikkhu arūpapavatte ukkaṇṭhitvā saññaṃ ca vedanaṃ ca nirodhetvā nirodhaṃ samāpanno, tassa yathāparicchinna-kālavasena rūpajīvitindriyapaccayā arūpadhammā uppajjanti, evaṃ pana rūpārūpapavattaṃ pavattati. Yathā kiṃ? Yathā eko puriso jālāpavatte ukkaṇṭhito udakena paharivā jālaṃ appavattaṃ katvā chārikāya aṅgāre pidhāya tuṅhī nisīdati, yadā panassa puna jālāya attho hoti, chārikaṃ apanetvā aṅgāre parivattetvā upādānaṃ datvā mukhavātaṃ vā tālavaṇṭavātaṃ vā dadāti, atha jālāpavattaṃ puna pavattati, evameva jālāpavattaṃ viya arūpadhammā, purisassa jālāpavatte ukkaṇṭhitvā udakappahārena jālaṃ appavattaṃ katvā chārikāya aṅgāre pidhāya tuṅhībhūtassa nisajjā viya bhikkhuno arūpapavatte ukkaṇṭhitvā saññaṃ ca vedanaṃ ca nirodhetvā nirodhasamāpajjanaṃ, chārikāya pihita-aṅgārā viya rūpajīvitindriyaṃ¹, purisassa puna jālāya atthe sati chārikāpanayanādīni viya bhikkhuno yathāparicchinna-kālāgamaṇaṃ, aggijālāya pavatti viya puna arūpadhammesu uppannesu rūpārūpapavatti veditabbā.

Āyu usmā ca viññāṇanti rūpajīvitindriyaṃ, kammajatejodhātu, cittanti ime tayo dhammā yadā imaṃ rūpakāyaṃ jahanti, athāyaṃ acetanaṃ kaṭṭhaṃ viya pathaviyaṃ chaḍḍito setīti attho. Vuttaṃ cetam—

“Āyu usmā ca viññāṇaṃ, yadā kāyaṃ jahantimaṃ.
Apariddho tadā seti, parabhattaṃ acetanaṃ”ti².

Kāyasañkhārāti assāsapassāsā. **Vacīsañkhārā**ti vitakkavicārā. **Cittasañkhārā**ti saññāvedanā. **Āyūti** rūpajīvitindriyaṃ. **Paribhinnānī**ti upahatāni, vinaṭṭhānīti attho. Tattha keci “nirodhasamāpannessa cittasañkhārāva niruddhā”ti vacanato cittaṃ aniruddhaṃ hoti, tasmā sacittakā ayaṃ samāpattīti vadanti. Te vattabbā vacīsañkhārāpissa niruddhāti vacanato vācā aniruddhā hoti, tasmā nirodhaṃ samāpannena dhammampi kathentena

1. Rūpajīvitindriyaṃ kammajatejodhātu cāti (Ka)

2. Saṃ 2. 117 piṭṭhe.

sajjhāyampi karontena nisīditabbaṃ siyā. “Yo cāyaṃ mato kālaṅkato, tassāpi cittasaṅkhārā niruddhā”ti vacanato cittaṃ aniruddhaṃ bhaveyya, tasmā kālaṅkate mātāpitaro vā arahante vā jhāpayantena anantariyakammaṃ kataṃ bhaveyya. Iti byañjane abhinivesaṃ akatvā ācariyaṇaṃ naye ṭhatvā attho upaparikkhitabbo. Attho hi paṭisaraṇaṃ, na byañjanaṃ.

Indriyāni vipasannāniti kiriyamayapavattasmiṃ hi vattamāne bahiddhā ārammaṇesu pasāde ghaṭṭentesu indriyāni kilamantāni upahatāni makkhitāni viya honti vātādīhi uṭṭhitena rajena catumahāpathe ṭhapita-ādāso viya. Yathā pana thavikāyaṃ pakkhipitvā mañjūsādīsu ṭhapito ādāso antoyeva virocāti, evaṃ nirodhaṃ samāpannassa bhikkhuno antonirodhe pañca pasādā ativirocanti. Tena vuttaṃ “indriyāni vipasannāni”ti.

458. **Kati panāvuso paccayāti** idha kiṃ pucchati? Nirodhassa anantarapaccayaṃ nevasaññānāsaññāyatanam pucchissāmīti pucchati. Vissajjane panassa **sukhassa ca pahānāti** cattāro apagamanapaccayā kathitā. **Animittāyāti** idha kiṃ pucchati? Nirodhato vuṭṭhānakaphalasangāhāyati pucchissāmīti pucchati. Avasesasangāhāyati vuṭṭhānam hi bhavaṅgena hoti, nirodhā vuṭṭhānam pana vipassanānissandāya phalasangāhāyati tameva pucchati. **Sabbanimittānanti** rūpādīnam sabbārammaṇānam. **Animittāya ca dhātuyā manasikāro**ti sabbanimittāpagatāya nibbānadhātuyā manasikāro, phalasangāhāyati saṅgāhāyati manasikāram sandhāyāha. Iti heṭṭhā nirodhapādakaṃ paṭhamajjhānam gahitaṃ, nirodhassa anantarapaccayaṃ nevasaññānāsaññāyatanam gahitaṃ, idha nirodhato vuṭṭhānakaphalasangāhāyati.

Imasmim ṭhāne nirodhakathā kathetabbā hoti. Sā “dvīhi balehi samannāgatattā tayo ca saṅkhārānam paṭippassaddhiyā soḷasahi ñāṇacariyāhi navahi samādhicariyāhi vasībhāvatāpaññā nirodhasamāpattiyā ñāṇaṃ”ti evaṃ Paṭisambhidāmagge¹ āgatā. Visuddhimagge panassā sabbākārena vinicchayakathā kathitā.

1. Khu 9. 94 piṭṭhe.

Idāni valañjanasamāpattiṃ pucchanto **kati panāvuso paccayāti**-ādimāha. Nirodhato hi vuṭṭhānakaphalasangāhāyā¹ ṭhiti nāma na hoti, ekaṃ dve cittavārameva pavattivā bhavaṅgaṃ otarati. Ayañhi bhikkhu satta divase arūpapavattaṃ nirodhetvā nisinno nirodhavuṭṭhānakaphalasangāhāyāṃ na cirāṃ tiṭṭhati. Valañjanasangāhāyāṃ pana addhānaparicchedova pamāṇaṃ. Tasmā sā ṭhiti nāma hoti. Tenāha “animittāya cetovimuttiyā ṭhitiyā”ti. Tassā ciratṭhitatthaṃ kati paccayāti attho. Vissajjane panassā **pubbe ca abhisankhāro**ti addhānaparicchedo vutto. **Vuṭṭhānāyāti** idha bhavaṅgavuṭṭhānaṃ pucchati. Vissajjanepissā **sabbanimittānañca manasikāro**ti rūpādinimittavasena bhavaṅgasahajātamanasikāro vutto.

459. **Yā cāyaṃ āvusoti** idha kiṃ pucchati? Idha aññaṃ abhinavaṃ nāma natthi. Heṭṭhā kathitadhammeyeva ekato samodhānetvā pucchāmīti pucchati. Kattha pana te kathitā? “Nīlampi sañjānāti pītakampi, lohitaṅkampi, odātakampi sañjānāti”ti² etasmiṃ hi ṭhāne appamāṇā cetovimutti kathitā. “Natthi kiñcīti ākiñcaññāyatananti neyyan”ti² ettha ākiñcaññaṃ. “Paññācakkhunā pajānāti”ti² ettha suññatā. “Kati panāvuso paccayā animittāya cetovimuttiyā ṭhitiyā vuṭṭhānāyā”ti ettha animittā. Evaṃ heṭṭhā kathitāva imasmiṃ ṭhāne ekato samodhānetvā pucchati. Taṃ pana paṭikkhipivā etā tasmiṃ tasmiṃ ṭhāne niddiṭṭhāvāti vatvā aññe cattāro dhammā ekanāmakā atthi, eko dhammo catunāmakā atthi, etaṃ pākaṭaṃ katvā kathāpetuṃ idha pucchati. Aṭṭhakathāyaṃ sanniṭṭhānaṃ kataṃ. Tassā vissajjane **ayaṃ vuccatāvuso appamāṇā cetovimuttīti** ayaṃ pharaṇa-appamāṇatāya appamāṇā nāma, ayañhi appamāṇe vā satte pharati, ekasmimpi vā satte asesetvā pharati.

Ayaṃ vuccatāvuso ākiñcaññāti ārammaṇakiñcanassa abhāvato ākiñcaññā. **Attena vāti** attabhāvaposapuggalādīsankhātena attena suññaṃ. **Attaniyena vāti** cīvarādi-parikkhārasankhātena attaniyena suññaṃ.

1. Vuṭṭhānakaphalasangāhāyā (Sī, Syā)

2. Ma 1. 367 piṭṭhe.

Animittāti rāganimittādīnaṃ abhāveneva animittā, arahattaphalasaṃpattim sandhāyāha. **Nānatthā ceva nānābyañjanā cāti** byañjanampi nesaṃ nānā atthopi. Tattha byañjanassa nānatā pākaṭāva. Attho pana appamāṇā cotovimutti bhūmantarato mahaggaṭā eva hoti rūpāvacarā, ārammaṇato satta paṇṇatti-ārammaṇā. Ākiñcaññā bhūmantarato mahaggaṭā arūpāvacarā, ārammaṇato na vattabbārammaṇā. Suññatā bhūmantarato kāmāvacarā, ārammaṇato saṅkhārārammaṇā. Vipassanā hi ettha suññatāti adhippetā. Animittā bhūmantarato lokuttarā, ārammaṇato nibbānārammaṇā.

Rāgo kho āvuso pamāṇakaraṇoti-ādīsu yathā pabbatapāde pūtipaṇṇarasa-udakaṃ nāma hoti kāḷavaṇṇaṃ, oloketānaṃ byāmasatagambhīraṃ viya khāyati, yaṭṭhiṃ vā rajjuṃ, vā gahetvā minantassa piṭṭhipādottharaṇamattampi na hoti, evamevaṃ yāva rāgādayo nuppajjanti, tāva puggalaṃ sañjānituṃ na sakkā honti, sotāpanno viya Sakadāgāmī viya anāgāmī viya ca khāyati. Yadā panassa rāgādayo uppajjanti, tadā ratto duṭṭho mūḷhoti paññāyati. Iti ete “ettako ayan”ti puggalassa pamāṇaṃ dassento viya uppajjantīti pamāṇakaraṇā nāma vuttā. **Yāvataḥ kho āvuso appamāṇā cetovimuttiyoti** yattakā appamāṇā cetovimuttiyo. Kittakā pana tā? Cattāro brahmavihārā, cattāro maggā, cattāri ca phalānīti dvādasa. Tattha brahmavihārā pharaṇa-appamāṇatāya appamāṇā. Sesā pamāṇakaraṇānaṃ kilesānaṃ abhāvena appamāṇā, nibbānampi appamāṇameva, cotovimutti pana na hoti, tasmā na gahitaṃ. **Akuppā**ti arahattaphalacetovimutti, sā hi tāsāṃ sabbajeṭṭhikā, tasmā aggamakkhāyatīti vuttā. **Rāgo kho āvuso kiñcanoti** rāgo uppajjitvā puggalaṃ kiñcati maddati palibundhati. Tasmā kiñcanoti vutto. Manussā kira goṇehi khalaṃ maddāpento kiñcehi¹ kapila kiñcehi¹ kālakāti vadanti, evaṃ maddanatto kiñcanatthoti vedītabbo. Dosamoheṣuپی eseva nayo. **Ākiñcaññā cetovimuttiyo** nāma nava dhammā ākiñcaññāyatanañca maggaphalāni ca. Tattha

1. Kiñcāhi (Sī)

ākiñcaññāyatanam kiñcanam ārammaṇam assa natthīti ākiñcaññam,
maggaphalāni kiñcanānam maddanānam palibundhanakilesānam natthitāya
ākiñcaññāni, nibbānampi ākiñcaññam, cetovimutti pana na hoti, tasmā na
gahitam.

Rāgo kho āvuso nimittakaraṇoti-ādīsu yathā nāma dvīnam kulānam
sadisā dve vacchakā honti. Yāva tesam lakkhaṇam na kataṃ hoti, tāva
“ayaṃ asukakulassa vacchako, ayaṃ asukakulassā”ti na sakkā honti
jānitum. Yadā pana tesam sattisulādīsu aññataram lakkhaṇam kataṃ hoti,
tadā sakkā honti jānitum. Evameva yāva puggalassa rāgo nuppajjati, tāva na
sakkā hoti jānitum ariyo vā puthujjano vāti. Rāgo panassa uppajjamānova
sarāgo nāma ayaṃ puggaloti sañjānananimittam karonto viya uppajjati,
tasmā “nimittakaraṇo”ti vutto. Dosamohesupi eseva nayo.

Animittā cetovimutti nāma terasa dhammā vipassanā, cattāro āruppā,
cattāro maggā, cattāri ca phalanīti. Tattha vipassanā niccanimittam
sukhanimittam attanimittam ugghāṭetīti animittā nāma. Cattāro āruppā
rūpanimittassa abhāvena animittā nāma. Maggaphalāni nimittakaraṇānam
kilesānam abhāvena animittāni. Nibbānampi animittameva, tam pana
cetovimutti na hoti, tasmā na gahitam. Atha kasmā suññatā cetovimutti na
gahitāti? Sā “suññā rāgenā”ti-ādivacanato sabbattha anupaviṭṭhāva, tasmā
visum na gahitā. **Ekatthāti** ārammaṇavasena ekatthā, appamāṇam
ākiñcaññam suññatam animittanti hi sabbānetāni nibbānasseva nāmāni, iti
iminā pariyāyena ekatthā. Aññasmiṃ pana ṭhāne appamāṇā honti, aññasmiṃ
ākiñcaññā aññasmiṃ suññatā aññasmiṃ animittāti iminā pariyāyena
nānābyañjanā. Iti thero yathānusandhināva desanam niṭṭhapesīti.

Papañcasūdaniyā Majjhimanikāyaṭṭhakathāya

Mahāvedallasuttavaṇṇanā niṭṭhitā.

4. Cūḷavedallasuttavaṇṇanā

460. **Evam me sutanti** Cūḷavedallasuttam. Tattha **Visākho upāsakoti** **Visākhoti** evamnamako upāsako. **Yena Dhammadinnā**ti yena Dhammadinnā nāma bhikkhunī tenupasaṅkami. Ko panāyaṃ Visākho? Kā Dhammadinnā? Kasmā upasaṅkamīti? Visākho nāma Dhammadinnāya gihikāle gharasāmiko. So yadā Bhagavā sammāsambodhiṃ abhisambujjhivā pavattavaradhammacakko Yasādayo kulaputte vinetvā¹ Uruvelaṃ patvā tattha jaṭilasahassaṃ vinetvā purāṇajaṭilehi khīṇāsavabhikkhūhi saddhiṃ Rājagahaṃ gantvā Buddhadassanattamaṃ dvādasanahutāya parisāya saddhiṃ āgataṃ Bimbisāramahārājassa dhammaṃ desesi. Tadā raññā saddhiṃ āgatesu dvādasanahutesu ekaṃ nahutaṃ upāsakattaṃ pativedesi, ekādasa nahutāni sotāpattiṭṭhale patiṭṭhahimsu saddhiṃ raññā Bimbisārena. Ayaṃ upāsako tesam aññataro, tehi saddhiṃ paṭhamadassaneva sotāpattiṭṭhale patiṭṭhāya, puna ekadivasaṃ dhammaṃ sutvā sakadāgāmiphalaṃ patvā, tato aparabhāgepi ekadivasaṃ dhammaṃ sutvā anāgāmiphale patiṭṭhito. So anāgāmī hutvā gehaṃ āgacchanto yathā aññesu divasesu ito cito ca olokento sitaṃ kurumāno² āgacchati, evaṃ anāgantvā santindriyo santamānaso hutvā agamāsi.

Dhammadinnā³ sīhapañjaraṃ ugghāṭetvā vīthiṃ olokayamānā tassa āgamanākāraṃ disvā “kiṃ nu kho etan”ti cintetvā tassa paccuggamaṃ kurumānā sopānasīse ṭhatvā olambanattamaṃ hattaṃ pasāresi. Upāsako attano hatthaṃ samiñjesi. Sā “pātarāsabhojanakāle jānissāmī”ti cintesi. Upāsako pubbe tāya saddhiṃ ekato bhuñjati, taṃ divasaṃ pana taṃ anapaloketvā yogāvacarabhikkhu viya ekakova bhuñji. Sā “sāyanhakāle jānissāmī”ti cintesi. Upāsako taṃdivasaṃ sirigabbhaṃ na pāvīsi, aññaṃ gabbhaṃ paṭijaggāpetvā kappiyamañcakaṃ paññapāpetvā nipajji. Upāsikā “kiṃ nu khvassa bahiddhā patthanā atthi, udāhu kenacideva paribhedakena bhinno, udāhu mayheva koci doso atthi”ti balava-

1. Vinento (Sī) 2. Sitaṃ kurumāno hasamāno (Sī, Syā) 3. Dhammadinnāpi (Ka)

domanassā hutvā “ekaṃ dve divase vasitakāle sakkā ñātun”ti tassa upaṭṭhānaṃ gantvā vanditvā aṭṭhāsi.

Upāsako “kiṃ Dhammadinne akāle āgatāsī”ti pucchi. Āma ayyaputta āgatāmi, na tvaṃ yathā purāṇo¹, kiṃ nu te bahiddhā patthānā atthīti. Natthi Dhammadinneti. Añño koci paribhedako atthīti. Ayampi natthīti. Evaṃ sante mayheva koci doso bhavissatīti. Tuyhampi doso natthīti. Atha kasmā mayā saddhiṃ yathā pakatiyā ālāpasallāpamattampi na karoṭhāti. So cintesi “ayaṃ lokuttaradhammo nāma garu bhāriyo na pakāsetabbo, sace kho panāhaṃ na kathessāmi, ayaṃ hadayaṃ phāletvā ettheva kālaṃ kareyyā”ti tassānuggahatthāya kathesi “Dhammadinne ahaṃ Satthu dhammadesanaṃ sutvā lokuttaradhammaṃ nāma adhigato, taṃ adhigatassa evarūpā lokiyakiriyā na vaṭṭati, yadi tvaṃ icchasi, tava cattālīsa koṭiyo mama cattālīsa koṭiyoti asīti koṭidhanaṃ atthi, ettha issarā hutvā mama mātiṭṭhāne vā bhaginiṭṭhāne vā ṭhatvā vasa, tayā dinnena bhattapiṇḍamattakena² ahaṃ yāpessāmi, athevaṃ na karosi, ime bhoge gahetvā kulagehaṃ gaccha, athāpi te bahiddhā patthanā natthi, ahaṃ taṃ bhaginiṭṭhāne vā dhituṭṭhāne vā ṭhapetvā posessāmi”ti.

Sā cintesi “pakatipuriso evaṃ vattā nāma natthi, addhā etena lokuttaravaradhammo paṭividdho, so pana dhammo kiṃ puriseheva paṭibujjhitaḥ, udāhu mātugāmopi paṭivijjhitaṃ sakkotī”ti Visākhaṃ etadavoca “kiṃ nu kho eso dhammo puriseheva labhitaḥ, mātugāmenapi³ sakkā laddhun”ti. Kiṃ vadesi Dhammadinne, ye paṭipannakā, te etassa dāyādā, yassa yassa upanissayo atthi, so so etaṃ paṭilabhatīti. Evaṃ sante mayhaṃ pabbajjaṃ anujānāthāti. Sādhu bhadde ahampi taṃ etasmimyeva magge yojetukāmo, manaṃ pana te ajānamāno na kathemīti tāvadeva Bimbisārassa rañño santikaṃ gantvā vanditvā aṭṭhāsi.

1. Porāṇo (Sī)

2. Bhattapiṇḍamattena (Sī)

3. Mātugāmena vāpi (Syā), mātugāmena vā (Ka)

Rājā “kiṃ gahapati akāle āgatosī”ti pucchi. Dhammadinnā mahārāja pabbajissāmīti vadatīti. Kiṃ panassa laddhuṃ vaṭṭatīti. Aññaṃ kiñci natthi, sovaṇṇasivikaṃ deva laddhuṃ vaṭṭati nagarañca paṭijaggāpetunti. Rājā sovaṇṇasivikaṃ datvā nagaraṃ paṭijaggāpesi. Visākho Dhammadinnaṃ gandhodakena nahāpetvā sabbālaṅkārehi alaṅkārapetvā sovaṇṇasivikāya nisīdāpetvā ñātiḡaṇena parivārāpetvā gandhapupphādīhi pūjayamāno nagaravāsaṇaṃ karonto viya bhikkhuni-upassayaṃ gantvā “Dhammadinnaṃ pabbājethāyye”ti āha. Bhikkhuniyo “ekaṃ vā dve vā dose sahituṃ vaṭṭati gahapati”ti āhaṃsu. Natthayye¹ koci doso, saddhāya pabbajatīti. Athekā byattā therī tacapañcakakammaṭṭhānaṃ ācikkhitvā kese ohāretvā pabbājesi. Visākho “abhiraṃmayye svākkhāto dhammo”ti vanditvā pakkāmi.

Tassā pabbajitadivasato paṭṭhāya lābhasakkāro uppajji, teneva palibuddhā samaṇadhammaṃ kātuṃ okāsaṃ na labhati, athācariya²upajjhāyatheriyo gahetvā janapadaṃ gantvā aṭṭhatimsāya ārammaṇesu cittarucitaṃ³ kammaṭṭhānaṃ kathāpetvā samaṇadhammaṃ kātuṃ āradhā, abhinīhārasampannatā pana nāticiraṃ kilamittha.

Ito paṭṭhāya hi satasahassakappamatthake Padumuttaro nāma Satthā loke udapādi, tadā esā ekasmiṃ kule dāsī hutvā attano kese vikkiṇitvā Sujātattherassa nāma aggasāvakassa dānaṃ datvā patthanaṃ akāsi. Sā tāya patthanābhinīhārasampattiyā nāticiraṃ kilamittha, katipāheneva arahattaṃ patvā cintesi “ahaṃ yenatthena sāsane pabbajitā, so matthakaṃ patto, kiṃ me janapadavāsena, mayhaṃ ñātakāpi puñṇāni karissanti, bhikkhunisaṃghopi paccayehi na kilamissati, Rājagahaṃ gacchāmi”ti bhikkhunisaṃghaṃ gahetvā Rājagahameva agamāsi. Visākho “Dhammadinnā kira āgatā”ti sutvā “pabbajitvā nacirasseva janapadaṃ gatā, gantvāpi nacirasseva paccāgatā, kiṃ nu kho bhavissati, gantvā jānissāmi”ti dutiyagamaṇena bhikkhuni-upassayaṃ agamāsi. Tena vuttaṃ “atha kho Visākho upāsako yena Dhammadinnā bhikkhunī tenupasaṅkamī”ti.

1. Na Ayye (Sī)

2. Na labhatīti sā ācariya (Syā, Ka)

3. Cittarucikaṃ (Sī)

Etadvocāti etaṃ sakkāyoti-ādivacanāṃ avoca. Kasmā avocāti? Evaṃ kirassa ahosi “abhiramasi nābhiramasi ayye”ti evaṃ pucchanaṃ nāma na paṇḍitakiccaṃ, pañcupādānakkhandhe upanetvā pañhaṃ pucchissāmi, pañhabyākaraṇena tassā abhiratiṃ vā anabhiratiṃ vā jānissāmīti, tasmā avoca. Taṃ sutvāva Dhammadinnā ahaṃ āvuso Visākha acirapabbajitā sakāyaṃ vā parakāyaṃ vā kuto jānissāmīti vā, aññattheriyo upasaṅkamtivā pucchāti vā avatvā upanikkhittaṃ sampaṭicchamānā viya ekapāsakagaṇṭhiṃ mocenti viya gahanaṭṭhāne hatthimaggāṃ nīharamānā viya khaggamukhena samuggāṃ vivaramānā viya ca paṭisambhidāvisaye ṭhatvā pañhaṃ vissajjamānā **pañca kho ime āvuso Visākha upādānakkhandhāti**-ādimāha. Tattha **pañcāti** gaṇanaparicchedo. **Upādānakkhandhāti** upādānānaṃ paccayabhūtā khandhāti evamādinā nāyenettha Upādānakkhandhakathā vitthāretvā kathetabbā. Sā panesā Visuddhimagge vitthāritā evāti tattha vitthāritanāyeneva veditabbā. **Sakkāyasamudayā**dīsipi yaṃ vattabbaṃ, taṃ heṭṭhā tattha tattha vuttameva.

Idaṃ pana catusaccabyākaraṇaṃ sutvā Visākho theriyā abhiratabhāvaṃ aññāsi. Yo hi Buddhasāsane ukkaṇṭhito hoti anabhirato, so evaṃ pucchitapucchitapañhaṃ saṇḍāsena ekekaṃ palitaṃ gaṇhanto viya Sinerupādato vālukaṃ uddharanto viya vissajjetoṃ na sakkoti. Yasmā pana imāni cattāri saccāni loke candimasūriyā viya Buddhasāsane pākāṇi, parisamajjhe gato hi Bhagavāpi mahātherāpi saccāneva pakāseṃti, bhikkhusaṅghopi pabbajitadivasato paṭṭhāya kulaputte cattāri nāma kiṃ, cattāri ariyasaccānīti pañhaṃ uggaṇhāpeti. Ayañca Dhammadinnā upāyakosalle ṭhitā paṇḍitā byattā nayaṃ gahetvā sutenapi kathetoṃ samatthā, tasmā “na sakkā etissā ettāvata saccānaṃ paṭividdhabhāvo nātumaṃ, saccavinibbhogapaṇhabyākaraṇena sakkā nātun”ti cintetvā heṭṭhā kathitāni dve saccāni paṭinivattetvā gulhaṃ katvā gaṇṭhipañhaṃ pucchissāmīti pucchanto **taññeva nu kho ayyeti**-ādimāha.

Tassa vissajjane **na kho āvuso Visākha taññeva upādānanti** upādānassa saṅkhārakkhandhekadesabhāvato na taṃyeva upādānaṃ te pañcupādānakkhandhā, nāpi aññatra pañcahi upādānakkhandhehi upādānaṃ, yadi hi

taññeva siyā, rūpādisabhāvampi upādānaṃ siyā. Yadi aññatra siyā, parasamaye cittavippayutto anusayo viya paṇṇatti viya nibbānaṃ viya ca khandhavinimuttaṃ vā siyā, chaṭṭho vā khandho paññapetaḥ bhavēyya, tasmā evaṃ byākāsi. Tassā byākaraṇaṃ sutvā “adhigatapaṭiṭṭhā ayan”¹ Viśākho niṭṭhamagamāsi. Na hi sakkā akhīṇāsavena asambaddhena² avitthāyantaṃ padīpasahassaṃ jālentena³ viya evarūpo gulho paṭicchanno tilakkhaṇāhato gambhīro pañho vissajjetuṃ. Niṭṭhaṃ gantvā⁴ pana “ayaṃ Dhammadinnā sāsane laddhapatiṭṭhā adhigatapaṭisambhidā vesārajappattā bhavamattake ṭhitā⁵ mahākḥīṇāsavā, samatthā mayhaṃ pucchitapañhaṃ kathetuṃ, idāni pana naṃ ovattikasāraṃ pañhaṃ pucchissāmi”⁶ ti cintetvā taṃ pucchanto **kathaṃ panāyyeti**-ādimāha.

461. Tassa vissajjane **assutavā**ti-ādi mūlapariyāye vitthāritameva. **Rūpaṃ attato samanupassatī** “idhekacco rūpaṃ attato samanupassati. Yaṃ rūpaṃ so ahaṃ, yo ahaṃ taṃ rūpanti rūpañca attāñca advayaṃ samanupassati, seyyathāpi nāma telappadīpassa jhāyato yā acci so vaṇṇo, yo vaṇṇo sā accīti acciñca vaṇṇaṃca advayaṃ samanupassati. Evameva idhekacco rūpaṃ attato samanupassati -pa- advayaṃ samanupassatī”⁶ ti evaṃ rūpaṃ attāti diṭṭhipassanāya passati. **Rūpavantaṃ vā attānanti** arūpaṃ attāti gahetvā chāyāvantaṃ rukkhaṃ viya taṃ attānaṃ rūpavantaṃ samanupassati. **Attani vā rūpanti** arūpameva attāti gahetvā pupphasmiṃ gandhaṃ viya attani rūpaṃ samanupassati. **Rūpasmim vā attānanti** arūpameva attāti gahetvā karaṇḍāya maṇim viya attānaṃ rūpasmim samanupassati. **Vedanaṃ attatoti**-ādīsipi eseva nayo.

Tattha **rūpaṃ attato samanupassatī** suddharūpameva attāti kathitaṃ, rūpavantaṃ vā attānaṃ, attani vā rūpaṃ, rūpasmim vā attānaṃ. Vedanaṃ attato, saññaṃ, saṅkhāre, viññāṇaṃ attato samanupassatīti imesu sattu

1. Āgatapaṭivedhā ayanti (Sī, Syā)

3. Jālāpentena (Sī, Syā)

5. Bhavavidhamsitā (Sī, Syā)

2. Asamsappantena (Sī), asampassantena (Syā)

4. Vissajjetunti niṭṭhaṃ gantvā (Sī)

6. Khu 9. 137 piṭṭhe, atthato samānaṃ.

ṭhānesu arūpaṃ attāti kathitaṃ. Vedanāvantaṃ vā attānaṃ, attani vā vedanaṃ, vedanāya vā attānanti evaṃ catūsu khandhesu tiṇṇaṃ tiṇṇaṃ vasena dvādasasu ṭhānesu rūpārūpamissako attā kathito. Tattha rūpaṃ attato samanupassati, vedanaṃ, saññaṃ, saṅkhāre, viññāṇaṃ attato samanupassatīti imesu pañcasu ṭhānesu ucchedadiṭṭhi kathitā, avasesesu sassatadiṭṭhīti evamettha pannarasa bhavadiṭṭhiyo pañca vibhavadiṭṭhiyo honti. **Na rūpaṃ attatoti** ettha rūpaṃ attāti na samanupassati. Aniccaṃ dukkhaṃ anattāti pana samanupassati. **Na rūpavantaṃ attānaṃ -pa- na viññāṇasmiṃ attānanti** ime pañcakkhandhe kenaci pariyāyena attato na samanupassati, sabbākārena pana aniccā dukkhā anattāti samanupassati.

Ettāvataṃ theriyā “evaṃ kho āvuso Visākha sakkāyadiṭṭhi hotī”ti evaṃ purimapañhaṃ vissajjentiyaṃ ettakena gamanaṃ hoti, āgamaṃ hoti, gamaṇāgamaṃ hoti, vaṭṭaṃ vattatīti vaṭṭaṃ matthakaṃ pāpetvā dassitaṃ. **Evaṃ kho āvuso Visākha sakkāyadiṭṭhi na hotīti** pacchimaṃ pañhaṃ vissajjentiyaṃ ettakena gamanaṃ na hoti, āgamaṃ na hoti, gamaṇāgamaṃ na hoti, vaṭṭaṃ nāma na vattatīti vivaṭṭaṃ matthakaṃ pāpetvā dassitaṃ.

462. **Katamo panāyye ariyo aṭṭhaṅgiko maggoti** ayaṃ pañho theriyā paṭipucchitvā vissajjetabbo bhavyeaya “upāsaka tayā, heṭṭhā maggo pucchito, idha kasmā maggameva puchasī”ti. Sā pana attano byattatāya paṇḍiccena tassa adhippāyaṃ sallakkhesi “iminā upāsakena heṭṭhā paṭipattivasena maggo pucchito bhavissati, idha pana taṃ saṅkhatāsaṅkhatalokiyalokuttarasaṅgahitāsaṅgahitavasena pucchitukāmo bhavissati”ti. Tasmā appaṭipucchitvāva yaṃ yaṃ pucchi, taṃ taṃ vissajjesi. Tattha **saṅkhatoti** cetito kappito pakappito āyūhito kato nibbattito samāpajjantena samāpajjitabbo. **Tīhi ca kho āvuso Visākha khandhehi ariyo aṭṭhaṅgiko maggo saṅgahitoti** ettha yasmā maggo sappadeso, tayo khandhā nippadesā, tasmā ayaṃ sappadesattā nagaraṃ viya rajjena nippadesehi tīhi khandhehi saṅgahito. Tattha sammāvācādayo tayo sīlameva, tasmā te sajātito sīlakkhandhena saṅgahitāti. Kiñcāpi hi Pāliyaṃ sīlakkhandheti bhummena viya niddeso kato, attho pana karaṇavasena veditabbo. Sammāvāyāmādisu

pana tīsu samādhi attano dhammatāya ārammaṇe ekaggabhāvena appetum na sakkoti. Vīriye¹ pana paggahakiccaṃ sādhente² satiyā ca apilāpanakiccaṃ sādhentiyā laddhupakāro hutvā sakkoti.

Tatrāyam upamā—yathā hi “nakkhattaṃ kīlissāmā”ti uyyānaṃ pavittṭhesu tīsu sahāyesu eko supupphitaṃ campakarukkhamaṃ disvā hatthamaṃ ukkhipitvāpi gahetum na sakkuṇeyya, athassa dutiyo onamitvā piṭṭhiṃ dadeyya, so tassa piṭṭhiyaṃ ṭhatvāpi kampamaṇo gahetum na sakkuṇeyya, athassa itaro aṃsakūṭaṃ upanāmeyya, so ekassa piṭṭhiyaṃ ṭhatvā ekassa aṃsakūṭaṃ olubbha³ yathārucci pupphāni ocinitvā piḷandhitvā nakkhattaṃ kīḷeyya, evaṃsampadamidaṃ daṭṭhabbaṃ. Ekato uyyānaṃ pavittṭhā tayo sahāyakā viya hi ekato jātā sammāvāyāmadayo tayo dhammā, supupphitacampako viya ārammaṇaṃ, hatthamaṃ ukkhipitvāpi gahetum asakkonto viya attano dhammatāya ārammaṇe ekaggabhāvena appetum asakkonto samādhi, piṭṭhiṃ datvā onatasahāyo viya vāyāmo, aṃsakūṭaṃ datvā ṭhitasahāyo viya sati. Yathā tesu ekassa piṭṭhiyaṃ ṭhatvā ekassa aṃsakūṭaṃ olubbha itaro yathārucci pupphamaṃ gahetum sakkoti, evamevaṃ vīriye paggahakiccaṃ sādhente satiyā ca apilāpanakiccaṃ sādhentiyā laddhupakāro samādhi sakkoti ārammaṇe ekaggabhāvena appetum, tasmā samādhiyevettha sajjātito samādhikkhandhena saṅgahito. Vāyāmasatiyo pana kiriyato saṅgahitā honti.

Sammādiṭṭhisammāsaṅkappesupi paññā attano dhammatāya aniccaṃ dukkhaṃ anattāti ārammaṇaṃ nicchetum na sakkoti, vitakke pana ākoṭetvā ākoṭetvā dente sakkoti. Kathamaṃ? Yathā hi heraññiko kahāpaṇaṃ hatthe ṭhapetvā sabbabhāgesu⁴ oloketukāmo samānopi na cakkhudaleneva parivattetum sakkoti, aṅgulipabbehi pana parivattetvā ito cito ca oloketum sakkoti, evameva na paññā attano dhammatāya aniccādivasena ārammaṇaṃ nicchetum sakkoti, abhiniropanalakkhaṇena pana āhananapariyāhananarasena vitakkena ākoṭentena viya parivattentena viya ca ādāya dinnameva vinicchetum sakkoti.

1. Vīriyena (Ka) 2. Sādhentena (Ka) 3. Olubbha (Ka) 4. Sabbabhāge (Sī)

Tasmā idhāpi sammādiṭṭhiyeva saḷāhita paññākkhandhena saṅgahitā. Sammāsaṅkappo pana kiriyato saṅgahito hoti. Iti imehi tīhi khandhehi maggo saṅgahaṃ gacchati. Tena vuttaṃ “tīhi ca kho āvuso Visākha khandhehi ariyo aṭṭhaṅgiko maggo saṅgahito”ti.

Idāni ekacittakkhaṇikaṃ maggasamādhim¹ sanimittam¹ sapaṛikkhāram pucchanto **katamo panāyyeti**-ādimāha. Tassa vissajjane cattāro satipaṭṭhānā maggakkhaṇe catukiccasādhanavasena uppannā sati, sā samādhissa paccayatthena nimittam. Cattāro sammappadhānā catukiccasādhanavaseneva uppannam vīriyam, tam parivāraṭṭhena paṛikkhāro hoti. **Tesaṃyeva dhammānanti** tesaṃ maggasampayuttadhammānam. **Āsevanāti**-ādīsu ekacittakkhaṇikāyeva āsevanādayo vuttāti.

Vitaṇḍavādī pana “ekacittakkhaṇiko nāma maggo natthi, ‘evaṃ bhāveyya satta vassāni’ti hi vacanato sattapi vassāni maggabhāvanā hoti, kilesā pana lahu chijjantā sattahi nāṇehi chijjantī”ti vadati. So “suttam āharā”ti vattabbo. Addhā aññaṃ apassanto “yā tesaṃyeva dhammānam āsevanā bhāvanā bahulīkamman”ti idameva suttam āharitvā “aññaṃ cittaṃ āsevati, aññaṃ bhāveti, aññaṃ bahulīkaroti”ti vakkhati. Tato vattabbo “kim panidam suttam neyyattham nītatthan”ti. Tato vakkhati “nītattham, yathāsuttam tattheva attho”ti. Tassa idaṃ uttaram. Evaṃ sante ekaṃ cittaṃ āsevamānam uppannam, aparampi āsevamānam, aparampi āsevamānanti evaṃ divasampi āsevanāva bhavissati, kuto bhāvanā, kuto bahulīkamman. Ekaṃ vā bhāvayamānam uppannam aparampi bhāvayamānam aparampi bhāvayamānanti evaṃ divasampi bhāvanāva bhavissati, kuto āsevanā kuto bahulīkamman. Ekaṃ vā bahulīkarontam uppannam, aparampi bahulīkarontam, aparampi bahulīkarontanti evaṃ divasampi bahulīkammameva bhavissati kuto āsevanā, kuto bhāvanāti.

Atha vā evaṃ vadeyya “ekena cittaṃ āsevati, dvīhi bhāveti, tīhi bahulīkaroti. Dvīhi vā āsevati, tīhi bhāveti, ekena

1. Animittam (Sī)

bahulīkaroti. Tīhi vā āsevati, ekena bhāveti, dvīhi bahulīkaroti”ti. So vattabbo “mā suttaṃ me laddhanti yaṃ vā taṃ vā avaca, pañhaṃ vissajjenta nāma ācariyassa santike vasitvā Buddhavacanaṃ uggaṇhitvā attharasam viditvā vattabbaṃ hoti. Ekacittakkhaṇikāva ayaṃ āsevanā, ekacittakkhaṇikā bhāvanā, ekacittakkhaṇikaṃ bahulīkammaṃ. Khayagāmilokuttaramaggo bahulacittakkhaṇiko nāma natthi, ‘ekacittakkhaṇikoyevā’ti saññāpetabbo. Sace sañjānāti, sañjānātu, no ce sañjānāti, gaccha pātova vihāraṃ pavisitvā yāgum pivāhi”ti uyyojetabbo.

463. **Kati panāyye saṅkhārāti** idha kim pucchati? Ye saṅkhāre nirodhetvā nirodhaṃ samāpajjati, te pucchissāmīti pucchati. Tenevassa adhippāyaṃ ñatvā therī puññābhisaṅkhārādīsu anekesu saṅkhāresu vijjamānesupi kāyasaṅkhārādayova ācikkhantī **tayome āvusoti**-ādimāha. Tattha kāyapaṭibaddhattā kāyena saṅkharīyati karīyati nibbattīyatīti **kāyasaṅkhāro**. Vācaṃ saṅkharoti karoti nibbattetīti vacīsaṅkhāro¹, cittapaṭibaddhattā cittena saṅkharīyati karīyati nibbattīyatīti **cittasaṅkhāro**. **Katamo panāyyeti** idha kim pucchati? Ime saṅkhārā aññamaññamissā āluḷitā avibhūtā duddīpanā. Tathā hi kāyadvāre ādānagahaṇamuñcanacopanāni pāpetvā uppannā aṭṭha kāmāvacarakusalacetanā dvādasa akusalacetanāti evaṃ kusalākusalā vīsati cetanāpi assāsapassāsāpi kāyasaṅkhārātveva vuccanti. Vacīdvāre hanusaṃcopenaṃ vacībhedam pāpetvā uppannā vuttappakārāva vīsati cetanāpi vitakkavicārāpi vacīsaṅkhārotveva vuccanti. Kāyavacīdvāresu copanaṃ apattā raho nisinnassa cintayato uppannā kusalākusalā ekūnatimsa cetanāpi saññā ca vedanā cāti ime dve dhammāpi cittasaṅkhārotveva vuccanti. Evaṃ ime saṅkhārā aññamaññamissā āluḷitā avibhūtā duddīpanā, te pākaṭe vibhūte katvā kathāpessāmīti pucchati.

Kasmā panāyyeti idha kāyasaṅkhārādināmassa padatthaṃ pucchati. Tassa vissajjane **kāyapaṭibaddhāti** kāyanissitā, kāye sati honti,

1. Vacīpaṭibaddhattā vācāya saṅkharīyati nibbattīyatīti vacīsaṅkhāro (Sī), vacīpaṭibaddhattā vacinā... (Syā)

asati na honti. **Cittappaṭibaddhā**ti cittanissitā, citte sati honti, asati na honti.

463. Idāni kiṃ nu kho esā saññāvedayitanirodham valañjeti, na valañjeti. Ciṇṇavasī vā tattha no ciṇṇavasīti jānanattham pucchanto **katham panāyye saññāvedayitanirodhasamāpatti hotīti**-ādimāha. Tassa vissajjane **samāpajjissanti vā samāpajjāmīti vā** padadvayena nevasaññānāsaññāyatanasamāpattikālo kathito. **Samāpannoti** padena antonirodho. Tathā purimehi dvīhi padehi sacittakakālo kathito, pacchimena acittakakālo. **Pubbeva tathā cittaṃ bhāvitam hotīti** nirodhasamāpattito pubbe addhānaparicchedakāleyeva ettakam kalam acittako bhavissāmīti addhānaparicchedacittaṃ bhāvitam hoti. **Yaṃ taṃ tathattāya upanetīti** yaṃ evaṃ bhāvitam cittaṃ, taṃ puggalam tathattāya acittakabhāvāya upaneti.

Paṭhamam nirujjhati vacīsaṅkhāroti sesasaṅkhārehi paṭhamam dutiyajjhāneyeva nirujjhati. **Tato kāyasaṅkhāro**ti tato param kāyasaṅkhāro catutthajjhāne nirujjhati. **Tato cittasaṅkhāro**ti tato param cittasaṅkhāro antonirodhe nirujjhati. **Vuṭṭhahissanti vā vuṭṭhahāmīti vā** padadvayena antonirodhakālo kathito. **Vuṭṭhitoti** padena phalasaṃpattikālo. Tathā purimehi dvīhi padehi acittakakālo kathito, pacchimena sacittakakālo. **Pubbeva tathā cittaṃ bhāvitam hotīti** nirodhasamāpattito pubbe addhānaparicchedakāleyeva ettakam kalam acittako hutvā tato param sacittako bhavissāmīti addhānaparicchedacittaṃ bhāvitam hoti. **Yaṃ taṃ tathattāya upanetīti** yaṃ evaṃ bhāvitam cittaṃ, taṃ puggalam tathattāya sacittakabhāvāya upaneti. Iti heṭṭhā nirodhasamāpajjanakālo gahito, idha nirodhato vuṭṭhānakālo.

Idāni nirodhakatham kathetum vāroti nirodhakathā kathetabbā siyā, sā panesā “dvīhi balehi samannāgatattā tayo ca saṅkhārānam paṭippassaddhiyā soḷasahi nāṇacariyāhi navahi samādhicariyāhi vasībhāvatāpaññā nirodhasamāpattiyā nāṇan”ti mātikam ṭhapetvā sabbākārena Visuddhimagge kathitā, tasmā tattha kathitanayeneva

gahetabbā. Ko paṇāyaṃ nirodho nāma? Catunnaṃ khandhānaṃ paṭisaṅkhā appavatti. Atha kimatthametaṃ samāpajjantīti. Saṅkhārānaṃ pavatte ukkaṇṭhitā sattāhaṃ acittakā hutvā sukhaṃ viharissāma, diṭṭhadhammanibbānaṃ nāmetaṃ, yadidaṃ nirodhoti etadatthaṃ samāpajjanti.

Paṭhamam uppajjati cittasaṅkhāroti nirodhā vuṭṭhahantassa hi phalasaṃpatticittaṃ paṭhamam uppajjati, taṃsampaṃyuttaṃ saññaṇca vedanaṇca sandhāya “paṭhamam uppajjati cittasaṅkhāro”ti āha. **Tato kāyasaṅkhāro**ti tato paraṃ bhavaṅgasamaye kāyasaṅkhāro uppajjati. Kim pana phalasaṃpatti assāsapassāse na samuṭṭhāpetīti. Samuṭṭhāpeti. Imassa pana catutthajjhānikā phalasaṃpatti, sā na samuṭṭhāpeti, kim vā etena phalasaṃpatti paṭhamajjhānikā vā hotu, dutiyatatiyacatutthajjhānikā vā, santāya samāpattiyā vuṭṭhitassa bhikkhuno assāsapassāsā abbohārikā honti. Tesam abbohārikabhāvo Sañjīvattheravatthunā veditabbo, Sañjīvattherassa hi samāpattito vuṭṭhāya kimsukaphupphasadise vītaccitaṅgāre maddamānassa gacchato cīvare aṃsumattampi na jhāyi, usumākāramattampi nāhosi, samāpattiphalaṃ¹ nāmetanti vadanti, evamevaṃ santāya samāpattiyā vuṭṭhitassa bhikkhuno assāsapassāsā abbohārikā hontīti² bhavaṅgasamayenevetam kathitanti veditabbaṃ.

Tato vacīsaṅkhāroti tato paraṃ kiriyamayapavattavaḷaṅjanakāle vacīsaṅkhāro uppajjati. Kim bhavaṅgaṃ vitakkavicāre na samuṭṭhāpetīti? Samuṭṭhāpeti. Taṃsamuṭṭhānā pana vitakkavicārā vācam abhisaṅkhātuṃ na sakkontīti kiriyamayapavattavaḷaṅjanakālenevetam kathitam. **Suññato phassoti**-ādayo saguṇenāpi ārammaṇenāpi kathetabbā. Saguṇena tāva suññatā nāma phalasaṃpatti, tāya sahaḷatam phassaṃ sandhāya suññato phassoti vuttam. **Animittāpaṇihitesupi** eseva nayo. Ārammaṇena pana nibbānaṃ rāgādīhi suññatā suññaṃ nāma, rāganimittādīnaṃ abhāvā animittam, rāgadosamohappaṇidhīnaṃ abhāvā appaṇihitam. Suññatam nibbānaṃ ārammaṇam katvā uppanaphalasaṃpattiyam phasso suññato nāma, **animittāpaṇihitesupi** eseva nayo.

1. Samāpattibalaṃ (Sī)

2. Honti (Sī)

Aparā āgamanīyakathā nāma hoti, suññatā animittā appaṇihitāti hi vipassanāpi vuccati. Tattha yo bhikkhu saṅkhāre aniccato pariggahetvā aniccato disvā aniccato vuṭṭhāti, tassa vuṭṭhānagāminivipassanā **animittā** nāma hoti. Yo dukkhato pariggahetvā dukkhato disvā dukkhato vuṭṭhāti, tassa **appaṇihitā** nāma. Yo anattato pariggahetvā anattato disvā anattato vuṭṭhāti, tassa **suññatā** nāma. Tattha animittavipassanāya maggo animitto nāma. Animittamaggassa phalaṃ animittaṃ nāma. Animittaphalasaṃpattisaṃhāraṃ phassa phusante animitto phasso phusantīti vuccati. Appaṇihitasuññatesupi eseva nayo. Āgamanīyena kathite pana suññato vā phasso animitto vā phasso appaṇihito vā phassoti vikappo āpajjeyya, tasmā saḡuṇena ceva ārammaṇena ca kathetabbaṃ. Evaṃ hi tayo phassā phusantīti sameti.

Vivekaninnanti-ādīsu nibbānaṃ viveko nāma, tasmim̐ viveke ninnam̐ onatanti **vivekaninnam̐**. Aññato āgantvā yena viveko, tena vaṅkaṃ viya hutvā ṭhitanti **vivekapaṇam̐**. Yena viveko, tena patamānaṃ viya ṭhitanti **vivekapabbhāram̐**.

465. Idāni yā vedanā nirodhetvā nirodhasaṃpattim̐ saṃpajjati, tā pucchissāmīti pucchanto **kati panāyye vedanāti** āha. **Kāyikaṃ vāti**-ādīsu pañcadvārikaṃ sukhaṃ kāyikaṃ nāma, manodvārikaṃ cetasaṃ nāmāti veditaṃ. Tattha **sukhanti** sabhāvaniddeso. **Sātanti** tasseva madhurabhāvadīpakam̐ vevacanaṃ. **Vedayitanti** vedayitabhāvadīpakam̐, sabbavedanānaṃ sādharmaṇavacanaṃ. Sesapadesupi eseva nayo. **Ṭhitisukhā vipariṇāmadukkhāti**-ādīsu sukhāya vedanāya atthibhāvo sukhaṃ, natthibhāvo dukkhaṃ. Dukkāya vedanāya atthibhāvo dukkhaṃ, natthibhāvo sukhaṃ. Adukkhamasukhāya vedanāya jānaṃbhāvo sukhaṃ, ajānaṃbhāvo dukkhanti attho.

Kim̐ anusayo anusetīti katamo anusayo anuseti, appahīnaṭṭhena sayito viya hotīti anusayapuccham̐ pucchati. **Na kho**

āvuso Visākha sabbāya sukhāya vedanāya rāgānusayo anusetīti na sabbāya sukhāya vedanāya rāgānusayo anuseti, na sabbāya sukhāya vedanāya so appahīno, na sabbam sukham vedanam ārabba uppajjatīti attho. Esa nayo sabbattha. **Kim pahātabbanti** ayam pahānapucchā nāma.

Rāgam tena pajahatīti ettha ekeneva byākaraṇena dve pucchā vissajjesi, idha bhikkhu rāgānusayam vikkhambhetvā paṭhamajjhānam samāpajjati, jhānavikkhambhitam rāgānusayam tathā vikkhambhitameva katvā vipassanam vaḍḍhetvā anāgāmimaggena samugghātetīti. So anāgāmimaggena pahīnopi tathā vikkhambhitattāva paṭhamajjhāne nānuseti nāma. Tenāha “na tattha rāgānusayo anusetī”ti. **Tadāyatananti** tam āyatanam, paramassāsabhāvena paṭiṭṭhānabhūtam arahattanti attho. **Iti anuttaresūti** evam anuttarā vimokkhāti laddhanāme arahatte. **Piham upaṭṭhāpayatoti** patthanam paṭṭhapentassa¹. **Uppajjati pihāpaccayā domanassanti** patthanāya paṭṭhapanamūlakam² domanassam uppajjati, tam panetam na patthanāya paṭṭhapanamūlakam uppajjati, patthetvā alabhantassa pana alābhamūlakam uppajjamānam “uppajjati pihāpaccayā”ti vuttam. Tattha kiñcāpi domanassam nāma ekantena akusalam, idam pana sevitabham domanassam vaṭṭatīti vadanti. Yogino hi temāsikam chamāsikam vā navamāsikam vā paṭipadam gaṇhanti, tesu yo tam tam paṭipadam gahetvā antokālaparicchedeveva arahattam pāpuṇissāmīti ghaṭento vāyamanto na sakkoti yathāparicchinnakālena pāpuṇitum, tassa balavadomanassam uppajjati, Āḷindakavāsimahāphussadevattherassa³ viya assudhārā pavattanti. Thero kira ekūnavīsativassāni gatapaccāgatavattam pūresi, tassa “imasmim vāre arahattam gaṇhissāmi, imasmim vāre visuddhipavāraṇam pavāressāmi”ti mānasam bandhitvā samaṇadhammam karontasseva ekūnavīsativassāni atikkantāni, pavāraṇādivase āgate therassa assupātena muttadivaso nāma nāhosi, vīsatime pana vasse arahattam pāpuṇi.

1. Ṭhapentassa (Sī, Syā)

2. Ṭhapanamūlakam (Sī, Syā, Ka)

3. ...mahāphussattherassa (Sī), ...mahāpussattherassa (Syā)

Paṭighaṃ tena pajahatīti ettha domanasseneva paṭighaṃ pajahati. Na hi¹ paṭigheneva paṭighappahānaṃ, na domanassena vā domanassappahānaṃ nāma atthi. Ayaṃ pana bhikkhu temāsikādīsu aññataraṃ paṭipadaṃ gahetvā iti paṭisañcikkhati “passa bhikkhu, kiṃ tuyhaṃ sīlena hīnaṭṭhānaṃ atthi, udāhu vīriyena, udāhu paññāya, nanu te sīlaṃ suparisuddhaṃ vīriyaṃ supaggahitaṃ paññā sūrā hutvā vahatī”ti. So evaṃ paṭisañcikkhitvā “na dāni puna imassa domanassassa uppajjitum dassāmi”ti vīriyaṃ daḷhaṃ² katvā antotemāse vā antochamāse vā antonavamāse vā anāgāmmimaggena taṃ samugghātetī, iminā pariyāyena paṭigheneva paṭighaṃ, domanasseneva domanassaṃ pajahati nāma.

Na tattha paṭighānusayo anusetīti ettha evarūpe domanasse paṭighānusayo nānuseti, na taṃ ārabba-uppajjati, pahīnova tattha paṭighānusayoti attho. **Avijjāṃ tena pajahatīti** idha bhikkhu avijjānusayaṃ vikkhambhetvā catutthajjhānaṃ samāpajjati, jhānavikkhambhitaṃ avijjānusayaṃ tathā vikkhambhitameva katvā vipassanaṃ vaḍḍhetvā arahattamaggena samugghātetī, so arahattamaggena pahīnopi tathā vikkhambhitattāva catutthajjhāne nānuseti nāma. Tenāha “na tattha avijjānusayo anusetī”ti.

466. Idāni paṭibhāgapucchaṃ pucchanto **sukhāya panāyyeti**-ādimāha. Tassa vissajjane yasmā sukhasa dukkhaṃ, dukkhasa ca sukhaṃ paccanīkaṃ, tasmā dvīsu vedanāsu visabhāgapaṭibhāgo kathito. Upekkhā pana andhakārā avibhūtā duddīpanā, avijjāpi tādisāvāti tenettha sabhāgapaṭibhāgo kathito. Yattakesu pana ṭhānesu avijjā tamaṃ karoti, tattakesu vijjā tamaṃ vinodetīti visabhāgapaṭibhāgo kathito. **Avijjāya kho āvusoti** ettha ubhopete dhammā anāsavā lokuttarāti sabhāgapaṭibhāgo kathito. **Vimuttiyā kho āvusoti** ettha anāsavaṭṭhena lokuttaraṭṭhena abyākataṭṭhena ca sabhāgapaṭibhāgo kathito. **Accayāsīti** ettha pañhaṃ atikkamitvā gatosīti attho. **Nāsakkhi pañhānaṃ pariyantaṃ gahetunti** pañhānaṃ paricchedapamaṇaṃ gahetum nāsakkhi, appaṭibhāgadhammassa paṭibhāgaṃ pucchi, nibbānaṃ nāmetam

1. Nāpi (Syā, Ka)

2. Gaḷhaṃ (Syā, Ka)

appaṭibhāgaṃ, na sakkā nīlaṃ vā pītakaṃ vāti kenaci dhammena saddhiṃ paṭibhāgaṃ katvā dassetuṃ, tañca tvaṃ iminā adhippāyena pucchasiṭi attho.

Ettāvatā cāyaṃ upāsako yathā nāma sattame¹ ghare salākabhattaṃ labhitvā gato bhikkhu satta gharāni atikkamma aṭṭhamassa dvāre ṭhito sabbānipi satta gehāni viraddhova na aññasi, evamevaṃ appaṭibhāgadhammassa paṭibhāgaṃ pucchanto sabbāsupi sattu sappaṭibhāgapucchāsu viraddhova hotiṭi veditabbo. **Nibbānogadhanti** nibbānabbhantaṃ nibbānaṃ anupaviṭṭhaṃ. **Nibbānaparāyananti** nibbānaṃ paraṃ ayanamassa parā gati, na tato paraṃ gacchatīti attho. Nibbānaṃ pariyoṣānaṃ avasānaṃ assāti **nibbānapariyoṣānaṃ**.

467. **Paṇḍitīti** paṇḍiccena samannāgatā, dhātukusalā āyatanakusalā paṭiccasamuppādakusalā ṭhānāṭṭhānakusalāti attho. **Mahāpaññīti** mahante atthe mahante dhamme mahantā² niruttiyo mahantāni paṭibhānāni pariḡgaṇhanasamatthāya paññāya samannāgatā. **Yathā taṃ Dhammadinnāyāti** yathā Dhammadinnāya bhikkhuniyā byākataṃ, ahampi taṃ evamevaṃ byākareyyanti. Ettāvatā ca pana ayaṃ suttanto Jinabhāsito nāma jāto, na sāvakabhāsito. Yathā hi rājayuttehi likhitaṃ paṇṇaṃ yāva rājamuddikāya na lañchitaṃ hoti, na tāva rājapaṇṇanti saṅkhyāṃ gacchati, lañchitamattaṃ pana rājapaṇṇaṃ nāma hoti, tathā “ahampi taṃ evameva byākareyyan”ti imāya Jinavacanamuddikāya lañchitattā ayaṃ suttanto āhaccavacanena Jinabhāsito nāma jāto. Sesāṃ sabbattha uttānamevāti.

Papañcasūdaniyā Majjhimanikāyaṭṭhakathāya

Cūḷavedallasuttavaṇṇanā niṭṭhitā.

5. Cūḷadhammasamādānasuttavaṇṇanā

468. **Evam me sutanti** Cūḷadhammasamādānasuttaṃ. Tattha **dhammasamādānāni**ti dhammoti gahitagahaṇāni. **Paccuppannasukhanti** paccuppanne sukhaṃ, āyūhanakkhaṇe

1. Satta (Ka)

2. Mahantī (Si)

sukhaṃ sukaraṃ sukheṇa sakkā pūretuṃ. **Āyatim dukkhavipākanti** anāgate vipākakāle dukkhavipākam. Iminā upāyena sabbapadesu attho veditabbo.

469. **Natthi kāmesu dosoti** vatthukāmesupi kilesakāmesupi doso natthi. **Pātabyataṃ āpajjantīti** te vatthukāmesu kilesakāmena pātabyataṃ pivitabbataṃ, yathārucci paribhuñjitabbataṃ āpajjantīti attho. **Moḷibaddhāhīti** moḷim katvā¹ baddhakesāhi. **Paribbājikāhīti** tāpasaparibbājikāhi. **Evamāhamsūti** evaṃ vadanti. **Pariññam paññapentīti** pahānaṃ samatikkamaṃ paññapenti. **Māluvāsipāṭikāti** dīghasaṅghānaṃ māluvāpakkam. **Phaleyyāti** ātapena sussitvā bhijjeyya. **Sālamūleti** sālārukkhasa samīpe. **Santāsam āpajjeyyāti** kasmā āpajjati? Bhavanavināsabhayā. Rukkhamūle patitamāluvābījato hi latā uppajjitvā rukkhaṃ abhiruhati, sā mahāpattā ceva hoti bahupattā ca, kovilārapattasadihesi pattehi samannāgatā, atha taṃ rukkhaṃ mūlato paṭṭhāya vinandhamānā sabbaviṭapāni sañchādetvā² mahantaṃ bhāraṃ janetvā tiṭṭhati, sā vāte vā vāyante deve vā vassante oghanaṃ janetvā tassa rukkhasa sabbasākhāpasākhāṃ bhañjati, bhūmiyaṃ nipātetī, tato tasmiṃ rukkhe patiṭṭhitavimānaṃ³ bhijjati nassati. Iti sā bhavanavināsabhayā santāsam āpajjati.

Ārāmadevatāti tattha tattha pupphārāmaphalārāmesu adhivatthā devatā. **Vanadevatāti** andhavanasubhagavanādīsū vanesu adhivatthā devatā. **Rukkhavevatāti** abhilakkhitesu naḷerupucimandādīsū rukkhesu adhivatthā devatā. **Osadhitiṇavanappatisūti** harītakī-āmalakī-ādīsū osadhīsū tālanāḷikerādīsū tiṇesu vanajeṭṭhakesu ca vanappatirukkhesu adhivatthā devatā. **Vanakammikāti** vane kasanalāyanadāru-āharaṇagorakkhādīsū kenacideva kammaṇa vā vicarakamanussā. **Uddhareyyunti** khādeyyuṃ. **Vilambinīti** vātena pahatapahataṭṭhānesu keḷim karontī viya vilambantī. **Sukho imissāti** evarūpāya māluvālatāya samphassopi sukho, dassanampi sukhaṃ, ayaṃ me dāraḷānaṃ āpānamaṇḍalaṃ bhavissati, kīḷābhūmi bhavissati,

1. Moḷi viya katvā (Sī)

2. Sañcaritvā (Ka)

3. Patite vimānaṃ (Syā, Ka)

dutiyaṃ me vimānaṃ paṭiladdhanti latāya dassanepi samphassepī somanassajātā evamāha.

Viṭabhim¹ **kareyyāti** sākhaṇaṃ upari chattākārena tiṭṭheyya. **Oghanam janeyyāti** heṭṭhā ghaṇaṃ janeyya, upari āruyha sakalaṃ rukkhaṃ paliveṭṭhetvā puna heṭṭhā bhassamānā bhūmiṃ gaṇheyyāti attho. **Padāleyyāti** evaṃ oghanam katvā puna tato paṭṭhāya yāva mūlā otiṇṇasākhaṇi abhiruhamānā sabbasākhaṇi paliveṭṭhentī matthakaṃ patvā teneva niyāmena puna orohitvā ca abhiruhitvā ca sakalarukkhaṃ saṃsibbitvā ajjhottharantī sabbasākhaṇi heṭṭhā katvā sayam upari ṭhatvā vāte vā vāyante deve vā vassante padāleyya, bhindeyyāti attho. Khāṇumattameva tiṭṭheyya, tattha yaṃ sākhaṭṭhakavimānaṃ hoti, taṃ sākhaṇi bhijjamānāsu tattha tattheva bhijjitvā sabbasākhaṇi bhinnāsu sabbaṃ bhijjati. Rukkhaṭṭhakavimānaṃ pana yāva rukkhaṇi mūlamattampi tiṭṭhati, tāva na nassati, idaṃ pana vimānaṃ sākhaṭṭhakaṃ, tasmā sabbasākhaṇi sambhijjamānāsu bhijjittha, devatā puttake gahetvā khāṇuke ṭhitā paridevituṃ āradhā.

471. **Tibbarāgajātiko**ti bahalarāgasabhāvo. **Rāgajam dukkham domanassam paṭisaṃvedetī**ti tibbarāgajātikattā diṭṭhe diṭṭhe ārammaṇe nimittaṃ gaṇhāti, athassa ācariyupajjhāyā daṇḍakammaṃ āṇāpentī, so abhikkhaṇaṃ daṇḍakammaṃ karonto dukkhaṃ domanassam paṭisaṃvedetī, natveva vītikkamaṃ karoti. **Tibbadosajātiko**ti appamattikeneva kuppati, daharasāmaṇerehi saddhiṃ hatthaparāmāsādīni karontova katheti, sopi daṇḍakammaṃ paccayā dukkhaṃ domanassam paṭisaṃvedetī. Mohajātiko pana idha kataṃ vā katato akataṃ vā akatato na sallakkheti, tāni tāni kiccāni virādheti, sopi daṇḍakammaṃ paccayā dukkhaṃ domanassam paṭisaṃvedetī.

472. **Na tibbarāgajātiko**-ādīni vuttapaṭipakkhanayena veditabbāni. Kasmā panettha koci tibbarāgādijātiko hoti, koci na tibbarāgādijātiko? Kammaniyaṃmena. Yassa hi kammāyūhanakkaṇe lobho balavā hoti, alobho mando, adosāmoḥā balavanto,

1. Viṭapim (Sī), viṭapam (Syā)

dosamohā mandā, tassa mando alobho lobhaṃ pariyādātuṃ na sakkoti, adosā mohā pana balavanto dosamohe pariyādātuṃ sakkonti. Tasmā so tena kammena dinnapaṭisandhivasena nibbatto luddho hoti, sukhasīlo akkodhano paññavā vajirūpamaññaṃ. (1)

Yassa pana kammāyūhanakkhaṇe lobhadosā balavanto honti, alobhādosā mandā, amoho balavā, moho mando, so purimanayeneva luddho ceva hoti duṭṭho ca, paññavā pana hoti vajirūpamaññaṃ Dattābhayatthero viya. (2)

Yassa pana¹ kammāyūhanakkhaṇe lobhādosamohā balavanto honti, itare mandā, so purimanayeneva luddho ceva hoti dandho ca, sukhasīlako² pana hoti akkodhano. (3)

Tathā yassa kammāyūhanakkhaṇe tayopi lobhadosamohā balavanto honti, alobhādayo mandā, so purimanayeneva luddho ceva hoti duṭṭho ca mūḷho ca. (4)

Yassa pana kammāyūhanakkhaṇe alobhadosamohā balavanto honti, itare mandā, so purimanayeneva appakilesa hoti, dibbārammaṇampi disvā niccalo, duṭṭho pana hoti dandhapaññaṃ ca. (1)

Yassa pana kammāyūhanakkhaṇe alobhādosamohā balavanto honti, itare mandā, so purimanayeneva aluddho ceva hoti sukhasīlako ca, mūḷho³ pana hoti. (2)

Tathā yassa kammāyūhanakkhaṇe alobhadosā mohā balavanto honti, itare mandā, so purimanayeneva aluddho ceva hoti paññavā ca, duṭṭho pana hoti kodhano. (3)

1. Yassa (Sī) imasmimyeva ṭhāne.

2. Sīlako (Sī)

3. Dandho (Sī) Abhi-Ṭṭha 1. 309 piṭṭhepi.

Yassa pana kammāyūhanakkhaṇe tayopi alobhādayo balavanto honti, lobhādayo mandā, so Mahāsaṅgharakkhitatthero viya aluddho aduṭṭho paññavā ca hoti. (4)

Sesaṃ sabbattha uttānatthamevāti.

Papañcasūdaniyā Majjhimanikāyaṭṭhakathāya

Cūḷadhammasamādānasuttavaṇṇanā niṭṭhitā.

6. Mahādhammasamādānasuttavaṇṇanā

473. **Evam me sutanti** Mahādhammasamādānasuttaṃ. Tattha **evamkāmāti** evaṃicchā. **Evamchandāti** evaṃajjhāsaya. **Evamadhippāyāti** evaṃladdhikā. **Tatrāti** tasmim̐ anīṭṭhavaḍḍhane ceva iṭṭhaparihāne ca. **Bhagavamūlakāti** Bhagavā mūlaṃ etesanti bhagavamūlakā. Idam̐ vuttaṃ hoti—ime bhante amhākaṃ dhammā pubbe Kassapasammāsambuddhena uppādītā, tasmim̐ parinibbute ekaṃ Buddhantaraṃ añño samaṇo vā brāhmaṇo vā ime dhamme uppādetuṃ samattho nāma nāhosi, Bhagavatā pana no ime dhammā uppādītā. Bhagavantaṃ hi nissāya mayam̐ ime dhamme ājānāma paṭivijjhāmāti evam̐ bhagavamūlakā no bhante dhammāti. **Bhagavannettikāti** Bhagavā hi dhammānaṃ netā vinetā anunetāti. Yathāsabhāvato pāṭi-ekkaṃ pāṭi-ekkaṃ nāmaṃ gahetvā dassitā dhammā bhagavannettikā nāma honti. **Bhagavaṃpaṭisaraṇāti** catubhūmakā dhammā sabbaññutaññāṇassa āpāthaṃ āgacchamānā Bhagavati paṭisaranti nāmāti bhagavaṃpaṭisaraṇā. Paṭisarantīti osaranti samosaranti. Apica Mahābodhimaṇḍe nisinnassa Bhagavato paṭivedhavasena phasso āgacchati, ahaṃ Bhagavā kinnāmoti? Tvaṃ phusanaṭṭhena phasso nāma. Vedanā, saññā, saṅkhārā, viññāṇaṃ āgacchati. Ahaṃ Bhagavā kinnāmanti? Tvaṃ vijānanaṭṭhena viññāṇaṃ nāmāti evam̐ catubhūmakadhammānaṃ yathāsabhāvato pāṭi-ekkaṃ pāṭi-ekkaṃ nāmaṃ gaṇhanto Bhagavā dhamme paṭisarantītipi bhagavaṃpaṭisaraṇā. **Bhagavantaññeva paṭibhātīti** Bhagavatoyeva etassa bhāsitassa attho upaṭṭhātu, tumheyeva no kathetvā dethāti attho.

474. **Sevitabbeti** nissayitabbe. **Bhajitabbeti** upagantabbe. **Yathā taṃ aviddasunoti** yathā aviduno bālassa andhaputhujjanassa. **Yathā taṃ viddasunoti** yathā viduno medhāvino paṇḍitassa.

475. **Atthi bhikkhave dhammasamādānanti** purimasutte uppaṭipāṭi-ākārena mātikā ṭhapitā, idha pana yathādhammaraseneva Satthā mātikaṃ ṭhapesi. Tattha **dhammasamādānanti** paṇātipātādīnaṃ dhammānaṃ gahaṇaṃ.

476. **Avijjāgatoti** avijjāya samannāgato.

477. **Vijjāgatoti** vijjāya samannāgato paññavā.

478. **Sahāpi dukkhenāti** ettha micchācāro abhijjhā micchādiṭṭhīti ime tāva tayo pubbacetanāya ca aparacetanāya cāti dvinnaṃ cetanānaṃ vasena dukkhavedanā honti. Sanniṭṭhāpakacetanā pana sukhasampayuttā vā upekkhāsampayuttā vā hoti. Sesā paṇātipātādayo satta tissannampi cetanānaṃ vasena dukkhavedanā honti, idaṃ sandhāya vuttaṃ “sahāpi dukkhena sahāpi domanassenā”ti. Domanassameva cettha dukkhanti veditabbaṃ. Pariyeṭṭhiṃ vā āpajjantassa pubbabhāgāparabhāgesu kāyikaṃ dukkhampi vaṭṭatiyeva.

479. **Sahāpi sukhenāti** ettha paṇātipāto pharusavācā byāpādoti ime tāva tayo pubbacetanāya ca aparacetanāya cāti dvinnaṃ cetanānaṃ vasena sukhavedanā honti. Sanniṭṭhāpakacetanā pana dukkhasampayuttāva hoti. Sesā satta tissannampi cetanānaṃ vasena sukhavedanā hontiyeva. **Sahāpi somanassenāti** somanassameva cettha sukhanti veditabbaṃ. Itṭhaphoṭṭhabbasamaṅgino vā pubbabhāgāparabhāgesu kāyikaṃ sukhampi vaṭṭatiyeva.

480. Tatiyadhammasamādāne idhekacco macchabandho vā hoti māgaviko vā, paṇupaghātamyeva nissāya jīvikāṃ kappeti. Tassa garuṭṭhāniyo bhikkhu akāmakasseva paṇātipāte ādīnavaṃ, paṇātipātaviratiyā ca ānisaṃsaṃ kathetvā sikkhāpadaṃ deti. So gaṇhantopi dukkhito domanassitova hutvā gaṇhāti. Aparabhāge katipāhaṃ

vītināmetvā rakkhitum asakkontopi dukkhitova hoti, tassa pubbāparacetanā dukkhasahagatāva honti. Sanniṭṭhāpakacetanā pana sukhasahagatā vā upekkhāsahagatā vāti evaṃ sabbattha attho veditabbo. Iti pubbhāgāparabhāgacetanāva sandhāya idaṃ vuttam “sahāpi dukkhena sahāpi domanassenā”ti. Domanassameva cettha dukkhanti veditabban.

481. Catutthadhammasamādāne dasasupi padesu tissopi pubbhāgāparabhāgasanniṭṭhāpakacetanā sukhasampayuttā hontiveva, tam sandhāya idaṃ vuttam “sahāpi sukhena sahāpi somanassenā”ti. Somanassameva cettha sukhanti veditabban.

482. **Tittakālābūti**¹ tittakarasa-alābu². **Visena saṃsaṭṭhoti** halāhalavisena sampayutto missito luḷito. **Nacchādessatīti** na ruccissati na tuṭṭhim karissati. **Nigacchasīti** gamissasi³. **Appaṭisaṅkhāya piveyyāti** tam appaccavekkhitvā piveyya.

483. **Āpānīyakaṃsoti** āpānīyassa madhurapānakassa bharitakaṃso. **Vaṇṇasampannoti** pānakavaṇṇādīhi sampannavāṇṇo, kaṃse pakkhittapānakavasena pānakakaṃsopi evaṃ vutto. **Chādessatīti** tāñhi halāhalavisam yattha yattha pakkhittam hoti, tassa tasseva rasam deti. Tena vuttam “chādessatī”ti.

484. **Pūtimuttanti** muttameva. Yathā hi manussabhāvo suvaṇṇavaṇṇo pūtikāyotveva, tadahuḷatāpi galocilatā pūtilatātveva vuccati. Evaṃ taṅkhaṇam gahitam taruṇampi muttam pūtimuttameva. **Nānābhesajjehīti** harītakāmalakādīhi nānosadhehi. **Sukhī assāti** arogo suvaṇṇavaṇṇo sukhī bhaveyya.

485. **Dadhi ca madhu cāti** suparisuddham dadhi ca sumadhuram madhu ca. **Ekajjam saṃsaṭṭhanti** ekato katvā missitam āluḷitam. **Tassa tanti** tassa tam catumadhurabhesajjam pivato ruceyya, idaṃ ca yam bhagandarasaṃsaṭṭham lohitaṃ pakkhandati, na tassa bhesajjam, āhāram thambhetvā⁴ maggam avalaṅjam⁵ karoti.

1. Tittakālāpūti (Sī)

3. Nigamissati (Ka)

4. Vikkhambhetvā (Ka)

2. Tittako alābu (Sī, Syā)

5. Valaṅjanam (Syā, Ka)

Yaṃ pana pittasaṃsaṭṭhaṃ lohitaṃ, tassettaṃ bhesajjaṃ sītalakiriyaṃ
pariyattaḥhūtaṃ.

486. **Viddheti** ubbidde, meghavigamena dūrībhūtetī attho.

Vigatavalāhaketi apagatameghe, **deveti** ākāse. **Ākāśagataṃ tamagatanti**
ākāśagataṃ tamaṃ. **Puthusamaṇabrāhmaṇaparappavādeti** puthūnaṃ
samaṇabrāhmaṇasaṅkhātānaṃ paresaṃ vāde¹. **Abhivihaccāti** abhivahantvā.
Bhāsate ca tapate ca virocate cāti saradakāle majjhanhikasamaye ādiccova
obhāsaṃ muñcati tapati vijjotati.

Idaṃ pana suttaṃ devatānaṃ ativiya piyaṃ manāpaṃ. Tatridaṃ
vatthu—dakkhiṇadisāyaṃ kira Hatthibhogajanapade Saṅgaravihāro
nāma²atthi, tassa bhojanasāladvāre saṅgararukkhe adhivatthā devatā
rattibhāge ekassa daharassa sarabhaññavasena idaṃ suttaṃ osārentassa
suttvā sādhuḥkāraṃ adāsī. Daharo kiṃ esoti āha. Ahaṃ bhante imasmim
rukkhe adhivatthā devatāti. Kasmim devate pasannāsi, kiṃ sadde, udāhu
sutteti. Saddo nāma bhante yassa kassaci hotiyeva, sutte pasannāmi.
Sattāhā Jetavane nisīditvā kathitadivase ca ajja ca ekabyañjanepi nānaṃ
natthi³. Assosi tvaṃ devate Sattāhā kathitadivaseti. Āma bhante. Kattha
ṭhitā assosīti. Jetavanaṃ bhante gatāmi, mahesakkhāsu pana devatāsu
āgacchantīsu tattha okāsaṃ alabhivā idheva ṭhatvā assosinti. Ettha ṭhitāya
sakkā Satthu saddo sotunti. Tvaṃ pana bhante mayhaṃ saddaṃ suṇasīti.
Āma devateti. Dakkhiṇakaṇṇapasse nisīditvā kathanakālo viya bhante hotīti.
Kiṃ pana devate Satthu rūpaṃ passasīti. Sattā mameva oloketīti
maññamānā saṅghātuṃ na sakkomi bhanteti. Visesaṃ pana nibbattetuṃ
asakkhittha devateti. Devatā tattheva antaradhāyi. Taṃ divasaṃ kiresa
devaputto sotāpattiphale patiṭṭhito. Evamidaṃ suttaṃ devatānaṃ piyaṃ
manāpaṃ. Sesā sabbattha uttānatthamevāti.

Papañcasūdaniyā Majjhimanikāyaṭṭhakathāya

Mahādhammasamādānasuttavaṇṇanā niṭṭhitā.

1. Pavāde (Ka)

2. Paṅguravihāro nāma (Sī), maṅkuravihāro nāma (Syā)

3. Nānatthaṃ ahosi (Ka)

7. Vīmaṃsakasuttavaṇṇanā

487. **Evam me sutanti** Vīmaṃsakasuttam. Tattha **vīmaṃsakenā**ti tayo vīmaṃsakā atthavīmaṃsako saṅkhāravīmaṃsako Satthuvīmaṃsakoti. Tesu “paṇḍitā hāvuso manussā vīmaṃsakā”¹ti¹ ettha atthavīmaṃsako āgato. “Yato kho Ānanda bhikkhu dhātukusalo ca hoti, āyatanakusalo ca hoti, paṭiccasamuppādakusalo ca hoti, ṭhānāṭṭhānakusalo ca hoti, ettāvata kho Ānanda paṇḍito bhikkhu vīmaṃsakoti alaṃ vacanāyā”²ti² ettha saṅkhāravīmaṃsako āgato. Imasmiṃ pana sutte Satthuvīmaṃsako adhippeto. **Cetopariyāyanti** cittavāram citta-paricchedaṃ. **Samannesanā**ti esanā pariyesanā upaparikkhā. **Iti viññāṇāyā**ti evaṃ vijānanatthāya.

488. **Dvīsu dhammesu Tathāgato samannesitabboti** idha kalyāṇamittūpanissayaṃ dasseti. Mahā hi esa kalyāṇamittūpanissayo nāma. Tassa mahantabhāvo evaṃ veditabbo—ekasmiṃ hi samaye āyasmā Ānando upaḍḍham attano ānubhāvena hoti, upaḍḍham kalyāṇamittānubhāvenāti cintevā attano dhammatāya nicchetuṃ asakko Bhagavantam upasaṅkamitvā pucchi “upaḍḍhamidaṃ bhante brahmacariyassa, yadidaṃ kalyāṇamittatā kalyāṇasahāyatā kalyāṇasampavaṅkatā”ti. Bhagavā āha “mā hevaṃ Ānanda, mā hevaṃ Ānanda, sakalamevidaṃ Ānanda brahmacariyaṃ yadidaṃ kalyāṇamittatā kalyāṇasahāyatā kalyāṇasampavaṅkatā, kalyāṇamittassetam Ānanda bhikkhuno pāṭikaṅkham kalyāṇasahāyassa kalyāṇasampavaṅkassa, ariyaṃ aṭṭhaṅgikaṃ maggaṃ bhāvēssati, ariyaṃ aṭṭhaṅgikaṃ maggaṃ bahulīkarissati. Kathaṅcānanda bhikkhu kalyāṇamitto -pa- ariyaṃ aṭṭhaṅgikaṃ maggaṃ bhāveti, ariyaṃ aṭṭhaṅgikaṃ maggaṃ bahulīkaroti. Idhānanda bhikkhu sammādiṭṭhiṃ bhāveti -pa- sammāsamādhim bhāveti vivekanissitaṃ, evaṃ kho Ānanda bhikkhu kalyāṇamitto -pa- bahulīkaroti, tadamināpetam Ānanda pariyaṇena veditabbaṃ. Yathā sakalamevidaṃ brahmacariyaṃ yadidaṃ kalyāṇamittatā kalyāṇasahāyatā kalyāṇasampavaṅkatā. Mamaṃ hi Ānanda kalyāṇamittam āgama jātidhammā sattā jātiyā parimuccanti. Jarādhammā -pa-

1. Saṃ 2. 6 piṭṭhe.

2. Ma 3. 107 piṭṭhe.

sokaparidevadukkhadomanassupāyāsadhammā sattā sokaparidevadukkha-
domanassupāyāsehi parimuccantī”ti¹.

Bhikkhūnaṃ bāhiraṅgasampattiṃ kathentopi āha “bāhiraṃ bhikkhave
aṅganti karitvā nāññaṃ ekaṅgampi samanupassāmi, yaṃ evaṃ mahato
atthāya saṃvattati, yathayidaṃ bhikkhave kalyāṇamittatā. Kalyāṇamittatā
bhikkhave mahato atthāya saṃvattatī”ti². Mahācundassa
kilesasallekhapaṭipadaṃ kathentopi “pare pāpamittā bhavissanti,
mayamettha kalyāṇamittā bhavissāmāti sallekho karaṇīyo”ti³ āha.
Meghiyattherassa vimuttipariṇāyadhamme kathentopi “aparipakkāya
Meghiya cotovimuttiyā pañca dhammā paripākāya saṃvattanti. Katame
pañca, idha Meghiya bhikkhu kalyāṇamitto hotī”ti⁴
kalyāṇamittūpanissayameva visesesi. Piyaputtassa Rāhulattherassa
abhiṅhovādaṃ dentopi—

“Mitte bhajassu kalyāṇe, pantaṅca sayanāsanaṃ.

Vivittaṃ appanigghosaṃ, mattaññū hohi bhojane.

Cīvare piṇḍapāte ca, paccaye sayanāsane.

Etesu taṅhaṃ mākāsi, mā lokam punarāgamī”ti⁵—

Kalyāṇamittūpanissayameva sabbapaṭhamam kathesi, evaṃ mahā esa
kalyāṇamittūpanissayo nāma. Idhāpi taṃ dassento Bhagavā **dvīsu**
dhammesu Tathāgato samannesitabboti desanaṃ ārabhi. Paṇḍito bhikkhu
dvīsu dhammesu Tathāgataṃ esatu gavesatūti attho. Etena Bhagavā ayaṃ
mahājaccoti vā lakkhaṇasampannoti vā abhirūpo dassanīyoti vā abhiññāto
abhilakkhitoti vā imaṃ nissāyāhaṃ cīvarādayo paccaye labhissāmīti vā
evaṃ cintetvā maṃ nissāya vasanakiccaṃ natthi. Yo pana evaṃ sallakkheti
“pahoti me esa Satthā hutvā Satthukiccaṃ⁶ sādhetun”ti, so maṃ bhajatūti
sīhanādaṃ nadati, Buddhasīhanādo kira nāmesa suttantoti.

1. Saṃ 3. 2 piṭṭhe.

3. Ma 1. 52 piṭṭhe.

5. Khu 1. 329 Suttanipāte.

2. Aṃ 1. 17 piṭṭhe.

4. Khu 1. 119 piṭṭhe Udāne.

6. Ekasatthukiccaṃ (Ka)

Idāni te dve dhamme dassento **cakkkhusotaviññeyyesūti** āha. Tattha Satthu kāyiko samācāro vīmaṃsakassa cakkhuviññeyyo dhammo nāma. Vācasiko samācāro sotaviññeyyo dhammo nāma. Idāni tesu samannesitabbākāraṃ dassento **ye saṃkiliṭṭhāti**-ādimāha. Tattha **saṃkiliṭṭhāti** kilesasampayuttā. Te ca na cakkkhusotaviññeyyā. Yathā pana udake calante vā puppuḷake¹ vā muñcante anto maccho atthīti viññāyati, evaṃ paṇātipātādīni vā karontassa, musāvādādīni vā bhaṇantassa kāyavacīsamācāre disvā ca sutvā ca taṃsamuṭṭhāpakacittaṃ saṃkiliṭṭhanti viññāyati, tasmā evamāha. Saṃkiliṭṭhacittassa hi kāyavacīsamācārāpi saṃkiliṭṭhāyeva nāma. **Na te Tathāgatassa saṃvijjantīti** na te Tathāgatassa atthī, na upalabbhantīti evaṃ jānātīti attho. Natthitāyeva hi te na upalabbhanti, na paṭicchannatāya. Tathā hi Bhagavā ekadivasam imesu dhammesu bhikkhusaṃgham pavārento āha “handa dāni bhikkhave pavāremi vo, na ca me kiñci garahatha kāyikaṃ vā vācasikaṃ vā”ti. Evaṃ vutte āyasmā Sāriputto uṭṭhāyāsanā ekaṃsaṃ uttarāsaṅgaṃ karitvā yena Bhagavā tenaṅjaliṃ paṇāmetvā Bhagavantaṃ etadavoca “na kho mayaṃ bhante Bhagavato kiñci garahāma kāyikaṃ vā vācasikaṃ vā. Bhagavā hi bhante anuppannassa maggassa uppādetā, asaṅgātassa maggassa saṅgānetā, anakkhātassa maggassa akkhātā, maggaññū maggavidū maggakovidō. Maggānugā ca bhante etarahi sāvaka vīharanti pacchāsamannāgatā”ti². Evaṃ parisuddhā Tathāgatassa kāyavacīsamācārā. Uttaropi sudam māṇavo Tathāgatassa kāyavacīdvāre anārādhanīyaṃ kiñci passissāmīti satta māse anubandhitvā likkhāmatampi na addasa. Manussabhūto vā esa Buddhabhūtaṃ kāyavacīdvāre kiṃ anārādhanīyaṃ passissati. Māropi devaputto bodhisattassa sato mahābhinnikkhamaṇato paṭṭhāya chabbassāni gavesamāno kiñci anārādhanīyaṃ nāddasa, antamaso cetoparivitakkamattampi. Māro kira cintesi “sacassa vitakkitamattampi akusalaṃ passissāmi, tattheva naṃ muddhani paharivā pakkamissāmī”ti. So chabbassāni adisvā Buddhabhūtampi ekaṃ vassam anubandhitvā kiñci vajjam apassanto gamanasamaye vanditvā—

1. Bubbuḷake (Sī), pubbuḷake (Syā)

2. Saṃ 1. 192 piṭṭhe.

“Mahāvīra mahāpuñña, iddhiyā yasasā jala.
Sabbaverabhayātīta, pāde vandāmi Gotamā”ti¹—

Gātham vatvā gato.

Vitimissāti kāle kaṇhā, kāle sukkāti evaṃ vomissakā. **Vodātāti** parisuddhā nikkilesā. **Samvijjantīti** vodātā dhammā atthi upalabbhanti. Tathāgatassa hi parisuddhā kāyasamācārādayo. Tenāha “cattārimāni bhikkhave Tathāgatassa arakkheyyāni. Katamāni cattāri, parisuddhakāyasamācāro bhikkhave Tathāgato, natthi Tathāgatassa kāyaduccaritaṃ, yaṃ Tathāgato rakkheyya ‘mā me idaṃ paro aññāsī’ti, parisuddhavacīsamācāro, parisuddhamanosamācāro, parisuddhājīvo bhikkhave Tathāgato, natthi Tathāgatassa micchājīvo, yaṃ Tathāgato rakkheyya, mā me idaṃ paro aññāsī”ti².

Imaṃ kusalaṃ dhammanti imaṃ anavajjaṃ ājīvaṭṭhamakasīlaṃ. “Ayamāyasmā Satthā kiṃ nu kho dīgharattaṃ samāpanno aticirakālato paṭṭhāya iminā samannāgato, udāhu ittarasamāpanno hiyyo vā pare vā parasuve³ vā divase samāpanno”ti evaṃ gavesatūti attho. Ekaccena hi ekasmiṃ ṭhāne vasantena bahu micchājīvakammaṃ kataṃ, taṃ tattha kālātikkame paññāyati, pākaṭaṃ hoti. So aññataraṃ paccantagāmaṃ vā samuddatīraṃ vā gantvā paṇṇasālaṃ kāretvā āraññako viya hutvā viharati. Manussā sambhāvanāṃ uppādetvā tassa paṇṇite paccaye denti. Janapadavāsino bhikkhū tassa parihāraṃ disvā “atidappito⁴ vatāyaṃ āyasmā, ko nu kho eso”ti pariggaṇhantā “asukatṭhāne asukaṃ nāma micchājīvaṃ katvā pakkantabhikkhū”ti ñatvā na sakkā iminā saddhiṃ uposatho vā pavāraṇā vā kātunti sannipatitvā dhammena samena ukkhepanīyādīsu aññataraṃ kammaṃ karonti. Evarūpāya paṭicchannaapaṭipattiyā atthibhāvaṃ vā natthibhāvaṃ vā vīmaṃsāpetuṃ evamāha.

Evaṃ jānātīti dīgharattaṃ samāpanno, na ittarasamāpannoti jānāti. Anacchariyaṃ cetaṃ. Yaṃ Tathāgatassa etarahi sabbaññutaṃ pattassa dīgharattaṃ

1. Sam 1. 122 piṭṭhe.

3. Paratare (Sī), parapare (Ka)

2. Am 2. 459 piṭṭhe.

4. Atidabbito (Ka)

ājīvaṭṭhamakasiḷaṃ parisuddhaṃ bhaveyya. Yassa bodhisattakālepi¹ evaṃ ahosi.

Atīte kira Gandhārārājā ca Vedeharājā ca dvepi sahāyakā hutvā kāmesu ādīnavaṃ disvā rajjāni puttānaṃ niyyātetvā isipabbajjānaṃ pabbajitvā ekasmiṃ araṇṇagāmake piṇḍāya caranti, paccanto nāma dullabhaloṇo hoti, tato aloṇaṃ yāguṃ labhitvā ekissāya sālāya nisīditvā pivanti, antarantare manussā loṇacuṇṇaṃ āharitvā denti, ekadivasaṃ eko Vedehisissa paṇṇe pakkhipitvā loṇacuṇṇaṃ adāsi, Vedehisi gahetvā upaḍḍhaṃ Gandhārisissa santike ṭhapetvā upaḍḍhaṃ attano santike ṭhapesi, tato thokaṃ paribhuttāvasesaṃ disvā “mā idaṃ nassī”ti paṇṇena veṭhetvā tiṇagahane ṭhapesi, puna ekasmiṃ divase yāgupānakāle satim katvā olokento taṃ disvā Gandhārisiṃ upasaṅkamitvā “ito thokaṃ gaṇhatha ācariyā”ti āha. Kuto te laddhaṃ Vedehisīti. Tasmim divase paribhuttāvasesaṃ “mā nassī”ti mayā ṭhapitanti. Gandhārisi gahetuṃ na icchati, aloṇakaṃyeva yāguṃ pivitvā Vedehaṃ isiṃ avoca—

“Hitvā gāmasahassāni, paripuṇṇāni soḷasa.

Koṭṭhāgārāni phītāni, sannidhiṃ dāni kubbasī”ti².

Vedehisi avoca “tumhe rajjaṃ pahāya pabbajitā, idāni kasmā loṇacuṇṇamattasannidhikāraṇā pabbajjāya anucchavikaṃ na karoṭhā”ti. Kim mayā kataṃ Vedehisīti. Atha naṃ āha—

“Hitvā Gandhāraṃvisayaṃ, pahūtadhanadhāriyaṃ.

Pasāsanato nikkhanto, idha dāni pasāsasi”ti².

Gandhāro āha—

“Dhammaṃ bhaṇāmi Vedeha, adhammo me na ruccati.

Dhammaṃ me bhaṇamānassa, na pāpamupalimpātī”ti².

1. Bodhicariyakālepi (Sī), bodhicaraṇakālepi (Ka)

2. Khu 5. 165 piṭṭhe.

Vedeho āha—

“Yena kenaci vaṇṇena, paro labhati ruppanaṃ.
Mahatthiyampi ce vācaṃ, na taṃ bhāseyya paṇḍito”¹.

Gandhāro āha—

“Kāmaṃ ruppātu vā mā vā, bhusaṃva vikirīyatu.
Dhammaṃ me bhaṇamānassa, na pāpamupalimpātī”¹.

Tato Vedehisi yassa sakāpi buddhi natthi, ācariyasantike vinayaṃ na sikkhati, so andhamahimso viya vane caratīti cintetvā āha—

“No ce assa sakā buddhi, vinayo vā susikkhito.
Vane andhamahimsova, careyya bahuko jano.
Yasmā ca panidhekacce, āceramhi susikkhitā.
Tasmā vinītavīnaya, caranti susamāhitā”¹.

Evañca pana vatvā Vedehisi ajānitvā mayā katanti Gandhārisiṃ khamāpesi. Te ubhopi tapaṃ caritvā brahmalokaṃ agamaṃsu. Evaṃ Tathāgatassa bodhisattakālepi dīgharattaṃ ājīvaṭṭhamakasīlaṃ parisuddhaṃ ahoṣi.

Ñattajjhāpanno ayamāyasmā bhikkhu yasapattoti ayamāyasmā amhākaṃ Satthā bhikkhu ñattaṃ paññātabhāvaṃ pākaṭabhāvaṃ ajjhāpanno nu kho, sayañca parivārasampattiṃ patto nu kho noti. Tena cassa paññātajjhāpannabhāvena yasaṇṇissitabhāvena ca kiṃ ekacce ādīnavā sandissanti udāhu noti evaṃ samannesantūti dasseti. **Na tāva bhikkhaveti** bhikkhave yāva bhikkhu na rājarājamahāmatādīsu abhiññātabhāvaṃ vā parivārasampattiṃ vā āpanno hoti, tāva ekacce mānātimānādayo ādīnavā na samvijjanti upasantūpasanto viya sotāpanno² viya sakadāgāmī viya ca viharati, ariyo nu kho puthujjano nu khotipi ñātuṃ na sakkā hoti.

1. Khu 5. 165 piṭṭhe.

2. Upasantūpasanto sotāpanno (Sī)

Yato ca kho bhikkhaveti yadā pana idhekacco bhikkhu ñāto hoti parivārasampanno vā, tadā tiṅhena siṅgena gogaṇaṃ vijjhanto duṭṭhagoṇo viya migasaṃghaṃ¹ abhimaddamāno dīpi viya ca aññe bhikkhū tattha tattha vijjhanto agāravo asabhāgavutti aggapādena bhūmim phusanto viya carati. Ekacco pana kulaputto yathā yathā ñāto hoti yasassī, tathā tathā phalabhārabbharito viya sāli suṭṭhutarāṃ onamati, rājarājamahāmattdāsu upasaṅkamantesu akiñcanabhāvaṃ paccavekkhitvā samaṇasaññaṃ upaṭṭhapetvā chinnavisāṇa-usabho viya caṇḍāladārako viya ca sorato nivāto nīcacitto hutvā bhikkhusaṃghassa ceva sadevakassa ca lokassa hitāya sukhāya paṭipajjati, evarūpaṃ paṭipattiṃ sandhāya “nāssa idhekacce ādīnavā”ti āha.

Tathāgato pana aṭṭhasu lokadhammesu² tādī, so hi lābhēpi tādī, alābhēpi tādī, yasepi tādī, ayasepi tādī, pasamsāyapi tādī, nindāyapi tādī, sukhepi tādī, dukkhepi tādī, tasmā sabbākārena nāssa idhekacce ādīnavā samvijjanti³.

Abhayūparatoti abhayo hutvā uparato, accantūparato satatūparatoti attho. Na vā bhayena uparatotipi abhayūparato. Cattāri hi bhayāni kilesabhayaṃ vaṭṭabhayaṃ duggatibhayaṃ upavādabhayaṃ. Puthujjano catūhipi bhayehi bhāyati. Sekkhā tīhi, tesāṃ hi duggatibhayaṃ pahīnaṃ, iti satta sekkhā bhayūparatā, khīṇāsavo abhayūparato nāma, tassa hi ekampi bhayaṃ natthi. Kim paravādabhayaṃ natthīti. Natthi. Parānuddayaṃ pana paṭicca “mādisaṃ khīṇāsavaṃ paṭicca sattā mā nassantū”ti upavādaṃ rakkhati, mūluppavāpivihāravāsī⁴ Yasatthero viya.

Thero kira mūluppavāpigāmaṃ piṇḍāya pāvīsi. Athassa upaṭṭhākakuladvāraṃ pattassa pattaṃ gahetvā thaṇḍilapīṭhakaṃ nissāya āsanaṃ paññapesuṃ. Amaccadhītāpi taṃyeva pīṭhakaṃ nissāya paratobhāge nīcataraṃ āsanaṃ paññāpetvā nisīdī. Eko nevāsiko bhikkhu pacchā piṇḍāya pavīṭṭho dvāre ṭhatvāva olokeno thero amaccadhītarā saddhim ekamañce nisinnoti sallakkhetvā “ayaṃ paṃsukūliko vihāreva

1. Migasaṃghassa (Ka)

2. Ṭhānesu (Ka)

3. Khu 7. 88 piṭṭhe.

4. Muluppavāpivihāravāsī (Syā, Ka)

upasantūpasanto viya viharati, antogāme pana upaṭṭhāyikāhi saddhim ekamañce nisīdatī”ti cintetvā “kiṃ nu kho mayā duddiṭṭhan”ti punappunam oloketvā tathāsaññīva hutvā pakkāmi. Theropi bhattakiccam katvā vihāram gantvā vasanaṭṭhānam pavisitvā dvāram pidhāya nisīdi. Nevāsikopi katabhattakicco vihāram gantvā “taṃ paṃsukūlikam niggaṇhitvā vihārā nikkadḍhissāmī”ti asaññatanihārena therassa vasanaṭṭhānam gantvā paribhogaghaṭato ulūkenā udakam gahetvā mahāsaddam karonto pāde dhovi. Thero “ko nu kho ayam asaññatacāriko”ti āvajjanto sabbam ñatvā “ayam mayi manam padosetvā apāyūpago mā ahoṣī”ti vehāsam abbhuggantvā kaṇṇikāmaṇḍalasaṃpāpe pallaṅkena nisīdi. Nevāsiko duṭṭhākārena ghaṭikam ukkhipitvā dvāram vivaritvā anto pavitṭho theram apassanto “heṭṭhāmañcam pavitṭho bhavissati”ti oloketvā tatthāpi apassanto nikkhamitum ārabhi. Thero ukkāsi. Itaro uddham olokeno disvā adhivāsetum asakkonto evamāha “patirūpaṃ te āvuso paṃsukūlika evam ānubhāvasampannassa upaṭṭhāyikāya saddhim ekamañce nisīditum”ti. Pabbajitā nāma bhante mātugāmena saddhim na ekamañce nisīdanti, tumhehi pana duddiṭṭham etanti. Evam khīṇāsavā parānuddayāya upavādam rakkhanti.

Khayā rāgassāti rāgassa khayeneva. Vītarāgattā kāme na paṭisevati, na paṭisaṅkhāya vāretvāti. **Tañceti** evam Tathāgatassa kilesappahānam ñatvā tattha tattha ṭhitanisinnakālādīsupi catuparisamajjhe alaṅkatadhammāsane nisīditvāpi itipi Satthā vītarāgo vītadoso vītamoho vantakilesa pahīnamalo abbhā muttapuñṇacando viya suparisuddhoti evam Tathāgatassa kilesappahāne vaṇṇam kathayamānam taṃ vīmaṃsakam bhikkhum pare evam puccheyyum ceti attho.

Ākārāti kāraṇāni. **Anvayāti** anubuddhiyo. **Samghe vā viharantoti** appekadā aparicchinnaṅgaṇanassa bhikkhusaṃghassa majjhe viharanto. **Eko vā viharantoti** icchāmaham bhikkhave aḍḍhamāsam paṭisallīyitunti, temāsam paṭisallīyitunti evam paṭisallāne ceva Pālīleyyakavanasāṇḍe ca ekako viharanto. **Sugatāti** suṭṭhugatā suppaṭipannā kārakā yuttapayuttā, evarūpāpi hi ekacce bhikkhū atthi.

Duggatāti duṭṭhugatā duppaṭipannā kāyadaḷhibahulā viassaṭṭhakammaṭṭhānā, evarūpāpi ekacce atthi. **Gaṇamanusāsantī**ti gaṇabandhanena baddhā gaṇārāmā gaṇabahulikā hutvā gaṇaṃ pariharanti, evarūpāpi ekacce atthi, tesam paṭipakkhabhūtā gaṇato nissaṭṭha viassaṭṭhā vippamuttavihārinopi atthi.

Āmisesu sandissantīti āmisagiddhā āmisacakkhukā catupaccaya-āmisatthameva āhiṇḍamānā āmisesu sandissamānakabhikkhūpi atthi, āmisena anupalittā catūhi paccayehi vinivattamānasā¹ abbhā muttacandasadisā hutvā viharamānāpi atthi. **Nāyamāyasmā taṃ tena avajānāti**ti ayamāyasmā Satthā tāya tāya paṭipattiyā taṃ taṃ puggalaṃ nāvajānāti, ayaṃ paṭipanno kārako, ayaṃ gaṇato nissaṭṭha viassaṭṭho, ayaṃ āmisena anupalitto paccayehi vinivattamānaso abbhā mutto candimā viyāti evamassa gehasitavasena ussādanāpi natthi. Ayaṃ duppaṭipanno akārako kāyadaḷhibahulo viassaṭṭhakammaṭṭhāno, ayaṃ gaṇabandhanabaddho, ayaṃ āmisagiddho lolo āmisacakkhukoti evamassa gehasitavasena apasādanāpi natthīti attho. Iminā kiṃ kathitaṃ hoti. Tathāgatassa sattesu tāḍibhāvo kathito hoti. Ayaṃ hi—

“Vadhakassa Devadattassa, corassaṅgulimālino.

Dhanapāle Rāhule ca, sabbesaṃ samako Muni”².

489. **Tatra bhikkhveti** tesu dvīsu vīmaṃsakesu. Yo³ “ke paṇāyasmato ākāra”ti pucchāyaṃ āgato gaṇṭivīmaṃsako ca, yo “abhayūparato ayamāyasmā”ti āgato mūlavīmaṃsako ca. Tesu mūlavīmaṃsakena Tathāgatova uttari paṭipucchitabbo. So hi pubbe parasseva kathāya niṭṭhaṅgato, paro ca nāma jānitvāpi katheyya ajānitvāpi, evamassa kathā bhūtāpi hoti abhūtāpi, tasmā parasseva kathāya niṭṭhaṃ agantvā tato uttari Tathāgatova paṭipucchitabboti attho.

Byākaramānoti ettha yasmā Tathāgatassa micchābyākaraṇaṃ nāma natthi, tasmā sammā micchāti avatvā byākaramānotveva vuttaṃ. **Etam**

1. Vivaṭamānaso (Syā), vivittamānaso (Ka)

2. Khu 11. 396 piṭṭhe Milindapañhe atthato samānaṃ.

3. Yo cāyaṃ (Sī, Syā)

pathohamasmi etaṃ gocaroti esa mayhaṃ patho esa gocaroti attho. “Eṭāpātho”tipi pātho, tassattho mayhaṃ ājīvaṭṭhamakasīlaṃ parisuddhaṃ, svāhaṃ tassa parisuddhabhāvena vīmaṃsakassa bhikkhuno ñāṇamukhe eṭāpātho, evaṃ āpāthaṃ gacchāmīti¹ vuttaṃ hoti. **Noca tena tammayoti** tenapi cāhaṃ parisuddhena sīlena na tammayo na sataṇho parisuddhasīlattāva nittaṇhohamasmīti dīpeti.

Uttaruttarim paṇītapanaṇītanti uttaruttarim ceva paṇītatarāñca katvā deseti. **Kaṇhasukkasappaṭibhāganti** kaṇhaṃ ceva sukkañca, tañca kho sappaṭibhāgaṃ savipakkhaṃ katvā kaṇhaṃ paṭibāhitvā sukkanti sukkaṃ paṭibāhitvā kaṇhanti evaṃ sappaṭibhāgaṃ katvā kaṇhasukkaṃ deseti. Kaṇhaṃ desentopi sa-ussāhaṃ savipākaṃ deseti, sukkaṃ desentopi sa-ussāhaṃ savipākaṃ deseti. **Abhiññāya idhekaccaṃ dhammaṃ dhammesu niṭṭhaṃ gacchatīti** tasmim desite dhamme ekaccaṃ paṭivedhadhammaṃ abhiññāya tena paṭivedhadhammena² desanādhamme niṭṭhaṃ gacchati. **Satthari pasīdatīti** evaṃ dhamme niṭṭhaṃ gantvā bhīyyoso mattāya Sammāsambuddho so Bhagavatī Satthari pasīdati. Tena pana Bhagavatā yo dhammo akkhāto, sopi svākkhāto Bhagavatā dhammo niyyānikattā, yvāssa taṃ dhammaṃ paṭipanno saṃgho, sopi suppaṭipanno vaṅkādidosarahitaṃ paṭipadaṃ paṭipannattāti evaṃ dhamme saṃghepi pasīdati. **Tañceti** taṃ evaṃ pasannaṃ tattha tattha tiṇṇaṃ ratanānaṃ vaṇṇaṃ kathentaṃ bhikkhuṃ.

490. **Imehi ākārehīti** imehi Satthuvīmaṃsanakāraṇehi. **Imehi padehīti** imehi akkharasampiṇḍanapadehi. **Imehi byañjanehīti** imehi idha vuttehi akkharehi. **Saddhā nivīṭṭhāti** okappanā paṭiṭṭhitā. **Mūlajātāti** sotāpattimaggavasena sañjātamūlā. Sotāpattimaggo hi saddhāya mūlaṃ nāma. **Ākāravatīti** kāraṇaṃ pariyesitvā gahitattā sakāraṇā³. **Dassanamūlikāti** sotāpattimaggamūlikā. So hi dassananti vuccati. **Dalḥāti** thirā. **Asaṃhāriyāti** haritum na sakkā. **Samaṇena vāti** samitapāpasamaṇena vā. **Brāhmaṇena vāti** bāhitapāpabrāhmaṇena vā. **Devena vāti** upapattidevena vā. **Mārena vāti**

1. Āgacchāmīti (Sī, Syā)

2. Tena abhiññātena paṭivedhadhammena (Sī, Syā)

3. Pakāravatī (Ka)

vasavattimārena vā, sotāpannessa hi vasavattimārenāpi saddhā asaṃhāriyā hoti Sūrambaṭṭhassa viya¹.

So kira Satthu dhammadesanaṃ sutvā sotāpanno hutvā gehaṃ āgato. Atha māro dvattimsavaralakkhaṇappaṭimaṇḍitaṃ Buddharūpaṃ māpetvā tassa gharadvāre ṭhatvā “Satthā āgato”ti sāsanaṃ paṇiṇi. Sūro cintesi “ahaṃ idāneva Satthu santikā dhammaṃ sutvā āgato, kiṃ nu kho bhavissati”ti upasaṅkamitvā Satthusaññāya vanditvā aṭṭhāsi. Māro āha “yaṃ te mayā Sūrambaṭṭha rūpaṃ aniccaṃ -pa- viññānaṃ aniccanti kathitaṃ, taṃ anupadhāretvāva sahasā mayā evaṃ vuttaṃ, tasmā tvaṃ rūpaṃ niccaṃ -pa- viññānaṃ niccanti gaṇhāhi”ti. Sūro cintesi “aṭṭhānametaṃ, yaṃ Buddhā anupadhāretvā apaccakkaṃ katvā kiñci katheyyuṃ, addhā ayaṃ mayhaṃ vibādhanatthaṃ² māro āgato”ti. Tato naṃ tvaṃ māroti³ āha. So musāvādaṃ kātuṃ nāsakki, āma mārosmīti paṭijāni. Kasmā āgatosīti vutte tava saddhācālanatthanti āha. Kaṇha pāpima tvaṃ tāva ekako tiṭṭha, tādisānaṃ mārānaṃ satampi sahasampi mama saddhaṃ cāletuṃ asamatthaṃ, maggena āgatā saddhā nāma silāpathaviyaṃ paṭiṭṭhitasineru viya acalā hoti, kiṃ tvaṃ etthāti accharaṃ pahari. So ṭhātuṃ asakko tatthevantaradhāyi. **Brahmunā vā**ti brahmakāyikādīsu aññatarabrahmunā vā. **Kenaci vā lokasminti** ete samaṇādayo ṭhapetvā aññenapi kenaci vā lokasmiṃ harituṃ na sakkā. **Dhammasamannesanā**ti sabhāvasamannesanā. **Dhammatāsusamanniṭṭho**ti dhammatāya susamanniṭṭho, sabhāveneva suṭṭhu samannesito hotīti attho. Sesāṃ sabbattha uttānamevāti.

Papañcasūdanīyā Majjhimanikāyaṭṭhakathāya

Vimaṃsakasuttavaṇṇanā niṭṭhitā.

8. Kosambiyasuttavaṇṇanā

491. **Evaṃ me sutanti** Kosambiyasuttaṃ. Tattha **Kosambiyanti** evaṃnāmake nagare. Tassa kira nagarassa ārāmapokkharāṇī-ādīsu tesu tesu ṭhānesu kosambarukkhāva ussannā ahesuṃ, tasmā Kosambīti saṅkhaṃ agamāsi. Kusambassa nāma isino assamato avidūre

1. Sūramuṭṭhassa viya (Ka)

2. Vicchandajananatthaṃ (Sī, Syā)

3. Nanu tvaṃ māroti (Sī)

māpitattātipi eke. **Ghositārāmeti** Ghositaseṭṭhinā kārite ārāme.

Pubbe kira Addilaraṭṭham¹ nāma ahosi, tato Kotūhalako nāma daliddo chātakabhayena saputtadāro kedāraparicchinnaṃ subhikkhaṃ raṭṭhaṃ gacchanto puttaṃ vahituṃ asakkonto chaḍḍetvā agamāsi. Mātā nivattivā taṃ gahetvā gatā, te ekaṃ gopālakagāmakam pavisimsu, gopālakānañca tadā pahūtapāyaso² paṭiyatto hoti, tato pāyasam labhitvā bhuñjimsu, atha so puriso pahūtapāyasam³ bhuñjitvā jirāpetuṃ asakkonto rattibhāge kālam katvā tattheva sunakhiyā kucchimhi paṭisandhim gahetvā kukkuro jāto, so gopālakassa piyo ahosi manāpo, gopālako ca Paccekabuddham upaṭṭhāsi. Paccekabuddhopi bhatakkicavasāne kukkurassa ekaṃ piṇḍam deti, so Paccekabuddhe sineham uppādetvā gopālakena saddhim paṇṇasālampi gacchati.

So gopālake asannihite bhattavelāya sayameva gantvā kālārocanattham paṇṇasāladvāre bhussati, antarāmaggepi caṇḍamige disvā bhussivā palāpeti, so Paccekabuddhe mudukena cittena kālam katvā devaloke nibbatti, tatrassa Ghosakadevaputtotveva nāmam ahosi, so devalokato cavitvā Kosambiyam ekasmiṃ kulaghare nibbatti, taṃ aputtako seṭṭhi tassa mātāpitūnam dhanam datvā puttaṃ katvā aggahesi, atha so attano putte jāte sattakkhattuṃ mārāpetuṃ upakkami, so puñṇavantatāya sattasupi ṭhānesu maraṇam appatvā avasāne ekāya seṭṭhidhītāya veyyattiyena laddhajiviko aparabhāge pitu-accayena seṭṭhiṭṭhānam patvā **Ghositaseṭṭhi** nāma jāto, aññepi Kosambiyam Kukkuṭaseṭṭhi Pāvārikaseṭṭhīti dve seṭṭhino atthi, iminā saddhim tayo ahesuṃ.

Tena ca samayena tesam sahāyakānam seṭṭhīnam kulūpakā pañcasatā⁴ isayo pabbatapāde vasimsu, te kālena kālam loṇambilasevanatthāya manussapatham āgacchanti. Athekasmiṃ vāre gimhasamaye

1. Adilaraṭṭham (Syā), andhilaraṭṭham (Ka)

3. Balavapāyasam (Sī)

2. Bahupāyāso (Sī)

4. Paññāsa (Ka)

manussapathamā āgacchantā nirudakamahākantārāṃ atikkamitvā kantārapariyosāne mahantaṃ nigrodharukkhamā disvā cintesum “yādiso ayaṃ rukkho, addhā ettha mahesakkhāya devatāya bhavitabbaṃ, sādhu vatassa, sace no pānīyaṃ vā bhojanīyaṃ vā dadeyyā”ti. Devatā isīnaṃ ajjhāsayaṃ viditvā imesaṃ saṅghaṃ karissāmīti attano ānubhāvena viṭapantarato naṅgalasīsamattaṃ udakadhāraṃ pavattesi. Isigaṇo rajatakkhandhasadisāṃ udakavaṭṭimā disvā attano bhājanehi udakaṃ gahetvā paribhogaṃ katvā cintesi “devatāya amhākaṃ paribhoga-udakaṃ dinnāṃ, idaṃ pana agāmakāṃ mahā-araññaṃ, sādhu vatassa, sace no āhāraṃ dadeyyā”ti. Devatā isīnaṃ upasaṃkappanavasena dibbāni yāgukhajjakādīni datvā santappesi. Isayo cintayimsu “devatāya amhākaṃ paribhoga-udakampi bhojanampi sabbaṃ dinnāṃ, sādhu vatassa, sace no attānaṃ dasseyyā”ti.

Devatā tesāṃ ajjhāsayaṃ viditvā upaḍḍhakāyaṃ dassesi. Te āhaṃsu “devate mahatī te sampatti, kiṃ kammaṃ katvā imaṃ sampattiṃ adhigatāsī”ti. Bhante nātimahantaṃ parittakaṃ kammaṃ katvāti, upaḍḍha-uposathakammaṃ nissāya hi devatāya sā sampatti laddhā.

Anāthapiṇḍikassa kira gehe ayaṃ devaputto kammakāro ahoṣi. Seṭṭhissa hi gehe uposathadivasesu antamaso dāsakammakāre upādāya sabbo jano uposathiko hoti, ekadivasaṃ ayaṃ kammakāro ekakova pāto uṭṭhāya kammantaṃ gato, mahāseṭṭhi nivāpaṃ labhanamanusse sallakkhento etassevekassa araññaṃ gatabhāvaṃ ñatvā assa sāyamāsathāya nivāpaṃ adāsī. Bhattakārikā dāsī ekasseva bhantaṃ pacitvā araññaṃ āgatassa bhantaṃ vaḍḍhetvā adāsī, kammakāro āha “aññesu divasesu imasmimā kāle gehaṃ ekasaddaṃ ahoṣi, ajja ativiya sannisinnaṃ, kiṃ nu kho etaṃ”ti. Tassa sā ācikkhi “ajja imasmimā gehe sabbe manussā uposathikā, mahāseṭṭhi tuyhevekassa nivāpaṃ adāsī”ti. Evaṃ ammāti. Āma sāmīti. Imasmimā kāle uposathaṃ samādinnaṃ uposathakammaṃ hoti na hotīti mahāseṭṭhiṃ puccha ammāti. Tāya gantvā pucchito mahāseṭṭhi āha “sakala-uposathakammaṃ na hoti, upaḍḍhakammaṃ pana hoti, uposathiko

hotū”ti. Kammakāro bhattaṃ abhuñjivā mukhaṃ vikkhāletvā uposathiko hutvā vasanaṭṭhānaṃ gantvā nipajji. Tassa āhāraparikkhīṇakāyassa rattim vāto kuppi, so paccūsasamaye kālaṃ katvā upaḍḍha-uposathakammanissandena mahāvaṭṭani-aṭaviyaṃ nigrodharukkhe devaputto hutvā nibbatti. So taṃ pavattim isīnaṃ ārocesi.

Isayo tumhehi mayaṃ¹ Buddho dhammo saṅghoti asutapubbaṃ sāvita², uppanno nu kho loke Buddhoti. Āma bhante uppannoti. Idāni kuhiṃ vasatīti. Sāvattim nissāya Jetavane bhanteti. Isayo tiṭṭhatha tāva tumhe mayaṃ Satthāraṃ passissāmāti haṭṭhatuṭṭhā nikkhamitvā anupubbena Kosambinagaraṃ sampāpuṇimsu, mahāseṭṭhino “isayo āgatā”ti paccuggamaṃ katvā “sve amhākaṃ bhikkhaṃ gaṇhatha bhante”ti nimantentvā punadivase isigaṇassa mahādānaṃ adaṃsu. Isayo bhuñjivāva gacchāmāti āpucchimsu. Tumhe bhante aññasmim kāle ekampi māsaṃ dvepe tayopi cattāropi māse vasitvā gacchatha, imasmim pana vāre hiyyo āgantvā ajjeva gacchāmāti vadatha, kim idanti. Āma gahapatayo Buddho loke uppanno, na kho pana sakkā jīvitantarāyo viditum, tena mayaṃ turitā gacchāmāti. Tena hi bhante mayampi gacchāma, amhehi saddhimyeva gacchathāti. Tumhe agāriyā nāma mahājaṭā, tiṭṭhatha tumhe, mayaṃ puretaraṃ gamissāmāti nikkhamitvā ekasmim ṭhāne dvepe divasāni avasitvā turitagamaneneva Sāvattim patvā Jetavanavihāre Satthu santikameva agamaṃsu, Satthu madhuradhammakathaṃ sutvā sabbeva pabbajitvā arahattaṃ pāpuṇimsu.

Tepi tayo seṭṭhino pañcahi pañcahi sakaṭasatehi sappimadhuphāṇitādīni ceva paṭṭunnadukūlādīni ca³ ādāya Kosambito nikkhamitvā anupubbena Sāvattim patvā Jetavanasāmante khandhāvāraṃ bandhitvā Satthu santikaṃ gantvā vanditvā paṭisanthāraṃ katvā ekamantaṃ nisīdimsu. Satthā tiṇṇampi sahāyakānaṃ madhuradhammakathaṃ kathesi. Te balavasomanassajātā Satthāraṃ nimantetvā punadivase mahādānaṃ adaṃsu, puna nimantetvā punadivaseti evaṃ adḍhamāsaṃ dānaṃ datvā “amhākaṃ janapadaṃ āgamanāya paṭiññaṃ dethā”ti pādamaṃ nipajjimsu. Bhagavā “suññāgāre kho gahapatayo Tathāgatā abhiraṃanti”ti āha. Ettāvatā paṭiññā dinnā nāma hotīti

1. Mayhaṃ (Syā, Ka) 2. Sāvitaṃ (Sī, Syā, Ka) 3. Paṭṭadukūlādīni ca (Sī, Syā)

gahapatayo sallakkhetvā dinnā no Bhagavatā paṭiññāti Dasabalaṃ vanditvā nikkhamitvā antarāmagge yojane yojane ṭhāne vihāraṃ kāretvā anupubbena Kosambin̄ patvā “loke Buddho uppanno”ti kathayim̄su. Tayopi janā attano attano ārāme mahantaṃ dhanapariccāgaṃ katvā Bhagavato vasanattāyā vihāre kārāpayim̄su. Tattha Kukkuṭaseṭṭhinā kārīto **Kukkuṭārāmo** nāma ahoṣi. Pāvārikaseṭṭhinā Ambavane kārīto **Pāvārikambavano** nāma ahoṣi. Ghositena kārīto **Ghositārāmo** nāma ahoṣi. Taṃ sandhāya vuttaṃ “Ghositaseṭṭhinā kārīte ārāme”ti.

Bhaṇḍanaajātāti-ādīsu kalahassa pubbabhāgo bhaṇḍanaṃ nāma, taṃ jātaṃ etesanti **bhaṇḍanaajātā**. Hatthaparāmāsādivasena matthakaṃ patto kalaho jāto etesanti **kalahajātā**. Viruddhabhūtaṃ vādanti vivādaṃ, taṃ āpannāti **vivādāpannā**. **Mukhasattīhī**ti vācāsattīhi. **Vitudantā**ti vijjhantā. **Te na ceva aññamaññaṃ saññāpentī na ca saññattim̄ upentī**ti te atthañca kārāṇaṃca dassetvā neva aññamaññaṃ jānāpentī. Sacepi saññāpetum̄ ārabhanti, tathāpi saññattim̄ na upenti, jānitum̄ na icchantīti attho. Nijjhattiyāpi eseva nayo. Ettha ca **nijjhattī**ti saññattivevacanamevetam̄. Kasmā panete bhaṇḍanaajātā ahesunti? Appamattakena kārāṇena.

Dve kira bhikkhū ekasmiṃ āvāse vasanti vinayadharo ca suttantiko ca. Tesu suttantiko bhikkhu ekadivasaṃ vaccakuṭim̄ pavīṭṭho ācamana-udakāvasesaṃ bhājane ṭhapetvāva nikkhami. Vinayadharo pacchā pavīṭṭho taṃ udakaṃ disvā nikkhamitvā taṃ bhikkhum̄ pucchi, āvuso tayā idaṃ udakaṃ ṭhapitanti. Āma āvusoti. Tvaṃ ettha āpattibhāvaṃ na jānāsīti. Āma na jānāmīti. Hoti āvuso ettha āpattīti. Sace hoti desessāmīti. Sace pana te āvuso asaṅcicca asatiyā kataṃ, natthi te āpattīti. So tassā āpattiyā anāpattidiṭṭhi ahoṣi.

Vinayadharo attano nissitakānaṃ “ayaṃ suttantiko āpattim̄ āpajjamānopi na jānātī”ti ārocesi. Te tassa nissitake disvā “tumbhākaṃ upajjhāyo āpattim̄ āpajjitvāpi āpattibhāvaṃ na jānātī”ti āhaṃsu. Te gantvā attano upajjhāyassa ārocesum̄.

So evamāha “ayaṃ vinayadharo pubbe ‘anāpattī’ti vatvā idāni ‘āpattī’ti vadati, musāvādī eso”ti. Te gantvā “tumhākaṃ upajjhāyo musāvādī”ti evaṃ aññamaññaṃ kalahaṃ vaḍḍhayimsu, taṃ sandhāyetaṃ vuttaṃ.

Bhagavantaṃ etadavocāti etaṃ “idha bhante Kosambiyaṃ bhikkhū bhaṇḍana-jātā”ti-ādivacanaṃ avoca. Tañca kho neva piyakamyatāya na bhedādhippāyena, atha kho atthakāmatāya hitakāmatāya. Sāmaggikārako kiresa bhikkhu, tasmāssa etadahosi “yathā ime bhikkhū vivādaṃ āraddhā, na sakkā mayā, nāpi aññena bhikkhunā samaggā kātum, appeva nāma sadevake loke appaṭipuggalo Bhagavā sayāṃ vā gantvā, attano vā santikaṃ pakkosāpetvā etesaṃ bhikkhūnaṃ khantimettapaṭisamyuttaṃ sāraṇīyadhammadesanaṃ kathetvā sāmaggiṃ kareyyā”ti atthakāmatāya hitakāmatāya gantvā avoca.

492. **Chayime bhikkhave dhammā sāraṇīyāti** heṭṭhā kalahabhaṇḍanavasena desanā āraddhā. Imasmiṃ ṭhāne cha sāraṇīyā dhammā āgatāti evamidam Kosambiyasuttaṃ yathānusandhināva gataṃ hoti, tattha **sāraṇīyāti** saritabbayuttā addhāne atikkantepi na pamussitabbā. Yo te dhamme pūreti, taṃ sabrahmacārīnaṃ piyaṃ karontīti **piyakaraṇā**. Garuṃ karontīti **garukaraṇā**. **Saṅgahāyāti** saṅgahaṇatthāya. **Avivādāyāti** avivādanatthāya. **Sāmaggiyāti** samaggabhāvatthāya. **Ekībhāvāyāti** ekībhāvatthāya ninnānakaraṇāya. **Saṃvattantīti** bhavanti. **Mettaṃ kāyakammaṃ** mettacittena kattabbaṃ kāyakammaṃ. **Vacīkammamanokammesupi** eseva nayo. Imāni bhikkhūnaṃ vasena āgatāni, gihīsupi labbhantiyeva. Bhikkhūnaṃ hi mettacittena ābhisamācārikadhammapūraṇaṃ mettaṃ kāyakammaṃ nāma. Gihīnaṃ cetiyavandanatthāya bodhivandanatthāya saṃghanimantanatthāya gamaṇaṃ gāmaṃ piṇḍāya pavīṭṭhe bhikkhū disvā paccuggamaṇaṃ pattapaṭiggahaṇaṃ āsanapaññāpanaṃ anugamaṇanti evamādikaṃ mettaṃ kāyakammaṃ nāma.

Bhikkhūnaṃ mettacittena ācārapaññattisikkhāpadaṃ kammaṭṭhānakathanāṃ dhammadesanā Tepiṭakampi Buddhavacanaṃ **mettaṃ vacīkammaṃ** nāma. Gihīnañca “cetiavandanatthāya gacchāma, bodhivandanatthāya gacchāma, dhammassavanaṃ karissāma, paḍīpamālāpupphapūjaṃ karissāma, tīṇi sucaritāni samādāya vattissāma, salākabhattādīni dassāma, vassāvāsikaṃ dassāma, ajja

saṅghassa cattāro paccaye dassāma, saṅghaṃ nimantetvā khādanīyādīni saṃvidahatha, āsanāni paññāpetha, pānīyaṃ upaṭṭhapetha, saṅghaṃ paccuggantvā ānetha, paññattāsane nisīdāpetvā chandajātā ussāhajātā veyyāvaccamaṃ karoṭhā”ti-ādikathanakāle mettaṃ vacīkammaṃ nāma.

Bhikkhūnaṃ pātova uṭṭhāya sarīrapaṭiḷḷaṃ cetiyaṅgaṇavattādīni ca katvā vivittāsane nisīditvā “imasmim vihare bhikkhū sukhī hontu, averā abyāpajjhā”ti cintanaṃ **mettaṃ manokammaṃ** nāma. Gihīnaṃ “ayyā sukhī hontu, averā abyāpajjhā”ti cintanaṃ mettaṃ manokammaṃ nāma.

Āvi ceva raho cāti sammukhā ca parammukhā ca. Tattha navakānaṃ cīvarakammādīsu saḥāyabhāvūpagamaṇaṃ sammukhā mettaṃ kāyakammaṃ nāma. Therānaṃ pana pādadhovanavandanabījanadānādibhedampi sabbāni sāmīcīkammaṃ sammukhā mettaṃ kāyakammaṃ nāma. Ubhayehipi dunnikkhittānaṃ dārubhaṇḍādīnaṃ tesu avamaññaṃ akatvā attanā dunnikkhittānaṃ viya paṭisāmaṇaṃ parammukhā mettaṃ kāyakammaṃ nāma. Devatthero¹ Tissattheroti evaṃ paggayha vacanaṃ sammukhā mettaṃ vacīkammaṃ nāma. Vihāre asantaṃ pana paripucchantassa kuhiṃ amhākaṃ Devatthero, amhākaṃ Tissatthero kadā nu kho āgamiṣṣatīti evaṃ mamāyanavacanaṃ parammukhā mettaṃ vacīkammaṃ nāma. Mettāsinehasiniddhāni pana nayanāni ummīletvā suppasannena mukhena olokaṇaṃ sammukhā mettaṃ manokammaṃ nāma. Devatthero, Tissatthero arogo hotu appābādhoti samannāharaṇaṃ parammukhā mettaṃ manokammaṃ nāma.

Lābhāti cīvarādayo laddhapaccayā. **Dhammikāti** kuhanādibhedāni micchājīvaṃ vajjetvā dhammena samena bhikkhācariyavattena uppannā. **Antamaso pattapariyāpannamattampīti** pacchimakoṭīyā patte pariyāpannaṃ pattassa antogataṃ dvattikaṭacchubhikkhāmmattampi. **Appaṭivibhattabhogīti** ettha dve paṭivibhattāni nāma āmisapaṭivibhattaṃ puggalapaṭivibhattaṃ ca. Tattha “ettakaṃ dassāmi, ettakaṃ na dassāmi”ti evaṃ cittaṇa vibhajaṇaṃ āmisapaṭivibhattaṃ nāma. “Asukassa dassāmi, asukassa na dassāmi”ti evaṃ cittaṇa vibhajaṇaṃ pana puggalapaṭivibhattaṃ nāma. Tadubhayampi akatvā yo appaṭivibhattaṃ bhuñjati, ayaṃ **appaṭivibhattabhogī** nāma.

1. Revatthero (Ka)

Sīlavantehi sabrahmacārīhi sādharmaṇabhogīti ettha sādharmaṇabhogino idaṃ lakkhaṇaṃ, yaṃ yaṃ paṇītaṃ labbhati, taṃ taṃ neva lābhena lābhaṃ jigīsanāmukhena gihīnaṃ deti, na attanā paribhuñjati, paṭiggaṇhantova saṃghena sādharmaṇaṃ hotūti gahetvā gaṇḍim paharivā paribhuñjitabbaṃ saṃghasantakaṃ viya passati. Idaṃ pana sāraṇīyadhammaṃ ko pūreti, ko na pūretīti. Dussīlo tāva na pūreti, na hi tassa santakaṃ sīlavantā gaṇhanti, parisuddhasīlo pana vattaṃ akhaṇḍento pūreti.

Tatridaṃ vattaṃ—yo hi odissakaṃ katvā mātu vā pitu vā ācariyupajjhāyādīnaṃ vā deti, so dātabbaṃ deti¹, sāraṇīyadhammo panassa na hoti, palibodhajagganaṃ nāma hoti. Sāraṇīyadhammo hi muttapalibodhasseva vaṭṭati, tena pana odissakaṃ dentena gilānagilānupaṭṭhāka-āgantukagamikānaṃ ceva navapabbajitassa ca saṃghāṭipattaggahaṇaṃ ajānantassa dātabbaṃ. Etesaṃ datvā avasesaṃ therāsanato paṭṭhāya thokaṃ thokaṃ adatvā yo yattakaṃ gaṇhāti, tassa tattakaṃ dātabbaṃ. Avasiṭṭhe asati puna piṇḍāya caritvā therāsanato paṭṭhāya yaṃ yaṃ paṇītaṃ, taṃ taṃ datvā sesaṃ paribhuñjitabbaṃ, “sīlavantehī”ti vacanato dussīlassa adātumpi vaṭṭati.

Ayaṃ pana sāraṇīyadhammo susikkhitāya² parisāya supūro hoti³, no asikkhitāya parisāya. Susikkhitāya⁴ hi parisāya yo aññato labbhati, so na gaṇhāti, aññato alabhantopi pamāṇayuttameva gaṇhāti, na atirekaṃ. Ayañca pana sāraṇīyadhammo evaṃ punappunaṃ piṇḍāya caritvā laddhaṃ laddhaṃ dentassāpi dvādasahi vassehi pūrati, na tato oraṃ. Sace hi dvādasamepi vasse sāraṇīyadhammapūrako piṇḍapātapūraṃ pattāṃ āsanāsālāyaṃ ṭhapetvā nahāyitum gacchati, saṃghatthero ca kassesopattoti. Sāraṇīyadhammapūrakassāti vutte “āharatha nan”ti sabbaṃ piṇḍapātaṃ vicāretvā bhuñjitvā ca rittapattāṃ ṭhapeti, atha so bhikkhu rittapattāṃ disvā “mayhaṃ asesetvāva paribhuñjimsū”ti domanassaṃ uppādeti, sāraṇīyadhammo bhijjati, puna dvādasa vassāni

1. Detu (Sī)

3. Apūro hoti (Sī, Syā)

2. Asikkhitāya (Sī, Syā)

4. Sikkhitāya (Sī)

pūretabbo hoti, titthiyaparivāasadiso hesa. Sakim̄ khaṇḍe jāte puna pūretabbova. Yo pana “lābhā vata me, suladdham̄ vata me, yassa me pattagataṃ anāpucchāva sabrahmacārī paribhuñjanti”ti somanassaṃ janeti, tassa Puṇṇo nāma hoti.

Evam̄ pūritasāraṇīyadhammassa pana neva issā, na macchariyam̄ hoti, so manussānam̄ piyo hoti sulabhapaccayo, pattagatamassa dīyamānampi na khīyati, bhājanīyabhaṇḍaṭṭhāne aggabhaṇḍam̄ labhati, bhaye vā chātake vā sampatte devatā ussukkam̄ āpajjanti.

Tatrimāni vatthūni—Leṇagirivāsī¹ Tissatthero kira Mahāgirigāmam̄ upanissāya vasati, paññāsa mahātherā Nāgadīpam̄ cetiyavandanatthāya gacchantā Girigāme piṇḍāya caritvā kiñci aladdhā nikkhamimsu. Thero pavisanto te disvā pucchi “laddham̄ bhante”ti. Vicarimhā āvusoti. So aladdhabhāvam̄ ñatvā āha “yāvāham̄ bhante āgacchāmi, tāva idheva hothā”ti. Mayam̄ āvuso paññāsa janā pattatemanamattampi na labhimhāti. Nevāsikā nāma bhante paṭibalā honti, alabhantāpi bhikkhācāramaggasabhāvam̄ jānantīti. Therā āgamimsu. Thero gāmam̄ pāvīsi, dhurageheyeva mahā-upāsikā khīrabhattam̄ sajjetvā theram̄ olokayamānā ṭhitā therassa dvāram̄ sampattasseva pattam̄ pūretvā adāsi, so tam̄ ādāya therānam̄ santikam̄ gantvā “gaṇhatha bhante”ti saṅghattheram̄ āha. Thero “amhehi ettakehi kiñci na laddham̄, ayam̄ sīghameva gahetvā āgato, kim̄ nu kho”ti sesānam̄ mukham̄ olokesi. Thero olokanākārenea ñatvā “dhammena samena laddhapiṇḍapāto, nikkukkucā gaṇhatha bhante”ti ādito paṭṭhāya sabbesam̄ yāvadattham̄ datvā attanāpi yāvadattham̄ bhuñji.

Atha nam̄ bhattakiccāvasāne therā puchimsu “kadā āvuso lokuttaradhammam̄ paṭivijjhī”ti. Natthi me bhante lokuttaradhammoti. Jhānalābhīsi āvusoti. Etampi me bhante natthīti. Nanu āvuso pāṭihāriyanti. Sāraṇīyadhammo me bhante pūrito, tassa me dhammassa

1. Loṇagirivāsī (Sī), Selāgirivāsī (Syā), Senagirivāsī (Dī-Ṭṭha 2. 124)

pūritakālato paṭṭhāya sacepi bhikkhusatasahassam¹ hoti, pattagataṃ na khīyatīti. Sādhu sādhu sappurisa, anucchavikamidaṃ tuyhanti. Idaṃ tāva **pattagataṃ na khīyatīti** ettha vatthu.

Ayameva pana thero Cetiyaḥpabbate giribhaṇḍamahāpūjāya dānaṭṭhānaṃ gantvā “imasmim ṭhāne kiṃ varabhaṇḍan”ti pucchati. Dve sāṭakā bhanteti. Ete mayhaṃ pāpuṇissantīti. Taṃ sutvā amacco rañño ārocesi “eko daharo evaṃ vadati”ti. “Daharassevaṃ cittaṃ, mahātherānaṃ pana sukhumasāṭakā vaṭṭanti”ti vatvā “mahātherānaṃ dassāmī”ti ṭhapesi. Tassa bhikkhusaṅghe paṭipāṭiyā ṭhite dentassa matthake ṭhapitāpi te sāṭakā hatthaṃ nārohanti, aññeva ārohanti. Daharassa dānakāle pana hatthaṃ nārohanti, aññeva ārohanti. Daharassa dānakāle pana hatthaṃ āruḷhā. So tassa hatthe ṭhapetvā amaccassa mukhaṃ oloketvā daharaṃ nisīdāpetvā dānaṃ datvā saṅghaṃ vissajjetvā daharassa santike nisīditvā “kadā bhante imaṃ dhammaṃ paṭivijjhithā”ti āha. So pariyāyenapi asantaṃ avadanto “natthi mayhaṃ mahārāja lokuttaradhammo”ti āha. Nanu bhante pubbeva avacutthāti. Āma mahārāja, sāraṇīyadhammapūrako ahaṃ, tassa me dhammassa pūritakālato paṭṭhāya bhājanīyabhaṇḍaṭṭhāne aggabhaṇḍaṃ pāpuṇātīti. Sādhu sādhu bhante, anucchavikamidaṃ tumhākanti vanditvā² pakkāmi. Idaṃ **bhājanīyabhaṇḍaṭṭhāne aggabhaṇḍaṃ pāpuṇātīti** ettha vatthu.

Brāhmaṇatissabhaye³ pana Bhātaragāmaḥvāsino Nāgattheriyā anārocetvāva palāyimsu. Therī paccūsakāle “ativiya appanigghoso gāmo, upadhāretha tāvā”ti daharabhikkhuniyo āha. Tā gantvā sabbesaṃ gatabhāvaṃ ṇatvā āgamma theriyā ārocesuṃ. Sā sutvā “mā tumhe tesam gatabhāvaṃ cintayittha, attano uddesaparipucchāyonisomanasikāresuyeva yogaṃ karoṭhā”ti vatvā bhikkhācāraḥvelāya pārupitvā attadvādasamā⁴ gāmadvāre nigodharukkhamūle aṭṭhāsi. Rukkhe adhivatthā devatā dvādasannampi bhikkhunīnaṃ piṇḍapātaṃ datvā “ayye aññattha mā gacchatha, niccaṃ idheva ethā”ti āha. Theriyā pana

1. Bhikkhusahassam (Sī, Syā)

2. Vatvā (Ka)

3. Caṇḍālatiyabhaye (Sī), caṇḍālatissabhaye (Syā)

4. Attadvādasamī (Sī)

kaniṭṭhabhātā Nāgattothero nāma atthi, so “mahantaṃ bhayaṃ, na sakkā idha yāpetuṃ, paratīraṃ gamissāmāti attadvādasamova attano vasanaṭṭhānā nikkhanto theriṃ disvā gamissāmi”ti bhātaragāmaṃ āgato. Therī “therā āgatā”ti sutvā tesāṃ santikaṃ gantvā kiṃ ayyāti pucchi. So taṃ pavattiṃ ācikkhi. Sā “ajja ekadivasaṃ vihāreyeva vasitvā sveva gamissathā”ti āha. Therā vihāraṃ agamaṃsu.

Therī punadivase rukkhāmūle piṇḍāya caritvā therāṃ upasaṅkamitvā “imaṃ piṇḍapātaṃ paribhuñjathā”ti āha. Thero “vaṭṭissati therī”ti vatvā tuṅhī aṭṭhāsi. Dhammiko tātā piṇḍapāto kukkucāṃ akatvā paribhuñjathāti. Vaṭṭissati therīti. Sā pattaṃ gahetvā ākāse khipi, patto ākāse aṭṭhāsi. Thero “sattatālamatte ṭhitampi bhikkhunībhattameva therīti vatvā bhayaṃ nāma sabbakālaṃ¹ na hoti, bhaye vūpasante ariyavaṃsaṃ kathayamaṇo ‘bho piṇḍapātika bhikkhunībhattaṃ bhuñjitvā vītināmayitthā’ti cittena anuvadiyamāno santhambhetuṃ na sakkhissāmi, appamattā hotha therīyo”ti maggaṃ āruhi.

Rukkhadevatāpi “sace thero theriyā hatthato piṇḍapātaṃ paribhuñjissati, na naṃ nivattessāmi, sace pana na paribhuñjissati, nivattessāmi”ti cintayamānā ṭhatvā therassa gamaṇaṃ disvā rukkhā oruyha pattaṃ bhante dethāti pattaṃ gahetvā therāṃ rukkhāmūlaṃyeva ānetvā āsanaṃ paññāpetvā piṇḍapātaṃ datvā katabhattakiccaṃ paṭiññaṃ kāretvā dvādasa bhikkhuniyo, dvādasa ca bhikkhū sata vassāni upaṭṭhahi. Imaṃ **devatā ussukkaṃ āpajjantī**ti ettha vatthu, tatra hi therī sāraṇīyadhammapūrikā ahoṣi.

Akhaṇḍanī-ādīsu yassa sattasu āpattikkhandhesu ādimhi vā ante vā sikkhāpadaṃ bhinnaṃ hoti, tassa sīlaṃ pariyante chinnaṃsāṭako viya **khaṇḍaṃ** nāma. Yassa pana vemajjhe bhinnaṃ, tassa majjhe chiddasāṭako viya **chiddaṃ** nāma hoti. Yassa pana paṭipāṭiyā dve tīṇi bhinnāni, tassa piṭṭhiyaṃ vā kucchiyaṃ vā uṭṭhitena visabhāgavaṇṇena kāḷarattādīnaṃ aññataravaṇṇā gāvī viya **sabalaṃ** nāma hoti. Yassa pana antarantarā bhinnāni,

1. Sabbakāle (Syā, Ka)

tassa antarantarā visabhāgabinducitrā gāvī viya **kammāsarī** nāma hoti. Yassa pana sabbena sabbarī abhinnāni, tassa tāni sīlāni **akhaṇḍāni acchiddāni sabalāni akammāsāni** nāma honti. Tāni panetāni taṇhādāsabyato mocetvā bhujissabhāvakaraṇato **bhujissāni**. Buddhādīhi viññūhi pasatthattā **viññuppasatthāni**. Taṇhādīṭṭhīhi aparāmaṭṭhattā, “idaṃ nāma tvaṃ āpannapubbo”ti kenaci parāmaṭṭhum asakkuṇeyyattā ca **aparāmaṭṭhāni**. Upacārasamādhiṃ vā appanāsamādhiṃ vā saṃvattayantīti **samādhisaṃvattanikānī**ti vuccanti. **Silasāmaññagato viharatī**ti tesu tesu disābhāgesu viharantehi bhikkhūhi saddhiṃ samānabhāvūpagatasīlo viharati. Sotāpannādīnañhi sīlaṃ samuddantarepi devalokepi vasantānaṃ aññesaṃ sotāpannādīnaṃ sīlena samānameva hoti, natthi maggasīle nānattaṃ, taṃ sandhāyetaṃ vuttaṃ.

Yāyaṃ diṭṭhīti maggasampayuttā sammādiṭṭhī. **Ariyā**ti niddosā. **Niyyā**ti **niyyānikā**. **Takkarassā**ti yo tathākārī hoti. **Dukkakkhayāyā**ti sabbadukkakkhayattham. **Diṭṭhisāmaññagato**ti samānadiṭṭhibhāvaṃ upagato hutvā viharati. **Aggā**ti jeṭṭhakaṃ sabbagopānasiyo saṅgaṇhātīti **saṅgāhikā**. Sabbagopānasīnaṃ saṅghāṭaṃ karotīti **saṅghāṭanikā**, saṅghāṭaniyanti attho. **Yadidaṃ kūṭanti** yaṃ etaṃ kūṭāgarakaṇṇikāsaṅkhātaṃ kūṭaṃ nāma. Pañcabhūmikādipāsādā hi kūṭabaddhāva tiṭṭhanti, yasmim patite mattikaṃ ādim katvā sabbe patanti, tasmā evamāha. **Evameva khoti** yathā kūṭaṃ kūṭāgarassa, evaṃ imesampi sāraṇiyadhammānaṃ yā yaṃ ariyā diṭṭhī, sā aggā ca saṅgāhikā ca saṅghāṭaniyā cāti daṭṭhabbā.

493. **Kathaṅca bhikkhave yāyaṃ diṭṭhī**ti ettha bhikkhave yāyaṃ Sotāpattimaggaḍḍhī ariyā niyyānikā niyyāti takkarassa sammā dukkhakkhayāyāti vuttā, sā kathaṃ kena kāraṇena niyyāti attho. **Pariyuṭṭhitacittova hotī**ti ettāvatāpi pariyuṭṭhitacittoyeva nāma hotīti attho. Esa nayo sabbattha. **Suppaṇihitaṃ me mānasanti** mayhaṃ cittaṃ suṭṭhu ṭhapitaṃ. **Saccānaṃ bodhāyā**ti catunnaṃ saccānaṃ bodhatthāya. **Ariyanti**-ādīsu taṃ nānaṃ yasmā ariyānaṃ hoti, na puthujjanānaṃ, tasmā **ariyanti** vuttaṃ. Yesāṃ pana lokuttaradhammopi atthi, tesāmyeva hoti,

na aññesaṃ, tasmā **lokuttaranti** vuttaṃ. Puthujjanānaṃ pana abhāvato **asādhāraṇaṃ puthujjanehīti** vuttaṃ. Esa nayo sabbavāresu.

494. **Labhāmi paccattaṃ samathanti** attano citte samathaṃ labhāmīti attho. **Nibbutiyampi** eseva nayo. Ettha ca **samathoti** ekaggatā. **Nibbutīti** kilesavūpasamo.

495. **Tathārūpāya diṭṭhiyāti** evarūpāya sotāpattimaggadiṭṭhiyā.

496. **Dhammatāyāti** sabhāvena¹. **Dhammatā esāti** sabhāvo esa. **Vuṭṭhānaṃ paññāyātīti** saṃghakammavasena vā desanāya vā vuṭṭhānaṃ dissati. Ariyasāvako hi āpattiṃ āpajjanto garukāpattīsu kuṭīkārasadisāṃ, lahukāpattīsu sahasseyyādisadisāṃ acittakāpattimyeva āpajjati, tampi asaṅcicca, no saṅcicca, āpannaṃ na paṭicchādeti, tasmā **atha kho naṃ khippamevāti**-ādimāha. **Daharoti** taruṇo. **Kumāroti** na mahallako. **Mandoti** cakkhusotādināṃ mandatāya mando. **Uttānaseyyakoti** atidaharatāya uttānaseyyako, dakkhiṇena vā vāmena vā passena sayitum na sakkotīti attho. **Āngāraṃ akkamitvāti** ito cito ca pasāritena hatthena vā pādena vā phusitvā. Evaṃ phusantānaṃ pana manussānaṃ na sīghaṃ hattho jhāyati, tathā hi ekacce hatthena āngāraṃ gahetvā parivattamānā dūrampi gacchanti. Daharassa pana hatthapādā sukhumālā honti, so phuṭṭhamatteneva dayhamāno cirīti saddaṃ karonto khippaṃ paṭisaṃharati, tasmā idha daharova dassito. Mahallako ca dayhantopi adhivāseti, ayaṃ pana adhivāsetum na sakkoti. Tasmāpi daharova dassito. **Desetīti** āpattiṃ paṭiggāhake sabhāgapuggale sati ekaṃ divasaṃ vā rattim vā anadhivāsetvā rattim caturāṅgepi tame sabhāgabhikkhuno vasanaṭṭhānaṃ gantvā desetiyeva.

497. **Uccāvacaṇīti** uccanīcāni. **Kimkaraṇīyānīti** kim karomīti evaṃ vatvā kattabbakammāni. Tattha uccakammaṃ nāma cīvarassa karaṇaṃ rajanaṃ cetiye sudhākammaṃ uposathāgāracetiyagharabodhigharesu kattabbakammanti evamādi. Avacakammaṃ nāma pādadhovanamakkhanaḍḍikhuḍḍakakammaṃ, atha vā

1. Evaṃsabhāvena (Ka)

cetiye sudhākammādi uccakammaṃ nāma. Tattheva kasāvapacana udakānayanakucchakaraṇa niyyāsabandhanādi¹ avacakammaṃ nāma. **Ussukkaṃ āpanno hotīti** ussukkabhāvaṃ kattabbaṃ paṭipanno hoti. **Tibbāpekkho hotīti** bahalapatthano hoti. **Thambañca ālumpatīti** tiṇaṅca ālumpamānā khādati. **Vacchakañca apacinātīti** vacchakañca apaloketi. Taruṇavacchā hi gāvī araṅṅe ekato āgataṃ vacchakaṃ ekasmiṃ ṭhāne nipannaṃ pahāya dūraṃ na gacchati, vacchakassa āsannaṭṭhāne caramānā tiṇaṃ ālumpitvā gīvaṃ ukkhipitvā ekantaṃ vacchakameva ca viloketi, evameva sotāpanno uccāvacaṇi kimkaraṇīyāni karonto tanninno hoti, asithilapūraḥko tibbacchando bahalapatthano hutvāva karoti.

Tatridaṃ vatthu—mahācetiye kira sudhākamme kariyamāne eko ariyasāvako ekena hatthena sudhābhājanaṃ ekena kucchaṃ gahetvā sudhākammaṃ karissāmīti cetiyaṅgaṇaṃ āruḥho. Eko kāyadaḥhibahulo bhikkhu gantvā therassa santike aṭṭhāsi. Thero aññasmiṃ sati papañco hotīti tasmā ṭhānā aññaṃ ṭhānaṃ gato. Sopi bhikkhu tattheva agamāsi. Thero puna aññaṃ ṭhānanti evaṃ katipayatṭhāne² āgataṃ “sappurisa mahantaṃ cetiyaṅgaṇaṃ kiṃ aññasmiṃ ṭhāne okāsaṃ na labhathā”ti āha. Na itaro pakkāmīti³.

498. **Balatāya samannāgatoti** balena samannāgato. **Aṭṭhirṃ katvāti** atthikabhāvaṃ katvā, atthiko hutvāti attho. **Manasikatvāti** manasmiṃ karitvā. **Sabbacetasaṃ samannāharitvāti** appamattakampi vikkhepaṃ akaronto sakalacittena⁴ samannāharitvā. **Ohitasototi** ṭhapitasoto. Ariyasāvakā hi piyadhammassavanā honti, dhammavanaggaṃ gantvā niddāyamānā vā yena kenaci saddhiṃ sallapamānā vā vikkhittacittā vā na nisīdanti, atha kho amataṃ paribhuñjantā viya atittāva honti dhammassavane, atha aruṇaṃ uggacchati, tasmā evamāha.

1. Kassāvasiñcana-udakadānakocchakaraṇanissenḍibandhanādi (Sī)

2. Tatīye ṭhāne (Sī)

3. Tadā itaro pakkāmīti (Sī)

4. Sabbacittena (Sī)

500. **Dhammatā susamanniṭṭhā hotīti** sabhāvo suṭṭhu samannesito hoti. **Sotāpattiphalasacchikiriyāyāti** karaṇavacanam, sotāpattiphalasacchikatañāṇenāti attho. **Evam sattaṅgasamannāgatoti** evam imehi sattahi mahāpaccavekkhaṇañāṇehi samannāgato. Ayaṃ tava ācariyānam samānakathā. Lokuttaramaggo hi bahucittakkaṇiko nāma natthi.

Vitaṇḍavādī pana ekacittakkaṇiko nāma maggo natthi, “evam bhāveyya satta vassāni”ti hi vacanato sattapi vassāni maggabhāvanā honti. Kilesā pana lahu chijjantā sattahi ñāṇehi chijjantīti vadati. So suttaṃ āharāti vattabbo, addhā aññam suttaṃ apassanto “idamassa paṭhamam ñāṇam adhigataṃ hoti, idamassa dutiyam ñāṇam -pa- idamassa sattamam ñāṇam adhigataṃ hoti”ti imameva āharitvā dassessati. Tato vattabbo kim panidam suttaṃ neyyattham nītatthanti. Tato vakkhati “nītatthattham, yathāsuttaṃ tatheva attho”ti. So vattabbo “dhammatā susamanniṭṭhā hoti sotāpattiphalasacchikiriyāyāti ettha ko attho”ti. Addhā sotāpattiphalasacchikiriyāyathoti vakkhati. Tato pucchitabbo “maggasamaṅgī phalam sacchikaroti, phalasamaṅgī”ti. Jānanto “phalasamaṅgī sacchikaroti”ti vakkhati. Tato vattabbo “evam sattaṅgasamannāgato kho bhikkhave ariyasāvako sotāpattiphalasamannāgato hotīti idha maggam abhāvetvā maṇḍūko viya uppativā ariyasāvako phalameva gaṇhissati¹, mā suttaṃ me laddhanti yaṃ vā taṃ vā avaca. Pañham vijjantena nāma ācariyasantike vasitvā Buddhavacanam uggaṇhitvā attharasam viditvā vattabham hoti”ti². “Imāni satta ñāṇāni ariyasāvakassa paccavekkhaṇañāṇāneva, lokuttaramaggo bahucittakkaṇiko nāma natthi, ekacittakkaṇikoyevā”ti saññāpetabbo. Sace sañjānāti sañjānātu. No ce sañjānāti, “gaccha pātova vihāram pavisitvā yāgum pivāhi”ti uyyojetabbo. Sesam sabbattha uttānamevāti.

Papañcasūdaniyā Majjhimanikāyaṭṭhakathāya

Kosambiyasuttavaṇṇanā niṭṭhitā.

1. Gaṇhissatīti (Ka)

2. Hoti (Sī)

9. Brahmanimantanikasuttavaṇṇanā

501. **Evaṃ me sutanti** Brahmanimantanikasuttaṃ. Tattha **pāpakam diṭṭhigatanti** lāmakā sassatadiṭṭhi. **Idaṃ niccanti** idaṃ saha kāyena¹ brahmaṭṭhānaṃ aniccaṃ “niccaṃ”ti vadati. **Dhuvādīni** tasseva vevacaṇāni. Tattha **dhuvanti** thiraṃ. **Sassatanti** sadā vijjamānaṃ. **Kevalanti** akhaṇḍaṃ sakalaṃ. **Acavanadhammanti** acavanasabhāvaṃ. **Idaṃ hi na jāyatīti**–ādīsu imasmim ṭhāne koci jāyanaṃ vā jīyanaṃ vā mīyanaṃ vā cavanaṃ vā upapajjanaṃ vā natthīti² sandhāya vadati. **Ito ca panaññanti** ito saha kāyakaṃ brahmaṭṭhānā uttari aññaṃ nissaraṇaṃ nāma natthīti evamassa thāmagatā sassatadiṭṭhi uppannā hoti, evaṃvādī pana so upari tisso jhānabhūmiyo cattāro maggā cattāri phalāni nibbānanti sabbaṃ paṭibāhati. **Avijjāgatoti** avijjāya gato samannāgato aññaṇi andhībhūto³. **Yatra hi nāmāti** yo nāma.

502. **Atha kho bhikkhave māro pāpimāti** māro kathaṃ Bhagavantaṃ addasa? So kira attano bhavane nisīditvā kālena kālaṃ Satthāraṃ āvajjeti “ajja samaṇo Gotamo katarasmim gāme vā nigame vā vasatī”ti. Imasmim pana kāle āvajjanto “ukkaṭṭhaṃ nissāya subhagavane viharatī”ti ñatvā “kattha nu kho gato”ti olovento brahmalokaṃ gacchantaṃ disvā “samaṇo Gotamo brahmalokaṃ gacchati, yāva tattha dhammakathaṃ kathetvā brahmagaṇaṃ mama visayā nātikkameti, tāva gantvā dhammadesanāyaṃ vichandaṃ karissāmi”ti Satthu padānupadiko gantvā brahmagaṇassa antare adissamānena kāyena aṭṭhāsi, so “Satthārā Bakabrahmā apasādito”ti ñatvā brahmuno upatthambho hutvā aṭṭhāsi. Tena vuttaṃ “atha kho bhikkhave māro pāpimāti”ti.

Brahmapārisajjam anvāvisitvāti ekassa brahmapārisajjassa sarīraṃ pavisitvā. Mahābrahmānaṃ pana brahmapurohitānaṃ vā anvāvisituṃ na sakkoti. **Metamāsadoti** mā etaṃ apasādayittha. **Abhibhūti** abhibhavitvā ṭhito jeṭṭhako. **Anabhibhūtoti** aññehi anabhibhūto. **Aññadatthūti**

1. Sahokāseṇa (Sī, Syā, Ka) Ṭikā oloketabbā.

2. Natthi, Tam (Ka)

3. Andhabhūto (Sī, Syā)

ekaṃsavacane nipāto. Dassanavasena **daso**, sabbaṃ passatīti dīpeti. **Vasavattīti** sabbajanaṃ vase vatteti. **Issaroti** loke issaro. **Kattā nimmātāti** lokassa kattā ca nimmātā ca, pathavihimavantasinerucakkavālamahāsamuddacandimasūriyā ca iminā nimmitāti dīpeti.

Seṭṭho sajitāti ayaṃ lokassa uttamo ca sajitā ca “tvaṃ khattiyo nāma hohi, tvaṃ brāhmaṇo nāma, vesso nāma, suddo nāma, gahaṭṭho nāma, pabbajito nāma, antamaso oṭṭho hohi, goṇo hohi”ti evaṃ sattānaṃ visajetā ayanti dasseti. **Vasī pitā bhūtabhabyānanti** ayaṃ ciṅṇavasitāya vasī, ayaṃ pitā bhūtānaṃca bhabyānaṃcāti vadati. Tattha aṇḍajajalābujā sattā anto-aṇḍakose ceva antovatthimhi ca **bhabyā** nāma, bahi nikkhantakālato paṭṭhāya **bhūtā**. Saṃsedajā paṭhamacittakkaṇe bhabyā, dutiyato paṭṭhāya bhūtā. Opapātikā paṭhama-iriyāpathe bhabyā, dutiyato paṭṭhāya bhūtāti veditabbā. Te sabbepi etassa puttāti saññāya “pitā bhūtabhabyānan”ti āha.

Pathavīgarahakāti yathā tvaṃ etarahi “aniccā dukkhā anattā”ti pathaviṃ garahasi jigucchasi, evaṃ tepi pathavīgarahakā ahesuṃ, na kevalaṃ tvaṃyevāti dīpeti. **Āpagarahakāti**-ādīsipi eseva nayo. **Hīne kāye patiṭṭhitāti** catūsu apāyesu nibbattā. **Pathavīpasāmsakāti** yathā tvaṃ garahasi, evaṃ agarahitvā “niccā dhuvā sassatā acchejjā abhejjā akkhayā”ti evaṃ pathavīpasāmsakā pathaviyā vaṇṇavādino ahesunti vadati.

Pathavābhinandinoti taṇhādiṭṭhivasena pathaviyā abhinandino. Sesesupi eseva nayo. **Paṇīte kāye patiṭṭhitāti** brahmaloke nibbattā. **Taṃ tāhanti** tena kāraṇena taṃ ahaṃ. **Inghāti** codanatthe nipāto. **Upātivattitthoti** atikkamittha. “Upātivattito”tipi pāṭho, ayamevattho. **Daṇḍena paṭippanāmeyyāti** catuhatthena muggaradaṇḍena pothetvā palāpeyya. **Narakapāpeti** sataporise mahāsobbhe. **Virādheyyāti** hatthena gahaṇayutte vā pādena patiṭṭhānayutte vā ṭhāne gahaṇapatiṭṭhānāni kātum na sakuṇeyya. **Nanu tvaṃ bhikkhu passasīti** bhikkhu nanu tvaṃ imaṃ brahmaparisaṃ sannipatitaṃ obhāsamaṇaṃ virocamaṇaṃ jotayamaṇaṃ passasīti brahmuno ovāde

ṭhitānaṃ iddhānubhāvaṃ dasseti. **Iti kho maṃ bhikkhave māro pāpimā brahmaparisam upanesīti** bhikkhave māro pāpimā nanu tvaṃ bhikkhu passasi brahmaparisam¹ yasena ca siriya ca obhāsamānaṃ virocamaṇaṃ jotayamaṇaṃ, yadi tvampi mahābrahmuno vacanaṃ anatikkamitvā yadeva te brahmā vadati, taṃ kareyyāsi, tvampi evamevaṃ yasena ca siriya ca viroceyyāsīti evaṃ vadanto maṃ brahmaparisam upanesi upasamhari. **Mā tvaṃ maññitthoti** mā tvaṃ maññi. **Māro tvamasi pāpimāti** pāpima tvaṃ mahājanassa māraṇato **māro** nāma, pāpakaṃ lāmakam mahājanassa ayasaṃ karaṇato **pāpimā** nāmāti jānāmi.

503. **Kasiṇam āyunti** sakalam āyūṃ. **Te kho evaṃ jāneyyūnti** te evaṃ mahantena tapokammaṇa samannāgatā, tvaṃ pana purimadivase jāto, kiṃ jānissasi, yassa te ajjāpi mukhe khīragandho vāyatīti ghaṭṭento vadati. **Pathaviṃ ajjhossasīti** pathaviṃ ajjhosāya gilitvā pariniṭṭhapetvā taṇhāmānadiṭṭhihi gaṇhissasi. **Opasāyiko me bhavissasīti** mayhaṃ samīpasayo bhavissasi, maṃ gacchantaṃ anugacchissasi, ṭhitaṃ upatiṭṭhissasi, nisinnaṃ upanisīdissasi, nipannaṃ upanipajjissasīti attho. **Vatthusāyikoti** mama vatthusmiṃ sayanako. **Yathākāmarāṇīyo bāhiteyyāti** mayā attano ruciyā yaṃ icchāmi, taṃ kattabbo, bāhitvā ca pana jajjharikāgumbatopi nīcataro lakaṇḍakataro kātabbo bhavissasīti attho.

Iminā esa Bhagavantaṃ upalāpeti vā apasādeti vā. **Upalāpeti** nāma sace kho tvaṃ bhikkhu taṇhādīhi pathaviṃ ajjhossasasi, opasāyiko me bhavissasi, mayi gacchante gamissasi, tiṭṭhante ṭhassasi, nisinne nisīdissasi, nipanne nipajjissasi, ahaṃ taṃ sesajanaṃ paṭibāhitvā vissāsikaṃ abbhantarikaṃ karissāmīti evaṃ tāva **upalāpeti** nāma. Sesapadehi pana **apasādeti** nāma. Ayañhettha adhippāyo—sace tvaṃ pathaviṃ ajjhossasasi, vatthusāyiko me bhavissasi, mama gamanādīni āgametvā gamissasi vā ṭhassasi vā nisīdissasi vā nipajjissasi vā, mama vatthusmiṃ mayhaṃ ārakkhaṃ gaṇhissasi, ahaṃ pana taṃ yathākāmaṃ karissāmi

1. Brahmim parisam (Sī)

bāhitvā ca jajjharikāgumbatopi lakaṇḍakataranti evaṃ apasādeti nāma.
Ayaṃ pana brahmā mānanissito, tasmā idha apasādanāva adhippetā.
Āpādīsupi eseva nayo.

Apica te ahaṃ brahmeti idāni Bhagavā “ayaṃ brahmā mānanissito
‘ahaṃ jānāmī’ti maññati, attano yasena sammatto sarīraṃ phusitumpi
samatthaṃ kiñci na passati, thokaṃ niggahetuṃ vaṭṭatī”ti cintetvā imaṃ
desanaṃ ārabhi. Tattha **gatiṅca pajānāmī**ti nipphattiṅca pajānāmi. **Jutiñcā**ti
ānubhāvaṅca pajānāmi. **Evaṃ mahesakkhoti** evaṃ mahāyaso mahāparivāro.

Yāvatā candimasūriyā pariharantīti yattake ṭhāne candimasūriyā
vicaranti. **Disā bhanti virocānā**ti disāsu virocāmānā obhāsanti, disā vā tehi
virocāmānā obhāsanti. **Tāva sahasadhā lokoti** tattakena pamāṇena
sahasadhā loko, iminā cakkavāḷena saddhim cakkavāḷasahasanti attho.
Ettha te vattate vasoti ettha cakkavāḷasahasse tuyhaṃ vaso vattati.
Paroparaṅca jānāsīti ettha cakkavāḷasahasse paropare uccaṅce hīnappaṇīte
satte jānāsī. **Attho rāgavirāginanti** na kevalaṃ “ayaṃ iddho ayaṃ
pakatimanusso”ti paroparaṃ, “ayaṃ pana sarāgo ayaṃ vītarāgo”ti evaṃ
rāgavirāginampi janaṃ jānāsī. **Itthaṃbhāvaññathābhāvanti itthaṃbhāvoti**
idaṃ cakkavāḷaṃ. **Aññathābhāvoti** ito sesaṃ ekūnasahasasaṃ. **Sattānaṃ**
āgatim gatinti ettha cakkavāḷasahasse paṭisandhivasena sattānaṃ āgatim,
cutivasena gatim ca jānāsī. Tuyhaṃ pana atimahantohamasmīti saññā hoti,
sahassibrahmā nāma tvaṃ, aññesaṃ pana tayā uttari dvisahasānaṃ
tisahasānaṃ catusahasānaṃ pañcasahasānaṃ dasasahasānaṃ
satasahasānaṅca brahmānaṃ pamāṇaṃ natthi, catuhatthāya pilotikāya
paṭappamāṇaṃ¹ kātuṃ vāyamanto viya mahantosmīti saññaṃ karosīti
niggaṇhāti.

504. **Idhūpapannoti** idha paṭhamajjhānabhūmiyaṃ upapanno. **Tena taṃ**
tvaṃ na jānāsīti tena kāraṇena taṃ kāyaṃ tvaṃ na jānāsī. **Neva te**

1. Pariggahaṇaṃ (Sī)

samasamoti jānitabbaṭṭhānaṃ patvāpi tayā samasamo na homi. **Abhiññāyāti** aññāya¹. **Kuto nīceyyanti** tayā nīcatarabhāvo pana mayhaṃ kuto.

Heṭṭhūpapattiko kiresa brahmā anuppanne Buddhuppāde isipabbajjāṃ pabbajitvā kaṣiṇaparikkammaṃ katvā samāpattiyo nibbattetvā aparihīnajjhāno kālaṃ katvā catutthajjhānabhūmiyaṃ Vehapphalabrahmaloke pañcakappasatikaṃ āyuraṃ gahetvā nibbatti. Tattha yāvataṃyukaṃ ṭhatvā heṭṭhūpapattikaṃ katvā tatiyajjhānaṃ paṇītaṃ bhāvetvā Subhakiṇhabrahmaloke catusaṭṭhikappaṃ āyuraṃ gahetvā nibbatti. Tattha dutiyajjhānaṃ bhāvetvā Ābhassaresu aṭṭhakappaṃ āyuraṃ gahetvā nibbatti. Tattha paṭhamajjhānaṃ bhāvetvā paṭhamajjhānabhūmiyaṃ kappāyuko hutvā nibbatti, so paṭhamakāle attanā katakammaṃca nibbattaṭṭhānaṃca aññāsi, kāle pana gacchante ubhayaṃ pamussitvā sassatadiṭṭhiṃ uppādesi. Tena naṃ Bhagavā “tena taṃ tvaṃ na jānāsi -pa- kuto nīceyyan”ti āha.

Atha brahmā cintesi “samaṇo Gotamo mayhaṃ āyuraṃca nibbattaṭṭhānaṃca pubbekatakammaṃca jānāti, handa naṃ pubbe katakammaṃ pucchāmi”ti Satthāraṃ attano pubbekatakammaṃ pucchi. Satthā kathesi.

Pubbe kiresa kulaghare nibbattitvā kāmesu ādīnavaṃ disvā “jātijarābyādhiramaṇassa antaṃ karissāmi”ti nikkhamma isipabbajjāṃ pabbajitvā samāpattiyo nibbattetvā abhiññāpādakajjhānalābhī hutvā Gaṅgātīre paṇṇasālaṃ kāretvā jhānaratiyā vītināmeti. Tadā ca kālena kālaṃ satthavāhā pañcahi sakaṭasatehi marukantāraṃ paṭipajjanti. Marukantāre pana divā na sakkā gantuṃ, rattiṃ gamaṇaṃ hoti. Atha purimasakaṭassa aggayuge yuttabalibaddā gacchantā nivattitvā āgatamaggābhimukhāva ahesuṃ. Itarasakaṭāni² tatheva nivattitvā³ aruṇe uggate nivattitabhāvaṃ jāniṃsu. Tesaṃca tadā kantāraṃ atikkamanadivaso ahoṣi. Sabbaṃ dārudakaṃ parikkhīṇaṃ, tasmā “natthi dāni amhākaṃ jīvitaṃ”ti cintetvā goṇe cakkesu bandhitvā manussā sakaṭapacchāyāyaṃ pavisitvā

1. Paññāya (Sī)

2. Sabbasakaṭāni (Sī)

3. Nivattiṃsu (Sī)

nipajjimsu. Tāpasopi kālasseva paṇṇasālato nikkhamitvā paṇṇasāladvāre nisinno Gaṅgaṃ olokayamāno addasa Gaṅgaṃ mahatā udakoghena vuyhamānaṃ pavattitamaṇikkhandhaṃ viya āgacchantim. Disvā cintesi “atthi nu kho imasmim loke evarūpassa madhurodakassa alābhena kilissamānā sattā”ti. So evaṃ āvajjanto marukantāre taṃ satthaṃ disvā “ime sattā mā nassantū”ti “ito mahā udakakkhandho chijjivā marukantāre Satthābhimukho gacchatū”ti abhiññācittena adhiṭṭhāsi. Sahacittuppādena mātīkārūḷhaṃ viya udakaṃ tattha agamāsi. Manussā udakasaddena vuṭṭhāya udakaṃ disvā hatthatuṭṭhā nhāyivā pivivā goṇepi pāyevā sotthinā icchitaṭṭhānaṃ agamaṃsu. Satthā taṃ brahmuno pubbakammaṃ dassento—

“Yaṃ tvaṃ apāyesi bahū manusse,
Pipāsīte ghammaṃ samparete.
Taṃ te purāṇaṃ vatasīlavattaṃ,
Suttappabuddhova anussarāmi”ti¹—

Imaṃ gāthamāha.

Aparasmim samaye tāpaso Gaṅgātīre paṇṇasālam māpetvā āraññakam gāmaṃ nissāya vasati. Tena ca samayena corā taṃ gāmaṃ paharivā hatthasāraṃ gahetvā gāviyo ca karamare ca gahetvā gacchanti. Gāvopi sunakhāpi manussāpi mahāviraṃ viravanti. Tāpaso taṃ saddaṃ sutvā “kim nu kho etan”ti āvajjanto “manussānaṃ bhayaṃ uppannaṃ”ti ñatvā “mayi passante ime sattā mā nassantū”ti abhiññāpādakajjhānaṃ samāpajjivā vuṭṭhāya abhiññācittena corānaṃ paṭipathe caturaṅginisenam māpesi kammasajjaṃ āgacchantim, corādisvā ²“rājā”ti te maññaṃānā² vilopaṃ chaḍḍetva pakkamiṃsu. Tāpaso “yaṃ yassa santakaṃ, taṃ tasseva hotū”ti adhiṭṭhāsi, taṃ tatheva ahoṣi. Mahājano sotthibhāvaṃ pāpuṇi. Satthā idampi tassa pubbakammaṃ dassento—

1. Khu 5. 163 piṭṭhe.

2-2. Rājā mañña āgatoti (Sī)

“Yaṃ eṇikūlasmi janaṃ gahītaṃ,
Amocayī gayhaka nīyamānaṃ.
Taṃ te purāṇaṃ vatasīlavattaṃ,
Suttappabuddhova anussarāmi”¹—

Imaṃ gāthamāha. Ettha **eṇikūlasmi**ti Gaṅgātīre.

Puna ekasmiṃ samaye uparigaṅgāvāsikaṃ kulaṃ heṭṭhāgaṅgāvāsikena kulena saddhiṃ mittasanthavaṃ katvā nāvāsaṅghāṭaṃ bandhitvā bahum khādanīyabhojanīyaṃ ceva gandhamālādīni ca āropetvā gaṅgāsotena āgacchati. Manussā khādamānā bhuñjamānā naccantā gāyantā devavimānena gacchantā viya balavasomanassā ahesuṃ. Gaṅgeyyako nāgo disvā kupito “ime mayi saññampi na karonti, idāni ne samuddameva pāpessāmi”²ti mahantaṃ attabhāvaṃ māpetvā udakaṃ dvidhā bhinditvā uṭṭhāya phaṇaṃ katvā sussūkāraṃ³ karonto aṭṭhāsi. Mahājano disvā bhīto vissaramakāsi. Tāpaso paṇṇasālāya nisinno sutvā “ime gāyantā naccantā somanassajātā āgacchanti, idāni pana bhayaravaṃ ravimsu, kiṃ nu kho”³ti āvajjanto nāgarājaṃ disvā “mayi passante ime sattā mā nassantū”³ti abhiññāpādakajjhānaṃ samāpajjitvā attabhāvaṃ vijahitvā supaṇṇavaṇṇaṃ māpetvā nāgarājassa dassesi. Nāgarājā bhīto phaṇaṃ saṃharitvā udakaṃ pavittṭho. Mahājano sotthibhāvaṃ pāpuṇi. Satthā idampi tassa pubbakammaṃ dassento—

“Gaṅgāya sotasmiṃ gahītanāvaṃ,
Luddena nāgena manussakappā³.
Amocayittha balasā pasayha,
Taṃ te purāṇaṃ vatasīlavattaṃ.
Suttappabuddhova anussarāmi”¹—

Imaṃ gāthamāha.

Aparasmiṃ samaye esa isipabbajjaṃ pabbajitvā **Kesavo** nāma tāpaso ahoṣi. Tena samayena amhākaṃ bodhisatto **Kappo** nāma

1. Khu 5. 164 piṭṭhe.

2. Susukāraṃ (Ṭikā)

3. Manussakamyā (Sī, Syā, Ka)

māṇavo kesavassa baddhacaro antevāsiko hutvā ācariyassa kimkārapaṭṭissāvī manāpacārī buddhisampanno atthacaro ahosi, kesavo taṃ vinā vattitum nāsakkhi, taṃ nissāyeva jīvikam kappesi. Satthā idampi tassa pubbakammaṃ dassento—

“Kappo ca te baddhacaro ahosi,
Sambuddhimantaṃ vatiṇaṃ amaññi.
Taṃ te purāṇaṃ vatasīlavattaṃ,
Suttapabbuddhova anussarāmi”¹—

Imaṃ gāthamāha.

Evam brahmuno nānattabhāvesu katakammaṃ Satthā pakāsesi. Satthari kathenteyeva brahmā sallakkhesi, dīpasahasse ujjalite rūpāni viya sabbakammānissa pākaṭāni ahesuṃ. So pasannacitto imaṃ gāthamāha—

“Addhā pajānāsi mametamāyuṃ,
Aññampi jānāsi tathā hi Buddho.
Tathā hi tāyaṃ² jalitānubhāvo,
Obhāsayaṃ tiṭṭhati brahmalokaṃ”¹.

Athassa Bhagavā uttari asamasamataṃ pakāseno **pathaviṃ kho ahaṃ brahmeti-ādimāha**. Tattha **pathaviyā pathavattena³ ananubhūtaṃ** pathaviyā pathavisabhāvena ananubhūtaṃ appattaṃ. Kim pana tanti? Nibbānaṃ. Taṃ hi sabbasmā saṅkhatā nissaṭṭā pathavisabhāvena appattaṃ nāma. **Tadabhiññāyāti** taṃ nibbānaṃ jānitvā sacchikatvā. **Pathaviṃ nāpahosinti** pathaviṃ taṇhādīṭṭhimānagāhehi na gaṇhiṃ. **Āpādisupi** eseva nayo. Vitthāro pana mūlapariyāye vuttanayeneva veditabbo.

Sace kho te mārissa sabbassa sabbattenāti idameva brahmā attano vāditāya sabbanti akkharaṃ niddisitvā akkhare dosaṃ gaṇhanto āha. Satthā pana sakkāyaṃ sandhāya “sabban”⁴ti vadati, brahmā sabbasabbaṃ sandhāya. Tvaṃ “sabban”⁴ti vadasi, “sabbassa sabbattena ananubhūtan”⁴ti vadasi, yadi sabbam ananubhūtaṃ⁴ natthi, athassa ananubhūtaṃ atthi. **Mā heva te rittakameva**

1. Khu 5. 164 piṭṭhe.

2. Tyāyaṃ (Sī, Syā, Ka)

3. Paṭhavittena (Sī), paṭhavaṭṭhena (Syā), pathavaṭṭhena (Ka)

4. Anubhūtaṃ (Sī)

ahosi tucchakameva ahosīti tuyhaṃ vacanaṃ rittakaṃ mā hotu, tucchakaṃ mā hotūti Satthāraṃ musāvādena niggaṇhāti.

Satthā pana etasmā brahmunā sataguṇena sahasaguṇena satahasaguṇena vādītarō, tasmā ahaṃ sabbañca vakkhāmi, ananubhūtañca vakkhāmi, suṇāhi meti tassa vādamaddanattaṃ kāraṇaṃ āharanto **viññānanti**-ādimāha. Tattha **viññānanti** vijānitabbaṃ. **Anidassananti** cakkhuviññāṇassa āpāthaṃ anupagamanato anidassanaṃ nāma, padadvayenapī nibbānameva vuttaṃ. **Anantanti** tayidaṃ uppādavaya-antarāhitattā anantaṃ nāma. Vuttampi hetam—

“Antavantāni bhūtāni, asambhūtaṃ anantakaṃ.
Bhūte antāni¹ dissanti, bhūte antā pakāsītā”ti.

Sabbatopabhanti sabbaso pabhāsampannaṃ. Nibbānato hi añño dhammo sapabhataro vā jotivantataro vā parisuddhataro vā paṇḍarataro vā natthi, sabbato vā tathā pabhūtaṃ, na katthaci natthīti sabbatopabhaṃ. Puratthimadisādīsu hi asukadisāya nāma nibbānaṃ natthīti na vattabbaṃ. Atha vā **pabhanti** titthassa nāmaṃ, sabbato pabhamassāti **sabbatopabhaṃ**. Nibbānassa kira yathā mahāsamuddassa yato yato otaritukāmā honti, taṃ tadeva titthaṃ, atitthaṃ nāma natthi, evamevaṃ aṭṭhatimsāya kammaṭṭhānesu yena yena mukhena nibbānaṃ otaritukāmā honti, taṃ tadeva titthaṃ. Nibbānassa atitthaṃ nāma kammaṭṭhānaṃ natthi. Tena vuttaṃ **sabbatopabhanti**. Taṃ pathaviyā pathavattenāti taṃ nibbānaṃ pathaviyā pathavīsabhāvena tato paresaṃ āpādīnaṃ āpādisabhāvena ca ananubhūtaṃ. Iti yaṃ tumhādisānaṃ visayabhūtaṃ sabbatebhūmakadhammajātaṃ, tassa sabbattena taṃ viññāṇaṃ anidassanaṃ anantaṃ sabbatopabhaṃ ananubhūtaṃ vādaṃ patiṭṭhapesi.

Tato brahmā gahitāgahitaṃ Satthārā vissajjāpito kiñci gahetabbaṃ adisvā laṭitakaṃ² kātukāmo **handā carahi te mārīsa antaradhāyāmīti** āha. Tattha **antaradhāyāmīti** adissamānakapāṭihāriyaṃ karomīti āha. **Sace visahasīti** yadi sakkosi mayhaṃ antaradhāyituṃ,

1. Abhūte antā na (Sī)

2. Laddhigataṃ (Syā), nīlikataṃ (Ka)

antaradhāyasi, pāṭihāriyaṃ karohīti. **Nevassu me sakkoti antaradhāyituntī** mayhaṃ antaradhāyituṃ neva sakkoti. Kiṃ panesa kātukāmo ahoṣīti. Mūlapaṭisandhiṃ gantukāmo ahoṣi. Brahmānaṃ hi mūlapaṭisandhika-
attabhāvo sukhumo, aññesaṃ anāpātho, abhisaṅkhatakāyeneva tiṭṭhanti. Satthā tassa mūlapaṭisandhiṃ gantuṃ na adāsi. Mūlapaṭisandhiṃ vā
agantvāpi yena tamena attānaṃ antaradhāpetvā adissamānako bhaveyya, Satthā taṃ tamaṃ vinodesi, tasmā antaradhāyituṃ nāsakkhi. So asakkonto
vimāne nilīyati, kapparukkhe nilīyati, ukkuṭiko nisīdati. Brahmagaṇo keḷimakāsi “esa kho Bako brahmā vimāne nilīyati, kapparukkhe nilīyati,
ukkuṭiko nisīdati, brahme tvaṃ antarahitomhī”ti saññaṃ uppādesi nāmāti. So brahmagaṇena uppaṇḍito maṅku ahoṣi.

Evaṃ vutte ahaṃ bhikkhaveli bhikkhave etena brahmunā “handa carahi te mārisa antaradhāyāmi”ti evaṃ vutte taṃ antaradhāyituṃ asakkontaṃ
disvā ahaṃ etadavocaṃ. **Imaṃ gāthamabhāsinti** kasmā Bhagavā gāthamabhāsīti? Samaṇassa Gotamassa imasmiṃ ṭhāne atthibhāvo vā
natthibhāvo vā kathaṃ sakkā jānituntī evaṃ brahmagaṇassa vacanokāso mā hotūti antarahitova gāthamabhāsi.

Tattha **bhavevāhaṃ bhayaṃ disvāti** ahaṃ bhave bhayaṃ disvāyeva. **Bhavañca vibhavesinanti** imañca kāmabhavāditividhampi satabhavaṃ
vibhavesinaṃ vibhavaṃ gavesamānaṃ pariyesamānampi punappunaṃ bhaveyyeva disvā. **Bhavaṃ nābhivadinti** taṇhādīṭṭhivasena kiñci bhavaṃ na
abhivadim, na gavesinti attho. **Nandiñca na upādiyinti** bhavataṇhaṃ na upagañchim, na aggahesinti attho. Iti cattāri saccāni pakāsento Satthā
dhammaṃ desesi. Desanāpariyosāne desanānusārena vipassanāgabbhaṃ gāhāpetvā dasamattāni brahmasahassāni maggaphalāmatapānaṃ pivimsu.

Acchariyabbhuta citta jātāti acchariyajātā abbhutajātā tuṭṭhijātā ca ahesuṃ. **Samūlaṃ bhavaṃ udabbahīti** Bodhimaṇḍe attano tāya tāya
desanāya aññesampi bahūnaṃ devamanussānaṃ samūlakaṃ bhavaṃ udabbahi, uddhari uppātesīti attho.

505. Tasmim̄ pana samaye māro pāpimā kodhābhibhūto hutvā “mayi vicaranteyeva samaṇena Gotamena dhammakatham̄ kathetvā dasamattāni brahmasahassāni mama vasam̄ ativattitāni”ti kodhābhibhūtātāya aññatarassabrahamapārisajjassa sarīre adhimucci, tam̄ dassetum̄ **atha kho bhikkhaveti**-ādimāha. Tattha **sace tvam̄ evam̄ anubuddhoti** sace tvam̄ evam̄ attanāva cattāri saccāni anubuddho. **Mā sāvake upanesīti** gihisāvake vā pabbajitasāvake vā tam̄ dhammam̄ mā upanayasi. **Hīne kāye patit̄hitāti** catūsu apāyesu patit̄hitā. **Pañite kāye patit̄hitāti** brahmaloke patit̄hitā. Idam̄ ke sandhāya vadati? Bāhirapabbajjam̄ pabbajite tāpasaparibbājake. Anuppanne hi Buddhuppāde kulaputtā tāpasapabbajjam̄ pabbajitvā kassaci kiñci avicāretvā¹ ekacarā hutvā samāpattiyo nibbattetvā brahmaloke uppajjimsu, te sandhāya evamāha. **Anakkhātam̄ kusalañhi mārīsāti** paresam̄ anakkhātam̄ anovadanam̄ dhammakathāya akathanam̄ kusalam̄ etam̄ seyyo. **Mā param̄ ovaḍāhīti** kālena manussalokam̄, kālena devalokam̄, kālena brahmalokam̄, kālena nāgalokam̄ āhiṇḍanto mā vicari, ekasmim̄ ṭhāne nisinnō jhānamaggaphalasukhena vītināmehīti. **Anālapanatāyāti** anullapanatāya. **Brahmuno ca abhinimantanatāyāti** Bakabrahmuno ca idañhi mārīsa niccanti-ādinā nayena saha kāyakena brahmaṭṭhānena nimantanavacanena. **Tasmāti** tena kāraṇena. **Imassa veyyākaraṇassa brahmanimantanikam̄**veva adhivacanam̄ saṅkhā samaññā paññatti jātā. Sesam̄ sabbattha uttānatthamevāti.

Papañcasūdaniyā Majjhimanikāyaṭṭhakathāya

Brahmanimantanikasuttavaṇṇanā niṭṭhitā.

10. Māratajjanīyasuttavaṇṇanā

506. **Evam̄ me sutanti** Māratajjanīyasuttam̄. Tattha **koṭṭhamanupavit̄thoti** kucchim̄ pavisitvā antānam̄ anto anupavit̄tho, pakkāsayaṭṭhāne nisinnō. **Garugaro² viyāti** garukagaruko viya thaddho pāsāṇapuñjasadiso.

1. Avitaritvā (Ka)

2. Garugaru (Sī)

Māsācitarā maññeti māsabhataṃ bhuttassa kucchi viya
māsapūritapasibbako viya tintamāso viya cāti attho. **Vihāraṃ pavisitvāti**
sace āhāradosena esa garubhāvo, abbhokāse caṅkamitum na sappāyanti
caṅkamā orohitvā paṇṇasālaṃ pavisitvā pakatipaññatte āsane nisīdi.

Paccattaṃ yoniso manasākāsīti “kiṃ nu kho etan”ti āvajjamāno attanoyeva
upāyena manasi akāsi. Sace pana thero attano sīlaṃ āvajjetvā “yaṃ hiyyo vā
pare vā parasuve¹ vā paribhuttaṃ avipakkamatthi, añño vā koci
visabhāgado, sabbaṃ jīratu² phāsukaṃ hotū”ti hatthena kucchim
parāmasissa, māro pāpimā vilīyitvā agamissa. Thero pana tathā akatvā
yoniso manasi akāsi. **Mā Tathāgataṃ vihesesīti** yathā hi puttesu vihesitesu
mātāpitaro vihesitāva honti, saddhivihārika-antevāsikesu vihesitesu
ācariyupajjhāyā vihesitāva, janapade vihesite rājā vihesitova hoti, evaṃ
Tathāgatasāvake vihesite Tathāgato vihesitova hoti. Tenāha “mā Tathāgataṃ
vihesesī”ti.

Paccaggaḷe aṭṭhāsīti pati-aggaveva aṭṭhāsī. **Aggaḷaṃ** vuccati kavāṭaṃ,
mukhena³ uggantvā paṇṇasālato nikkhamitvā bahipaṇṇasālāya kavāṭaṃ
nissāya aṭṭhāsīti attho.

507. **Bhūtapubbāhaṃ pāpimāti** kasmā idaṃ desanaṃ ārabhi? Thero kira
cintesi “ākāsaṭṭhakadevatānaṃ tāva manussagandho yojanasate t̥hitānaṃ
ābādhaṃ karoti. Vuttañhetāṃ ‘yojanasataṃ kho rājañña manussagandho
deve ubbādhatī’⁴. Ayaṃ pana māro nāgariko paricokkho⁵ mahesakkho
ānubhāvasampanno devarājā samano mama kucchiyaṃ pavisitvā antānaṃ
anto pakkāsayokāse nisinna ativiya paduṭṭho bhavissati. Evarūpaṃ nāma
jegucchāṃ paṭikūlaṃ okāsaṃ pavisitvā nisīditum sakkontassa kimaññaṃ
akaraṇīyaṃ bhavissati, kiṃ aññaṃ lajjissati, tvaṃ mama ñātikoti pana vutte
mudubhāvaṃ anāpajjamāno nāma natthi,

1. Paratare (Syā), parapare (Ka)

2. Jiyatu (Ka)

3. Mukhe (Syā)

4. Dī 2. 260 piṭṭhe.

5. Parimokkho (Sī)

handassa ñātikoṭim paṭivijjhivā mudukeneva naṃ upāyena vissajjessāmi”ti cintetvā imaṃ desanamārabhi.

So me tvaṃ bhāgineyyo hosīti so tvaṃ tasmim kāle mayhaṃ bhāgineyyo hosi. Idaṃ paveṇivasena vuttaṃ. Devalokasmiṃ pana māraṣṣa pitu vaṃso pitāmahassa vaṃso rajjaṃ karonto nāma natthi, puññavasena devaloke devarājā hutvā nibbatto, yāvatāyukaṃ ṭhatvā cavati, añño eko attanā katena kamma tasmim ṭhāne adhipati hutvā nibbattati, iti ayaṃ māropi tadā tato cavitvā puna kusalaṃ katvā imasmim kāle tasmim adhipatiṭṭhāne nibbattoti veditabbo.

Vidhuroti vigatadhuro, aññehi saddhim asadisoti attho. **Appakasirenāti** appadukkhena. **Pasupālakāti** ajeḷakapālakā. **Pathāvinoti** maggaṭṭipannā. **Kāye upacinitvāti** samantato citakaṃ bandhitvā. **Aggim datvā pakkamimsūti** ettakena sarīraṃ pariyādānaṃ gamissatīti citakassa pamāṇaṃ sallakkhetvā catūsu disāsu aggim datvā pakkamimsu. Citako padīpasikhā viya pajjali, therassa udakaleṇaṃ pavisitvā nisinnakālo viya ahosi. **Cīvarāni papphotetvāti** samāpattito vuṭṭhāya vigatadhūme kimsukavaṇṇe aṅgāre maddamāno cīvarāni vidhunitvā. Sarīre panassa usumamattampi nāhosi, cīvaresu aṃsumattampi najjhāyi, samāpattiphalaṃ nāmetam.

508. **Akkosathāti** dasahi akkosavatthūhi akkosatha. **Paribhāsathāti** vācāya paribhāsatha. **Rosethāti** ghaṭṭetha. **Vihesethāti** dukkhāpetha. Sabbametam vācāya ghaṭṭanasseva adhivacanaṃ. **Yathā taṃ dūsī māroti** yathā etesaṃ dūsī māro. **Labhetha otāranti** labhetha chiddaṃ, kilesuppattiyā ārammaṇaṃ paccayaṃ labheyyāti attho. **Muṇḍakāti**-ādīsu muṇḍe muṇḍāti samaṇe ca samaṇāti vattum vaṭṭeyya, ime pana hīlentā muṇḍakā samaṇakāti āhaṃsu. **Ibbhāti** gahapatikā. **Kiṇhāti** kaṇhā¹, kālakāti attho. **Bandhupādāpaccāti** ettha **bandhūti** brahmā adhippeto. Tañhi brāhmaṇā pitāmahoti voharanti.

1. Kaṇhāti kaṇhā (Ka)

Pādānaṃ apaccā **pādāpaccā**, brahmuno piṭṭhipādato jātāti adhippāyo. Tesāṃ kira ayaṃ laddhi “brāhmaṇā brahmuno mukhato nikkhantā, khattiyā urato, vessā nābhito, suddā jānuto, samaṇā piṭṭhipādato”ti.

Jhāyinosmā jhāyinosmāti jhāyino mayāṃ jhāyino mayanti.

Madhurakajātāti ālasiyajātā. **Jhāyantīti** cintayanti. **Pajjhāyantīti**—ādīni upasaggavasena vaḍḍhitāni. **Mūsikaṃ maggayamānoti** sāyaṃ gocarattāya susīrarukkhato nikkhantaṃ rukkhasākhāya mūsikaṃ pariyesanto. So kira upasantūpasanto viya niccalova tiṭṭhati, sampattakāle mūsikaṃ sahasā gaṇhāti. **Kotthūti** siṅgālo, soṇotipi¹ vadanti. **Sandhisamalasaṅkaṭireti** sandhimhi ca samale ca saṅkaṭire ca. Tattha **sandhi** nāma gharasandhi. **Samalo** nāma gūthaniddhamanapanāḷi. **Saṅkaṭiram** nāma saṅkāraṭṭhānaṃ. **Vahacchinnoti** kantārato nikkhanto chinnavaho. **Sandhisamalasaṅkaṭireti** sandhimhi vā samale vā saṅkaṭire vā. Sopi hi baddhagatto² viya niccalo jhāyati.

Nirayaṃ upapajjantīti sace māro manussānaṃ sarīre adhimuccitvā evaṃ kareyya, manussānaṃ akusalaṃ na bhaveyya, mārasseva bhaveyya. Sarīre pana anadhimuccitvā visabhāgavatthum vippaṭisārāmmaṇaṃ dasseti, tadā kira so bhikkhū khippaṃ gahetvā macche ajjhottharante viya, jālaṃ gahetvā macche gaṇhante viya, lepayaṭṭhim oḍḍetvā sakuṇe bandhante viya, sunakhehi saddhim araṇṇe migavaṃ carante viya, mātugāme gahetvā āpānabhūmiyaṃ nisinne viya, naccante viya, gāyante viya, bhikkhunīnaṃ rattiṭṭhānadivāṭṭhānesu visabhāgamanusse nisinne viya, ṭhite viya ca katvā dassesi. Manussā araṇṇagatāpi vanagatāpi vihāragatāpi vippaṭisārāmmaṇaṃ passitvā āgantvā aññesaṃ kathenti “samaṇā evarūpaṃ assamaṇakaṃ ananucchavikaṃ karonti, etesaṃ dinne kuto kusalaṃ, mā etesaṃ kiñci adatthā”ti. Evaṃ te manussā diṭṭhadiṭṭhaṭṭhāne sīlavante akkosantā apuññaṃ pasavitvā apāyapūrakā ahesum. Tena vuttamā “nirayaṃ upapajjantī”ti.

1. Senotipi (Sī, Syā)

2. Thaddhagatto (Sī)

509. **Anvāvitthāti** āvaṭṭitā. **Pharivā viharimsūti** na kevalam pharivā viharimsu. Kakusandhassa pana Bhagavato ovāde ṭhatvā ime cattāro brahmavihāre nibbattetvā jhānapadaṭṭhānam vipassanam vaḍḍhetvā arahatte patiṭṭhahimsu.

510. **Āgatiṃ vā gatiṃ vāti** paṭisandhivasena āgamaṇaṭṭhānam vā, cutivasena gamaṇaṭṭhānam vā na jānāmi. **Siyā cittaassa aññathattanti** somanassavasena aññathattaṃ bhaveyya. **Saggaṃ lokam upapajjantīti** idhāpi purimanayeneva attho veditabbo. Yathā hi pubbe vippaṭisārakaram ārammaṇam dasseti, evamidhāpi pasādakaram. So kira tadā manussānam dassanaṭṭhāne bhikkhū ākāse gacchante viya ṭhite viya pallaṅkena nisinne viya ākāse cūcikkammaṃ karonte viya potthakam vācente viya ākāse cīvaram pasāretvā kāyam utum gaṇhāpente viya navapabbajite¹ ākāse carante viya taruṇasāmaṇere ākāse ṭhatvā pupphāni ocinante viya katvā dassesi. Manussā araṇṇagatāpi vanagatāpi viharagatāpi pabbajitānam taṃ paṭipattiṃ disvā āgantvā aññesaṃ kathenti “bhikkhūsu antamaso sāmaṇerāpi evam mahiddhikā mahānubhāvā, etesaṃ dinnam mahapphalam nāma hoti, etesaṃ detha sakkarothā”ti. Tato manussā bhikkhusamgham catūhi paccayehi sakkarontā bahum puñnam katvā saggapathapūrakā ahesum. Tena vuttam “saggaṃ lokam upapajjantī”ti.

511. **Etha tumhe bhikkhave asubhānupassino kāye viharathāti** Bhagavā sakalajambudīpam āhiṇḍanto antamaso dvinnampi tiṇṇampi bhikkhūnam vasanaṭṭhānam gantvā—

“Asubhasaññāparicitenā bhikkhave bhikkhuno cetasā bahulam viharato methunadhammasamāpattiyā cittaṃ patilīyati patikuṭati pativattati na sampasāriyati, upekkhā vā pāṭikulyatā vā saṇṭhāti.

Āhāre paṭikūlasaññāparicitenā bhikkhave bhikkhuno cetasā bahulam viharato rasataṇhāya cittaṃ patilīyati

1. Vuḍḍhapabbajite (Sī, Syā)

patikuṭati pativattati na sampasāriyati, upekkhā vā pāṭikulyatā vā saṅṭhāti.

Sabbaloke anabhiratisaññāparicitenā bhikkhave bhikkhuno cetasā bahulaṃ viharato lokacitresu cittaṃ patilīyati patikuṭati pativattati na sampasāriyati, upekkhā vā pāṭikulyatā vā saṅṭhāti.

Aniccaaññāparicitenā bhikkhave bhikkhuno cetasā bahulaṃ viharato lābhasakkārasiloke cittaṃ patilīyati patikuṭati pativattati na sampasāriyati, upekkhā vā pāṭikulyatā vā saṅṭhāti”ti¹ evaṃ ānisaṃsaṃ dassetvā—

Etha tumhe bhikkhave asubhānupassī kāye viharatha, āhāre paṭikūlasaññino sabbaloke anabhiratisaññino sabbasaṅkhāresu aniccānupassinoti. Imāni cattāri kammaṭṭhānāni kathesi. Tepi bhikkhū imesu catūsu kammaṭṭhānesu kammaṃ karontā vipassanaṃ vaḍḍhetvā sabbāsava khepetvā arahatte patiṭṭhahiṃsu, imānipi cattāri kammaṭṭhānāni rāgasantāni dosamohasantāni rāgapaṭighātāni dosamohapaṭighātāni cāti.

512. **Sakkharam gahetvā**ti antomuṭṭhiyaṃ tiṭṭhanapamaṇaṃ pāsāṇaṃ gahetvā. Ayañhi brāhmaṇagahapatikehi bhikkhū akkosāpetvāpi, brāhmaṇagahapatikānaṃ vasena bhikkhusaṃghassa lābhasakkāraṃ uppādāpetvāpi otāraṃ alabhanto idāni sahatthā upakkamitukāmo aññatarassa kumārassa sarīre adhimuccitvā evarūpaṃ pāsāṇaṃ aggahesi. Tam sandhāya vuttaṃ “sakkharam gahetvā”ti.

Sīsam vobhindīti sīsam bhindī, mahācammaṃ chijjitvā² maṃsaṃ dvedhā ahoṣi. Sakkharā panassa sīsakaṭāhaṃ abhinditvā aṭṭhiṃ āhacceva nivattā. **Nāgāpalokitaṃ apalokesī**ti pahārasaddaṃ sutvā yathā nāma

1. Am 2. 433, 434 piṭṭhesu.

2. Chinditvā (Sī)

hatthināgo ito vā etto vā apaloketukāmo gīvaṃ aparivattetvā sakalasarīrenea nivattitvā apaloketi, evaṃ sakalasarīrenea nivattitvā apalokesi. Yathā hi mahājanassa¹ aṭṭhīni koṭiyā koṭim āhacca ʘhitāni, Paccekabuddhānaṃ aṅkusalaggāni, na evaṃ Buddhānaṃ. Buddhānaṃ pana saṅkhalikāni viya ekābaddhāni hutvā ʘhitāni, tasmā pacchato apalokanakāle na sakkā hoti gīvaṃ parivattetuṃ. Yathā pana hatthināgo pacchābhāgaṃ apaloketukāmo sakalasarīrenea parivattati, evaṃ parivattitabbaṃ hoti. Tasmā Bhagavā yantena parivattitā suvaṇṇapaṭimā viya sakalasarīrenea nivattitvā apalokesi, apaloketvā ʘhito pana “na vāyaṃ dūsī māro mattamaññāsī”ti āha. Tassattho, ayaṃ dūsī māro pāpaṃ karonto neva pamānaṃ aññāsī, pamāṇāṭikkantaṃ akāsīti.

Sahāpalokanāyāti Kakusandhassa Bhagavato apalokaneneva saha taṅkhaṇaññeva. **Tamhā ca ʘhānā cavīti** tamhā ca devaʘhānā cuto, mahānirayaṃ upapannoti attho. Cavamāno hi na yattha katthaci ʘhito cavati, tasmā Vasavattidevalokaṃ āgantvā cuto, “sahāpalokanāyā”ti ca vacanato na Bhagavato apalokitattā cutoti veditabbo, cutikāladassanamattameva hetam². Uḷāre pana mahāsāvake viruddhattā³ kudāriyā pahaṭaṃ viyassa āyu⁴ tattheva chijjitvā gatanti veditabbaṃ. **Tayo nāmadheyyā hontīti** tīṇi nāmāni honti. **Chaphassāyatanikoti** chasu phassāyatanesu paṭi-ekkāya vedanāya paccayo.

Saṅkusamāhatoti ayasūlehi samāhato. **Paccattavedaniyoti** sayameva vedanājanako. **Saṅkunā saṅku hadaye samāgaccheyyāti** ayasūlena saddhiṃ ayasūlaṃ hadayamajjhe samāgaccheyya. Tasmim kira niraye upapannānaṃ tigāvuto attabhāvo hoti, therassāpi⁵ tādiso ahosi. Athassa hi nirayapālā tālakkhandhapamāṇāni ayasūlāni ādittāni sampajjalitāni sajotibhūtāni sayameva gahetvā punappunaṃ nivattamānā “iminā te ʘhānena cintetvā pāpaṃ katan”ti

1. Pakabhimahājanassa (Ka)

2. Hoti (Ka)

3. Viruddhattā (Ka)

4. Viyassa māraṣsa āyu (Syā)

5. Māraṣsāpi (Syā)

pūvadoṇiyam pūvam koṭṭento viya hadayamajjham koṭṭetvā paṇṇāsa janā pādābhimukhā paṇṇāsa janā sīsābhimukhā koṭṭetvā gacchanti, evam gacchantā pañcahi vassasatehi ubho ante patvā puna nivattamānā pañcahi vassasatehi hadayamajjham āgacchanti. Tam sandhāya evam vuttam.

Vuṭṭhānimanti vipākavuṭṭhānavedanam. Sā kira mahāniraye vedanāto dukkhatarā hoti, yathā hi sinehapānasattāhato parihārasattāham¹ dukkhataram, evam mahānirayadukkhatato ussade vipākavuṭṭhānavedanā dukkhatarāti vadanti. **Seyyathāpi macchassāti** purisasīsāñhi vaṭṭam hoti, sūlena paharantassa pahāro ṭhānam na labhati parigalati, macchāsīsam āyatham puthulam, pahāro ṭhānam labhati, avirajjhivā kammakāraṇā sukarā hoti, tasmā evarūpam sīsam hoti.

513. **Vidhuram sāvakamāsajjāti** vidhuram sāvakam ghaṭṭayivā. **Paccattavedanāti** sayameva pāṭi-ekavedanājanakā. **Īdiso nirayo āsīti** imasmim ṭhāne nirayo Devadūtasuttena dīpetabbo. **Kaṇha dukkham nigacchāsīti** kālaka māra dukkham vindissasi. **Majjhe sarassāti** mahāsamuddassa majjhe udakam vatthum katvā nibbattavimānāni kappatṭhitikāni honti, tesam veḷuriyassa viya vaṇṇo hoti, pabbatamatthake jalitanaḷaggikkhandho viya ca nesaṃ acciyo jotanti, pabhassarā pabhāsampannā honti, tesu vimānesu nīlabhedādivasena nānattavaṇṇā accharā naccanti. **Yo etamabhijānātīti** yo etam vimānavatthum jānātīti attho. Evamettha Vimānapetavatthukeneva attho vedītabbo. **Pādaṅgutṭhena kampayīti** idam Pāsādakampanasuttena dīpetabban. **Yo Vejayantarim pāsādanti** idam Cūḷataṇhāsāṅkhayavimuttisuttena dīpetabban. **Sakkaṃ so paripucchatīti** idampi teneva dīpetabban. **Sudhammāyābhito sabhanti** sudhammasabhāya samīpe, ayam pana brahmaloke Sudhammasabhāva, na Tāvatisabhavane. Sudhammasabhāvīrahito hi devaloko nāma natthi.

Brahmaloke pabhassaranti brahmaloke Mahāmogallānamahākassapādīhi² sāvakehi saddhim tassa tejodhātum samāpajjitvā

1. Pharitvā āhārasattāham (Ka)

2. Sāriputtamahāmogallāna... (Sī, Syā) Ṭikā oloketabbā.

nisinnassa Bhagavato obhāsaṃ. Ekasmiñhi samaye Bhagavā brahmaloke Sudhammāya devasabhāya sannipatitvā “atthi nu kho koci samaṇo vā brāhmaṇo vā evaṃmahiddhiko, yo idha āgantum sakuṇeyyā”¹ti cintentasseva brahmagaṇassa cittamaññāya tattha gantvā brahmagaṇassa matthake nisinno tejodhātum samāpajjitvā Mahāmogallānādīnam āgamanam cintesi. Tepi gantvā Satthāraṃ vanditvā tejodhātum samāpajjitvā paccekaṃ disāsu nisīdimsu, sakalabrahmaloko ekobhāso ahoṣi. Satthā catusaccappakāsaṇaṃ dhammaṃ desesi, desanāpariyosāne anekāni brahmasahassāni maggaphalesu paṭiṭṭhahimsu. Taṃ sandhāyimā gāthā vuttā, so paṇāyamattho Aññatarabrahmasuttena¹ dīpetabbo.

Vimokkhena aphasayīti jhānavimokkhena phusi. **Vananti** jambudīpaṃ. **Pubbavidehānanti** pubbavidehānaṃ ca dīpaṃ. **Ye ca bhūmisayā narāti bhūmisayā narā** nāma aparagoyānakā² ca uttarakurukā ca. Tepi sabbe phusīti vuttaṃ hoti. Ayaṃ pana attho Nandopanandadamanena dīpetabbo. Vatthu Visuddhimagge iddhikathāya vitthāritaṃ. **Apuññaṃ pasavīti** apuññaṃ paṭilabhi. **Āsaṃ mākāsi bhikkhūsūti** bhikkhū vihesemīti³ etaṃ āsaṃ mā akāsi. Sesaṃ sabbattha uttānamevāti.

Papañcasūdaniyā Majjhimanikāyaṭṭhakathāya

Māratajjanīyasuttavaṇṇanā niṭṭhitā.

Pañcamavaggavaṇṇanā niṭṭhitā.

Mūlapaṇṇāsattakathā niṭṭhitā.

1. Bakabrahmasuttena (Sī, Syā, Ka), Bahubrahmakasuttena (Ṭikā)

Saṃ 1. 146 piṭṭhe passitabbaṃ.

2. Amaragoyānakā (Syā)

3. Bhikkhū rosemi vihesemīti (Sī), bhikkhum vināsemi vihimsemīti (Syā)

Mūlapaṇṇāsaṭṭhakathāya dutiyabhāge

Saṁvaṇṇitapadānaṁ anukkamaṇikā

Padānukkamo	Piṭṭhaṅko	Padānukkamo	Piṭṭhaṅko
[A]		[A]	
Akathamkathī	120	Aṅgesu	212
Akāmakānaṁ	76	Acavanadhammaṁ	302
Akālavādī	231	Acalacetiyatṭhānāni	72
Akālena	6, 232	Accantaniṭṭho	198
Akukkukajātaṁ	180	Accantapariyosāno	198
Akuppā cetovimutti	135	Accantabrahmacārī	198
Akuppā me vimutti	79	Accantayogakkhemī	198
Akusalā	168	Accādhāya	217
Akusalā imassa		Acirapakkante	134
lokassa	168	Acchariyabbhutacitta-	
Akkosanti	24, 128	jātā	204, 311
Akkosatha	314	Ajajjitaṁ	191
Aggamakkhāyati	121	Ajjhagamaṁ	79
Aggaḷā	22	Ajānaṁ apassaṁ	135
Aggaḷaṁ	313	Ajito	136
Aggaḷaṁ ākoṭesi	74	Ajjhattaṁ	117
Aggaṁ	298	Ajjhattameva	193
Aṅgakūṭaṁ	114	Ajjhattaṁ paccattaṁ	126
Aṅgamaṅgānusārino	131	Ajjhupekkhimsu kho	67
Agāriyaṁ	109	Ajjhupekkheyyāma	67
Aṅgārakāsūpamā	10	Ajjhesanaṁ	84
Aṅgāraṁ akkamitvā	299	Ajjhopannā	98
Aggaṁ gavesanti	131	Ajjhosānaṁ	133
Aggaṁ datvā pakkamimsu	314	Ajjhosāya tiṭṭhati	211

Padānukkamo	Piṭṭhaṅko
[A]	
Añjaliṃ paṇāmetvā	175
Aññadatthu	102, 302
Aññatarasmim vā	108
Aññatarā devatā	30
Aññathābhāvo	305
Aññe ghaṭṭessanti	67
Aññehi ca abhiññātehi abhiññātehi	149
Aññam sathāram uddiseyyātha	209
Aññam phāsuvihāram uttaritam vā paṇītataram vā na samanupassāma	145
Aṭṭhim katvā	300
Aṇḍakā	231
Aṇaṇo	84
Aṇḍupakam	64
Aṇṇavo	15
Aṇum vā thūlam vā	8
Atakkāvacaro	80
Attakāmarūpā	139
Attanā	110
Attaniyam vā	25
Atibāḷham kho ayam	204
Antarahitā tasmim	127
Atthavādī	111
Atthavasam	54
Atthasañhitena	6
Atthasamhitam	112
Attahetu vā parahetu vā	231
Ativelam	1

Padānukkamo	Piṭṭhaṅko
[A]	
Aturita-cārikā	56
Attham na upaparikkhanti	13
Atricchatā	45
Atha khvāssa notevettha	128
Atha kho Bhagavā	3, 10, 11
Atha Bhagavā anuppatto	74
Atha bhikkhu soratoti	6
Athenena	110
Atho rāgavirāginam	305
Adayāpanno	230
Addasaṃsu	67
Adassanam gato	69
Adhammacariyā visamacariyā	229
Adhammacārī visamacārī	234
Andhamakāsi māram	68
Addhānamaggapaṭipannam	94
Adhikaraṇampi karoti	2
Adhigato	80
Adhigama-appiccho	47
Adhimattagilāno	218
Adhimuccati	129
Adhivāsetu	183
Adhivāsesi Bhagavā	183
Adhogamā vātā	131
Anakkhātam kusalañhi mārisa	312
Anagāriyam	109
Anacchariyā	81
Anattamanavācam	5
Anattādhīno	218

Padānukkamo	Piṭṭhaṅko	Padānukkamo	Piṭṭhaṅko
[A]		[A]	
Anatthavādī	231	Anuttaraṁ santivarapadam	76
Anatthasaṁhitam	232	Anunayo	133
Anantaṁ	310	Anupakhajja	65
Ananuvijjo	23	Anupaṭṭhitakāyasati	211
Anapadesaṁ	232	Anuppatto	75
Anabhibhūto	302	Anuppadātā	111
Anabhiraddhi	24	Anupaparikkhataṁ	13
Anayabyasanaṁ āpajjimsu	167	Anuppabandhehi	155
Anarahanto	102	Anupādāparinibbānattham	62
Anariyapariyesanā	75	Anupādiyaṁ na paritassati	200
Analasā	5	Anumatipucchā	235
Analaṅkaritvā	78	Anumassa anumassa	54, 64, 65
Anavajjasukham	117	Anuyogo	114
Anavasesadohī ca	162, 166	Anuruddhatthero	149
Anādīnavadassāvino	98	Anurodhavirodham	211
Anālapanaṭāya	312	Anuvarante	224
Anāvilo	224	Anuvaritaṁ manasā	16
Anāhārā	131	Anusāsani karaṇīyā	4
Aniccatā	127	Anusayasamugghātāya	156
Aniccadhammo	35	Anussāvesum	147
Aniccānupassī	199	Anekavihitesu ca	
Aniccucchādana -pa-		kaṅkhāṭhānīyesu	165
dhammassa	35	Antamaso mālāguṇa-	
Aniccaṁ bhante	19	parikkhittāpi	230
Anidassanaṁ	310	Antaradhāyāmi	310
Anidassano	7	Antarākathā	74
Anidhānavati vācam	232	Antarā ca Gayam antarā ca	
Animisacetiyaṁ	89	bodhim	93
Anissaraṇapaññā	98	Antarāyikā	9
Anukampaṁ upādāya	73, 185	Andhavane	28
Anucaṅkamante	224		

Padānukkamo	Piṭṭhaṅko	Padānukkamo	Piṭṭhaṅko
[A]		[A]	
Antonimuggaposīni	85, 223	Appābādhatam	3
Anvayā	284	Api ca kho āsanam	96
Anvāviṭṭhā	316	Api ca te aham brahme	305
Anvesam	23	Api ca mamapi suṇātha	159
Apakkamim	78	Appiccho	44
Appakasirena	314	Apissu	81
Apacāyamāno	6	Apuññam pasavi	320
Apaññatā	134	Appeva nāma	54, 70
Apadam vadhitvā		Appesakkhā	134
māracakkhum	68	Appeva sakena karaṇīyena	201
Apathavim	6	Appossukkatāya	81
Apathavim kareyya	7	Appam vā	109
Aparappaccayo	182	Abbhuggato	228
Aparaddho	180	Abbhaññamsu	137
Aparāmaṭṭhāni	298	Abbhācikkhanti	23
Apariyantavatim	232	Abbhutadhammam	13
Aparibhinnam	133	Abbūḷhesiko	22
Apasādeti	304	Abbhokāso	109
Appaccayo	24	Abbhokāsam	119
Appaṭibhāno	11, 181	Abyābajjhena	6
Appaṭisaṅkhāya piveyya	275	Abyāsekasukham	117
Appaṭivibhattabhogī	293	Abrahmacariyam	110
Appamāṇacetaso	211	Abrāhmaṇāva	102
Appamāṇena	6	Abhayūparato	283
Appameyyā	7	Abhabbo tam pokkharanim	
Apparajakkhajātikā	83, 91	puna otaritam	181
Apparajakkhā	84	Abhikkamatha	141
Apāpuretam	83	Abhijānāti	199
Apārutā	86	Abhijānātha	96
Appānakam	190	Abhijhātā hoti	232
Appātāṅkatam	3		

Padānukkamo	Piṭṭhaṅko	Padānukkamo	Piṭṭhaṅko
[A]		[A]	
Abhijjhāya cittaṃ	120	Amāradheyyaṃ	168
Abhijjhaṃ loke	120	Amhākaṃ	143
Abhiññā	106	Amūsaṃ bhedāya	231
Abhiññāya	306	Ayamantimā jāti	79
Abhiññātehi abhiññā- tehi	147	Ayaṃ dukkhanirodho	238
Abhiṇṇhaṃ kittayamāno ahosi	60	Ayaṃ dukkhasamudayo	238
Abhidosaakālaṅkato	91	Ayaṃ bhikkhave ariyā	76
Abhinandati	211	Ayaṃ vammiko	34
Abhinanditvā anumoditvā	194	Araññaṃ	119
Abhiniggaṇheyyaṃ	189	Arahasi Anantajino	94
Abhinippīleyyaṃ	190	Ariyaṃ	298
Abhinibbatteti	134	Ariyena	117
Abhinivissa voharati	10	Ariyo vā	75
Abhinīto	231	Arūpī	7
Abhibhū	302	Alamariyañāṇadassana- viseso	145
Abhivihacca	276	Alagaddo	13
Abhisantāpeyyaṃ	190	Alagaddatthiko	13
Abhisandeti	221	Alagaddapariyatti	13
Abhisamecca	200	Alabhamāno	6
Abhihaṭṭhum pavārenti	166	Alamidam padhānāya	79
Abhikkamatha	141	Allakaṭṭhaṃ	188
Abhikkantavaṇṇā	31	Alliyetha	208
Abhikkantāya rattiyā	30	Alaṃ	79
Abhūtavādī	231	Alaṃ vata	79
Abhūtena	23	Avakkārapātim	143
Amaccudheyyaṃ	168	Avakkanti hoti	210
Amatadvāraṃ	169	Avañjhā	213
Amatassa dvārā	86	Avaṇṇaṃ bhāsati	2

Padānukkamo	Piṭṭhaṅko	Padānukkamo	Piṭṭhaṅko
[A]		[A]	
Avijjā	21	Ahampi kho taṃ bhikkhave	19
Avijjāgato	274, 302	Ahu vata me	17
Avijjāya tveva	208	Aho nūna te	205
Avidūre nisinno hoti	200	Aho vata	232
Avinayavādī	232	Ahaṃ ime dutiye	68
Avisayhaṃ	144	Ahaṃ ceva aññe ca	77
Avisaṃvādako	111		
Avūpakaṭṭhā	188	[Ā]	
Averena	6	Ākaḍḍheyya	173
Asakkhim kho ahaṃ	96	Ākāra	284
Asatā	23	Ākāravatī	286
Asati na paritassati	17	Ākāśagataṃ tamagataṃ	276
Assamaṇāva samānā	102	Ākāso parivārīto	132
Asamayavimokkhaṃ	135	Ākiñcaññāyatanam pavedesi	77
Asamavekkhitvā	167	Āgatim vā gatim vā	67, 316
Asamādhisaṃvattanikā	231	Āgamayamāno	74
Asmimāno	22	Āgamehi	182
Asisūnūpamā	10	Āghāto	24
Asisūnam	34	Ācayāpacayo hoti	186
Asurā parājiniṃsu	202	Ājaññaratho	4
Assadammasārathi	4	Ājānissati	91
Assapuraṃ nāma	212	Āṇaṇyam	220
Assamaṇāva	102	Ātatavitataṃ	200
Assavanatā	83	Ātataṃ	200
Assāso	131	Ādittaṃ	7, 179
Assumukhānam	76	Ānando	24
Asesavirāganīrodhā	208	Ānandatthero	149
Assosum	227	Āpānīyakamso	275
Asamsatṭho	50	Āpāyikānam ṭhānānam	225
Asamhāriyā	286	Āpogataṃ	130

Padānukkamo	Piṭṭhaṅko
[Ā]	
Ābādhiko	217
Ābhānaṁ devānaṁ	233
Ābhujitvā	119
Āmakadhaññaṭṭiggaḥaṇā	113
Āmakamaṁsapaṭṭiggaḥaṇā	113
Āmaṇḍalikaṁ karitvā	167
Āmanteti	2
Āmantehi	2
Āmisesu sandissanti	285
Āmisam	231
Āyamukhaṁ	222
Āyasmā	26
Āyasmatā ca Revatena	149
Āyasmā Assaji	172
Āyu usmā ca viññāṇaṁ	250
Āraddhavīriyo	53
Ārabbha	193
Ārācārī	110
Āraññiko	156
Ārādhayimṣu	3
Ārocayāmi	214
Ālayasammuditā	80
Ālayaratā	80
Ālayarāmā	80
Ālayo	133
Ālokasaññī	120
Ālopo	115
Āvatto bāhullāya	96, 192
Āvi ceva raho ca	142, 293
Āsajja āsajja	194

Padānukkamo	Piṭṭhaṅko
[Ā]	
Āsajja upanīya	188
Āsajja	183
Āsavānaṁ khayā samaṇo	226
Āsādetabbaṁ	183
Āsaṁ mākaṁsi bhikkhūsu	320
Āhañchaṁ amatadundubhiṁ	94
Ālāro	76
[I]	
Iṅgha	303
Iṇaṁ ādāya	217
Iti paṭisañcikkhati	109
Itivādappamokkhānisamsā	13
Itivuttakaṁ	12
Iti samaggānaṁ vā bhedaḥkā	231
Ito ca panaññaṁ	302
Ito vā pana sutvā	34
Itthī	113
Itthambhāvo	305
Idappaccayatāpaṭicca-	
samuppādo	80
Idamāsanaṁ paññattaṁ	201
Idametaṁ paṭicca vuttaṁ	209
Iddhānubhāvā	66
Iddhābhisaṅkhāraṁ	
abhisaṅkhāsi	204
Iddhimantā	67
Idaṁ dukkhanti nappajānāti	238
Idaṁ nissitaṁ	23
Idaṁ hi na jāyati	302
Idha	104, 160, 163, 210

Padānukkamo	Piṭṭhaṅko	Padānukkamo	Piṭṭhaṅko
[I]		[U]	
Idhūpapanno	305	Ucchādanadhammo	35
Imassuppādā idaṃ uppajjati	208	Ucchāretvā	15
Imasmiṃ nivāpe	66	Ujūṃ kāyaṃ paṇidhāya	119
Imasmiṃ sati idaṃ hoti	208	Ujjhāpesi	5
Imāsaṅca imāsaṅca	146	Uṭṭhehi	84
Imesaṃ bhedaḃya	111, 231	Uttarasetu	15
Imehi ākārehi	286	Uttarimanussadhammā	145
Imehi padehi	286	Uttaruttariṃ paṇitapaṇitam	286
Imehi byañjanehi	286	Uttaraṃ tīraṃ suvidehānaṃ	167
Imaṃ kusalaṃ dhammaṃ	280	Uttānaseyyako	299
Iriyāya	96	Uttāno	215
Issaro	303	Udakaṇṇavaṃ	15
Isipatanaṃ	93	Udakānuggatāni	223
[Ī]		Udakantaṃ	131
Īdiso nirayo āsi	319	Udakorohakassa	226
[U]		Udakaṃ accuggamma ṭhitāni	85
Ukkacelāyaṃ	167	Udānaṃ	12, 103
Ukkhattapaligho	21	Udānaṃ udānesi	102
Ukkhipa laṅgiṃ abhikkhaṇa		Uddhaṅgamā	131
sumedha	34	Uddhaccakukkuccaṃ	120, 219
Ukkoṭanaṃ	115	Uddhareyyuṃ	270
Ugghaṭṭitaṅṅū	85	Uddhumāyikamaṇḍūko	38
Uccā kāḷārikā	103	Uddhumāyikaṃ	34
Uccā kaṇerukā	103	Upako	94
Uccā ca dantehi āraṅjitāni	103	Upagato ajjhosito	180
Uccā ca nisevitaṃ	103	Upadhipaviveko	49
Uccāvacaṇi	299	Upanissāya āsayam	66-67
Uccāsayaṃ	113	Upanītehi	194
		Upanītā kho me	209

Padānukkamo	Piṭṭhaṅko	Padānukkamo	Piṭṭhaṅko
[U]		[E]	
Upamā maṃ bho Gotama		Ekañca pana maññe cittaṃ	142
paṭibhāti	177	Ekajjhaṃ saṃsaṭṭhaṃ	275
Uparipāsādavaragato	156	Ekanāḷikā	159
Upalāpeti	304	Ekabhattiko	112
Upasantā	5	Ekamantaṃ aṭṭhāsi	32
Upasampajja	76	Ekamantaṃ nisīdi	184
Upalāpeti	304	Ekādasahi bhikkhave aṅgehi	160
Uppaliniyaṃ	85	Ekāsanabhojanaṃ	3
Uppalinī	223	Eko vā viharanto	284
Upātivattittho	303	Ekaṃ samayaṃ	3
Upādinnaṃ	126	Eṇikūlasmiṃ	308
Uppilāvitattaṃ	24	Etadatthaṃ	135
Upekkhā kusalanissitā		Etadavoca	32, 100, 140
saṅṭhāti	130	Etadavocuṃ	229
Ubbhaṭṭhakassa	226	Etarahi ca	24
Ubhatopakkhaṃ	187	Ettakampi no	65
Ubbhidodako	222	Etāva paramaṃ	191
Ubhova santā	77	Ete	186
Uruvelā	78	Etaṃ pathohamasmi etaṃ	
Usiraddhajo	105	gocaro	286
Usmīkato	11, 206	Etaṃ pariyosānaṃ	135
Ussukkaṃ āpanno	300	Etaṃ mama	16
Uḷārāṇi uḷārāṇi	186	Etaṃ sāraṃ	135
Uḷārāya	77, 100	Etha tumhe bhikkhave	316
Uḷumpo	15	Ettha te vattate vaso	305
		Elaṇḍehi	4
		Evamāvusoti kho	
		āyasmā Mahākassapo	151
		Evameva kho	4, 7, 25, 103, 132
		Evameva kho āvuso	156
[Ū]			
Ūrukkhambho	185		

Padānukkamo	Piṭṭhaṅko	Padānukkamo	Piṭṭhaṅko
[E]		[O]	
Evarūpena	156, 159	Ottappaṃ	213
Evarūpaṃ pabhāvitametam	96	Otiṇṇo	134
Evaṃ adhippāyā	273	Odanakummāsūpacayassa	35
Evaṃ imaṃ nivāpaṃ	67	Odātena vatthena	223
Evaṃ kāmā	273	Odhastapatodo	4
Evaṃ chandā	273	Odhuneyya	173
Evaṃ jānāti	280	Onītapattapaṇiṃ	184
Evaṃ jānantā	209	Opakkamikā	188
Evaṃ passantā	209	Opasāyiko me	
Evaṃ Buddhaṃ anussarato	130	bhavissasi	304
Evaṃ byākho	10	Obhāsetvā	32
Evaṃ mahesakkho	305	Orambhāgiyāni	22
Evaṃ me rūpaṃ mā ahosi	178	Olīnavuttiko	137
Evaṃ me rūpaṃ hotu	178	Ovādako	53
Evaṃ me vedanā hotu	180	Ossavane	132
Evaṃ me saññā hotu	180	Ohitasoto	300
Evaṃ vutte	17, 311	[Ka]	
Evaṃ sattaṅgasamannāgato	301	Kakkasā	231
Esa aggivessana Bhagavā	174	Kakkhaḷam	126
Esikā	22	Kacci	141
Eso me attā	16	Kaccāyano	137
Esohamasmi	16	Kaṭṭham	132
[O]		Kaṇṇasukhā	112
Okappaniyametaṃ	193	Kaṇhadukkham nīgacchasi	319
Ogacchanti	130	Kaṇhasukkasappaṭibhāgam	286
Ocarakā	8	Kataparappavāde	101
Oṭṭhapahatamattena	76	Kattā nimmātā	303
Oṭṭhubheyya	7	Kantāraddhānamaggaṃ	218
		Kathaṅca paṇāyasmantaṃ	64
		Kathetukamyatāpucchā	235

Padānukkamo	Piṭṭhaṅko	Padānukkamo	Piṭṭhaṅko
[Ka]		[Ka]	
Katham	142	Kāyasaṃsaggo	52
Kathamrūpena āvuso		Kāya nuttha	74
Ānanda	152	Kāye upacinitvā	314
Kandaraṃ	119	Kāyena	229
Kadāci	54	Kālavādī	112
Kappasaddo	31	Kālāmo	76
Kappo	308	Kālena	6, 112
Kammāragaggiyā	190	Kālenakālaṃ	222
Kammāsaṃ	298	Kāsināṃ puraṃ	94
Kamuḍḍiseyyaṃ	94	Kiccakārī	15
Kamanti	130	Kiñcikkhaṃ	231
Kayavikkayā	114	Kiñcideva desaṃ	175
Karahaci	54	Kicchena	81
Kalandakā	41	Kiṇhā	314
Kalandakanivāpo	40	Kittāvataṃ nu kho bhante	198
Kalahajātā	291	Kittisaddo	5, 228
Kallaṃ nu	180	Kimatthaṃ carahāvuso	62
Kallaṃ nu taṃ -pa- attā	19	Kisābalake	168
Kassa nu kho nāma	10, 206	Kiso	186
Kassapo	136	Kucchiparihārikena	117
Kasiṇaṃ āyuraṃ	304	Kucchisayā vātā	131
Kahaṃ nu kho bho	174	Kuto nīceyyaṃ	306
Kāmacchando	218	Kuto pana tvaṃ	187
Kāmabhogiseyyā	216	Kumārakassapo	26
Kāmehi	188	Kumārikā	113
Kāyanvayaṃ hoti	185	Kumāro	299
Kāyaparihārikena	117	Kummaṃ	34
Kāyapaviveko	49	Kullūpamaṃ	15
Kāyabhāvanā	186	Kullaṃ bandhitvā	15
Kāyassetāṃ adhivacanaṃ	34	Kusalesu dhammesu	120

Padānukkamo	Piṭṭhaṅko	Padānukkamo	Piṭṭhaṅko
[Ka]		[Kha]	
Kūṭam	114	Khaṇḍam	297
Ketabino	67	Khayadhammatā	127
Kenacideva karaṇīyena	234	Kharigataṃ	126
Kenaci vā	287	Khalu	228
Kelāyetha	208	Khīrodakībhūtā	141
Kevalakappaṃ	31	Khettam	114
Kevalassa	209	Khemaṃ patthetha	169
Kevalam	77, 108, 302	Kho	227
Kesakambalo	136	[Ga]	
Kesavo	308	Gajaṅgalam	104
Ko ca samaṇassa	100	Gaṇanato	160, 163
Ko cāham bho	100	Gaṇamanusāsanti	285
Koccho	135	Gaṇācariyā	135
Koṭṭhamanupaviṭṭho	312	Gaṇino	135
Koṭṭhāsaya vātā	131	Gattāni pubbāpayamāno	73
Kotthu	315	Gatīṅca pajānāmi	305
Kodhasāmantā	231	Gado	13
Ko nāmo āyasmā	64	Gaddhabādhipubbassa	9
Kosambiyam	287	Gadhitā	98
Kosalesu	227	Gandhabbo	210
Koḷāpaṃ	189	Gandham	113
Kamsakūṭam	114	Gabbho	210
Kamsathāle	222	Gambhīrā	7
Kimkaraṇīyāni	299	Gabhīrā appameyyā	7
Kim kusalagavesī	76	Gambhīro	80
Kim je divā uṭṭhāsī	5	Garu	209
Kim so bhavamāno		Garukaraṇā	292
Saccako	174	Garugaro viya	312
Kim hi no siyā		Garum karonto	6
bhante	145, 188		

Padānukkamo	Piṭṭhaṅko
[Ga]	
Gahaṇakūṭaṁ	114
Gahaṇūpādānaṁ	62
Gahapatānī	5
Gāthā	12
Gāmagataṁ vā	230
Gāmadhammā	110
Gāmampi vahati	132
Gāhagāhako	52
Gāhamuttako	52
Gāhenti	186
Giṇṇjakāvasathe	138
Giriguhaṁ	119
Gumbaviparāmoso	115
Geyyaṁ	12
Gehasitā	3
Gogaṇaṁ	160
Gotamo	228
Gopariṇāyakā	163
Gopitaro	163
Gosālo	136
Gosiṅgasālavanadāye	138, 147
[Gha]	
Ghaṭṭikā	210
Ghanaṁ	200
Ghātetāyaṁ vā ghātetuṁ	178
Ghositaseṭṭhi	288
Ghositārāme	288

Padānukkamo	Piṭṭhaṅko
[Ca]	
Cakkhuṁ aparibhinnaṁ	132
Caṅgavāraṁ	34, 39
Caṇḍī	5
Cattāri padāni	101
Catumahāpathe	4
Caturassā	160
Cātumahābhūtikassa	34
Cārikaṁ caramāno	55, 59
Ciṅgulakaṁ	210
Cittapaviveko	49
Cittabhāvanā	186
Cittavisuddhatthā	63
Cittaṁ samādhiyati	226
Cirassaṁ kho mārisa	
Moggallāna	201
Cīvarāni papphoṭetvā	314
Cetasā cittaṁ	189
Cetasā ceto paricca	
vidito	146
Cetovimutti	68
Celaṁ	64
[Cha]	
Chandā	3
Chandarāgavinayo	
chandarāgappahānaṁ	133
Chando	133, 188
Chaphassāyataniko	318
Chayime bhikkhave	
dhammā sāraṇīyā	292

Padānukkamo	Piṭṭhaṅko	Padānukkamo	Piṭṭhaṅko
[Ca]		[Ña]	
Chādessati	275	Ñāṇaṅca pana me	79, 91
Chāvaṃ	94	Ñāṇadassanaṃ ārādheti	134
Chiddaṃ	297	Ñāṇavādaṃ	76
Chinnapilotiko	25	Ñātaññatarassa	205
Chinnabhabharā	8	Ñātaññatarena	173
Chinnasassarā	8	Ñattajjhāpanno	282
Chedanaṃ	115	Ñātā	135
[Ja]		Ñātiparivaṭṭo	109
Jaṅgalānaṃ	121	[Tha]	
Jaṅghāvihāraṃ		Ṭhito hoti	179
anucaṅkamamāno	172	[Da]	
Jarādhammo	75	Ḍeti	117
Jāgarīyamanuyuttā	216	[Ta]	
Jātakaṃ	12	Takkarassa	298
Jātarūpaṃ	75, 113	Taggha	142
Jātameva naṃ	226	Taṅcassa atthaṃ anubhonti	14
Jātidhammo	75	Taṅcepi kulaṃ	147
Jātibhūmi	41	Tajjassa	133
Jātibhūmakā	41	Tajjo samannāhāro	132
Jātisaṃsāro	21	Taṇhākkhaye vimutto	94
Jātidhammā hete	75	Taṇhā	22
Jānatā	169	Taṇhupādinna	128
Jāpetāyaṃ vā jāpetuṃ	178	Tatra	3, 6, 24
Jīrīyati	131	Tatra ce	24
Jutiṅca	305	Tatra tatra	206
[Jha]		Tatra bhikkhave	66
Jhāyanti	315	Tatra bhikkhu mattaṃ	
Jhāyinosmā jhāyinosmā	315	na jānāti	166
		Tato nidānaṃ	217, 218

Padānukkamo	Piṭṭhaṅko	Padānukkamo	Piṭṭhaṅko
[Ta]		[Ta]	
Tato paṭṇivattitvā	146, 203	Tasmā paññavāti vuccati	239
Tattha me	24	Tassevaṃ hoti	18
Tathāgatanisevitāṃ	121	Tāṇaṃ gavesī	180
Tathāgatapadaṃ	121	Tāni sārato	209
Tathāgatassa	23	Tālāvattukatā	21
Tathāgatārañjitaṃ	121	Tāvadeva jātaḥko	168
Tathāgate saddhaṃ		Tāva mahallikāya	127
paṭilabhati	108	Tāva saḥassadhā loko	305
Tathāgato	23	Tikkhindriyā	84
Tathā naṃ dhāreyyātha	15	Tiṭṭhatesā bho Gotama	182
Tathābhūtassa	133	Tiṭṭhantampi carantampi	224
Tathābhūto	130	Tiṇṇavicikiccho	120
Tathūpame	68	Tiṇṇukkūpamā	10
Tathūpamaṃ	83	Tiṇṇo	183
Tattheva	79	Tiṇṇo loka visattikaṃ	69
Tadanuttaraṃ	102	Tiṇṇaṃ kho pana bhikkhave	209
Tadabhiññāya	309	Tiṇaṃ	132
Tadavasari	227	Tittakālābu	275
Tadavasariṃ	79	Titthakarā	136
Tadārammaṇaṅca	6	Tibbāpekkho	300
Tadāhāranirodhā	207	Tividhaṃ	229
Tadāhārasambhavaṃ nossu	207	Tucchaṃ	23, 144
Tadupādānaṃ	211	Tuccho	180
Tampi etaṃ mama	17	Tuṇhī ahoṣi	178
Tapussabhallikānaṃ	91	Turitaḥarīkā	55
Tamhā ca ṭhānā cavi	318	Tūlinī	8
Tasmā	3, 4, 15, 24, 312	Te upārambhānisamsā	13
Tasmātiha bhikkhave	20, 25	Te kho evaṃ jāneyyumaṃ	304
Tamokhandhena āvuṭṭā	81	Te ghaṭṭitā aññe	67
Tayo nāmadheyā honti	318	Tejogataṃ	131
Taraṇāya	183		

Padānukkamo	Piṭṭhaṅko
[Ta]	
Te na atirekapūjāya	166
Tena kho pana samayena	174
Tena ca vosānaṃ	134
Tena taṃ tvaṃ na jānāsi	305
Tena hi	62, 178, 229
Tenupasaṅkami	141
Te bhindantā maññe	101
Tesaṃ	168
Taṃ kho pana	228
Taṃ cassa atthaṃ nānubhonti	13
Taṃ ca Sattā abbhanumodati	54
Taṃ tāhaṃ	303
Taṃ dāyakānaṃ sukhāya hotu	184
Taṃdivasaṃ katakiriyā pākaṭā	223
Taṃ dhammaṃ	76, 108
Taṃ netāṃ mama	127
Taṃ vata me	188
Taṃ vata me natthi	17
Taṃ vatāhaṃ na labhāmi	18
[Tha]	
Thambaṅca ālumpati	300
Thale nikkhattaṃ	189
Thāmasā	10
Thinamidham	120, 219
Thetato	19
Theto	111
Theno	230
Theyasāṅkhātāṃ	230

Padānukkamo	Piṭṭhaṅko
[Tha]	
Theravādaṃ	77
Therehi sāvakehi saddhim	147
[Da]	
Dakkhā	5
Dakkho	222
Daṇḍavākarāhi	67
Daṇḍena paṭippanāmeyya	303
Dantebhi dantamādhāya	189
Danto	183
Dammagāvo	168
Damathāya	183
Dayāpanno	110
Dassanamūlikā	286
Dassanasāmsaggo	50
Dassānānuttariyaṃ	183
Daso	303
Daharova samāno	76
Dalḥā	286
Dāyapālo	139
Dāyo	138
Dāsabyā	218
Dāsidāsapaṭiggahaṇa	113
Diṭṭhasāmsandanāpucchā	235
Diṭṭhigataṃ	205
Diṭṭhiṭṭhānādhīṭṭhāna	18
Diṭṭhiṭṭhānāni	16
Diṭṭhiyā suppaṭividdhā	154
Diṭṭhisāmaññagato	298
Diṭṭhaṃ	16

Padānukkamo	Piṭṭhaṅko	Padānukkamo	Piṭṭhaṅko
[Da]		[Da]	
Diṭṭhim	207	Devatā	30, 190
Dvidhāpatho	38	Devatāpi me	146
Dinnapāṭikaṅkhī	110	Deve	276
Dinnādāyī	110	Devena vā	286
Dibbā maññe gandhā sompavanti	152	Devo	222
Divā uṭṭhāsi	5	Deseti	299
Divā kammante	36	Dosantarā	6
Divātaraṃ	5	Dosinā	152
Divā divassa	100	Dve agārā	224
Divāvihāraṃ nisīdi	61	[Dha]	
Disvāna āyasmantaṃ Ānandaṃ etadavoca	151	Dhanāyetha	208
Disā bhanti virocana	305	Dhanukaṃ	211
Dīgharattaṃ hitāya sukhāya	8, 14	Dhammaññeva sakkaronto	6
Dīgho	146	Dhammaṭṭhitiññaṇaṃ	21
Dukkarakārikāya	96	Dhammatā esā	299
Dukkhakkhandhassa	209	Dhammatāya	299
Dukkhito	218	Dhammatāsusamanniṭṭho	287
Dukkhaṃ allīno	180	Dhammavādī	112
Dukkhaṃ ceva paññapemi	24	Dhammasamannesanā	287
Dukkhaṃ bhante	19	Dhammasamādānaṃ	274
Duggatā	285	Dhammānusārino	
Duggativedaniyānaṃ	225	saddhānusārino	26
Duddaso	80	Dhammāpi vo pahātabbā	15
Duppañño	234	Dhammikā	293
Duppaññajātiko	167	Dhammiyā kathāya	59, 73, 145
Dummukho	181	Dhammī vā kathā	75
Duranubodho	80	Dhammo	80
Dussutaṃ	173	Dhātā	154
Dūteyyaṃ	114		

Padānukkamo	Piṭṭhaṅko	Padānukkamo	Piṭṭhaṅko
[Dha]		[Na]	
Dhātārammaṇameva	129	Natthi ayaṃ loko	233
Dhāreti	113	Natthi etarahi	181
Dhāraṃ	222	Natthi dāni	80
Dhutaṅga-appiccho	46	Natthi paro loko	233
Dhuvanṃ	302	Natthi mātā natthi pitā	233
Dhūmāyanā	36	Natthi me paṭipuggalo	94
Dheyyaṃ	168	Natthi sattā opapātikā	233
Dhamṣī	183	Na dosantaro	3
[Na]		Nadiṅca sandantiṃ	79
Na atirekapūjāya	163	Nandiṅca na upādiyim	311
Na āsāṭikam hāretā	160, 164	Na dhūmam kattā	161, 164
Na evaṃ hoti	18	Na nijjhānaṃ khamanti	13
Na kiñci loke upādiyati	199	Nanu tvaṃ bhikkhu passasi	303
Na gocarakusalo	162, 165	Na pītaṃ jānāti	161, 165
Naccagītavāditavisūkadassanā	113	Namo karoṃhi nāgassa	34
Na ca chiddavā	215	Na me ācariyo atthi	94
Na ca pagghariṇī	222	Na me so tena sāsana-	
Na ca labbhā imesaṃ		karo	8
dhammānaṃ	240	Na yena kāmaṃ gamo	218
Na cirasseva taṃ dhammaṃ	77	Narakapapāte	303
Na chandaṃ janeti	137	Na rūpaññū hoti	160, 163
Nacchādeyya	218	Na lakkhaṇakusalo	
Nacchādessati	275	hoti	160, 164
Na tāvāhaṃ imaṃ pallaṅkaṃ		Na vaṇaṃ paṭicchādetā	161, 164
bhindissāmi	159	Na vāyamati	137
Na titthaṃ jānāti	161, 165	Na vīthim jānāti	162, 165
Na te Tathāgatassa samvijjanti	279	Navam	180
Na tveva tāva	121	Na sampāyāsi	186
		Nassati vata bho	83

Padānukkamo	Piṭṭhaṅko	Padānukkamo	Piṭṭhaṅko
[Na]		[Na]	
Na hi no etaṃ bhante	25	Nipuṇa	80, 101
Nāgaṃ	34, 39	Nipphoṭeyya	173
Nāgavaniko	101, 103	Nibbānapattiyā	169
Nāgāpalokitaṃ apalokesi	317	Nibbānapariyosānaṃ	269
Nāṭaputto	137	Nibbānāya	18
Nātike	138	Nibbānaṃ	81
Nānā hi kho no bhante		Nibbijja pakkamimsu	192
kāyā	142	Nibbijja	78
Nānupaveccheyya	222	Nibbidā	20
Nāmagottaṃ	175	Nibbindati	20
Nāmena ca āvusovādena ca	96	Nibbuti	299
Nāyamāyasmā taṃ tena		Nibbutiyampi	299
avajānāti	285	Nibbuto	94
Nāsakkhimsu	96	Niyyāti	298
Nhātako	224	Nirayaṃ upapajjanti	315
Nhāyati	71	Niraggaḷo	22
Nhārudaddulena	131	Nirodhadhammaṃ nossu	207
Nikati	115	Nirodhānupassī	199
Nigacchasi	275	Nirodho hoti	209
Nigaṇṭho	137	Nivātā	5
Nijjhatti	291	Nivāpaṃ	65, 68
Nijjhānaṃ khamanti	14	Nivuttaṃ	65
Niṭṭhaṃ gato	121	Nisīdanaṃ	60
Niṭṭharaṇatthāya	15, 208	Nisīdi	181
Niṭṭharaṇapariyatti	14	Nisinnavattikā	160
Nidhānavatī	112	Nihitadaṇḍo nihitasattho	110
Niddhuneyya	173	Nīlaṃ	7
		Neyyo	86
		Nelā	111
		Neva te samasamo	305

Padānukkamo	Piṭṭhaṅko	Padānukkamo	Piṭṭhaṅko
[Na]		[Pa]	
Nevassu me -pa- antara- dhāyitum	311	Paccattavedaniyo	318
Nevāpiko	65	Paccupaṭṭhitā honti	192
No	213	Paccāsāreyya	4
No kāyabhāvanam	186	Pañcavaggiyā	91
No ca saṃsādentī	156	Pañcahi tūriyasatehi	200
No vata re kiñci	5	Pañcābhipuṭṭhena	146
No hidam bho Gotama	180	Pañcāhikam kho pana	144
No hetam bhante	8, 11, 19, 96	Paccupaṭṭhito hoti	210
[Pa]		Pacchā upacinanti	186
Pakāsitum	81	Pacchābhattam	119
Pakkāmi	94	Pajaha avijjam	37
Pakudho	137	Pajaha kodhūpāyāsam	38
Pakuppati	127, 130	Pajaha pañcakāmaguṇe	39
Pakkhandati	129	Pajaha pañcanīvaraṇe	39
Pakkhandanavossaggo	199	Pajaha nandīrāgam	39
Pakkhī sakuṇo	117	Pajaha pañcupādānakkhandhe	39
Pagabbā	183	Pajaha vicikiccham	39
Paccaggaḷe aṭṭhāsi	313	Pajam	105
Paccājāto	108	Paññapeyya	62
Paccattaññeva parinibbāyati	200	Paññatte āsane	74
Paccattam yoniso		Paññā	53
manasākāsi	313	Paññāya cassa disvā	69
Paccabhāsim	86	Paññāya adhivacanam	37
Paccaya-appiccho	46	Paññāya dubbalīkaraṇe	121
Paccayābhihāro	166	Paññāya sudiṭṭham	207
Paccayiko	111	Paññāyissasi kho	11
Paccayūpādānam	62	Pañhābhipuṭṭhena	146
Paccattavedanā	319	Pañham abhisankharonti	102
		Paṭicchannakūṭam	114
		Paṭidhāveyyātha	209

Padānukkamo	Piṭṭhaṅko	Padānukkamo	Piṭṭhaṅko
[Pa]		[Pa]	
Paṭipañāmetvā	201	Paṭiṭṭhitaṃ	173
Paṭipadāñānadassanavisuddhi	21	Pathavābhinandino	303
Paṭinissaggānupassī	199	Pathaviyā pathavattena	309
Paṭipadāya	96	Pathavīgarahakā	303
Paṭipadānuttariyaṃ	183	Pathaviḍhātūrevesā	127
Paṭippassaddhiyā	145	Pathavimajjhossasi	304
Paṭipuggalo	94	Pathaviṃ nāpahosiṃ	309
Paṭibhātu taṃ aggivessana	177	Pathāvino	314
Paṭibhaṃsu	81	Panthantaṃ	131
Paṭivirato	110	Padajātāni	121
Paṭivisaḱānaṃ	5	Padoso	120
Paṭivedayāmi	214	Padaparamo	86
Paṭisotagāmiṃ	81	Padaheyyaṃ	77
Paṭisallānarato	156	Paduṭṭhamanasāṅkappo	232
Paṭisallānārāmo	156	Padhānapahitattaṃ	91
Paṭisallānā vuṭṭhito	71, 150, 234	Padhānavibbhanto	96
Paṭhamā migajātā	66	Padhānābhittunnassa	190
Paṭhamena vayasā	76	Pannaddhajo	22
Paṇḍitavādo	172	Pannabhāro	22
Paṇḍitavedanīyo	80	Pabbajeyyaṃ	109
Paṇḍita	91, 101, 269	Pabbatasāṅkhepe	224
Paṇḍito maññe	100	Pabbataṃ	119
Paṇṭe kāye paṭiṭṭhitā	303	Pabbājetāyaṃ vā pabbājetuṃ	178
Paṇṭena	184	Pabhaṃ	310
Paṇṭo	80	Pamādaṃ	66
Pattaṃ	16	Pamuñcantu saddhaṃ	86
Pattakkhandho	11, 181	Parakaṭukā	231
Pattāḷhakaṃ	211	Parajano	67, 146
Patāresi	167		

Padānukkamo	Piṭṭhaṅko	Padānukkamo	Piṭṭhaṅko
[Pa]		[Pa]	
Paralokavajjabhayadassāvino	84	Pariyantavatiṃ	112
Paravittūpakaraṇaṃ	230	Pariyatti-appiccho	46
Parābhisaḷḷānī	231	Pariyādāya tiṭṭhati	187
Parāmāsā	10	Pariyāpuṇanti	12
Pari	120	Pariyāpuṇiṃ	76
Parikaḍḍheyya	173	Pariyāyamakāsi	201
Parikkhā	21	Pariyāyabhattikassa	226
Parikkhepetvā	180	Pariyesitaṃ	16
Pariggaṇḥeyyātha	18	Pariyodātaṃ	208
Pariggahaṃ	18	Parisandeti	221
Paricārikāyo	203	Parisāgato	230
Pariccāgavossaggo	199	Parisiñcituṃ	71
Parijānāti	199	Parisuddhaṃ	108, 208
Parijāneyya	180	Pariharituṃ	160
Pariḍayhati	131	Pariḷāho	188
Parittacetaso	211	Pare	24
Parittābhānaṃ	233	Paro parañca jānāsi	305
Parinibbānāya	183	Pallaṅkaṃ	119
Parinibbute	183	Palālapuñjaṃ	119
Parippharati	221	Paligho	21
Paripūreti	221	Pavattinī hoti	156
Paripphosakaṃ		Pavivitto	49
paripphosakaṃ	222	Pavivekakathaṃ	49
Paripuṇṇaṃ	108	Pavisitukāmo	185
Paribhāsatha	314	Pavisimsu	203
Paribhāsanti	24, 128	Pavedeti	106
Paribhinnaṃ	133	Pasatthapasattho	100
Parimaṇḍalehi		Passambhati	226
padabyañjanehi	155	Passāso	132
Parimaddanadhammo	35	Pasīdati	129
Parimukhaṃ satim			
upaṭṭhapetvā	120		

Padānukkamo	Piṭṭhaṅko	Padānukkamo	Piṭṭhaṅko
[Pa]		[Pa]	
Pasupālakā	314	Pīṭimanassa kāyo	226
Pahāya	110	Puccha aggivessana	
Pahiṇagamanam	114	yadākaṅkhasi	175
Pariḷāho	188	Pucchā ca nāmesā	235
Pātabyataṃ āpajjanti	270	Puññaṅca	184
Pāturahosi	83	Puññamahī	184
Pāṇānam	121	Puññaṃ vā apuññaṃ vā	
Pāṇisamphassena	130	pasavati	177
Pādaṅguṭṭhena kampayi	319	Puṇṇo	44
Pādāpaccā	315	Puttabhariyaṃ	75
Pāde pakkhālesi	141	Puthujjano hi āvuso	62
Pāde pādam	217	Puthusamaṇabrāhmaṇānaṃ	209
Pāpakam diṭṭhigataṃ	302	Puthusamaṇabrāhmaṇa-	
Pāpicchatā	45	parappavāde	276
Pāpimā	304	Pubbakoṭṭhako	71
Pāmojjaṃ jāyati	226	Pubbantaṃ	209
Pārisuddhipadhāniyaṅgam	21	Pubbavidehānaṃ	320
Pāraṃ agamaṃsu	169	Pubbārāme Migāramātu-	
Pāraṃ gatā	169	pāsāde	196
Pāraṃ gamissanti	169	Pubbe ca	24
Pāsādikaṅca vanasaṇḍam	79	Purakkhatvā	203
Piṅgalakoccho	135	Purimaṃ pahāya	186
Piṭṭhito piṭṭhito	61	Pūgamajjhagato	230
Piṇḍapātapaṭikkanto	119	Pūjāya	77
Piṇḍāya paṭikkamati	143	Pūjento	6
Piturakkhitā	230	Pūtimuttaṃ	275
Pipāsā	188	Pūraṇo	136
Piyacakkhūhi	142	Petaggi dhammakathiko	155
Pilotikā	100	Petaseyyā	216
Pitanisitaṃ	225	Pemaṇiyā	112
		Ponobbhaviko	21
		Porī	112

Padānukkamo	Piṭṭhaṅko	Padānukkamo	Piṭṭhaṅko
[Pha]		[Ba]	
Pharivā	6	Buddho so Bhagavā	183
Pharivā viharimsu	316	Belatṭhaputto	137
Phalaṃ vipāko	233	Bodhāya	183
Phasso anicco	129	Byantī kareyya	217
Phātiṃ kātuṃ	160	Byākaramāno	285
Phāsuvihāraṃ	3	Byādhidhammo	75
Phusanti	5	Byāpajjati	211
Phusanti hi te bho Gotama	185	Byāpannacitto	232
[Ba]		Byāpādo	120, 219
Bandhu	314	Brahmakāyikānaṃ devānaṃ	233
Bandho	115	Brahmacariyapariyosānaṃ	102
Balakaraṇīyā	177	Brahmacariyaṃ	108
Balamattā	218	Brahmacārī	110
Balavagāvo	168	Brahmapārisajjaṃ anvāvisitvā	302
Balavīriyaṃ	66	Brahmaloke pabhassaraṃ	319
Bahiddhā asati	17	Brahmunā vā	287
Bahukataṃ	133	Brahmuno ca	
Bahukārā	91	abhinimantanatāya	312
Bahukiccā	201	Brāhmaṇagāmo	227
Bahujanakantā	112	Brāhmaṇena vā	286
Bahujanamanāpā	112	Brāhmaṇo	36
Bahujanassa	136	Brūhenti	186
Bahussuto hoti	154	[Bha]	
Bāhirā ca dhammā	133	Bhagavati no āvuso	
Bāhirā ca rūpā	132	brahmacariyaṃ vussati	61
Bāhulliko	96, 192	Bhagavā etadvoca	41
Biḷārabhastā	8	Bhagavantaṃ anusamīyāyitvā	145
Biḷagāmaḥātagāma-		Bhagavantaññeva paṭibhātu	273
samārambhā	112	Bhagavaṃnettikā	273
Buddhacakkhunā	84		

Padānukkamo	Piṭṭhaṅko	Padānukkamo	Piṭṭhaṅko
[Bha]		[Bha]	
Bhagavaṁpaṭisaraṇā	273	Bho	228
Bhagavaṁmūlakā	273	Bhoge	13
Bhajitabbe	274	[Ma]	
Bhaṇḍanaajātā	291	Maṅkubhūto	11, 181
Bhaṇḍāgārikapariyatti	14	Makkhali	136, 186
Bhattābhīhāraṁ abhihariṁsu	184	Maṅguracchavi	191
Bhadrena	76	Magho	202
Bhabyā	303	Maccudheyyaṁ	168
Bhayabhogā	66	Macchagumbaṁ	224
Bhavaṅca vibhavesinaṁ	311	Majjhe sarassa	319
Bhavissati	185	Maṇḍeti	113
Bhavissanti	83	Mantāṇiputto	44, 64
Bhavevāhaṁ bhayaṁ disvā	311	Mattaṅṇū	216
Bhavaṁ nābhivadiṁ	311	Mattaṭṭhakassa	128
Bhassappavādako	172	Mattikaṁ	132
Bhikkhūnaṁ sikkhāsājīva-		Matajaṁ nāma	225
samāpanno	109	Mando	299
Bhikkhū āmantesi	167	Madam āpajjissanti	66
Bhinnānaṁ vā sandhātā	111	Madhurakajātā	315
Bhinnānaṁ vā anuppadātā	231	Manasānupekkhitā	154
Bhuṅgiṁsu	67	Manasikatvā	300
Bhujissāni	298	Manasi karitvā	180
Bhujisso	218	Manaṅca paṭicca dhamme ca	207
Bhuttāviṁ	184	Manosamācāre	215
Bhūtapubbāhaṁ pāpima	313	Manam vata bho anassāma	102
Bhūtamidaṁ nossu	207	Mamāyetha	208
Bhūtavādī	112	Maraṇadhammo	75
Bhūtā	303	Mahaggatena	6
Bhūtena	6	Mahatā bhikkhusaṁghena	
Bhūmisayā narā	320	saddhiṁ	227

Padānukkamo	Piṭṭhaṅko	Padānukkamo	Piṭṭhaṅko
[Ma]		[Ma]	
Mahatiyā Licchaviparisāya		Māradheyyaṃ	168
saddhiṃ	174	Mārassa sotam chetvā	169
Mahantaṃ udakaṇṇavaṃ	15	Mārena vā	286
Mahākassapo	148	Māro	304
Mahākoṭṭhiko	234	Māro tvamasi pāpima	304
Mahājāniyo	91	Mālā	113
Mahātaṇhājālatanā		Mā vā ahesuṃ	232
saṅghāṭapaṭimukkaṃ	211	Māsācitaṃ maññe	313
Mahāmoggallāno	148	Mā sāvake upanesi	312
Mahārajakkhā	84	Māheva te rittakameva	309
Mahāvane Kūṭāgāra-		Migajāta	65
sālāyaṃ	169	Migadāyo	93
Mahāsayaṃ	113	Migāramātā	71, 197
Mahicchatā	45	Migāramātupāsādo	71
Mā ahosi	180	Micchādiṭṭhiko	232
Mā kho tvaṃ mārisa	191	Middhaṃ	120
Māgadhako	167	Mukhaṃ	120
Mā Tathāgataṃ vihesesi	313	Mukhasattīhi	291
Mātā ca utunī hoti	210	Mucchā	188
Mātāpettikasambhavassa	35	Mucchitā	65, 98
Mātugoravakena		Muṇḍakā	314
vuyhamāno	168	Muttaḡāhako	52
Māturakkhitā	230	Muttamuttako	52
Mā tesāṃ aphāsukamakāsi	139	Mutaṃ	16
Mā tvaṃ maññittho	304	Mudindriyā	84
Mānakūṭaṃ	114	Musā	23
Mā nāgaṃ ghaṭṭesi	34	Mūlajāta	286
Mānento	6	Mūsikaṃ maggayamāno	315
Mā paraṃ ovadāhi	312	Metamāsado	302

Padānukkamo	Piṭṭhaṅko	Padānukkamo	Piṭṭhaṅko
[Ma]		[Ya]	
Mettacittā	6	Yathā taṁ viddasuno	274
Mettāsahagatena cetasā	226	Yathāpaccayaṁ vā	25
Mettaṁ kāyakammaṁ	142, 292	Yathābalasantoso	47
Mettaṁ manokammaṁ	293	Yathābhirantaṁ	54
Mettaṁ vacīkammaṁ	292	Yathābhūtasmiṁ	130
Methunā	110	Yathābhūtaṁ	121, 127
Medenti	186	Yathālābhasantoso	47
Medhāvī	91	Yathāsāruppasantoso	48
Mokkhacikaṁ	210	Yadicchakaṁ	4
Moḷi	1	Yadidaṁ	182
Moḷiyaphaggunassa avaṇṇaṁ	2	Yadidaṁ idhāgamaṇāya	201
Mam	81	Yadidaṁ mahantattena	121
Mamsapesi	34, 39	Yadidaṁ vādādhippāyo	182
Mamsapesūpamā	10	Yamassa patirūpaṁ	
		maññeyyātha	184
[Ya]		Yampi taṁ diṭṭhiṭṭhānaṁ	17
Yakkho	179	Yasassino	136
Yattha te	67	Yā ca bāhirā	126
Yatthassa te pāpakā	211	Yācitakūpamā	10
Yattha viññū puriso	76	Yā ceva kho pana	126
Yatra hi nāma	83, 302	Yāya vihārasamāpattiyā	157
Yato kho te bhikkhū	10	Yāyaṁ diṭṭhi	298
Yathā	142	Yāvatā candimasūriyā	
Yathākāmakaraṇīyo	66, 304	pariharanti	305
Yathā cāhaṁ	23	Yāvadeva	145, 193
Yathā taṁ	64	Yāva brahmalokā	147
Yathā taṁ aviddasuno	274	Yvāyaṁ bhante vado	
Yathā taṁ Ānando vā	157	vedeyyo	206
Yathā taṁ dūsī māro	314	Yiṭṭhaṁ	232
Yathā taṁ		Ye keci kusalā dhammā	121
pubbekatapuññassa	204		

Padānukkamo	Piṭṭhaṅko	Padānukkamo	Piṭṭhaṅko
[Ya]		[Ra]	
Ye dhammā samaṇakaraṇā ca		Rajojallikassa	226
brāhmaṇakarā ca	212	Ratanagaracetiyam	89
Yena Andhavanam	60	Ratanacaṅkamacetiyam	89
Yena ca jīriyati	131	Rattūparato	113
Yena Bhagavā	59	Rathakam	211
Yena Bhagavā tenupasāṅkami	146	Rathavinīte	21
Yena Sāvatti tena	58	Ramaṇīyam	79, 131
Yena sudam niccakappam	193	Rāgadosaparetehi	81
Yenicchakam	4	Rāgarattā	81
Ye vā panassu viyattā bhikkhū	15	Rājakulamajjhagato	230
Yesam mayi saddhāmatam		Rājagaham	40
pemamattam	26	Rittam	144
Yo etamabhijānāti	319	Ritto	180
Yoggācariyo	4	Rukkhaphalūpamā	10
Yo cīvara -pa- parikkhārahetu	6	Rukkhamūlikassa	226
Yo mano paduseyya	8	Rukkhamūlam	119
Yo Vejayantam pāsadam	319	Rudantānam	76
Yam kiñci vedanam	199	Rūpattāyam	177
Yam kho idam pubbe		Rūpakūṭam	114
pariññātam	24	Rūpe patiṭṭhāya	177
Yam tam parassa	230	Rūpam	133
Yam tam sukham	192	Rūpam attato	259
Yam tumhe nādhivāseyyātha	8	Rūpam netam mama	17
Yam nūna mayam yattha agati	67	Rosanti vihesenti	24
Yam kho khippameva		Rosetha	314
antaradhāyati	202	Rosenti	24, 128
Yam vā panaññampi	126		
[Ra]		[La]	
Rajatam	75, 113	Laṅgim	34
Rajjubhedo	114	Laṅgīti kho bhikkhu	37
Rajopatho	109		

Padānukkamo	Piṭṭhaṅko	Padānukkamo	Piṭṭhaṅko
[La]		[Va]	
Lajjī	110	Vacchakaṅca apacināti	300
Lapitalāpanamattena	76	Vacchake	168
Labhāmi paccattaṃ		Vacchatare	168
samathaṃ	299	Vaccho	186
Labhetha otāraṃ	314	Vajirapāṇi	179
Lahuṭṭhānaṃ	3	Vañcanaṃ	115
Lābhā	293	Vajjhantu	232
Lābhā no āvuso	77	Vatṭaṃ tesāṃ natthi	
Lābhā vata bhante	147	paññāpanāya	25
Luddo	229	Vaṇṇato	160
Leṇaṃ gavesī	180	Vaṇṇasampanno	275
Lokapāladhammā	213	Vaṇṇasaddo	31
Lokasmiṃ	287	Vatakotūhalamaṅgalāni	209
Loko	85, 104	Vattituṅca arahati	178
Lokaṃ	6	Vatthu	114
Lomahaṭṭhajātaṃ	204	Vatthusāyiko	304
Lohitañhetaṃ bhikkhave	210	Vadho	115
Lohitapāṇi	229	Vanapatthaṃ	119
[Va]		Vanaṃ	320
Vaṅkakaṃ	210	Vammiko	34
Vaggakaraṇiṃ vācaṃ	231	Vayadhammatā	128
Vagganandī	231	Valliṃ	132
Vaggarato	231	Vasavatti	303
Vaggārāmo	231	Vassaṃvuṭṭhā	41
Vacanappathehi	194	Vasīpitā bhūtabhabyānaṃ	303
Vacasā paricitā	154	Vahacchinno	315
Vaccaghaṭaṃ	144	Vācābhīhāro	166
Vacīsamācāre	215	Vādena vādaṃ samāraddho	172
		Vādaṃ āropessāma	102
		Vānaṃ	81
		Vāmanikā	103

Padānukkamo	Piṭṭhaṅko
[Va]	
Vāavedhirūpe	101
Vālam kaṇṇe gahetvā	173
Vikālabhojanam	113
Vikireyya	7
Vigatābhijjhena	120
Vicikicchā	220
Vijjāgato	274
Vijitasāṅgāmo	84
Viññāṇam viññāṇam	239
Viññāṇam	310
Viññāṇabhāgassa	133
Viññātam	16
Viññāpako	53
Viññuppasatthāni	298
Vitātam	200
Vitūdanā	291
Viddhe	276
Vidhuro	314
Vidhuraṃ sāvakaṃsajja	319
Vidhūpanena	132
Vinayavādī	112
Vinayo	23
Vinaḷikātam	169
Vinibbhujitvā vinibbhujitvā	240
Vineti	172
Vipaṅcitanāṇū	85
Vippakatā	74
Vipphanditāni	128
Viparāmoso	115
Vipariṇāmadhammatā	128

Padānukkamo	Piṭṭhaṅko
[Va]	
Vipariṇāmadhammam	19
Vipariṇātam	3
Viparītadassano	232
Vipulena	6
Vibhūseti	113
Vimaticchedanā pucchā	235
Vimalenānubuddham	83
Vimuttasmiṃvimuttamiti	21
Vimuttānuttariyam	183
Vimutti	53, 211
Vimuttiñāṇadassanam	53
Vimokkhena aphassayi	320
Viyatto	91
Virāgānupassī	199
Virāgā vimuccati	21
Virāgo	21
Virādheyya	303
Vilāpaṃ vilapitaṃ maññe	182
Vilepanam	113
Vivaṭam	169
Vivarimsu	74
Vivādāpannā	291
Vivittam	118
Vivekaninam	266
Vissaṭṭho	98
Visākhā	197
Visuddhamattānam	
samanupassati	226
Visūkadassanam	113
Visūkāyikāni	182
Visena saṃsaṭṭho	275

Padānukkamo	Piṭṭhaṅko	Padānukkamo	Piṭṭhaṅko
[Va]		[Sa]	
Visevitāni	182	Sa-udrayā	213
Visodheyya	4	Sa-upādānaṁyeva samānaṁ	62
Visaṁyutto	22	Sakasmim vijite	178
Viharatāyasmā	76	Sakyakulā pabbajito	228
Viharati	110	Sakyaputto	228
Viharanti	138	Sakaṁ ācariyakaṁ	76
Vihāraṁ pavisitvā	313	Sakkāro	134
Vihesetha	314	Sakkaṁ so paripucchati	319
Vihesenti	24, 128	Sakkharakathalaṁ	224
Vītimissā	280	Sakkharaṁ gahetvā	317
Vīmaṁsakena	277	Sakkhipuṭṭho	231
Vīriyārambhassa	37	Saggaṁ lokaṁ upapajjanti	316
Vīro	84	Saṅkaṭiraṁ	315
Vuṭṭhānimaṁ	319	Saṅkunā saṅkuhadaye	
Vuṭṭhānaṁ paññāyati	299	samāgaccheyya	318
Vedagū	224	Saṅkusamāhato	318
Vedallaṁ	13	Saṅkhato	260
Vedehikā	5	Saṅkhā	230
Vedo	5	Saṅkhāranirodho	208
Venayiko	23	Saṅgaho	122, 133
Veyyākaraṇaṁ	12	Saṅgahaṁ gacchati	133
Verañjakā	234	Saṅgahaṁ gacchanti	122
Velā	1, 78	Saṅgāhikaṁ	298
Vesārajapatto	182	Saṅghāṭikaṁ kareyyuṁ	226
Vessavaṇo ca mahārājā	203	Saṅghāṭiyā	225
Veḷuvanaṁ	40	Saccako Nigaṇṭhaputto	170
Vo	141, 143	Saccato	19
Vodātā	280	Saccavādī	110
		Saccasandho	110
		Saccānaṁ bodhāya	298

Padānukkamo	Piṭṭhaṅko	Padānukkamo	Piṭṭhaṅko
[Sa]		[Sa]	
Sacchikatvā	106	Santhāgāre	173
Sacchikiriyāya	137	Sandassako	53
Sace kho -pa- sabbattena	309	Sandiṭṭhiko	209
Sace tvaṃ evaṃ anubuddho	312	Sandhātā	111
Sajotibhūtaṃ	179	Sandhisamalasakaṭṭhāre	315
Sañjāyo	137	Sannipāta	133, 210
Sañjānāti	243	Sannisādemi	193
Saññaggam	20	Sanneyya	222
Saṅghapesuṃ	96	Sappaṭibhayaṃ	15
Saṅghena	6	Saparidaṇḍā	230
Satta rathavinītāni	63	Sappasirūpamā	10
Satthavāho	84	Sabbacetasā samannāharitvā	300
Sattānaṃ āgatiṃ gatiṃ	305	Sabbatopabhaṃ	310
Sattisūlūpamā	10	Sabbapāṇabhūtahitānukampī	110
Satthari pasīdati	286	Sabbapāliphullā	152
Satthukappena	64	Sabbavidū	94
Satānusārivinīṇāṇaṃ	192	Sabbasaṅkhārasamathāya	18
Sati	120	Sabbasaṅkhārasamatho	80
Sato sampajāno	120	Sabalaṃ	297
Santarabāhirā	222	Sabbasetena vaḷavābhiraṭṭhena	98
Saddaṃ sutvā	147	Sabrahmaṃ	105
Saddhā	3, 77	Sabbābhibhū	94
Saddhāniviṭṭhā	286	Sabbāvato kāyassa	222
Sadvārā	224	Sabbāvantaṃ	6
Sadevakaṃ	105	Sabbūpadhipaṭṭhānissaggo	80
Sadevamanussaṃ	105	Sabbesu dhammesu anupalitto	94
Santappetvā	184	Sabbesaṃ vo Sāriputta	158
Santuṭṭho	47	Sabbaṃ jaho	94
Santuṭṭhikathaṅca	49	Sabhāgato	230
Santo	80, 183	Samavāyo	133

Padānukkamo	Piṭṭhaṅko	Padānukkamo	Piṭṭhaṅko
[Sa]		[Sa]	
Samaggakaraṇim vācam		Sambādho gharāvāso	109
bhāsītā	111	Sammappaññāya passato	207
Samagganandī	111	Sammā parihareyya	4
Samaggarato	111	Sammāsambuddho	94
Samaggārāmo	111	Samavāyo	133
Samaṅgībhūto	200	Sambhāvito	44
Samaṇakasaṭā	225	Sambhogasaṁsaggo	51
Samaṇadhammā nāma	214	Samanupassati	17
Samaṇamalā samaṇadosā	225	Samalehi cintito	83
Samaṇamalānaṁ	225	Samalo	315
Samaṇasāmīcippaṭipadā	255	Samādapako	53
Samaṇena vā	286	Samādāyeva pakkamati	117
Samaṇo	209, 224, 226	Samādhi	53
Samatikkamāya	145	Samāpanno	110
Samathāya	183	Samādhisamvattanikāni	298
Samatho	299	Samārakaṁ	105
Samantā sappadesaṁ	67	Sammukhā	2
Samantā ca gocaragāmaṁ	79	Samuttejako	54
Samanupassitum	180	Samudācaranti	130
Samanumodimsu	65	Samupabyūḷho	202
Samanuyuñjanti	10	Samullapanasaṁsaggo	51
Samannesanā	277	Samūlaṁ bhavaṁ udabbahi	311
Sampajjalitaṁ	179	Samodhānaṁ	121
Sampajānamusā bhāsītā	231	Sammohavihārasmiṁ	194
Sampaliveṭṭhitaṁ	225	Sayaṁ abhiññāya	94
Sampavāretvā	184	Sayaṁ abhiññā	
Samparikaḍḍheyya	173	sacchikatvā	106, 233
Sampahaṁsako	54	Saraṇaṁ gavesī	180
Sampārutaṁ	225	Sallavatī	104
Samappito	200	Savanasaṁsaggo	50
Sambahulehi	147		

Padānukkamo	Piṭṭhaṅko	Padānukkamo	Piṭṭhaṅko
[Sa]		[Sa]	
Svākkhāto	25	Sāmaññattho	214
Svākārā	84	Sāmaṃ diṭṭhaṃ	209
Svātanāya	183	Sāmaṃ viditaṃ	209
Sassataṃ	302	Sārajjati	211
Sassamaṇabrāhmaṇiṃ	105	Sāraṇīyā	292
Sasnehaṃ	188	Sāriputtoti ca pana maṃ	64
Sassāmikā	230	Sārena sārakaraṇīyaṃ	134
Sahatthā	184	Sāreyya	4
Sahadhammikaṃ	179	Sāvakā sampajjanti	102
Sahampatiṣṣa	82	Sāvattthiyā niyyāti	99
Sahabyataṃ upapajjeyaṃ	233	Sāsaṅkaṃ	15
Sahasākāro	115	Sikkhāsājīvasamāpanno	109
Sahassaṃ nemimaṇḍalānaṃ	156	Sikhābhedo	114
Sahassaṃ lokānaṃ	156	Sippisambukaṃ	224
Sahāpalokanāya	318	Siyā cittassa aññathattaṃ	316
Sahāpi dukkhena	274	Siyā vata me	18
Sahāpi sukhena	274	Siloko	134
Sahāpi somanassena	274	Sītā vāridhārā ubbhijjivā	222
Sākhāpalāsaṃ	134	Sītibhūto	94
Sāciyogo	115	Sīlaṃ	53
Sāṇadhovikaṃ nāma	173	Sīlasāmaññagato viharati	298
Sāttamaṃ sabyañjanaṃ	107	Sīsaveṭṭhaṃ dadeyya	190
Sādhāraṇabhogī	294	Sīsavedanā honti	190
Sādhu mayaṃ āvuso	69	Sīsānulokī	61
Sādhusammata	136	Sīsāṃ vo bhindī	317
Sādhusammato bahujanassa	172	Sīhaseyyā	217
Sādhu sādhu Sāriputta	157	Sīhaseyyaṃ	216
Sāpadesaṃ	112	Sukatadukkaṭānaṃ	233
Sāmaggiyā	292	Sukhantipi vijānāti	239
Sāmaṃ ñātaṃ	209	Sukhasārāgī	187

Padānukkamo	Piṭṭhaṅko	Padānukkamo	Piṭṭhaṅko
[Sa]		[Sa]	
Sukhāya vedanāya nirodhā	187	Setakaṇṇikaṃ	104
Sukhī assa	275	Setakaṃ	79
Sukhaṃ vedeti	226	Snehaparetā	222
Sucibhūtena	110	Snehānugatā	222
Sujātā	4, 87	Sneho	188
Suṇantu dhammaṃ	83	Senāni	79
Suṇāti gahapati vā	108	Senānigamo	79
Sutadharo	154	Senāsanam	118
Suttaṃ	12	Senāsanam saṃsāmetvā	58
Sutasannicayo	154	Seyyathāpi macchassa	319
Sutaṃ	16	Selantaṃ	131
Sudhammāyābhito	319	Sele yathā pabbata-	
Supatitthaṃ	79	muddhaniṭṭhito	83
Suppakāsito	169	Sevitabbe	274
Suppaṇihitaṃ me mānasam	298	So abhikkante	118
Suparimadditā	8	So evaṃ	128
Supinakūpamā	10	Sokadhammo	75
Subhaddo	95	So cakkhunā rūpaṃ	117
Subhūmiyaṃ	4	Soṇḍikā dhutto	173
Sumadditā	8	Soṇḍikā kilaṅjaṃ	173
Sumedho	36	Sotasamphassajā	129
Suladdhalābhā	54	Sotāpattiphalaśacchikiriyāya	301
Suvaṇṇavaṇṇaṃ kāyaṃ vivari	181	Sottiyo	224
Suviññāpayā	84	Sottiyena	88
Susiraṃ	200	So dhammaṃ deseti	106
Susukāḷakeso	76	So niṭṭhaṃ gacchati	103
Susaṃvihitakammantā	5	Sopi nūnassa	100
Sekkhassa	36	So bhikkhu Bhagavantaṃ	
Seṭṭho devamanussānaṃ	198	etadavoca	2
Seṭṭho sajitā	303		

Padānukkamo	Piṭṭhaṅko	Padānukkamo	Piṭṭhaṅko
[Sa]		[Sa]	
So pecca bhavissāmi	17	Sāmsattḥo	2
So mamassa kilamatho	81	Sāmsayena	210
So me tvam bhāgineyyo		[Ha]	
hosi	314	Hatappahate niviṭṭho	229
Soratasorato	5	Hatthavikārena	144
Soratā	5	Hatthipadopamo	103
So loko so attā	17	Hadayaṅgamā	112
So santuṭṭho	115	Hadayabhedo	114
Saṅkicco	186	Haritantam	131
Saṅkiṇṇaparikkho	21	Halam	81
Saṅkiliṭṭha	279	Haliddim	7
Saṅkilesadhammo	75	Hitānukampī	3
Saṅkhittena taṇhāsāṅkhaya-		Himaviparāmoso	115
vimutto	198	Hirī	213
Saṅghino	135	Hirōtappena	213
Saṅghāṇikaṃ	298	Hīne kāye patiṭṭhitā	312
Saṅghe vā viharanto	284	Hutaṃ	232
Saṃvijjanti	280	Hupeyya pāvuso	94
Saṃviggam	204	He je kāḷī	5
Saṃvuto	215		
Sāmsattḥā	240		

Mūlapaṇṇāsaṭṭhakathāya dutiyabhāge

Nānāpāthā

Paṭhamo mūlapāṭho, Sī = Sīhaḷapotthakaṃ, Syā = Syāmapotthakaṃ, Kaṃ = Kambojapotthakaṃ, I = Iṅgalisapotthakaṃ, Ka = kesuci Marammapotthakesu dissamānapāṭho, Ka-Sī = kesuci Sīhaḷapotthakesu dissamānapāṭho.

Mūlapaṇṇāsaṭṭhakathāya

Nānāpāthā	Piṭṭhāṅkā
[A]	
Akāsi = Karoti (Syā, Ka)	123
Aggaphalavimutti = Maggaphalavimutti (Sī, Syā)	183
Aṅgapāda = Aṭṭanipāda (Sī)	116
Aṅgasaṅkanti ārammaṇasaṅkanti = Aṅgasaṅkantam ārammaṇasaṅkantam (Sī, Syā)	158
Aṅgulamattam = Aṅgulimattam (Ka)	7
Ajajjitanti = Ajaddhukanti (Sī)	191
Aññatarabrahmasuttana = Bakabrahmasuttana (Sī, Syā, Ka) Bahubrahmakasuttana (Ṭīkā)	
Sam 1. 146 piṭṭhe passitabbam.	320
Aññāya = Paññāya (Sī)	306
Aññāsikoṇḍaññam = Aññākoṇḍaññam (Sī, Syā) Aññātakoṇḍaññam (Ka)	92
Asaññam = Asaññe (Ka)	233
Aṭṭhisamghātajaṭitā = Aṭṭhisamghātaghaṭitā (Sī)	216
Aḍḍhaṅgulamattam = Aṭṭhaṅgulamattam (Syā), Aḍḍhaṅgulimattam (Ka)	7
Aṇḍakāti = Kaṇḍakāti (Ka), Abhi-Ṭīha 1. 425 piṭṭhe passitabbam.	231
Atappayā”ti = Atappiyā”ti (Sī, Syā)	45
Atthattham = Suttattham (Syā)	13

Nānāpāṭhā

Piṭṭhānkā

[A]

Attadvādasamā = Attadvādasamī (Sī)	296
Atidappito = Atidabbito (Ka)	280
Atthaṃ pavedento = Atthaṃ parivārento (Sī), Atthapadaṃ vedento (Syā)	137
Athassa = Avassaṃ (Sī)	161
Athācariya = Sā ācariya (Syā, Ka)	257
Adissamānena = Dissamānena (Sī, Syā)	146
Addilaraṭṭhaṃ = Adilaraṭṭhaṃ (Syā), Andhilaraṭṭhaṃ (Ka)	288
Adhigatapatiṭṭhā ayan'ti = Āgatapaṭivedhā ayanti (Sī, Syā)	259
Adhimuccatīti = Vimuccatīti (Sī, Syā)	129
Anantajinoti = Anantajinopi (Ka)	94
Ananubhūtaṃ = Anubhūtaṃ (Sī)	309
Anāgate vāsanatthāya = Anāgatatthāya vāsanā (Sī, Syā, Ka), Dī-Ṭṭha 2. 60 piṭṭhe.	86
Anāgāminopi honti = Sakadāgāminopi honti (Sī)	9
Anuppabandhā = Appabaddhā (Sī)	155
Anuppabandhehīti = Appabaddhehīti (Sī)	155
Antarā = Antaraṃ (Ka)	119
Andhībhūto = Andhabhūto (Sī, Syā)	302
Apabbahitvā = Pabyūhetvā (Syā), Pabyūhitvā (Ka)	202
Appabandhā = Pabaddhā (Sī)	155
Aparagoyānakā = Amaragoyānakā (Syā)	320
Aparājitapallānke = Aparājitapallānkena (Sī, Syā)	192
Aparipucchato = Aparipucchitā (Syā, Ka)	165
Apahattāti = Apagattāti (Sī), Āhatattāti (Syā, Ka)	225
Abalabalo = Abala-abalo (Sī)	54
Abyābajjhenāti = Abyāpajjhenāti (Sī, Syā)	6
Abyāvaṭṭā = Avāvaṭṭā (Ka)	67
Abhippakiritvā = Abhikiritvā (Syā)	99
Ambapakkamadhuphāṇitādi = Apakkamadhuphāṇitādi (Sī)	131

Nānāpāṭhā

Piṭṭhaṅkā

[Ā]

Āvikatova = Āgatova (Syā, Ka)	139
Āharitvā = Osāretvā (Sī, Syā)	236
Āharitvā = Ārabhitvā (Syā, Ka)	236
Āḷindakavāsimahāphussadevattherassa = ...mahāphussattherassa (Sī), ...mahāpussattherassa (Syā)	267

[I]

Itarasakaṭāni = Sabbasakaṭāni (Sī)	306
Idha samosaraṇagāmo = Idha samosaraṇagāmoti brāhmaṇānaṃ vasanaṅgāmo (Ka)	227

[U]

Uggahitamattova = Uggahitamattova ṭhapito (Syā, Ka)	78
Ucchinditvā = Upacchinditvā (Ka)	121
Ujjaṅgale = Ujjaṅgalaṃ (Sī, Syā)	152
Uttamasiraṃ = Uttamasiravaraṅca (Ka), Uttaracīvaraṃ (Syā)	181
Upanissaye asati kātum = Asati upanissayo patikātum (Syā, Ka)	206
Upanento = Ghaṭento (Sī, Syā)	9
Upparikkhitabbaṃ = Parikkhitabbaṃ (Sī), Paṭivekkhitabbaṃ (Ka)	111
Upasantūpasanto viya sotāpanno = Upasantūpasanto sotāpanno (Sī)	282
Upādinnakasantatipavattiṭṭhāne = Upādinnakasantāna- nibbattiṭṭhāne (Ka)	222
Uppajjiyeva = Uppajjatiyeva (Syā, Ka)	188
Uppanno aṭṭo = Aṭṭe uppanne (Syā, Ka)	153
Uppilāvitattanti uppilāpanapīti = Ubbilāvitattanti ubbilāpanapīti (Sī, Syā)	24
Ubbāheyya = Ubbāmeyya (Sī), Ubbāteyya (Syā)	180
Umaṅgasadisaraṃ = Ummaggasadisaraṃ (Sī)	119

Nānāpāṭhā

Piṭṭhaṅkā

[E]

Ekadivase = Ekadivasam̄ (Sī)	71
Ekadivasam̄ = Ekadivase (Syā, Ka)	52
Ekā-ācāravatī = Sivāvaticā (Sī), Silāvatakā (Syā)	170
Ekopi goṇo arogo nāma = Ekampi golomam̄ arogam̄ nāma (Sī), Ekampi goṇam̄ ārogyam̄ (Ka)	168
Etadatthamidam̄ = Tasmātiha tvar̄am̄ (Sī, Syā, Ka)	107
Etam̄ = Evanti (Syā), Etanti (Ka)	181
Eva = Evarūpam̄ (Ka)	87
Evamādi-alāṅkāropissa = Evamādisu... (Syā, Ka)	99
Evarūpim̄ = Evarūpam̄ (Syā, Ka)	155
Evam̄ = Evañca evañca (Sī)	13
Evanti = Etanti (Syā, Ka)	129

[O]

Onittapattapāṇin”tipi = Ohitapattapāṇintipi (Sī)	184
Olubbha = Olumbha (Ka)	261
Olokento = Ullokento (Syā, Ka)	201
Ovaṭṭikampi = Ovaṭṭikāyampi (Ka)	222
Osāpento = Osāpetvā (Sī)	155

[Ka]

Kakacokantanam̄ = Kakacokkantanam̄ (Ka)	130
Kaṭṭhakaṭṭhalam̄ = Kaṭṭhakathalam̄ (Syā, Ka)	8
Katipayatṭhāne = Tatiye ṭhāne (Sī)	300
Katipāhaññeva = Katipāhasseva (Sī, Syā)	77
Katvā passeneva pariharanto gacchati = Katvā katipaye passeneva pariharanto katipaye gacchati (Ka)	232
Kathāsamudācāropi = Kathāsamudāhāropi (Ka)	54
Kandalamakulasadisā = Kadalimakulasadisā (Syā, Ka)	179
Karato = Akūṭo (Sī), Pharuso (Syā, Ka), Ṭikā oloketabbā.	244

Nānāpāṭhā

Piṭṭhāṅkā

[Ka]

Kasāvapacana udakānayana-

kucchakaraṇaniyyāsabandhanādi = Kasāvasiñcana-udakadānakoccha-
karaṇanisseṇibandhanādi (Sī) 300

Kapilavatthāhāro, sā = Kapilavatthākāro (Sī) 41

Kabarā ettikā nīlā”ti = Kālā ettikā pāṭaḷāti (Sī) 160

Kammakārānaṃ = Kammakarānaṃ (Sī) 29

Kākakulalādibhattameva = Kākakulalādīnaṃ bhattameva (Sī) 38

Kāmesu micchā = Micchā (Sī, Ka) 214

Kāmo = Gantukāmatā (Dī-Ṭṭha 1. 190 piṭṭhe) 218

“Kāya netthā”tipi = Kāya nvetthātipi (Sī) 74

Kāḷakārāmasuttante = Kālāmasuttante (Syā) 195

Kāḷatimbarurukkhamūle = Kālambarirukkhamūle (Ka),
Kāḷadumbarirukkhamūle (Syā) 195

Kāḷasīho = Kesarasīho (Syā) 138

Kim kusalagavesīti = Kim kusalaṃ gavesīti (Syā, Ka) 76

Kiñcehi = Kiñcāhi (Sī) 253

Kiṇhāti kaṇhā = Kaṇhāti kaṇhā (Ka) 314

Kimilatthero = Kimbilatthero (Sī) 142

Kilesagaṇṭharahitā = Kilesagaṇṭhirahitā (Sī) 137

Kilesalepanena = Kilesakhepanena (Syā) 94

Kisābalaketi = Kisabalaketi (Sī), Kisabaliketi (Syā) 168

Kuṭumbiyadhītā = Kuṭumbassa dhītā (Ka) 87

Kudālaṃ = Kuddālaṃ (Sī, Syā) 37

Koṭṭhacchāyāya = Kuḍḍacchāyāya (Sī) 53

[Kha]

Khipanto = Nikkhipento (Syā, Ka) 155

Khīrapako = Khīrūpago (Ka) 162

Khīradhārāmaṇḍaṃ = Khīradhārāmaṇḍalaṃ (Sī, Syā) 150

Nānāpāṭhā

Piṭṭhaṅkā

[Ga]

Gajaṅgalaṃ = Kajaṅgalaṃ (Sī, Syā)	104
Gacchāmīti = Āgacchāmīti (Sī, Syā)	286
Gaṇato = Bhagavatā (Ka)	12
Gaṇanaṃ = Gahaṇaṃ (Sī), Saṅghaṃ (Syā)	122
Gaṇhātī”ti = Duhīti (Sī), Duhatīti (Syā)	160
Gaṇhissati = Gaṇhissatīti (Ka)	301
Gaṇḍaphālanāṃ = Bhaṇḍapālanāṃ (Sī)	216
Gabbhasaṅghitampi = Gabbhapatitṭhitampi (Ka)	27
Gamanābhīhārato = Gamanābhīhārato (Sī, Syā, Ka)	73
Gamissasi = Nigamissasi (Ka)	275
Garugaro = Garugaru (Sī)	312
Gahaṇaṃ = Adhivacanaṃ (Syā)	126
Gāmake = Gāme (Syā, Ka)	59
Gāmaṃ vā = Nāmaṃ vā (Syā, Ka)	230

[Ca]

Cakkavattī = Cakkavatti (Syā, Ka)	92
Cakkavāḷappamāṇāya = Cakkavāḷaparimāṇāya (Sī)	127
Cattāri ca jhānāni = Catasso ca rūpāvacarasamāpattiyo (Syā, Ka)	135
Catumaggasambodhāya = Catusaccasambodhāya (Ka)	78
Candimasūriyālokappamāṇoti = Candasuriyālokappa māṇoti (Sī)	65
Cātakasakuṇā = Vātakasakuṇā (Sī, Syā)	196
Cāti = Vāti (Syā, Ka)	173
Cātuddisassa = Cātuddisakassa (Ka), Cātuddisikassa (Syā)	119
Cātumasuttaṃ = Vatthupamasuttaṃ (Syā), Tuvaṭṭaṃ (Ka)	148
Cittarucitaṃ = Cittarucikaṃ (Sī)	257
Cīvarakuṭidaṇḍakasajjanakāle = Cīvarakuṭidaṇḍakacchedanakāle (Syā)	116

Nānāpāṭhā

Piṭṭhānkā

[Ca]

Cīvare = Cīvare tāva (Syā, Ka)	47
Cuṇṇavicuṇṇam = Cuṇṇacuṇṇam (Ka)	132
Cetiyaḥabbatavihāram = Vātakasitapaḥabbatavihāram (Sī)	195
Codito = Pesito (Syā)	27
Codanālayatthero = Goṇaraviyatthero (Sī)	187

[Cha]

Chāvā = Chavā (Sī), Cāpā (Khu 2. 412 Therīgāthāyam)	95
Chāvam = Chavam (Sī), Nāvam (Syā)	94
Chijjivā = Chindivā (Sī)	317

[Ja]

Jātakam = Jātakakatham (Syā, Ka)	205
Jātaṭṭhāna sākiyaḥanapado = Jātaṭṭhānam sākiyaḥanapade (Sī)	41
Jātarūpeneva = Naggarūpeneva (Syā)	136
Jātijarābhībhitam = Jātijarābhībhitam ca (Syā, Ka)	83
Jānimṣu = Jānimṣu na jānimṣu (Sī, Syā)	137
Jālentena = Jālāpentena (Sī, Syā)	259
Jiṇṇadhanam = Niddhanam (Sī)	178
Jīratu = Jiyatu (Ka)	313
Jīvikam = Jīvitam (Syā, Ka)	139
Jahitvā = Haritvā (Sī, Syā)	144
Jambudham = Jambusākhām (Sī), Imasmimyeva ṭhāne, na añṇesu.	170

[Ña]

Ñāṇāya dāssāyā = Ñāṇadāssāyā (Ma-Ṭṭha 1. 328 piṭṭhe)	188
Ñāṇāṇatarassāti = Añṇāṇāṇatarassāti (Sī), Añṇatarassāti (I, Ma-Ṭṭha 2. 30 piṭṭhe)	205

Nānāpāṭhā

Piṭṭhaṅkā

[Ṭha]

Ṭhapetvā pakkāmituṃ ārabhi = Ṭhapetvā pakkāmi (Sī, Syā)	187
Ṭhānuppattiyā = Ṭhānuppattikāya (Syā, Ka), Vi-Ṭṭha 3. 245 piṭṭhe.	91
Ṭhāne = Vāde (Syā), Vāre (Ka)	178
Ṭhitā paguṇā = Dhatā paguṇā (Sī), Ṭhitā dhatā paguṇā (Syā)	154
Ṭhitiparittatāya ca sarasaparittatāya ca = Ṭhitiparittatā ca sarasaparittatā ca (Ka)	128

[Ta]

Tadatthāya vivaṭaṃ = Nibbānapatti-atthāya (Sī)	169
Tassa = Tasmāssa (?)	157
Tassa āgamanavipassanāvīññāṇaṃ kammakāracittaṃ = Tadassa āgamanīyavipassanāvīññāṇakamma- kāracittaṃ (Sī), Tadassa āgamanīya- vipassanāvīññāṇaṃ kammakāracittaṃ (Syā)	239
Tantāvutānaṃ vatthānaṃ = Tantāvutāni vatthāni (Syā, Ka)	136
Tasmāssa = Tassa (Sī), Tasmā tassa (Syā), Tasmā sā (Ka)	157
Tāyaṃ = Tyāyaṃ (Sī, Syā, Ka)	309
Tāva = Sāmaññaṃ tāva (Ka)	214
Tammayatāpariyādānanti = Tammayapariyādānanti (Sī), Tammayaṃ pariyādānanti (Syā)	20
Tittakarasa-alābu = Tittako alābu (Sī, Syā)	275
Tittakālābūti = Tittakālāpūti (Sī)	275
Tiyojanasatikāṃ = Yojanasatikāṃ (Sī, Syā, Ka)	196
Tisaṅkhepaṃ = Tisaṅkhepaṃ (Syā, Ka)	211
Tumhesu kāraṃ = Sakkāraṃ (Syā, Ka)	183
Te taṃ = Te maṃ (Ka)	77
Tena paṭivedhadhammena = Tena abhiññātena paṭivedhadhammena (Sī, Syā)	286
Tebhūmikasammasanacāravedanāva = Tebhūmakasammasanavāre vedanāva (Sī)	242
Telapātiyaṃ = Telacāṭiyaṃ (Sī)	167
Taṃ kāraṇaṃ agaru assa = Taṃ kāraṇaṃ (Ka)	179

Nānāpāṭhā

Piṭṭhāṅkā

[Ta]

Taṃdivase jātako = Taṃdivasaṃ jātako (Sī), Taṃdivasajātako (Syā)	168
Taṃ dhammaṃ = Dhammaṃ (Syā, Ka)	78

[Tha]

Thambhetvā = Vikkhambhetvā (Ka)	275
Thirakathoti = Ṭhitakathoti (Sī, Syā, Ka)	111
Thūṇaṃ = Thūnaṃ (Syā)	104
Therassāpi = Mārassāpi (Syā)	318

[Da]

Daṇḍavākarāhīti = Daṇḍavāgurāhīti (Syā, Ka)	67
Dandho mahājaḷo = Andho mahājano (Syā, Ka)	167
Dandhaṃ = Mandhaṃ (Sī)	155
Damiḷakirātasavarādīmīlakkhūnaṃ = ...yavanādīmīlakkhānaṃ (Sī)	107
Dassāmīti = Nessāmīti (Syā)	230
Daḷhaṃ = Gāḷhaṃ (Syā, Ka)	268
Dāpesi = Adāsi (Syā, Ka)	195
Diṭṭhivīsūkāni = Diṭṭhivīsūkāyitāni (Sī)	182
Dinnassa = Dānassa (Ka)	232
Divādivassa = Divādivasaṃ (Syā, Ka)	186
“Dukkaṭaṇ”ti = Kataṃ dukkatanti (Sī, Syā), Sukataṃ dukkaṭanti (Ka)	136
Duppañño = Na duppañño (Sī, Syā)	239
Dubbacā = Dubbatā (Sī)	2
Dubbiniviṭṭhaṃ = Dubbinivijjhaṃ (Syā, Ka)	168
Dūracārī = Dūrācārī (Sī)	110
Deti = Detu (Sī)	294
Devatthero = Revatthero (Ka)	293

[Dha]

Dhammacakkapaṭilābhāya = Dhammacakkhupaṭilābhāya (Syā, Ka)	94
Dhammadinnā = Dhammadinnāpi (Ka)	255

Nānāpāṭhā

Piṭṭhānkā

[Dha]

Dhammavassena = Dhammassavanena (Syā, Ka)	57
Dhātāti = Dhatāti (Sī, Syā)	154
Dhītuṭṭhāne = Dhītiṭṭhāne (Sī)	43
Dhuvasevanam = Dhuvāsevanam (Sī), Dhurasevanam (Syā)	156
Dhūpitavāsitaṃ = Dhūpagandhavāsitaṃ (Syā, Ka)	99
Dhenupake = Dhenupage (Syā, Ka)	168

[Na]

Na aññāsi = Na paccaññāsi (Ka)	46
Nagaraṭṭhānassa = Nagarassa (Syā, Ka)	167
Na itaro pakkāmīti = Tadā itaro pakkāmīti (Sī)	300
Natthayye = Na ayye (Sī)	257
Nātike = Nādike (Sī, Syā), Tīkā pana oloketabbā.	138
Natthīti = Natthi, taṃ (Ka)	302
Nadīkuñjantipi = Nadīkuṭṭantipi (Syā)	119
Nadīsotaṃ = Nadīsoto (Syā, Ka)	155
Nandatthere = Nandakatthere (Sī, Syā)	43
Nānam natthīti = Nānattham ahosi (Ka)	276
Na passanti = Na tulayanti (Sī)	13
Navapabbajite = Vuḍḍhapabbajite (Sī, Syā)	316
Na hi = Nāpi (Syā, Ka)	268
Niccalitaṃ = Niccalikaṃ (Sī)	154
Niddāpañham nāma = Naggipañham nāma (Ka)	185
Nidhātabba = Nidhetabba (Sī, Syā, Ka)	112
Nibbattattā = Nibbatto (Sī, Syā, Ka)	91
Nibbānameva = Nibbānavevacanameva (Syā, Ka)	80
Nirāhārā = Appaccayā (Sī)	131
Nivattitvā = Nivattimsu (Sī)	306
Nisinnamattasseva = Nisinnamattēyeva (Ka)	90

Nānāpāṭhā

Piṭṭhānkā

[Na]

No ca saṃsādentīti na osādentī = No ca saṃsārentīti na osārentī (Ka)	156
Nam tvaṃ māroti = Nanu tvaṃ māroti (Sī)	287

[Pa]

Pakkantesu = Apakkantesu (Sī)	96
Pakkamanto ca = Pakkamantopi (Sī)	58
Pakkhittasīhavasā viya ca ajjhosāya tiṭṭhati = Pakkhittasīhavasā viya ca tiṭṭhati (Sī, Syā)	154
Pakkhepaṃ = Upakkhepaṃ (Ka)	121
Pagabbāti vācāpāgabbhiyena = Pagabbhāti vācāpāgabbhiyena (Sī, Syā)	183
Paccayataṇhaṃ = Sappaccayataṇhaṃ (Syā, Ka)	158
Paccayaparamparaṃ dassetuṃ = Nidānaparamparaṃ dassento (Ka)	208
Paṭijaggamānā = Paṭijaggiyamānaṃ (Ka)	230
Pañcasatā = Paññāsa (Ka)	288
Pañcātapatappanādim = Pañcātapakaraṇādi (Syā, Ka)	186
Paññāya adhivacananti = Paññāyetanti (Sī, Syā, Ka)	37
Paṭṭacīvarādīnaṃ = Paṭṭuṇṇacīvarādīnaṃ (Ka), Pattuṇṇacīvarādīnaṃ (Syā)	47
Paṭicchādetumpi = Paṭicchādanaṃ (Syā, Ka)	136
Paṭivisaṃmattameva = Paṭivimsamattameva (Sī)	143
Paṭṭunnadukūlādīni ca = Paṭṭadukūlādīni ca (Sī, Syā)	290
Paṭappamāṇaṃ = Pariggahaṇaṃ (Sī)	305
Paṭibāhituṃ = Paṭippharituṃ (Sī, Syā), Paṭiharituṃ (Ka)	218
Paṭṭhapanamūlakaṃ = Ṭhapanamūlakaṃ (Sī, Syā, Ka)	267
Paṭṭhapentassa = Ṭhapentassa (Sī, Syā)	267
Pattakārī = Kattabbakārī (Sī)	15
Patijāto = Jāto (Sī)	108
Patiṭṭhā = Paṭiyattā (Ka)	177
Patiṭṭhitavimānaṃ = Patite vimānaṃ (Syā, Ka)	270

Nānāpāṭhā

Piṭṭhānkā

[Pa]

Pattiyāyitabbako = Patthiyāyitabbako (Ka), Paccayāyitabbako (Syā)	111
Pathavattena = Paṭhavittena (Sī), Paṭhavaṭṭhena (Syā), Pathavaṭṭhena (Ka)	309
Pathavītalacārīnaṃ = Pathavītalavāsīnaṃ (Syā)	121
Pathavīdhātuyeva āvusoti = Pathavīdhātupesā (Syā), Pathavīdhātupesā (Ka)	127
Padaracāṭi-ādayo = Dārucāṭi-ādayo (Syā)	15
Pabbajjāsamatthayobbane = Pabbajjāsamatthe vaye (Sī)	194
Pabhinnavaravāraṇassa = Pabhinnacaravāraṇassa (Ka)	73
Payojanavidhi = Payojanāvadhi (Sī)	193
Parampi tehi na ovadati = Na samādapetā na ovadati (Syā), Na samādapeti na ovadati (Ka)	44
Parasuve = Paratare (Sī), Parapare (Ka)	280
Parasuve = Paratare (Syā), Parapare (Ka)	313
Paricokkho = Parimokkho (Sī)	313
Paripākagate ñāṇe = Paripākakatena ñāṇena (Syā, Ka)	159
Pariyosānamhi = Pariyosāne ca (Syā)	107
Parivāretvā = Paricāretvā (Syā, Ka)	200
Pariveṇadvāraṃ = Pariveṇaṭṭhānaṃ (Syā, Ka)	2
Parisati = Parisatiṃ (Sī)	155
Parisāgatoti = Parisāgatoti (Sī, Syā)	230
Parihārasattāhaṃ = Pharitvā āhārasattāhaṃ (Ka)	319
Palagaṇḍo = Phalagaṇḍo (Sī)	96
Palivethente = Palibodhante (Syā), Palivedhente (Ka)	146
Pavaṭṭamānā = Pavattamānā (Syā, Ka)	29
Pasatapāsata = Pasatāmpasatāṃ (Sī), Pasata-addhapasata (Syā)	96
Pasārento = Saṃghāṭento (Sī), Sampādentō (Syā)	77
Pahatokāsaṅca = Gatokāsaṃ (Sī)	219
Pahariyamānopi = Vadhīyamānopi (Dī-Ṭṭha 1. 191 piṭṭhe)	218
Pahūtapāyaso = Bahupāyāso (Sī)	288

Nānāpāṭhā

Piṭṭhānkā

[Pa]

Pahūtapāyasaṃ = Balavapāyāsaṃ (Sī)	288
Paheṇakasakkāro = Pahonakasakkāro (Syā, Ka)	232
Pahoti = Alam hoti (Syā)	125
Pāṭiyekkāni = Paṭipāṭiyā etāni (Ka)	72
Pāṇi = Pāṇi (Ka)	229
Pānavattaṃ = Pādavattaṃ (Sī), Dānavattaṃ (Syā)	55
Pānīyaparissāvanakāle = Pānīyapānakaparissāvanakāle (Sī)	116
Pāpi dāsi = Pāpadāsi (Syā)	5
Pāyasaṃ = Pāyāsaṃ (Sī, Syā, Ka)	87
Pāsāde = Pāsādēna (Syā, Ka)	204
Pāsādaṃ = Vihāraṃ (Sī)	197
Pidahitvā = Saṃvidahitvā (Syā, Ka)	143
Pucchi = Pucchati (Sī)	62
Puttadārajaṭṭhaṃ chaḍḍetvā = Puttadārajaṭṭhaṃ bhinditvā (Sī), Puttadārajanāṃ chinditvā (Syā)	92
Puthukaṃ = Puthukā (Sī), Puthukaggaṃ (Syā)	93
Purāṇo = Porāṇo (Sī)	256
Pupphulaḷake = Bubbulake (Sī), Pubbulake (Syā)	279
Pupphulaḷakehi = Bubbulakehi (Sī)	222
Pupphulā = Bubbulā (Sī, Syā)	87
Petaggidhammakathiko = Petadhammakathiko (Sī)	155
Poṭheti = Heṭheti (Sī)	215

[Ba]

Baddhagatto = Thaddhagatto (Sī)	315
Bandhakahāpaṇo = Andukahāpaṇo (Sī, Syā)	249
Bandho = Gedho (Ka)	220
Bahivātā = Bahinikkhamanavātā (Syā)	131
Bahuraggi = Bāhudatti (Sī, Syā)	96
Bahussutānaṃ = Bahussutānaṃ vā (Sī)	111

Nānāpāṭhā

Piṭṭhaṅkā

[Ba]

Bimbohanampi = Bibbohanampi (Ka)	118
Bodhisattakālepi = Bodhicariyakālepi (Sī), Bodhicaraṇakālepi (Ka)	281
Brahmaparisam = Brahmim parisam (Sī)	304
Brāhmaṇatissabhaye = Caṇḍālatiyabhaye (Sī), Caṇḍālatissabhaye (Syā)	296

[Bha]

Bhagavā ovādam = Satthā ovādam (Sī), Bhagavā etam vādam (Ka)	11
Bhagavā kira = Bhagavā hi (Ka)	74
Bhagavā pana = Bhagavā pana tathārūpaṃ desanam pahāya (Syā, Ka)	107
Bhattapiṇḍamattakena = Bhattapiṇḍamattena (Sī)	256
Bhavamatthake ṭhitā = Bhavaviddhamṣitā (Sī, Syā)	259
Bhājentassa = Kathentassa (Ka)	123
Bhāvānukkamo = Bhāvānukkamo (Sī)	106
Bhikkhubhikkhuniyo = Bhikkhuniyo (Sī, Syā)	215
Bhikkhusaṅghaparivāro = Bhikkhusaṅghaparivuto (Syā)	195
Bhikkhusatasahassam = Bhikkhusahassam (Sī, Syā)	296
Bhikkhū vihesemīti = Bhikkhū rosemi vihesemīti (Sī), Bhikkhum vināseti vihimsemīti (Syā)	320
Bhinnapaṭibhāno = Chinnapaṭibhāno (Sī, Syā)	11
Bhuñjanakāle = Vaḷañjanakāle (Sī, Ka)	116
Bhūte antāni = Abhūte antā na (Sī)	310

[Ma]

Makkhikā = Macchikā (Syā, Ka)	94
Makkhikāvasena vā = Mucchikāvasena vā (Syā), Macchikāvasena vā (Ka)	78
Maggagamanatthikānam = Saggagamanatthikānam (Sī, Syā)	237
Maggaṅgāni = Aṭṭha maggaṅgāni (Sī, Syā, Ka), Ṭīkā oloketabbā.	183
Maggaphalasārassa = Aggaphalasārassa (Ka)	134

Nānāpāṭhā

Piṭṭhānkā

[Ma]

Magho = Māgho (Syā, Ka)	202
Maccharāyanti = Maccharāyantā (Syā)	146
Maṇḍalabhāvameva = Maṇḍalabhedameva (Syā)	244
Matena = Manam (Sī, Syā)	184
Manussakappā = Manussakamyā (Sī, Syā, Ka)	308
Mantāṇiputto = Mantāniputto (Syā, Ka)	44
Mandathāmagatameva = Mandatamagatameva (Sī, Syā)	133
Mayam = Mayham (Syā, Ka)	290
Maricavaṭṭivihāramahe = Maricavaṭṭiya (Syā, Ka)	51
Mahā-usabhā ca -pa- balavagāviyo = Mahā-usabhā ca balavagāviyo (Sī)	162
Mahato = Tato (Ka)	168
Mahantabhāvakathā = Mahantatā (Sī, Syā)	65
Mahantāya = Mahantiyā (Sī)	127
Mahantā = Mahantī (Sī)	269
Mahākoṭṭhitatthero = Mahākoṭṭhikatthero (Syā, Ka)	237
Mahājanakāye sannipatite = Mahājanakāyo sannipati, te (Ka)	227
Mahājanassa = Pakatimahājanassa (Ka)	318
Mahābhārāti = Mahā-ejāti (Sī), Mahārāgāti (Syā)	116
Mahāmoggallānamahākassapādīhi = Sāriputtamahāmoggallāna... (Sī, Syā), Ṭikā oloketabbā.	319
Māpahārahahāpaṇo = Māsakahāpaṇo (Sī, Syā)	249
Mātugāmenapi = Mātugāmena vāpi (Syā), Mātugāmena vā (Ka)	256
Mālāguṇaparikkhittāpīti = Mālāguḷaparikkhittāpīti (Ka)	230
Migasamgham = Migasamghassa (Ka)	283
Mūlamūle khaṇaneni = Mūlapalikhaṇaneni (Sī)	5
Mūluppavāpivihāravāsī = Mūluppavāpivihāravāsī (Syā, Ka)	283
Morapiñchakalāpasadisam = Morakalāpasadisam (Syā, Ka)	79
Moḷim katvā = Moḷī viya katvā (Sī)	270

Nānāpāṭhā

Piṭṭhaṅkā

[Ya]

Yathā cāhaṃ na bhikkhaveti = Yathā vāhaṃ bhikkhavenāti (Sī)	23
Yasorato = Sorato (Sī), Yasodharo (Syā)	28
Yassa pana = Yassa (Sī), Imasmiṃyeva ṭhāne.	272
Yā esā = Yaṃ eso (Syā)	17
Yāva eva = Yāvade eva (Sī)	145
Yuttikahāpaṇo = Yottakahāpaṇo (Sī, Syā)	249
Yena vākārena = Yena kāraṇena (Syā, Ka)	23
Yo = Yo cāyaṃ (Sī, Syā)	285

[Ra]

Rajojalladhāraṇādivatāni = Rajojalladhāraṇādīni ca kānici (Ka)	226
Rajopathoti = Rajāpathoti (Sī, Syā, Ka)	109
Rañjento = Rajjanto (Syā)	193
Rattiyā bhojanaṃ = Rattibhojanaṃ (Sī), Rattim bhojanaṃ (Syā, Ka)	113
“Rājā”ti te maññamānā = Rājā maññe āgatoti (Sī)	307
Rukkhamūle sodhanatthāya = Rukkhamūlasodhanatthāya (Sī), Rukkhamūlaṃ sodhanatthāya (Syā)	88
Rūpajīvitindriyaṃ = Rūpajīvitindriyaṃ kammajatejodhātu cāti (Ka)	250

[La]

Lakkhaṇo jotimanti = Lakkhaṇo cāpi manti (Sī)	92
Lañjaṃ = Lañcaṃ (Syā)	114
Labhati = Labhitvā (Syā, Ka)	153
Labhāpitā vissaṭṭhattāva = Labhāpetvā vissaṭṭhāti vissaṭṭhattā ca (Sī), Labhitvā vissaṭṭhāti vissaṭṭhattā ca (Syā)	243
Laḷitakaṃ = Laddhigataṃ (Syā), Nīlikataṃ (Ka)	310
Lāyane lāyanaggaṃ = Dāyane dāyanaggaṃ (Sī)	93
Licchavino tumhe = Licchavino āhaṃsu tumhe (Syā, Ka)	170
Lippanti = Limpati (Syā, Ka)	229

Nānāpāṭhā

Piṭṭhānkā

[La]

Leṇagirivāsī = Loṇagirivāsī (Sī), Selāgirivāsī (Syā), Senagirivāsī (Dī-Ṭṭha 2. 124)	295
Lokadhammesu = Ṭhānesu (Ka)	283

[Va]

Vatapadāni = Vattapadāni (Syā, Ka)	202
Vanapabbhāraṃ = Navaraṃ pabbhāraṃ (Sī)	117
Vapitaṃ = Nivapitaṃ (Sī)	65
Valipalitādibhāvañca = Valitapalitādibhāvañca (Sī)	131
Vasātelapītapilotikā = Vasātemitapilotikā (Syā)	82
Vasāmīti = Vasissāmīti (Syā, Ka)	136
Vasantavanaṃ = Vasanavanaṃ (Syā, Ka)	40
Vaḍḍhīnīti = Pussanti vaḍḍhantīti (Sī), Phusanti vaḍḍhantīti (Syā)	223
Vattapaṭipattim = Vattapaṭivattaṃ (Sī), Attapaṭipattim (Syā)	185
Vatthādīni vā = Vatthāni vā (Syā, Ka)	166
Vatthaṃ viya = Pārutavatthaṃ viya (Sī, Syā)	223
Vattetvā = Ṭhapetvā (Ka)	158
Vantasinehasambaddhoti = Vantasinehasambandhoti (Syā, Ka)	34
Vanditvā = Vatvā (Ka)	296
Vāde = Pavāde (Ka)	276
Vālaṃ = Thālaṃ (Syā, Ka)	173
Vigatantāni = Vigatantaṃ (Sī)	217
Vicarantaṃ = Carati (Sī, Syā)	160
Vijjamānāsupi = Nipajjamānāsupi (Sī, Syā, Ka)	224
Viññāpeti = Ñāpeti (Sī, Syā), Vi-Ṭṭha 1. 98 piṭṭhe.	106
Viññāṇaṃ paccayasambhavaṃ = Viññāṇasambhavo (Ka)	205
Viṭabhim = Viṭapim (Sī), Viṭapaṃ (Syā)	271
Viddho = Giddho (Ka)	50
Vinivattamānasā = Vivaṭamānaso (Syā), Vivittamānaso (Ka)	285
Vinetvā = Vinto (Sī)	255

Nānāpāṭhā

Piṭṭhaṅkā

[Va]

Vibādhanattham = VicchandaJananattham (Sī, Syā)	287
Vibhijjitan”ti = Visāritam (Sī), Vipharitam (Syā, Ka), Khu 5. 56 piṭṭhe.	181
Viyassa āyu = Viyassa mārasa āyu (Syā)	318
Viraddhattā = Viruddhattā (Ka)	318
Viraddhabhāvam = Viruddhabhāvam (Syā, Ka)	178
Vivaṭacchado = Vivattacchado (Sī)	87
Vivadimsu = Vicarimsu (Sī), Vasimsu (Syā)	215
Vivaritvā = Pavisitvā (Syā)	124
Vivekaṭṭhakāyānam = Vūpakaṭṭhakāyānam (Syā)	49
Viseso = Visesāviseso (Sī, Syā)	243
Vissajjetum niṭṭham gantvā = Vissajjetunti niṭṭham gantvā (Sī)	259
Viharati = Vicarati (Syā, Ka)	139
Vihimsanabhāvato = Vihesanabhāvato (Sī)	110
Vīriye = Vīriyena (Ka)	261
Vīsayojanasatam = Vīsayojanasatāni (Syā, Ka)	55
Vuṭṭhavuṭṭhi = Vaṭṭhavuṭṭhi (Sī)	226
Vuṭṭhānakaphalasamāpattiyā = Vuṭṭhānakaphalasamāpatti (Sī, Syā)	252
Vuttanelam viya = Vuttasīlam viya (Sī)	111
Vuttañhetam = Vuttamidam (Sī, Syā, Ka)	12
Vuttam hetam = Vuttampi hetam (Sī), Vuttampi cetam (Syā)	18
Vesālim samvattitvā = Vesālim samvijjetvā (Sī), Vesāliparisam gahetvā (?)	178
Vodakam = Nirodakam (Syā)	143

[Sa]

Sakalacittena = Sabbacittena (Sī)	300
Sakalattavāsam = Sakalam tam (Syā), Sakalantam vāsam (Ka)	68
Sakāraṇā = Pakāravatī (Ka)	286
Sakkāti = Sakkoti (Ka), Evamuparipi.	236
Sakkhissati = Asakkhī (Sī, Syā, Ka)	74

Nānāpāṭhā

Piṭṭhānkā

[Sa]

Sakkontāpi = Asakkontāpi (Syā)	14
Saṅgaravihāro nāma = Paṅguravihāro nāma (Sī), Maṅkuravihāro nāma (Syā)	276
Sajotibhūtanti = Sañjotibhūtanti (Syā)	179
Sañchādetvā = Sañcaritvā (Ka)	270
Saṭṭhikappa = Saṭṭhikappamatta (Ka)	78
Sattame = Satta (Ka)	269
Sattasattāhaṃ = Sattāhaṃ (Sī)	34
Sattakkhattuṃ = Satakkhattuṃ (Sī), Dasakkhattuṃ (Syā)	3
Satthukiccaṃ = Ekasatthukiccaṃ (Ka)	278
Sadvārāti sammukhadvārā = Sannadvārāti sammukhadvārā pannavārā (Ka)	224
Santhāgāra = Sandhāgāra (Ka)	173
Santhāgāreti = Sandhāgāreti (Ka)	173
Sandacchāyo = Ghanacchāyo (Ka)	191
Sanimittaṃ = Animittaṃ (Sī)	262
Sandacchāyaṃ = Santacchāyaṃ (Syā, Ka)	119
Sandhāretuṃ = Santānetuṃ (Sī, Syā)	50
Sannicitāṃ = Sannicitāṃ viya (Syā, Ka)	154
Sannentassa = Sannantassa (Sī), Maddantassa (Syā), Sandentassa (Ka)	222
Sannetuṃ = Sandetuṃ (Ka)	222
Sabbakālaṃ = Sabbakāle (Syā, Ka)	297
Sabbapāliphullamiva = Sabbāphāliphullamiva (Syā, Ka)	41
Sabbabhāgesu = Sabbabhāge (Sī)	261
Sabbasaññāya = Saññāya (Sī, Syā)	243
Sabhāgatoti = Sabhāgatoti (Sī, Syā)	230
Sabhāvena = Evaṃ sabhāvena (Ka)	299
Samattho = Samatthako (Syā, Ka)	145
Samantā = Sāmantā (?)	79
Sammaṭṭhena = Maṭṭhena (Sī, Syā)	6
Sammasitvā = Sammasanto (Sī, Syā, Ka)	89

Nānāpāṭhā

Piṭṭhānkā

[Sa]

Samāpattiphalaṃ = Samāpattibalaṃ (Sī)	265
Samānavaṇṇā ca = Samānavaṇṇāva (Sī)	203
Samudetīti pavattidukkhapabhāvikā = Samudeti pavattetīti dukkhappabhāvikā (Sī)	238
Sambodhiṃ pattakāle = Sambodhisattakāle (Ka)	192
Sayāno = Seyyānā (Syā), Sayanto (Ka)	216
Saroga-uppalādīni = Saroga-uppalāni (Sī), Saropaga-uppalādīni (Syā, Ka)	85
Sarūpā = Samarūpā (Syā)	114
Sallavatī = Salaḷavatī (Sī)	104
Saha kāyena = Sahokāsenā (Sī, Syā, Ka), Ṭīkā oloketabbā.	302
Sahetunā = Sammāhetunā (Sī, Syā)	94
Sātirekāni = Atirekāni (Sī, Syā, Ka)	227
Sāṭakakaṇṇe = Dasākaṇṇe (Sī)	136
Sāṇadhovikaṃ = Sāṇadhovanam (Syā, Ka)	173
Sādhikamidaṃ = Sādhikaṃ (Sī)	122
Sādhente = Sādhentena (Ka)	261
Sāmaggirasena = Sāmaggivāsenā (Sī), Sāmaggirase (Ka)	145
Sāvitā = Sāvitaṃ (Sī, Syā, Ka)	290
Sikkhāpadabaddheneva = Sikkhāpadakkhandheneva (Sī)	215
Sitaṃ kurumāno = Sitaṃ kurumāno hasamāno (Sī, Syā)	255
Sītāni katvā = Sītikatvā (Sī, Syā), Sītaṃ katvā (Ka)	119
Sītoti maññasi = Sītoti maññati (Sī), Atisītoti maññasi (Syā)	5
Sukatadukkaṭānanti sukatadukkaṭānaṃ = Sukaṭadukkaṭānanti sukatadukkaṭānaṃ (Sī), Sukaṭadukkaṭānanti sukaṭadukkaṭānaṃ (Syā)	233
Sukhasīlako = Sīlako (Sī)	272
Suciratena = Sucirakena (Syā, Ka)	176
Sutvāpi = Katvāpi (Syā, Ka)	3

Nānāpāṭhā

Piṭṭhaṅkā

[Sa]

Supūro hoti = Apūro hoti (Sī, Syā)	294
Subbacā = Subbacāpi (Sī, Syā)	3
Suvaṇṇarasadhārāni siṅcamānakālo = Suvaṇṇarasadhārā- vissajjanakālo (Sī, Syā)	72
Susikkhitāya = Sikkhitāya (Sī)	294
Sussūkāraṃ = Susukāraṃ (Ṭikā)	308
Sūrambaṭṭhassa viya = Sūramuṭṭhassa viya (Ka)	287
Sevitvā = Pesitvā (Ka)	59
So āgantvā = Sova me āgantvā (Sī)	60
Soṇotipi = Senotipi (Sī, Syā)	315
Sottiyena = Sotthikena (Sī), Sotthiyena (Syā, Ka)	88
Sodakena gattena = Sodake gatte (Sī)	73
So mama kilamatho assa = So mamassa kilamatho. Yo mama kilamatho assa (Syā)	81
Saṃyogaṭṭhena = Saṃsaggena (Sī)	240
Saṃsayapakkhando = Saṃsayapakkhanno (Sī, Syā)	235
Saṃvihitakammantā = Suṭṭhapitakammantā (Sī), Suṭṭhu ṭhapitakammantā (Syā)	5
Saṃsādeti = Saṃsāreti (Ka)	156
Saṃsāressantīti = Saṃsādessantīti (Sī), Saṃsādentīti (Syā, Ka)	74

[Ha]

Haṭaṃ = Hataṃ (Syā, Ka)	17
Hetaṃ = Hoti (Ka)	318
Hotīti = Hoti (Sī)	301
Hontīti = Honti (Sī)	265